

國學基
本叢書

顏氏家訓

附傳補遺
補正

舊

國學基本叢書


顏氏家訓

附傳補遺補正

顏之推撰

趙曦明注

盧文弨補注



商務印書館發行

國家圖書館典藏
由國家圖書館數位化

交
換

193
3264
28

新注顏氏家訓目錄

序

宋本序

例言

鑒定參校姓名

第一卷

序致第一

教子第二

兄弟第三

後妻第四

治家第五

第二卷

風操第六

慕賢第七

顏氏家訓 目錄



432640

第三卷

勉學第八

第四卷

文章第九

名實第十

涉務第十一

第五卷

省事第十二

止足第十三

誠兵第十四

養古第十五

歸心第十六

第六卷

書證第十七

第七卷



音辭第十八
新藝第十九
終制第二十

顏氏家訓 目錄



注顏氏家訓序

士少而學問長而議論。老而教訓。斯人也。其不虛生於天地間也乎。余友江陰趙敬夫先生。方嚴有氣骨。與余遊處十餘年。八十外就鍾山講舍。取宋本顏氏家訓而爲之注。余奪於他事。不暇相助也。又甚惜其勞。謂姑置其易明者可乎。先生曰。此將以教後生小子也。人卽甚英敏。不能於就傅成童之年。聖經賢傳。舉能成誦。況於歷代之事蹟乎。吾欲世之教子弟者。既令其通曉大義。又引之使略涉載籍之津涯。明古今之治亂。識流品之邪正。他日依類以求。其於用力也亦差省。書成未幾。而先生捐館矣。余感疇昔周旋之雅。又重先生惓惓啟迪後人之意。至深且摯。烏可以無傳。就其孫同華索是書。一再閱之。翻然變余前日尙簡之見。而更爲之加詳。以從先生之志。則是書也。匪直顏氏之訓。亦卽趙先生之訓也。先生之學問。先生之議論。不卽於是書有可想見者乎。嗚呼。無用之言。不急之辯。君子所弗貴。若夫六經尙矣。而委曲近情。纖悉周備。立身之要。處世之宜。爲學之方。蓋莫善於是書。人有意於訓俗型家者。又何庸舍是而疊牀架屋爲哉。

乾隆五十四年。歲在己酉。重陽前五日。杭東里人盧文弔書於常州龍城書院之取斯堂。

顏氏家訓序

北齊黃門侍郎顏之推。學優才贍。山高海深。常雌黃朝廷。品藻人物。爲書七卷。式範千葉。號曰顏氏家訓。雖非子史同波。抑是王言蓋代。其中破疑遣惑。在廣雅之右。鏡賢燭愚。出世說之左。唯較量佛事一篇。窮理盡性也。余曾於客舍。論公製作宏奧。衆或難余曰。小小者耳。何是爲懷。余輒請主人紙筆。便錄擊鳥機反。搏宜雙蟲約藥。獨鏗。嫗於計反。戾剗。屢移。杯正來反。等九字以示之。方始驚駭。余曰。凡字以詮義。字猶未識。義安能見。旋云小小。頗亦忽忽。衆乃謝余。令爲解識。余遂作音義以曉之。豈慙法言之論。定卽定矣。實愧孫炎之侶。行卽行焉云爾。

此序宋本所有。不著撰人。比擬多失倫。行文亦無法。今依宋本校正。卽不便棄之。有疑王言蓋代。未詳所出者。案家語有王言解。或用此也。杭東里人盧文昭書其後。

例言

一黃門始仕蕭梁。終於隋代。而此書向來唯題北齊。唐人修史。以之推入北齊書文苑傳中。其子思魯既纂父之集。則此書自必亦經整理。所題當本其父之志。可知。今亦仍之。

一黃門九世祖從晉元南度。江寧顏家巷。其舊居也。則當爲江寧人。而此書向題琅邪。唐人修史。例皆不以土斷。而遠取本望。劉知幾爲史官。曾非之。不能革也。故北齊書亦曰琅邪臨沂人。今亦姑仍其舊。

一此書爲江陰趙敬夫注。始余覺其過詳。敬夫以啟迪童子。不得不如是。余甚疑其言。故今又從而補之。凡以成敬夫真切爲人之志。非敢以求勝也。

一黃門篤信說文。後乃從容消息。始不過於駭俗。然字體究屬審正。歷經轉寫。譌謬滋多。今於甚俗且別者正之。其非說文所有。而爲世所常行者。一仍其舊。亦黃門志也。

一此書音辭篇。辯析文字之聲音。致爲精細。今人束髮受書。師授不能皆正。又南北語音各異。童而習之。長大不能變改。故知正音者絕少。近世唯顧寧人江慎修戴東原能通其學。今金壇段若膺。其繼起者也。此篇實賴其訂正云。

一此書段落。舊本分合不清。今於當別爲條者。皆提行。庶幾眉目瞭然。

一宋本經沈氏訂正。誤字甚少。然俗閒通行本。亦頗有是者。今擇其義長者從之。而注其異同於下。後人

或別有所見，不敢卽以余之棄取爲定衡也。

一沈氏有考證一卷，繫此書之後。今散置文句之下，取繙閱較便，勿以缺漏爲疑。

一黃門本傳中，載所作觀我生賦，家國際遇，一生艱危困苦之況，備見於是。此卽其人事蹟，不可略也。句下有自注，盡皆當日情事，其辭所援引，今爲之考其出處，目爲加注，使可識別。但賦中尙有脫文，別無他書補正，意猶缺然。

一涉獵之弊，往往不求甚解，自謂了然。余於此書，向亦猶夫人之見耳。今再三閱之，猶有不能盡知其出處者，自愧竅敗，尙賴博雅之士，有以教我焉。

一敬夫先生以諸生終，隱德不曜。余爲作瞰江山人傳，今并繫於後，使人得因以想見其爲人。

一此書經請正於賢士大夫，始成定本。友朋閒復互相訂證，厥有勞焉。授梓之際，及門諸子，又代任校讎之役，而剞劂之費，深賴衆賢之與人爲善，故能不數月而訖功。今於首簡，各載姓名，以見懿德之有同好云。

抱經氏識時年七十有三

氏家訓注

鑒定

嘉定錢大昕莘楣

仁和孫志祖怡谷

滄州李廷敬寧圃

參訂

金壇段玉裁懋堂

孝感程明懷菽園

新會譚大經敷五

仁和潘本智鏡涵

江陰周宗學象成

鑿校

江陰楊敦厚仲偉

江陰陳宏度師儉



顏氏家訓 鑒定參校姓名

江陰王 璋 秉政

江陰湯 裕 帖瞻

趙門人

江陰沙 照 耀滄

趙門人

武進臧 鏞 堂在東

武進丁 履 恆基士



顏氏家訓壬子年重校記

向刻在己酉年。但就趙氏注本增補。未及取舊刻本。及鮑氏所刻宋本。詳加比對。致有譌脫。今既省覺。不可因循。貽誤觀者。故凡就向刻改正者。與夫爲字數所限不能增益者。以及字畫小異。咸標明之。庶已行之本。尙可據此訂正。注有未備。兼亦補之。七十六叟盧文弼識。

卷一

第一頁第五行。猶屋下架屋。

(補注)(世說文學篇)夷仲初作揚都賦。謝太傅云。此是屋下架屋耳。劉孝標引王隱論揚雄。太字經曰。字經雖妙。非益也。後以古人謂其屋下架屋耳。

第二頁第一行。便蒙誨誘。誤作誘誨。今改正。

第四頁第二行。恣其所欲。各本欲皆作恣。

又注說文獎。獎誤作獎。今改正。

第四頁第五行。孔子云。少成若天性。二句。

(補注)(漢書賈誼傳)引。

第十頁第九行。何爲愛弟不及愛子乎。宋本爲字作怨。若依宋本。則上句似當云人之事兄。不能同於事父。語意方合。各本皆作不可同。理未爲通。

第十三頁第八行。基謹每拜見後母。各本皆無謹字。係誤衍。

第十四頁第十行種植各本皆作種殖。

第十八頁第四行南開貧素起似當分段。

第十九頁第十行濟陽江祿。

(補注)(南史)附其高祖(江夷傳)祿字彥遐幼爲學有文章位太子洗馬湘東王錄事參軍以爲唐侯相卒

第二〇頁第二行風雨蟲鼠之所毀傷注當云蟲本皆作犬宋本注一本作蟲云云。
又第三行其故紙有五經辭義各本辭皆作詞。

卷二

第二二頁第六行威嚴之子也也字誤脫。

又第七行競修牋書宋本牋作箋乃本字。

又第九行竟以不辦而還還誤作退今改正。

第二四頁第二行前漢有尹翁歸起似當分段。

又第四行孟少孤。

(補注)(晉書隱逸傳)孟陋字少孤武昌人

第三三頁第七行哭則重喪則誤作必今改正。

第三七頁第八行及月小晦後忌之日宋本注一本作外字又下文猶應感慕猶誤作尤今改正。

第四〇頁第四行事雖不重各本皆誤衍一事字。

卷三

第四三頁第四行。嚴其精麤。嚴誤作覆。今改正。

第四四頁第三行。一皆使之。宋本作使典之。注云。一本無典字。

第四六頁第八行。張延雋。

(補注)張延雋見(北周書孝義傳)張元之父。元河北芮城人。父延雋仕州郡。累爲功曹主簿。以純至爲鄉里所推。

第四九頁第十行。以此消日。各本消皆作銷。

第五一頁第七行。安可不自勉耶。宋本安作汝。向注誤。今改正。

第五八頁第三行。誦魯靈光殿賦。各本皆無魯字。

第六七頁第六行。時又患疥。時字誤脫。

第六八頁第六行。終於金紫光祿上。誤脫殊蒙禮遇四字。今增補。

第六九頁第四行。氣喘汗流。汗誤作汙。今改正。

第七〇頁第六行。吾自安之。各本皆作我自欲之。今改正。

又第八行。謬誤差失。各本差失俱作羞慙。宋本於羞字下注云。一本有差失字。無羞字。向刻誤。今略

改正。

第七一頁第七行。紕謬。各本皆作紕繆。

又第八行元注一本作遂一一謂言遂字誤脫。

第七二頁第八行談說製文下誤脫援引古昔四字今增補。

又第八行鄙樸各本皆作鄙朴今改正。

第七四頁第三行習賦誦者信褚詮而忽呂忱誦與頌同宋本忽作笑。

又第八行元注猶謂是服虔而輕之謂字誤脫今補。

第七五頁第三行兄弟皆手榜本作邊立字而有名機者手誤作木機誤作機今併注一皆改正。

第七六頁第一行時太原王劭諸本皆從口作卯而史皆從力。

卷四

第八二頁第四行過章儻約各本儻竝作量合古僕豎之義沈氏攷證卽已作儻此姑仍之。

第八三頁第九行杜篤乞假無厭各本厭皆作厭。

第九一頁第八行宜以古之製裁爲本之字誤脫。

第九三頁第五行比世往往見有和人詩者起當分段又九行世人起十行北而起竝同。

又第七行靦靦雲母舟靦誤作飄下亦同今竝改正。

第九七頁第三行注秦字誤作秦今改正。

卷五

第一〇三頁第七行。以孝悌著聲。宋本無悌字。俗本有。乃衍文。
又第八行注。寢苦不作寢苦。本儀禮。

第一〇七頁第八行。益謹其短也。宋本益作蓋。以下文蓋用其長相對。蓋字是。

第一一七頁第二行。大抵諸儒所爭。爭誤作執。今改正。

第一一九頁第五行。夜殞坑谷。宋本殞作填。今改正。

又第五行。慎之哉。各本皆是疊句。刻少三字誤。

第一二一頁第二行。孔子力翹門關起。當分段。

第一二二頁第四行。或難種植。宋本作鍾值。

又第四行。幼小之日。各本小作少。今改正。

又第五行。公私勞役。宋本勞作驅。今改正。

第一二五頁第七行注。深斥此篇。深斥誤作刪去。今改正。

第一三二頁第五行。則亦堯舜之云虛。亦字誤脫。又下又欲安所依信而立身乎。欲字亦誤脫。

第一三三頁第九行。禳佞之國。各本禳竝從禾。案當作饗。

第一三五頁第九行。集賓欲燕。各本燕皆作讌。

卷六

第一三六頁第七行體癢爬搔各本癢竝作痒。

第一四〇頁第八行注韻集誤倒今改正。

第一四一頁第五行諸侯六閑四種誤脫四種二字。

第一四二頁第三行月令云荔挺出云字誤脫。

又第七行講禮者乃以爲馬莧堪食宋本疊馬莧二字是。

第一四三頁第六行五尺犬爲猶五誤作六今改正。

第一四四頁第四行左傳曰齊侯痲遂店左傳曰三字誤脫。

第一四五頁第七行此六書爲假借也此下疑當有於字。

第一四九頁第五行史記又作悉字誤而爲述又字似當在史記上。

第一五〇頁第四行是知慮之與伏知字誤脫。

第一五八頁第五行而二人皆云重邊云誤作日今改正。

第一六三頁第二行宜作隈舊校云隈字似當作著今案非也隈下或本有音字脫去耳以荅其纒

是何音之間也。

第一六四頁第四行又云鼓舊校云句或可省句本讀斷然語不甚明今改作此鼓字衍則易明矣。

第一六五頁第二行猶文康象庾亮耳。

〔補注〕通典樂六禮畢者本自晉太尉庾亮卒其後追思亮因假爲其面執器以舞象其容取證以號之謂文康樂每奏九部樂歌則陳之故以

禮畢
爲名

又第八行今之經典子皆謂非謂誤作爲今改正。

第一六九頁第五行晉書以黃頭小人爲恭人誤作兒今改正。

第一七〇頁第一行如此之例例誤作類今改正。

又第五行不足以形聲論之也宋本無之字。

又第八行此語本出太公六韜。〔補注〕文韜守土篇日中必變操刀必割今本變爲甚

卷七

第一七一頁第五行離騷目楚辭之經各本辭竝作詞。

第一七三頁第六行南人以錢爲涎錢氏馥云錢昨仙切與涎同部而母各別錢從母涎邪母。

第一七五頁第五行入室求曰搜句誤作入室求日句以搜字屬下讀錢云方言撻略求也就室曰

撻通俗文入室尋求謂之撻撻反爲兄侯顏氏蓋謂撻所鳩反兄許榮反通俗文以兄切撻則兄

當音所榮反矣而兄固許榮反也則兄侯之反爲不正矣今北俗通行此兄侯反之音雖是古反

語亦不可用也若顏時北俗兄字所榮反則兄字譌而撻字不譌也顏氏自訂兄字可矣何必引

通俗文乎。段注似不得顏意。

第一七七頁第三行。焉字鳥名。宋本字作者。今據改正。

第一七八頁第一行。下方列德以折之耳。方誤作乃。今改正。

又第八行。以此爲戒。各本戒竝作誠。

第一八〇頁第一行。舉世惟知其書。惟誤作但。今改正。

第一八一頁第一行。蕭祭酒下。誤脫諸書二字。

又第九行。工於草隸。舊本草作楷。案此言繕寫墳籍。方以楷正爲善。斷無兼取於草。草固有逐便轉

移者。已見排斥於上矣。今改從楷字。

第一八二頁第四行。吾家嘗有梁元帝手畫。家字誤脫。

第一八三頁第五行。揖讓升降。升各本竝作昇。

又第八行。今人疑生於卜。疑生誤倒作生疑。今改正。

第一八五頁第一行。至如反支不行。至字誤脫。

第一八八頁第九行。燒磚磚字。各本竝從土。下同。

傳

第六頁第二行。自注。太子上脫昭明二字。今補正。

第七頁第一行，僅書記於階闕，階誤作陞，今改正。
第八頁第五行，自注據巴陵城，據誤作救，今改正。

第十六頁第七行，自注時以通直散騎常侍，時誤作將，今改正。
宋本爾耳字多作尔尔，赧作皦，鼓作鼓，析作枳，標作標，此例俱不從。



顏氏家訓卷第一

北齊黃門侍郎顏之推撰

序致 教子 兄弟 後娶 治家

序致第一

夫聖賢之書教人誠孝慎言檢迹

〔補〕檢居奄切檢迹猶言行檢謂有持檢不放縱也

立身揚名

〔補〕見孝經

亦已備矣魏晉已來所著諸子

理重事複

〔補〕重直龍切複方六切亦作復音同

遞相模倣

〔補〕與效同

猶屋下架屋牀上施牀耳

〔隋書經籍志〕儒家有徐氏中論六卷魏太子文學徐幹撰王氏正論十卷王

應撰杜氏體論四卷魏幽州刺史杜恕撰顧子新語十二卷吳太常顧譚撰顧子注訓八卷魏周撰袁子正論十九卷袁準撰新論十卷晉散騎常侍夏侯湛撰

吾今所以復爲此者

〔元注〕一本無今字〔補〕復扶富切又也

非敢

軌物範世也

〔補〕車有軌轍器有模範喻可爲世人儀型也

業以整齊門內提撕子孫

〔補〕〔詩〕大雅理〔匪〕匪面命之言提其耳〔箋〕我非但對面語之親提撕其耳

夫同言而信

其所親同命而行行其所服禁童子之暴謔則師友之誠不如傅婢之指揮

〔補〕傅婢見漢書王吉傳〔師古注〕傅婢者傅相其衣服莊席之事

指揮與指麾義同〔漢書韓信傳〕雖有舜禹之智嚙而不言不知瘡鑿之指麾也

止凡人之闕閱

〔補〕闕許歷切〔詩〕小雅常棣傳〔很〕也

則堯舜之道不如寡妻之誨諭

〔補〕〔詩〕

大雅思齊〔利〕于寡妻〔傳〕適妻也〔箋〕寡有之妻〔案〕寡者少也故云適妻朱子則謂寡德之妻謙辭也

吾望此書爲汝曹之所信猶賢於傅婢寡妻耳

吾家風教素爲整密昔在齠齔

〔補〕(玉篇)對徒切。小兒髮。〔廣韻〕或作鬠。〔說文〕鬠。髮齒也。男八月生齒。八歲而鬠。女七月生齒。七歲而鬠。音初董切。

便蒙誘誨每從兩兄

〔案〕(南史顏協傳)子之儀之推。此云兩兄。或兼有羣從也。〔補〕(顏氏家廟碑)有名之善者云之推弟。隋葉令據此則之善亦是之推兄。

曉夕溫清

〔補〕(禮記曲禮上)凡爲人子之禮冬溫而夏清。〔注〕溫以禦其寒。清以致其涼。〔釋文〕清七性反。

字從父。水或水旁作非也。

規行矩步安辭定色

〔補〕(禮記曲禮上)安定辭。又(冠義)凡人之所以爲人者禮義也。禮義之始在於正容體。齊顏色。順辭令。

鏘鏘翼翼若朝嚴君焉

〔易〕家人有嚴

君焉父母之謂也。〔補〕(廣雅釋詁)鏘鏘走也。翼翼敬也。又和也。〔案〕鏘鏘猶踴躍。〔禮記曲禮下〕士踴躍言不得如大夫。已上容儀之盛也。

賜以優言問所好尚

〔補〕好呼到切。

勵短引長莫不懇篤

年始九歲便丁荼蓼

〔補〕言失所生也。荼蓼喻苦辛。上音徒下音了。

家塗離散

塗俗開本作徒。今從宋本。

百口索然慈兄鞠養苦辛備至有仁無威導

示不切雖讀禮傳微愛屬文

〔補〕傳直懸切。屬之欲切。

頗爲凡人之所陶染

〔補〕言爲凡庸人之所薰陶漸染也。

肆欲輕言不脩邊幅

〔補〕脩奮本皆作備。

〔案〕(北齊書之推傳)云好飲酒多任誕不脩邊幅。正本此。後漢書馬援傳)公孫述欲授授以封侯大將軍位賓客皆樂留。援曉之曰公孫不吐哺走迎國士反脩飾邊幅如備人形此子何足久稽天下士乎。

年十八九少知砥礪

習若自然

〔補〕少與稍同。〔大戴禮〕保傅篇)少成若天性。習貫如自然。

卒難洗滌

〔補〕卒倉沒切。滌滌也。亦作蕩。

三十已後

〔舊〕作二十。注一本作三十。

大過稀焉每常心共口敵

性與情競

〔補〕心共口敵。謂口易放言而心制之使不出也。〔禮記樂記〕人生而靜天之性也。又(禮運)何謂人情喜惡哀懼愛惡欲七者弗學而能此言性善而情之所發有未善者故必以性制情如與之競者然。〔王弼注〕易乾文言)云不性其情何能久。

行其正與孟子性善情亦善之旨不同。

夜覺曉非今悔昨失自憐無教以至於斯追思平昔之指銘肌鑠骨(補)鑠虛候切猶言刺骨非徒古書

之誠經目過耳也。

各本無也字宋本注一本有也字案當有

故留此二十篇以爲汝曹後車

(元注)一耳(漢書賈誼傳)本作龜前車覆後車成

教子第二

上智不教而成下愚雖教無益中庸之人不教不知也古者聖王有胎教之法懷子三月出居別宮目不

邪視耳不妄

(元注)一本作傾

聽音聲滋味以禮節之書之玉版藏之金匱

(大戴禮保傅篇)青史氏之記曰古者胎教王后腹之七月而就寢室太史持銅而御戶左太宰持

斗而御戶右比及三月者王后所求聲音非禮樂則太師攝瑟而務不習所求滋味者非正味則太宰倚斗而言曰不敢以待王太子(盧辯注)王后以七月就寢室大人婦嬪即以三月就其側室又云)周后紀任成王於身立而不跛坐而不差獨處而不傲雖怒而不詈胎教之謂也(又云)素成胎教之道書之玉版藏之金匱置之宗廟以爲後世戒(補)列女傳)太任有娠目不視惡色耳不聽淫聲口不出傲言

生子咳唼

(元注)說文咳小兒笑也唼也一本作孩提(案)說文)本作嘔(集韻)唼田黎切與

同。師保固明孝仁禮義導習之矣。

(漢書賈誼傳)昔者成王幼在襁褓之中召公爲太保周公爲太傅太公爲太師此三公之職也於是爲置三少皆上大夫也曰少保少傅少師故邇孩提有識三公三少固明孝仁禮

誼以導習之矣(案)俗岡本正文作仁智禮義宋本作仁孝禮義(注云)一本作孝禮仁義今從漢書改

凡廣縱不能爾當及嬰稚識人顏色知人喜怒便加教誨使爲

則爲使止則止比及數歲可省答罰。〔補〕比必利切書所景切答丑之也。捶擊也輕者曰答答所以明恥也。父母威嚴而有慈則子女畏慎而生孝

矣吾見世間無教而有愛每不能然飲食運爲。〔補〕運爲卽云爲。〔嘗子戒篇注〕云運也。恣其所欲宜誠。〔元注〕一本作訓。翻獎。〔補〕說文獎載犬厲之

也從犬將省聲〔玉篇〕不省云助也成也欲也響也今作聲。應訶。〔補〕說文大言而怒也從言可聲戊何切。反笑。〔元注〕一本作噉。〔補〕說文本訓笑字徐鉉等案孫愰唐韻引說文云喜也从竹从夭李陽冰謂竹得風其體天風如人之笑

今案玉篇作笑亦作噉漢書有笑字李說近鑿今不從又〔玉篇〕噉尺之切笑兒。至有識知謂法當爾驕。〔元注〕一本作備。慢已習方復。〔元注〕一本作乃。〔補〕復扶富切。制之捶撻

至死而無威。〔元注〕一本云而無改悔。忿怒日隆而增怨。〔元注〕一本云增怨懷。逮于成長終爲敗德。〔補〕長知丈切。孔子云少成若天性

習慣如自然是也。〔補〕少詩照切。俗諺曰教婦初來教兒嬰孩誠哉斯語。

凡人不能教子女者亦非欲陷其罪惡但重於訶怒傷其顏色不忍楚撻慘其肌膚耳。〔補〕楚撻痛撻也。當以疾病

爲諭安得不用湯藥鍼艾救之哉。〔補〕鍼所以刺亦作。〔補〕鍼俗作針艾所以灸。又宜思勸督訓者可願苛虐於骨肉乎誠不得已也。

王大司馬母魏夫人性甚嚴正王在湓城時爲三千人將。〔補〕子亮切。年踰四十少不如意猶捶撻之故能成

其勳業。

〔梁書王僧辯傳〕僧辯字君才，右衛將軍神念之子也。世祖以僧辯爲征東將軍，開府儀同三司，江州刺史，封長寧縣公。承聖三年，加大尉車騎大將軍，頃之丁母太夫人憂，策謚曰貞敬太夫人。夫人姓魏氏，性甚安和，善于綏接，家門內外莫不懷之。及

僧辯薨，復舊京，功益天下。夫人恆自謙損，不以富貴驕物，朝野咸共稱之，謂爲明哲婦人也。〔尋陽記〕晉武太康十年，因江水之名而置江州，成帝咸和元年，移理潁城，卽今郡是。

梁元帝時。

〔梁書元帝紀〕世祖孝元皇帝諱譯，字世誠，小字七符，高祖第七子。

也。承聖元年冬十一月，丙子，卽皇帝位於江陵。

有一學士，聰敏有才，爲父所寵，失於教義，一言之是，徧於行路，終年譽之，一行之非，拚

藏文飾，冀其自改。

〔補〕文亦飾也。〔集韻〕文運切。

年登婚宦，暴慢日滋，竟以言語不擇，爲周逖抽腸斃鼓云。

〔補〕周逖無攷，唯〔陳書〕有周迪傳。

梁元帝授迪持節通直散騎常侍，壯武將軍，高州刺史，封臨汝縣侯，始與周數相結，後給數害之，其人強暴無信義，宜有新事，但未知此學士何人耳。

父子之嚴，不可以狎，骨肉之愛，不可以簡，簡則慈孝不接，狎則怠慢生焉。由命士以上，父子異宮，此不狎

之道也。

〔禮記內則〕由命士以上，父子異宮，昧爽而朝，慈以旨甘，日出而退，各從其事，日入而夕，慈以旨甘。

抑搔癢痛，懸衾篋枕，此不簡之教也。

〔同上〕子事父母，婦事舅姑，及所下氣怡聲，問

衣襖寒，夾痛苛癢而敬抑搔之，出入則或先或後而敬扶持之。〔又曰〕父母舅姑將坐，奉席請何鄉，將起，長者奉席請何趾，少者執牀與坐，御者舉几，斂席與坐，懸衾篋枕，斂簞而覆之。

或問曰：陳亢喜聞君子之遠其子，

何謂也？

〔補〕亢音剛，遠于萬切。對曰：有是也。蓋君子之不親教其子也。詩有諷刺之辭，禮有嫌疑之誠，書有悖亂之事。

春秋有褒辭之譏，易有備物之象，皆非父子之可通言，故不親授耳。

〔元注〕其意見白虎通。〔案〕白虎通詳雍篇。父所以不自教子，何爲其深遠也。又授受之道。

當極說陰陽夫婦變化之事，不可以父子相教也。

齊武成帝子琅邪王太子母弟也。

〔北齊書武成紀〕世祖武成皇帝諱滿，神武第九子也。〔武成十二王傳〕明皇后生後主及琅邪王儼。

生而聰慧，帝及后竝篤愛之。

衣服飲食與東宮相準，帝每面稱之曰：「此點兒也。」當有所成。

〔同上琅邪王儼傳〕儼字仁威，武成第三子也。初封東平王。武成崩，改封琅邪。〔補〕〔方言〕自關而東，趙魏之間。

謂慧

及太子卽位。

〔同上後主紀〕後主諱字仁綱，大寧二年立爲皇太子。河清四年，武成薨，位於帝夏四月，景子皇帝卽位於晉陽宮，大赦，改元天統。

王居別宮。

〔儼傳〕儼恆在宮中，坐含光殿，以視事，和士開驕提婆忌之。

平二年出

禮數優僭。

〔補〕僭疑當是僭字，言優假之也。下文始言其僭。

不與諸王等，太后猶謂不足，常以爲言。年十許歲，驕恣無節，器服

玩好，必擬乘輿。

〔補〕乘食證切。〔蜀語〕天子至尊，不敢深瀆言之，故託之于乘。乘猶載也。輿猶車也。天子以天下爲家，不以京師宮室爲常處，則當乘車輿以行天下，故羣臣託乘輿以言之。

嘗朝南殿，見典御進

新冰，鈎盾獻早李。

〔隋書百官志〕中尚食局典御二人，總知御膳事。司農寺掌倉市薪菜園池菓實。統平準大倉鈎盾等署令丞，而鈎盾又別領大園上林遊獵菓草池藏百署等六部丞。

還索不得。

〔補〕乘山戟切。

遂

大怒，詢曰：

〔補〕詢呼寇切。〔段文〕同。詢，左氏襄十七年傳杜注。詢，屬也。

至尊已有，我何意無，不知分齊，率皆如此。

〔補〕分扶同切。齊在讀切。

識者多有叔段

州吁之讖。

見左氏隱元三兩年傳。

後嫌宰相，遂矯詔斬之。

（備傳）備以和士開暴提婆等者，悉廢修第宅，意甚不平，謂侍中馮子琰曰：士開罪重，兒欲殺之。子琰贊成其事，備乃令子宜表彈士開，請付禁推。子琰雖以

他文書奏之，後主不審，而可之。備誣領軍暉秋伏連曰：奉勅令領軍收士開，伏連信之，伏五十人於神獸門外。詰旦，執士開送御史，備使馮永就臺斬之。（後主紀）武平二年七月，大尉瑛邪王繼慈詔殺錄尚書事和士開於南臺。

又懼有救，乃勒

麾下軍士防守殿門。

（備傳）備率京畿軍士三千餘人屯千秋門。

既無反心，受勞而罷，後竟坐此幽薨。

（同上）帝率宿衛者授甲將出戰，射律光曰：至尊宜自至千秋門，瑛邪必

不敢動。從之光強引以前，請帝曰：瑛邪王年少，長大自不復然，願寬其罪，良久乃釋之。何洪珍與士開素善，陸令萱阻礙，並請殺之。九月下旬，帝啓太后，欲與出獵，是夜四更，帝召備至永巷，劉桃枝反，接其手，出至大明宮，拉殺之。時年十四。

人之愛子，罕亦能均，自古及今，此弊多矣。賢俊者自可賞愛，頑魯者亦當矜憐，有偏寵者，雖欲以厚之，更

所以禍之，其叔之死，母實爲之。

（見左氏隱元年傳）共春恭。

趙王之戮，父實使之。

（史記呂后紀）高祖得戚姬，生趙隱王如意，戚姬日夜啼泣，欲其子代太子，賴大臣及留侯計，得毋廢高

祖崩，呂后乃令永巷囚戚夫人，而召趙王鳩之。趙王死，斷戚夫人手足，去眼，蝕耳，飲瘖藥，使居廁中，曰：人說

劉表之傾宗覆族。

（後漢書劉表傳）表字景升，山陽高平人，爲鎮南將軍，荊州牧。二子琦、琮，表初以琦貌類己，甚愛之，後爲琮娶

後妻蔡氏之姪，蔡氏遂愛琮而惡琦。毀譽日聞，表每信受，妻弟蔡瑁及外甥張允，竝得幸於表。又睡於琮，琦不自察，求出爲江夏太守。表病，琦歸省疾，允等過於戶外，不使得見。琦流涕而去，遂以琮爲嗣。琮以侯印授琦，琦怒，投之地，將因喪作難。會曹操軍至新野，琦走江南。

琮後舉州降操。

袁紹之地裂兵亡。

（後漢書袁紹傳）紹字本初，汝南汝陽人，領冀州牧，有三子，諱字顯思，熙字顯雍，尚字顯甫，諱長而惠，尚少而美，紹後妻劉氏有寵，而偏愛尚，紹乃以諱繼兄，後出爲青州刺史，中子熙爲幽

州刺史官度之敗，紹發病死，未及定嗣。逢紀審配，夙以驍修爲譚所病，辛評郭圖皆比於譚，而與配紀有隙。衆以譚長欲立之，配等爲譚立而評等爲害。逢廷紹遠命奉命爲嗣，譚自稱車騎將軍，擊陽曹操，渡河攻譚。會救譚，敗退還鄆。操遣軍，會逆擊破操，譚欲及其未濟，出兵掩之，會疑而不許。譚怒，引兵攻會，敗還南皮。會復攻譚，譚大敗。會圍之急，譚遣辛毗詣操求救。操渡河，會乃釋平原還鄆。操進攻鄆，會軍中山，操之圍鄆也，譚背之，略取甘陵安平等處，攻會於中山。會走，故安從。顯明年，操討譚，隨馬見殺。熙爲其將張綱所攻，奔遼。西烏桓操擊烏桓，熙尙敗，乃奔公孫康於遼東，康斬送之。

可爲靈龜明鑒也。(補)龜可以占事，鑒可以照形，故以此爲比。

齊朝有一士大夫嘗謂吾曰：我有一兒，年已十七，頗曉書疏。

(補)所助切記也。(晉書)陶侃傳：遠近書疏莫不手答。

教其鮮卑語。

(隋書)經籍志：鮮

卑語五卷，又十卷。

及彈琵琶。

(風俗通)聲音篇：琵琶長三尺五寸，象三才五行，四絃象四時。(釋名)作批把，推手前曰批，引手却曰把，取其鼓時，因以爲名也。

稍欲通解，以此伏事公卿。

(補)伏與服同。

無不寵愛，亦要事也。吾時俛而不答。

(補)俛與俯同。

異哉！此人之教子也。若由

(元注)一本作用。

此業，自致卿相，亦不願汝

曹爲之。

兄弟第三

夫有人民而後有夫婦，有夫婦而後有父子，有父子而後有兄弟，一家之親，此三而已矣。

句首宋本有妻字，小學所引無。(補)

〔王弼注老子道經〕六親父子兄弟夫婦也。

自茲以往。至於九族。皆本於三親焉。

〔詩王風葛藟序〕周室道衰。弃其九族焉。〔箋〕九族者。據己上至高祖下及元孫之親。〔正義〕此古尚書說鄭取用之。〔異義〕

今禮記尚書歐陽說云。九族。父族四。母族三。妻族二。鄭有駁文繁不錄。

故於人倫爲重者也。不可不篤。兄弟者。分形連氣之人也。方其幼也。父母左

提右挈。前襟後裾。

〔補〕襟亦作衿。〔釋名〕衿。禁也。禁使不得解散也。裙。借也。借。借然直亦言在後常見踞也。

食則同案。

〔補〕〔說文〕案。几屬。

衣則傳服。學則連業。遊則共方。

雖有悖亂之人。

宋本作行。

不能不相愛也。及其壯也。各妻其妻。各子其子。雖有篤厚之人。

宋本作行。

不能不少衰也。

娣姒之比兄弟。

〔爾雅〕長婦謂稚婦爲娣。娣。稚婦謂長婦爲姒。

則疏薄矣。今使疏薄之人。而節量親厚之恩。猶方底而圓蓋。必不合

矣。惟友悌深至。不爲旁人之所移者。免夫。

二親既歿。兄弟相顧。當如形之與影。聲之與響。愛先人之遺體。惜己身之分氣。非兄弟何念哉。兄弟之際。

異。

〔元注〕一本作易字。

於他人。望深則易怨。地親則易弭。

〔補〕望。責望也。弟望兄愛我之不至。兄望弟敬我之不至。責望太深。故易生怨。地親。俗謂本作他親。誤。今從宋本地。近則情親。怨雖易起。亦易消弭。孟子所謂

不讓怒。不著怨。是也。〔詩小雅河水傳〕弭止也。

譬猶居室。一穴則塞之。一隙則塗之。則無頽毀之慮。如雀鼠之不卹。風雨之不防。壁

陷禮淪無可救矣。

雀鼠本行露風
爾木鷓鴣二詩

僕妾之爲雀鼠，妻子之爲風雨，甚哉。

兄弟不睦，則子姪不愛。

(補)子姪，謂兄弟之子也。其緣起，顏氏於風操篇詳之。見卷二。謂晉世已來，始呼叔姪。(晉書王湛傳)濟才氣抗邁，於滿略無子姪之敬是也。(史記魏其武安侯傳)田舍未貴，往來侍酒，魏其跪起如子姪。又呂

氏春秋亦已有子姪語。是則秦漢已來，卽有此稱。互見後注。

子姪不愛，則羣從疏薄。

(補)從子用切。

羣從疏薄，則僮僕爲讎敵矣。如此則行路皆踏

其面而蹈其心。

(補)蓋言人皆踐之也。踏在亦切。踐也。

誰救之哉。人或交天下之士，皆有歡愛。

宋本作笑談。

而失敬於兄者，何其能

多而不能少也。人或將數萬之師。

(補)將子匠切。

得其死力，而失恩於弟者，何其能疏而不能親也。

娣姒者，多爭之地也。使骨肉居之，亦不若各歸四海，感霜露而相思，佇日月之相望也。況以行路之人，處

多爭之地，能無閒者鮮矣。

(補)聞古見切。鮮息淺切。

所以然者，以其當公務而執私情，處重責而懷薄義也。若能恕己而

行，換子而撫，則此患不生矣。

人之事兄，不可同於事父。

(補)不字蓋衍文。或不可下脫去一不字。

何爲愛弟不及愛子乎。是反照而不明也。沛國劉瓛嘗與兄

獄連棟隔壁。獄呼之數聲不應。良久方答。宋本作應。獄怪問之。乃曰：向來未著衣帽故也。以此事兄可以免矣。

續漢書郡國志：沛國屬豫州。南史劉瓛傳：瓛字子圭，沛郡相人，篤志好學，博通訓義。弟璠字子璠，方軌正直，儒雅不及瓛，而文采過之。瓛音桓，璠音津，著張略切。

江陵王元音紹，弟孝英，子敏，兄弟三人，特相愛友，所得甘旨新異，非共聚食，必不先嘗。孜孜色貌，相見如

不足者。及西臺陷沒。

江陵，梁元帝初爲荊州刺史所治也。梁書元帝紀：承聖元年冬十一月，景子世祖即皇帝位於江陵。三年九月，魏遣柱國萬緡于謹來寇，反者納魏師。世祖見執，西魏害世祖，遂廢焉。

元紹以形體

魁梧。

補：史記留侯世家索隱：蘇林云：梧，音忤。蕭該云：今讀爲音非也。顧師古注漢書張良傳：魁大貌也。梧者，言其可驚梧。

爲兵所圍，二弟爭共抱持，各求代死，終不得解，遂

并命爾。

後妻第四

吉甫，賢父也。伯奇，孝子也。以

俗閒本無。宋本有。

賢父御孝子，合得終於天性。而後妻聞之，伯奇遂放。

罕操：尹吉甫子伯奇，母早亡，更娶

後妻，乃謂之吉甫。曰：伯奇見妾美，有邪念。吉甫曰：伯奇慈心，豈有此也。妾曰：置妾空房中，君登樓察之，乃取絳置衣領，令伯奇藏之。於是吉甫大怒，放伯奇於野。宣王出遊，吉甫從，伯奇作歌以感之。宣王曰：此放子之詞也。吉甫感悟，射殺其妻。補：聞古莫切。

曾參

婦死。謂其子曰。吾不及吉甫。汝不及伯奇。王駿喪妻。亦謂人曰。我不及曾參。子不如華元。

(補) (家語七十二弟子解) 曾參後母

遇之無恩。而供養不怠。及其妻以鬻蒸不熟。蓬出之。終身不娶妻。其子元請焉。告其子曰。高宗以後妻殺孝己。尹吉甫以後妻放伯奇。吾上不及高宗。中不及吉甫。庸知其得免於非乎。(漢書王吉傳) 吉子駿爲少府時。妻死因不復娶。或問之。駿曰。德非曾參。子非華元。亦何敢娶。(案) 元與華。曾子之二子也。大戴禮及說苑敬慎篇俱云。曾子疾病。曾子抱首。曾舉抱足。檀弓作曾元。曾申是華一名中。竝終身不娶。此等足以爲誠。其後假繼慘虐孤遺。

(補) 假繼。

謂假母繼母也。(顏師古注漢書衡山王賜傳) 假母繼母也。一曰父之旁妻。

離開骨肉。

(補) 開古莧切。

傷心斷腸者。何可勝數。

(補) 勝音升。數色主切。

慎之哉。慎之哉。

江左

俗謂本作右。說今從宋本。

不諱庶孽。喪室之後。多以妾媵終家事。疥癬蚊蚋。或未

宋本作不。

能免。

(補) 喪息淚切。疥癬比癩。之患。蚊蚋比蛇蝎之害小。

以言縱有所失。不其大也。

限以大分。故稀鬪鬪之恥。

(補) 分扶間切。

河北鄙於側出。不預人流。是以必須通娶。至於三四。

(補) 重直用切。

母年有少於子者。後母之弟與前婦之兄。

(補) 此弟與兄皆指其子言。

衣服飲食。爰及婚宦。至於士庶貴賤之隔。俗以爲

常。身沒之後。辭訟盈公門。謗辱彰道路。子誣母爲妾。弟黜兄爲傭。播揚先人之辭迹。暴露祖考之長短。以

求直己者。往往而有。悲夫。

(北史崔亮傳) 亮臨終之。修之弟道固字季堅。其母卑賤。嫡母兄攸之。目連等輕侮之。父藉以爲言。侮之愈甚。乃資給之。令其南仕。時宋孝武爲徐兗二州刺史。以爲從事。道固美形貌。善舉止。習武事。會青

州刺史。新除過彭城。孝武謂曰。崔道固人身如此。而世人以其偏虐侮之。可爲歎息。目連子僧深位南青州刺史。元妻房氏生子伯鸞。伯鸞後納平原杜氏。生四子。伯鳳。祖龍。祖蟻。祖虬。後遂與杜氏及四子居青州。房母子居冀州。僧深卒。伯鸞奔赴。祖龍與訟。鳩度首以刀劍自衛。若怨羅焉。

(補) 魯蒲卜切。

自古姦臣佞妾。以一言陷人者衆矣。況夫婦之義。曉夕移之。婢僕求容。助相說引。積年累月。

安有孝子乎。此不可不畏。

(補) 說舒芮切。累力僞切。

凡庸之性。後夫多寵前夫之孤。後妻必虐前妻之子。非唯婦人懷嫉妒之情。丈夫有沈惑之辭。

(補) 沈直深切。

亦

事勢使之然也。前夫之孤。不敢與我子爭家。提攜鞠養。積習生愛。故寵之前妻之子。每居己生之上。宦學

婚嫁。

(補) 宦學見禮記曲禮上。正義引熊氏云。宦謂學仕宦之事。學謂學習六藝之事。

莫不爲防焉。故虐之。異姓寵則父母被怨。繼親虐則兄弟爲讎。家

有此者。皆門戶之禍也。

思魯等

此之推之子。

從舅殷外臣。

(補) 從疾用切。

博達之士也。有子基謨。皆已成立。而再娶王氏。基謨每拜見後母。咸

慕嗚咽。

(補) 烏結切。

不能自持。家人莫忍仰視。王亦悽愴。不知所容。旬月求退。便以禮遣。此亦悔事也。

後漢書曰：安帝時（後漢書安帝紀），恭宗孝安皇帝諱祐，肅宗孫父清河孝王慶在位十九年。

汝南薛包孟嘗（續漢書郡國志），汝南郡屬豫州。

好學篤行，喪母以至孝。

聞（補）好呼報切行，下孟切。喪息耶切。

及父娶後妻，而憎包，分出之。包日夜號泣，不能去，至被毆杖（補），說文：毆，捶擊物也。徐澐曰：以杖擊也。不得已。

廬於舍外，旦入而洒掃。

（補）亦作灑掃，上色買切，又所綺切。下素報切。

父怒，又逐之，乃廬於里門，昏晨不廢，積歲餘，父母慙而還之。後

行六年服，喪過乎哀。

（補）見易小過大象傳。

既而弟子求分財異居，包不能止，乃中分其財，奴婢引

宋本作取（案）范書作引小學同。

其

老者曰：與我共事久，若不能使也。

（補）若汝也。

田廬取其荒頓者。

（元注）頓，猶廢也。（案）本章懷注。

曰：吾少時所理，意所戀也。

（補）少詩照切。

器物取其朽敗者，曰：我素所服食，身口所安也。弟子數破其產，還復賑給。

（補）數音朔，還，范書作輒。復扶富切。玉篇：賑，贈也。

建光中，建

安帝年號。

公車特徵，至拜侍中。

（續漢書百官志）：衛尉屬有公車司馬令一人，六百石，掌宮南闕門，凡吏民上章四方貢獻及徵詣公車者，又云：侍中比二千石，無員，掌侍左右，贊導衆事，顧問應對，法駕出則多識者一人參乘，餘皆騎。

在乘輿車後。

包性恬虛，稱疾不起，以死自乞，有詔賜告歸也。

（補）此段見范書卷六十九，劉平等傳首遵序。（章懷注）：漢制吏病滿三月當免，天子優賜其告，使得帶印綬，將官屬歸家養

病，謂之賜告也。

治家第五

夫風化者，自上而行於下者也。自先而施於後者也。是以父不慈則子不孝，兄不友則弟不恭，夫不義則婦不順矣。父慈而子逆，兄友而弟傲，夫義而婦陵，則天之凶民，乃刑戮之所攝。(補)書涉切，收取也。非訓導之所移也。

(案)下當分段。 咎怒廢於家，則豎子之過立見。

(補)呂氏春秋蕩兵篇：家無怒咎，則豎子嬰兒之有過也立見。廣韻：豎，童僕未髻者。臣庚切。見形電切。

刑罰不中，則民無所

措手足。治家之寬猛，亦猶國焉。

(左氏昭二十年傳)子產曰：惟有德者能以寬服民，其次莫如猛。夫火烈，民望而畏之，故鮮死焉。水滯，溺民，狎而玩之，則多死焉。故寬猛(案)下當分段。

孔子曰：奢則不孫，儉則固。與其不孫也寧固。又云：如有周公之才之美，使驕且吝，其餘不足觀也已。然則

可儉而不可吝也。儉者，省約為禮之謂也。

(補)音所景切。(案)說文繫傳：儉，減也。徐鍇謂顏氏家訓作此字，今本殆亦後人所改矣。

吝者，窮急不卹之謂也。今

有施則奢。

(補)舊本作奢則。施，今依下文乙正。

儉則吝，如能施而不奢，儉而不吝，可矣。

生民之本，要當稼穡而食，桑麻以衣，蔬果之蓄，園場之所產，雞豚之善，埭園之所生。

(補)豎垣而樓，雞為埭。見詩王風君子于役篇。園，其

眷切。(說文)羹，蓄之謂也。

爰及棟宇器械，樵蘇脂燭。

(補)漢書韓信傳：樵蘇後爨，方言：蘇，芥草也。古者以麻實為燭，灌以脂，後世唯用牛羊之脂，又或以蠟，或以相，或以樟。

莫非種植之物也。

至能守其業者，閉門而爲生之具以足，但家無鹽井耳。

左思蜀都賦：家有鹽泉之井。劉良注：蜀都臨邛縣。江陽漢安縣皆有鹽井。巴西充國縣鹽井數十。杜預益州記：州有卓王孫。

鹽井，舊常於此井取水煮鹽。義熙十五年治井也。

今北土風俗，率能躬儉節用，以贍衣食。江南奢侈，多不逮焉。

梁孝元世，有中書舍人

隋書百官志：中書省通事舍人，舊入直閣內，梁用人殊重，簡以才能不限資地，多以他官兼領。其後除通事直曰中書舍人。

治家失度而過嚴刻，妻妾遂共

貨刺客，伺醉而殺之。

世閒名士，但務寬仁，至於飲食饒饋

補：饒與饋同。式亮切。饋求位切。

僮僕減損

補：古僮僕作童。童子作僮。後乃互易。此下家童字却與古合。

施惠然諾，妻子

節量，狎侮賓客，侵耗鄉黨，此亦爲家之巨蠹矣。

補：蠹當故切。比之食木之蟲。

齊吏部侍郎房文烈

補：北史房法壽傳：法壽族子景伯，景伯子文烈，位司徒左長史，性溫柔，未嘗嗔怒。爲吏部郎時，下載此事。

未嘗嗔怒，經霖雨絕糧

左氏隱九年傳：凡雨自三日以往爲霖。

遺婢糶米，因爾逃竄，三四許日，方復擒之。房徐曰：舉家無食，汝何處來，竟無捶撻。

宋本有之，意兩字。注：一本無。

嘗寄人宅。

補：以宅寄人也。

奴婢徹屋爲薪，略盡。聞之，顰蹙，卒無一言。裴子野有疎親，故屬飢寒，不能自濟者，皆收養之。家素

清貧時逢水旱，二石米爲薄粥，僅得徧焉，躬自同之，常無厭色。

(南史嚴松之傳)松之曾孫子野字茂原，少好學，善屬文。唐父喪，每之墓所，草爲之枯，有白兔白鳩，馴擾其側。

外寔及中表貧乏，所得奉

悉給之，妻子恆苦飢寒。 鄴下有一領軍。

(晉書職官志)中領軍將軍，魏官也。文帝踐祚，始置領軍將軍。

貪積已甚，家童八百，誓滿一千。

宋本作千人。 朝

夕每人。

此兩字俗間本無，宋本有(注)一本無。

肴膳以十五錢爲率。

(補)音律。

遇有客旅，便

俗間本作更。

無以兼，後坐事伏法，籍其家產。

(補)籍抄沒也。

麻鞋一屋，弊衣數庫，其餘財寶，不可勝言。

(補)勝音升。

南陽有人。

(隋書地理志)南陽郡有南陽縣，屬豫州。

爲生奧博。

(補)音幽，隱而廣博也。

性殊儉吝，冬至後，女婿謁之，乃設一銅甌酒，數樹鹽肉。

(補)甌，力沅切，肉也。鹽亦作臛。

塔恨其單率。

(補)所律切。

一舉盡之，主

人愕然，俛仰命益。如此者再，退而責其女曰：某郎好酒，故汝常貧。

宋本常作嘗，非。

及其死後，諸子爭財，兄遂殺弟。

婦主中饋，惟事酒食衣服之禮耳。

(易家人)六二：无攸遂，在中饋。詩小雅斯干：無非無儀。惟酒食是議。(晉語)敬姜曰：王后親織乎號，公侯之夫人加之，以紘纆，婦之內子爲大帶，命婦成祭服，大夫之妻加之，以朝服。

自庶人以下，皆衣其夫。

國不可使預政，家不可使幹蠱。

(易蠱爻辭)幹父之蠱，序卦傳：蠱者事也。(案)晉人用幹蠱皆美辭。

如有聰明才智，識達古今，正當輔

佐君子。

(補)謂良人。

助其不足，必無牝雞晨鳴，以致禍也。

(書牧誓)牝雞無晨，牝雞之晨，惟家之索。

江東婦女略無交遊其婚姻之家

〔補〕(爾雅釋親)婿之父爲姻。婦之父爲婚。婿之父母母相謂爲婚。姻。

或十數年閒未相識者。惟以信命贈遺

致殷勤焉。

〔補〕信使人也。命。聞也。遺以辭切。

鄉下風俗。專以婦持門戶。爭訟曲直。造請逢迎。

〔補〕造。七到切。

車乘填街衢。

〔補〕乘。食。置。切。次下同。

綺羅盈府寺。

〔廣韻〕引(風俗通)府。聚也。公卿牧守道德之所聚也。〔釋名〕寺。廟也。治事者闕。闕於其內也。

代子求官。爲夫訴屈。

〔補〕爲。于。爲。切。

此乃恆代之遺風乎。

〔闕。若。嫌。]

〔潛邱割記〕有以恆代之遺風問者。余曰。拓跋魏都平城縣。縣在今大同府治。東五里。故址猶存。縣屬代郡。郡屬恆州。所云恆代之遺風。謂是魏氏之舊俗耳。

南開貧素。皆事外飾。車乘衣服。必貴齊整。家

人妻子。不免飢寒。河北人事。

〔元注〕一。本作士字。

多由內政。綺羅金翠。不可廢闕。羸馬領奴。僅充而已。

〔補〕領。與。梓。同。

倡和之

禮。或爾汝之。

〔補〕和。胡臥切。倡。和。謂夫婦。〔世說惑溺篇〕載王安豐婦常病安豐。安豐曰。婦人稱婿。於禮爲不敬。彼勿復爾。是江南無爾汝之稱也。

河北婦人。織紵組紃之事。

〔補〕禮記內則。女子十年不出。姆教婉娩禮。從。執麻。治絲。繭。織。紵。組。紃。〔鄭注〕組。條。〔正義〕紵。爲。繅。帛。組。紃。俱。爲。條。也。博。關。爲。組。似。繩。者。爲。組。音。巡。

黼黻錦繡。綺之

工。大優於江東也。

〔案〕下當。別。爲。條。

太公曰。養女太多。一費也。陳蕃云。盜不過五女之門。女之爲累。亦以深矣。

〔後漢書陳蕃傳〕蕃字仲舉。上疏曰。竊云。盜不過五女之門。以女貧家也。今後

宮之女豈不贊國乎(補)累力爲切

然天生蒸民先人傳體其如之何世人多不舉女賊行骨肉豈當如此而望福於天乎吾有疏親家饒妓媵誕育將及便遣鬮豎守之體有不安窺窗倚戶若生女者輒持將去母隨號泣莫敢救之使人不忍聞也

婦人之性率寵子壻而虐兒婦寵壻則兄弟之怨生焉虐婦則姊妹之讒行焉然則女之行留皆得罪於

其家者母實爲之至有諺云落索阿姑餐

(補)落索當時語大約冷落蕭索之意

此其相報也家之常弊可不誠哉

婚姻素對靖侯成規

(晉書李友傳)顏含字宏都瑗邪華人也讓討蘇峻功封西平縣侯拜侍中桓溫求婚於含含以其盛滿不許致仕二十餘年年九十三卒諡曰靖侯(補)(爾雅補註)紀合會對也(晉書荀勗傳)武帝勅璽第四子宜尙

繁昌公主理自以諸生之冑婚對徽素抗表固辭(案)靖侯之推九世祖也

近世嫁娶遂有賣女納財買婦輸絹比量父祖計較錙銖責多還少市井

無異或狠壻在門或傲婦擅室貪榮求利反招羞恥可不慎歟

(補)古重氏族致有販鬻祖曾以爲買道如沈約彈王源之所云者此風至唐時猶未衰止也唐張之壻驥傲

之婦唯不求佳對而但論富貴是以至此

借人典籍皆須愛護先有缺壞就爲補治此亦士大夫百行之一也

(補)行下孟切

濟陽江祿

(隋書地理志)濟陰郡統縣九有濟陽縣

書未竟。

(補)居慶切。

雖有急速，必待卷束整齊。

(補)卷居轉切。

然後得起，故無損敗。人不厭其求假焉，或有狼籍几案，

分散部秩。

俗本作秩，今從宋本秩次第也。

多爲童幼婢妾之所點汙，風雨蟲鼠之所毀傷。

蟲本作犬(元注)本作蟲(案)小學作蟲今從之。

實爲累德。吾

每讀聖人之書，未嘗不肅敬對之。其故紙有五經辭義及賢達姓名，不敢穢用也。

(補)穢，褻也。小學引賢達作聖賢，穢作他。

吾家巫覡禱請，絕於言議。符書章醮，亦無祈焉。竝汝曹所見也。勿爲

本皆無爲字，今據小學所引補。

妖妄之費。

(補)(楚語下)明神降之，在男

曰覡，在女曰巫。(章注)巫覡見鬼者，周禮男亦曰巫。(魏書釋老志)化金鎔玉，行符勅水，竒方妙術，萬等千條。(案)道士設壇，伏章祈禱，曰醮。蓋附古有醮祭之禮而名之耳。離子宵切。

顏氏家訓卷第二

風操 慕賢

風操第六

吾觀禮經聖人之教，箕帚匕箸，咳唾唯諾，執燭沃盥，皆有節文，亦爲至矣。

（禮記曲禮上）凡爲長者翼之禮，必加帶於其上，以袂掩而還，其塵不及長者。

以其自應而敬之（又曰）飯黍毋以箸（又曰）擗衣趨隅，必慎唯諾，父召無諾，先生召無諾，唯而起（內則）在父母舅姑之所，不敢噉噉，噉咳欠伸，跛倚，聯視，不敢唾嚏（又曰）進盥少者奉槃，長者奉水，請沃盥，盥卒，授巾，問所飲而敬進之（少儀）執燭不讓，不許不歇，匕所以舉鼎肉者（說文）亦所以取飯，一曰泗，咳苦愛切，唾吐臥切，唯于突切，注，拘音鉤，應許亮切，扱許急切，噉於月切，噉於界切，洩亦作瀦，吐細切（補）帶，諸本皆作帶，俗今改正（管子弟子職）昏將舉火，執燭，隅坐，錯總之法，橫於坐所，備之遠近，乃承厥火，居旬如矩，蒸開容，蒸然者，處下，捧碗以爲緒，右手執燭，左手正擗，有鹽代燭（案）

但既殘缺，非復全書。

（補）復扶又切。

其有所不載及世事變改

者，學達君子，自爲節度，相承行之，故世號士大夫風操。

（補）七到切。

而家門頗有不同，所見互稱長短，然其阡

陌亦自可知。

（風俗通）南北曰阡，東西曰陌，河東以東西爲阡，南北爲陌（補）阡陌猶言途徑，此所引風俗通今逸，見史記秦本紀索隱等書。

昔在江南，目能視而見之，耳能聽而聞

之蓬生麻中。(荀子勸學篇)蓬生麻中不扶而直亦見(大戴禮記)

不勞翰墨，汝曹生於戎馬之間，視聽之所不曉，故聊記錄。宋本無錄字以

傳示子孫，禮云：見似目瞿，聞名心瞿。

(禮記雜記)免喪之外，行於道路，見似目瞿，聞名心瞿。(鄭注)似謂容貌似其父母，名與親同，瞿九遇切，驚變之意。

有所感觸，惻愴心眼。

若在從容平常之地，幸須申其情耳。

(補)從七容切。

必不可避，亦當忍之。猶如伯叔兄弟，酷類先人，可得終身腸

斷與之絕耶？又臨文不諱，廟中不諱，君所無私諱。

禮記禮弓上文。

益知聞名須有消息。

(補)益各本皆作蓋，蓋今改正。消息猶言節度，無使徑情直行也。

不必期於顛沛而走也。

(補)顛沛，跟隨之意。

梁世謝舉，甚有聲譽，聞諱必哭，爲世所譏。

(梁書謝舉傳)舉字晉揚，中書令覽之弟，幼好學，能清言，與覽齊名。

又有

臧逢世，臧嚴之子，篤學修行，不墜門風。

(梁書文學傳)臧嚴字彥威，幼有孝性，居父憂，以毀聞，孤貧勤學，行止書卷不離於手。(補)案南史臧嚴傳附載諸臧，無逢世名，行下孟切。

孝元經牧

江州，遣往建昌督事。

(梁書元帝紀)大同六年，出爲使持節都督江州諸軍事，鎮南將軍江州刺史。(隋書地理志)九江郡舊曰江州，豫章郡統縣四，有建昌縣。

郡縣民庶，競修牋書，朝夕幅

帙。

(補)帙亦作箋。(博物志)鄭康成注毛詩曰：箋，毛公嘗爲北海相，鄭是此郡人，故以爲敬。(案)文選所載箋，皆與王侯書，蓋表之次也，幅，帛，言如車幅之聚於轂也。(老子道經)三十幅共一轂。

几案盈積，書有稱嚴寒者。

必對之流涕，不省取記，多廢公事，物情怨駭，竟以不辦而退。此竝過事也。

(案)下當分段。

近在揚都。(隋書地理志)江都郡屬揚州。有一士人諱審而與沈氏交結周厚。沈與其書名而不姓。此非人情也。(案)下當分段。

凡避諱者皆須得其同訓以代換之。(補)如漢人以國代邦以滿代益以當代恆以開代啓之類是也近世始以聲相近之字代之。桓公名白博有五皓之稱。(宋玉相

魂)成集而平呼五白(王逸注)五白博也倍勝爲平博亦作律(沈氏攷證)博有五白齊威公名小白故改爲五皓一本以博爲博者非(補)稱尺證切齊桓作齊威此又宋人避諱改也之推作親我生賦云愬四白之調謗屬六友之談說乃以四皓爲四白此非有所

諱但取厲王名長琴有修短之目。(漢書淮南厲王傳)名長高祖少子所出未詳(補)案今淮南子凡長字俱作修不聞謂布帛爲布皓呼腎腸爲腎修

也。梁武小名阿練。(梁書武帝紀)高祖武皇帝諱衍字叔達小字練兒子孫皆呼練爲絹乃謂銷練物爲銷絹物恐乖其義或有諱雲者

呼紛紜爲紛煙有諱桐者呼梧桐樹爲白鐵樹便似戲笑耳。(補)案趙宋之時嫌名皆避有因一字而避至數十者此末世之失也又案下當分段

周公名子曰禽孔子名兒曰鯉。(補)案語本姓解)十九娶宋之开官氏一歲而生伯魚魚之生也魯昭公以鯉魚賜孔子孔子榮君之賜故因名曰鯉而字伯魚(案)开音堅漢韓勅碑作开官氏蓋隸體之變宋大中祥

符封韓國夫人詔野名世姓氏書辨靈王伯厚姓氏急就章元玉正止在其身自可無禁至若衛侯魏公子楚太子皆名三年廟制調並以开官爲井官誤也今從左傳桓六年正義作开官

鐵螭。(史記韓世家)襄王十二年太子嬰死公子咎公子燮爭爲太子時燮益質於楚(案)(戰國韓策)作幾惡此所云則未詳本或作鳳乃俗字長卿名犬子。(史記司馬相如傳)蜀郡成都人也字長卿少時好讀書擊劍故其親名之

曰犬子。王修名狗子。(補)魏志王修傳修字叔治北海營陵人不載名狗子語

上有連及理未爲過古之所行今之所笑也北土多有名兒

爲驢駒豚子者使其自稱及兄弟所名亦何忍哉前漢有尹翁歸

(漢書尹翁歸傳)字子兄平國人徒杜陵(注)兄讀曰況

後漢有鄭翁歸

未詳。梁家亦有孔翁歸

(梁書何遜傳)會稽孔翁歸亦工爲詩(補)金樓子雜記篇孔翁歸解牛音能屬文好飲酒氣韻標遠嘗謂余曰翁歸不畏死但願仲秋之時猶觀美月季春之日得觀垂楊有其二物死所歸矣余謂斯言雖有過差無

妨有才也

又有顧翁寵晉代有許思妣孟少孤

(案)下

如此名字幸當避之

(案)下當分段

今人避諱更急於古凡名子者當爲孫地吾親識中有諱襄諱友

宋本脫此二字

諱同

宋本作周非

諱清諱和諱禹交

疏遺次一座百犯

(補)交疏當爲疏交故容有不審者疏如字讀一云交往書疏則當音所去切遺次倉猝也遺七到切

聞者辛苦無謬賴焉

(補)廣韻)櫻落蕭切亦作聊本或作謬非(案)下當分段

昔司馬長卿慕蘭相如故名相如

見史記本傳

顧元歎慕蔡邕故名雍

(沈氏攷證)三國志顧雍字元歎以其爲蔡邕所歎一本作元凱者非(補)雍與邕同

而後

漢有朱張字孫卿許暹字顏回梁世有庾晏嬰祖孫登

詳

連古人姓爲名字亦鄙事

宋本也(案)下

當分段

昔劉文饒不忍罵奴爲畜產

(後漢書劉寬傳)寬字文饒嘗坐客道著頭巾酒迂久大醉而還客不堪之罵曰畜產寬使人視奴疑必自殺曰此人也罵言畜產故音懼其死也(補)畜古音許又切今人呼昌六切

今世

愚人遂以相戲。或有指名爲豚犢者。有識傍觀。猶欲掩耳。況當俗本作名。今從宋本。之者乎。(案)下當分股。

近在議曹。共平章百官秩祿。

(補)曹局也。平章。雖本尙書。後世以爲虛。當乘事之稱。唐以後遂以擊街。

有一顯貴。當世名臣。意嫌所議過厚。齊朝有一

兩士族文學之人。謂此貴曰。今日天下大同。須爲百代典式。豈得尙作關中舊意。俗本有字。宋本無。(案)明魏都關中。齊承東魏都鄆。

公定是陶朱公大兒耳。彼此歡笑。不以爲嫌。

(史記)越王句踐世家。范蠡去齊居陶。自謂陶朱公。父子耕畜廢居。致貲鉅萬。生少子及壯而朱公中男殺人。因於楚。公遣其少子往視之。裝黃金千鎰。且遣

少子。長男固請行。不聽。其母爲言。乃遣長子。爲書遺故所善莊生曰。至則進千金。聽其所爲。慎無與爭事。長男至莊生家。發書。進金如父言。生曰。可疾去。慎無留。卽弟出。勿問所以。然莊生雖居窮閭。以廉直聞於國。自王以下皆師尊之。及朱公進金。非有意受也。欲成事後復歸之。長男不知其意。以爲緣無短長也。莊生入見楚王。言某星宿某。此則害於楚。王曰。今爲奈何。生曰。獨以德爲可以除之。王乃使使者封三錢之府。楚貴人皆長男曰。王且教。長男以爲教。弟固當出。復見莊生。生驚曰。若不去耶。曰。固未也。初爲弟事。弟今議自教。故辭生去。生知其意。欲得金。曰。若自入室取金。長男卽取金持去。生羞爲兒子所賣。乃入見楚王曰。臣前言某星事。王欲以修德報之。今道路皆言陶之富人朱公之子殺人。因楚。其家多持金錢賂王左右。王非恤楚國而教以朱公子故也。王大怒。令殺朱公子。明日下教。令長男竟持其弟喪歸。母及邑人盡哀之。朱公獨笑曰。吾固知必殺其弟也。彼非不受弟。是少與我俱見苦。爲生難。故重棄財。至如少弟者。生而見我富。豈知財所從來。故輕去之。非所惜者。前日吾所爲欲遺少子。固爲其能棄財故也。長者不能。故卒以殺其弟。事之理也。無足悲者。吾日夜固以望其喪之來也。

昔侯霸之子孫稱其祖父曰家公。

〔後漢書侯霸傳〕霸字君房，河南密人，矜嚴有威容，篤志好學，官至大司徒。〔補〕〔王丹傳〕丹徵爲太子少傅，時大司徒侯霸欲與交友，及丹被徵，遣子昱候於道，昱迎拜車下，丹下答。

之。昱曰：家公欲與君結交，何爲見拜？丹曰：君房有是言，丹未之許也。〔案〕此孫字祖字或誤衍。

陳思王稱其父爲

宋本

家父母爲家母。

〔魏志陳思王植傳〕字子建，薨年四十一，景和中詔劉楨所著凡百

餘篇。〔補〕〔陳思王集〕寶刀賦序：家父魏王，乃命有司造寶刀五枚，下文稱家王，又〔敘愁賦序〕

潘尼稱其祖曰家祖。

〔晉書潘

從子尼字正叔，性靜退不競，唯以勤學著述爲事。永嘉中遷太常卿，今集後人所擬拾者無家祖語。

古人之所行，今人之所笑也。

〔補〕疑當作今

南北風俗，言其祖及二親

無云家者，田里猥人，方有此言耳。

〔補〕猥人謂鄙人

凡與人言，言己世父，以次第稱之，不云家者，以尊於父，不敢家

也。凡言姑姊妹女子子。

〔補〕〔儀禮喪服〕每言姑姊妹女子子。〔鄭注〕女子子者，女子也，別於男子也。〔疏云〕男子女子各單稱子，是對父母生稱，今於女子別加一子，故雙言二子，以別於男一子者。姑對姪，姊妹對兄弟。

已嫁

則以夫氏稱之，在室則以次第稱之，言禮成他族，不得云家也。子孫不得稱家者，輕略之也。蔡邕書集呼

其姑女爲家姑家姊。

〔後漢書蔡邕傳〕邕字伯喈，所著詩賦碑銘銘讚等凡百四篇，傳於世。〔補〕今蔡集未見有此語。

班固書集亦云家孫。

〔後漢書班彪傳〕子固字孟堅，所著典引實錄應讚詩賦銘誄

頌書文記論議六篇，在者凡四

十一篇。〔補〕今班集亦未見。

今竝不行也。

〔案〕下當分段。

凡與人言稱彼祖父母世父母父母及長姑皆加尊字自叔父母以下則加賢字尊卑之差也。

〔補〕差王楚宜切

義之書稱彼之母與自稱己母同不云尊字今所非也。

〔晉書王羲之傳〕羲之字逸少。辯瞻以骨鯁稱。尤善隸書。爲古今之冠。拜護軍。苦求宣城郡不許。乃以爲右軍將軍。會稽內史。〔補〕

案今右軍諸帖

中亦不見有此

南人冬至歲首不詣喪家。

〔補〕詣五計切。至也。喪息耶切。

若不修書則過節束帶以申慰。北人至歲之日重行弔禮。

〔補〕重直用切。

禮無明文則吾不取。南人賓至不迎。相見捧手而不揖。送客下席而已。北人迎送竝至門。相見則揖。皆

俗本

無此字。宋本有。

古之道也。吾善其迎揖。

昔者王侯自稱孤寡不穀。

〔補〕〔老子德經〕是以侯王自謂孤寡不穀。此其以賤爲本邪。非乎。

自茲以降。雖孔子聖師與門人言皆稱名也。後雖有

臣僕之稱行者蓋亦寡焉。

〔補〕〔史記高祖本紀〕呂公語劉季自稱臣。〔張耳陳餘傳〕餘對耳自稱臣。〔漢書司馬遷傳〕載翟任安書稱僕。楊惲傳〕答孫會宗書亦稱僕。他不能備舉。稱尺禮切。

江南輕重

各有謂號。具諸書儀。

〔補〕〔隋書經籍志〕內外書儀四卷。謝元撰。書儀二卷。蔡超撰。又十卷。王安撰。又十卷。唐禮儀。又書儀疏一卷。周捨撰。

北人多稱名者。乃古之遺風。吾善其

稱名焉。

言及先人，理當感慕。古者之所易，今人之所難。江南人

俗本脫人字。

事不獲已。

各本此下有乃陳文墨畫畫無自言者。宋本注云：「一本無此十字。」案：無者是

也。有則與下覆文章篇音平聲切。

須言闕閱。

補：史記高祖功臣侯年表：「明其等曰：伐積日曰闕閱，與伐同。此闕閱猶言家世。」

必以文翰，罕有面論者。北人無何便爾話說。

顏師古注：漢書程方遂傳：「無何猶言無幾，謂少時。」

及相訪問，如此之事，不可加於人也。人加諸己，則當避之。名位未高，如爲勳貴所

逼，隱忍方便，速報取了，勿使元注：一本

本作取。

煩重，感辱祖父。

補：重直用切。

若沒言須及者，則斂容肅坐，稱大門中。

案：之

稱門古矣。逸周書皇門解：「會軍門。」

蓋言衆族姓也。又曰：大門宗子。

世父叔父則稱從兄弟，門中兄弟則稱亡者子。某門中各以其尊卑輕重爲

容色之節，皆變於常。若與君言，雖變於色，猶云亡祖亡伯亡叔也。吾見名士亦有呼其亡兄弟爲兄弟

子門中者，亦未爲安帖也。北土風俗

元注：一本無風俗字。

都不行此。太山羊偏，梁初入南

梁同侃。梁書羊侃傳：侃字祖忻，泰山梁甫人。祖規，昭魏父。祖魏，侍

中金紫光祿大夫。侃以大通三年至京師。晉書地理志：泰山郡，漢置，屬縣有梁父。案：秦太守父俱通用。

吾近至鄴，其兄子肅訪偏委曲。

補：魏書羊深傳：深字文淵，梁州刺史。第二子也。子肅，武定末，儀同開府。

東國祭酒 吾答之云。卿從門中在梁。如此如此。(補)從疾用切下同 肅曰。是我親第七亡叔。非從也。祖孝徵在坐。(北齊書祖

孝徵范陽狄道人 先知江南風俗。乃謂之云。賢從弟門中。何故不解。(案)下當分段

古人皆呼伯父叔父。而今世多單呼伯叔。(案)伯叔字兄弟之次。故稱諸父必連父爲稱 從父。俗本脫父字 兄弟姊妹已孤。而對其前。呼

其母爲伯叔母。此不可避者也。兄弟之子已孤。與他人言。對孤者前呼爲兄子弟子。頗爲不忍。北土人多

呼爲姪。案爾雅喪服經左傳。姪名雖通男女。豈是對姑之。宋本稱。沈氏攷證。爾雅云。女子謂兄弟之子爲姪。左傳

經傳及疏義。凡十餘家。一本作喪服姪者非。案爾雅見釋親左傳。在修十四年喪服經在儀禮內。子夏爲之傳。其大功九月章。姪丈夫婦人。報傳曰。姪者何也。謂吾姑者。吾謂之姪。補。呂氏春秋疑似篇。蒙邱有奇鬼焉。喜教人之子。姪昆弟之狀。此卽稱兄弟之子爲姪所自始。自唐以前。言喪服者。俱有專家。而今人士。率不措意。可慨也。夫稱尺證切 晉世已來。始呼叔姪。今呼爲姪。於理爲勝也。

別易會難。古人所重。江南餞送。下泣言離。有王子侯。梁武帝弟。出爲東郡。(續漢書郡國志)東郡。秦置。屬兗州。隋書地理志同 與武帝

別。帝曰。我年已老。與汝分張。甚以(元注)一。本作心字 惻愴。數行淚下。(補)行胡耶切 侯遂密雲。(易小畜象)密雲不雨。補。語林。有人詣謝公。別謝公流涕。人了不悲。

既去。左右曰：向害殊自密雲。謝公曰：非徒密雲，乃是早雷。案以不雨泣爲密雲，止可施於小說。若行文則不可用之。適成鄙俗耳。

赧然而出。

補說文：赧，面慙赤也。奴版切。俗作赧。

坐此被責，飄飄舟渚，一百

許日，卒不得去。北閒風俗，不屑此事。岐路言離，歡笑分首。然人性自有少涕淚者，腸雖欲絕，目猶爛然。如

此之人，不可強責。

補強其兩切。孔叢子儒服篇：子高遊道，有鄭文學節者，與子高相友善。及將還魯，文節送行三宿，臨別流涕。突圍子高徒抗手而已。其徒問曰：此無乃非親親之謂乎？子高曰：始吾謂此二子丈夫耳，乃今知其婦人也。人生

則有四方之志，豈鹿豕也哉？而常羣聚乎。案子高之言於朋友則可，然不可以概之天倫也。

凡親屬名稱，皆須粉墨。

補謂修飾。

不可濫也。無風教者，其父已孤，呼外祖父母與祖父母同，使人爲其不喜

聞也。

補爲子僞切。爲其猶言代彼人。

雖質於面，皆當加外以別之。

補質於面，謂親見外祖父母，亦必當稱外也。別彼列切。下同。

父母之世叔父，皆當加其次

第以別之。父母之世叔母，皆當加其姓以別之。父母之羣從世叔父母

補從直用切。下同。

及從祖父母，皆當加其爵

位。若姓以別之，何北士人皆呼外祖父母爲家公家母。

補家母，似當作家婆。古樂府阿婆不嫁女，那得孫兒抱。

江南田里閒，亦言之。以

家代外，非吾所識。

案下當分段。

凡宗親世數有從父有從祖有族祖江南風俗自茲已往高秩者通呼爲尊同昭穆者雖百世猶稱兄弟若對他人稱之皆云族人河北士人雖三二十世猶呼爲從伯從叔梁武帝嘗問一中士人曰卿北人何故不知有族答云骨肉易疎不忍言族耳當時雖爲敏對於禮未通(案)下當分段

吾嘗問周宏

胡賦切

讓曰

(陳書周宏正傳)弟宏讓性開素博學多通天嘉初以白衣領太常禮光祿大夫加金章紫綬

父母中外姊妹何以稱之

(補)稱之如字下之稱尺證切今皆無別

矣周曰亦呼爲丈人自古未見丈人之稱施於婦人也吾親表所行若父屬者爲某姓姑母屬者爲某姓姨中外丈人之婦猥俗呼爲丈母士大夫謂之王母謝母云而陸機集有與長沙顧母書乃其從叔母也

今所不行

(晉書地理志)長沙郡屬荊州(陸機傳)字士衡吳郡人少有異才文章冠世伏膺儒術非禮不動年二十而吳滅退居舊里閉門勤學太康末與弟雲俱入洛造太常張華華素重其名如舊相識曰伐吳之役利獲二俊(補)陸此書今已亡(案)

下當分段

齊朝士子皆呼祖僕射爲祖公

(北齊書後主紀)武平三年二月以左僕射唐邕爲尙書令侍中祖珽爲左僕射射音夜

全不嫌有所涉也

(補)案祖父稱公今連祖姓稱公故云嫌有所涉然

則稱姓家者亦不可云家公

乃有對面以相(元注)一本作爲字

戲者古者名以正體字以表德名終則諱之

(補)左氏祖六年傳文

字乃可以爲

孫氏。孫以王父字爲氏。如公子展之孫無駭。卒。孔子弟子記事者皆稱仲尼。呂后微時。嘗字高祖爲季。(史記高祖本紀) 姓劉氏字

公命以其字爲展氏。見左氏隱八年傳。

季。秦始皇帝嘗曰。東南有天子氣。於是因東遊以厭之。高祖卽自疑亡匿。隱於芒碭山澤巖石之間。呂后與人俱求。常得之。高祖怪問之。呂后曰。季所居上常有雲氣。故從往。常得季。(漢書爰

字絲。徒爲吳相。兄子種謂絲曰。吳王驕。日久國多姦。今絲欲刻治。彼不上書。

告君。則利劍刺君。交南方卑溽。絲能日飲。亡何。謀王母反而已。如此幸得脫。登傳) 益

王丹與侯霸子語。字霸爲君房。(後漢書王丹傳) 丹字仲。同京兆下

郡人。餘見前稱。

江南至今不諱字也。河北士人全不辨之名。亦呼爲字。字固。(各本此下有因字似衍文) 呼爲字。尙書王元景

兄弟皆號名人。其父名雲。字羅漢。一皆諱之。其餘不足怪也。(北齊書王昕傳) 昕字元景。北海劇人。父雲。仕魏朝。有名望。昕少爲學。讀書極重其德業。以爲人之師。表除銀青

光祿大夫。判祠部。尙書事。弟暉。字叔耶。小名沙彌。幼而孝謹。淹雅有器度。好學不能美容儀。有風則。武平初。遷大鴻臚。加儀同三司。性情淡寡。欲雖王事。執掌而推操不移。良辰美景。嘯時邀遊。人士謂之物外司馬。(補) 魏書王暉傳) 暉子翼。翼子雲。字羅漢。頗有風尚。兗州

刺史。坐受所部財貨。御史糾劾。付廷尉。遇赦免。卒。贈豫州刺史。諡曰文昭。有九子。長子昕。弟暉。暉弟吁。

禮聞傳云。斬縗之哭。若往而不反。齊縗之哭。若往而反。大功之哭。三曲而偯。小功總麻。哀容可也。此哀之

發於聲音也。(補) 開傳。禮記寫名。聞如字。傳張戀切。鄭目錄云。以其記喪服之閒。輕重所宜也。該本作真。倉同切。下同。齊卽夷切。亦作

齊。三曲。各本皆譌作三哭。今依本書改正。(鄭注) 三曲。一舉聲而三折也。復聲餘從容也。(釋文) 餘起切(說文) 作縗。

孝經云。哭不偯。(喪親章) 孝子之喪親也。哭不偯。禮無容服。美不安聞樂不樂食。不甘此哀感之情也。皆論哭有輕重質文之聲也。禮以哭有言者爲號。(補) 戶刀

切下同。然則哭亦有辭也。江南喪哭時有哀訴之言耳。山東重喪則唯呼蒼天。(補) 重知期功以下則唯呼痛。字下同

深便是號而不哭。(補) 案此語則上文禮以哭有言爲號。應作無言。

江南凡遭重喪。若相知者同在城邑。三日不弔則絕之。除喪雖相遇則避之。怨其不己憫也。有故及道遙者。致書可也。無書亦如之。北俗則不爾。(補) 爾江南凡弔者。主人之外。不識者不執手。識輕服而不識主人。則不於會所而弔。他日修名詣其家。如此也。

陰陽說云。辰爲水墓。又爲土墓。故不得哭。水土俱長生於辰。故墓俱在辰。王充論衡云。辰日不哭。哭必重喪。(後漢書王充傳) 充字仲任。會稽上虞人。

家貧無書。常遊洛陽市肆。閱所賣書。一見禮能誦憶。遂博通衆流百家之言。以爲俗儒守文。多失其真。乃閉戶潛思絕慶中之禮。戶牖牆壁各置刀筆。著論衡八十五篇。(補) 此所引論衡見辯崇篇。重直觀切要如字下同。今無教者。辰日有喪。

不問輕重。舉家清謐。(補) 爾雅釋詁。謐。靜也。音密。不敢發聲。以辭弔客。道書又曰。晦歌朔哭。皆常有罪。天奪其算。(補) 道書。

道家之書

喪家朔望哀感彌深寧當惜壽又不哭也亦不論(元注)一本無亦不論三字

偏傍之書死有歸殺

(補)偏傍之書謂非正書俗本殺作煞道家多用之此從宋本死有煞日今杭人讀爲所介切

子孫逃竄莫肯在家畫瓦書符作諸獸勝

(補)北人

逃煞南人接煞余在江寧其俗不知有煞畫八卦切厭於涉切

喪出之日門前然火戶外列灰

(補)列俗本作烈今從宋本門前然火今江以南亦有此風

祓送家鬼章斷注連

(補)祓數勿切又音廢去也斷徒管切

凡如此比不近有情乃儒雅之罪人彈議所當加也(補)彈奴干切

已孤而履歲

(補)此下疑當有朝字

及長至之節無父拜母祖父母世叔父母姑兄弟則皆泣

(補)說文泣無聲出涕也

無母拜父

外祖父母舅姨兄弟亦如之此人情也

江左朝臣子孫初釋服朝見二宮皆當泣涕

(補)朝陟遙切見胡電切二宮帝與太子也

二宮爲之改容

(補)爲于偽切

頗有膚色充澤無

哀感者梁武薄其爲人多被抑退裴政出服問訊武帝貶瘦枯槁涕泗滂沱武帝目送之曰裴之禮不死

也(南史裴憲傳)子之禮字子義母憂居喪惟食麥飯憲崩在光宅寺西堂宇宏敞松柏鬱茂范雲劇在三橋蓬蒿不翦梁武帝南郊道

經二廟顧而歎曰范爲已死裴爲更生之禮卒於少府卿諡曰壯子政承聖中位給事黃門侍郎魏劼江陵隨例入長安(北史裴政

傳。政字德表，仕隨爲襄陽總管令，行禁止，稱爲神明，著承聖實錄一卷。

二親既沒，所居齋寢，子與婦弗忍入焉。北朝頓丘李構。

〔宋書州郡志〕頓丘，二漢屬東郡，魏屬陽平。武帝泰始二年分淮陽置頓丘郡，屬焉。

母劉氏夫人亡

後所住之堂，終身鑰閉，弗忍開入也。

〔補〕通說文作敘。

夫人，宋廣州刺史纂之孫女。

〔宋書州郡志〕廣州刺史，吳孫休永安七年分交州立領郡十七，縣一百三十。

六、故構猶染江南風教，其父獎爲揚州刺史，鎮壽春，遇害。

〔同上〕揚州刺史，前漢未有治所，後漢治歷陽，魏晉治壽春。〔補〕北史李崇傳：崇從弟平，字子獎，字遵禮，容貌魁偉，有

當世才度，元顛入洛，以獎兼尙書左僕射，慰勞徐州羽林，及城人不承顯旨，害獎，傳首洛陽。孝武帝初，詔贈冀州刺史子構，字祖基，少以方正見稱，娶壽武邑郡公齊初，降爵爲縣侯，位終太府，稱構，常以雅道自居，甚爲名流所重。

構嘗與王松年

祖孝徵數人同席談讌。

〔補〕北齊書王松年傳：少知名，文襄臨并州，辟爲主簿，孝昭擢拜給事黃門侍郎，孝昭崩，謫梓宮，還鄆，哭甚流涕，武成雖忿松年戀舊情切，亦推重之，以本宮加散騎常侍，食高邑縣侯。

孝徵善

畫。

〔補〕胡卦切。

遇有紙筆，圖寫爲人，頃之因割鹿尾，戲截畫人，以示構，而無他意，構愴然動色，便起就馬而去。

舉坐驚駭，莫測其情。祖君尋悟，方深反側，當時罕有能感此者。吳郡陸襄父閑被刑，襄終身布衣蔬飯，雖

薑菜有切割，皆不忍食，居家唯以搗摘供廚。

〔補〕南史陸慧曉傳：閑字退業，慧曉兄子也，有風厲，與人交不苟合，仕至揚州別駕，永元末，刺史始安王遙光據東府作亂，閑以綱佐被收，尙書令徐孝嗣

啓開不預逆謀未及報徐世標命殺之四子斷絳完義也。顧本名袁字趙痛有美事者誤字爲袁。梁武帝乃改爲袁字師痛。江寧姚子太清元年爲度支尚書。劉冠遺家屬。澤服猶若居憂。終身蔬食布衣不聽音樂。口不言殺害。捐苦治切。(玉簪)爪按曰捐。

篤母以燒死終身不忍瞰炙。

(補)噉徒蓋切與嚼噉並同食也炙之夜切

豫章熊康父以醉而爲奴所殺終身不復嘗酒。

(補)晉書地理志豫

章郡屬揚州。復扶又切。

然禮緣人情恩由義斷。

(補)丁亂切

親以噎死亦當不可絕食也。

(元注)一本無當字有也字一本有當字無也字

禮經父之遺書母之杯圈感其手口之澤不忍讀用。

(補)禮記玉藻父沒而不能讀父之書手澤存焉爾母沒而杯圈不能飲焉口澤之氣存焉爾(鄭注)圈屈木所爲謂厄區之屬(釋

文)圈起權切案亦作權。

政爲常所講習讎校繕寫。

(補)爲于僞切(左太沖魏都賦)讎校篆體(案)讎謂一人持本一人讀之若怨家相對有誤必舉不買少恕也漢劉向校中祕書凡一書章奏上每云皆定以殺青可繕寫

(後漢書盧植傳)臣前以周禮諸經爲之解詁無力供繕寫上(章懷注)繕善也

及偏加服用有迹可思者耳若尋常墳典爲生什物安可悉廢之乎。

(補)孔

(安國尚書序)伏犧神農黃帝之書謂之三墳言大道也少昊顓頊高辛唐虞之書謂之五典言常道也(史記五帝本紀)舜作什器於壽邱(索隱)什數也蓋人家常用之器非一故以十爲數猶今云什物也

既不讀用無容散逸惟

當緘保以留後世耳。

(補)緘古咸切封也(案)下當分段

思魯等第四舅母親吳郡張建女也有第五妹三歲喪母。

(補)喪息須切

靈牀上屏風平生舊物屋漏沾溼出晏

曬之。(補) 曝木切。曬所實切。

女子一見伏牀流涕。家人怪其不起。乃往抱持。薦席淹漬。精神傷沮。

(補) 淹漬。御覽引作淚漬。漬疾習切。浸潤也。沮。慈呂切。

切。消。

不能飲食。將以問醫。醫診脈云。腸斷矣。因爾便吐血數日而亡。中外憐之。莫不悲歎。

禮云。忌日不樂。

(補) (禮記祭義) 君子有終身之喪。忌日之謂也。忌日不用。非不祥也。曹夫日志有所至。而不敢盡其私也。樂如字。一音洛。

正以感慕罔極。惻愴無聊。故不接外賓。

不理衆務耳。必能悲慘自居。何限於深藏也。世人或端坐奧室。

(補) 奧室。深隱之室。(禮記仲尼燕居) 室而無奧。則亂於堂室也。

不訪言笑。盛

營甘美。厚供齋食。迫有急卒。

(補) 與粹同。

密戚至交。盡無相見之理。蓋不知禮意乎。

(案) 下當分段。

魏世王修母以社日亡。來歲社日。

(各本俱脫日字。宋本作來歲有社。亦誤。案) 魏覽引蕭廣濟學子傳。載此事有日字。今據補。

修感念哀甚。鄰里聞之。爲之罷社。

(魏志王脩傳) 脩字叔治。北海營陵人。七歲喪母。下載此事。

今二親喪亡。

(補) 喪息浪切。

偶值伏臘分至之節。

(補) (歷忌釋) 四時代謝。皆以相生。至於立秋。以金代火。金長火。故至庚日必伏。庚者金也。(陰陽

書) 從夏至後第三庚爲初伏。第四庚爲中伏。立秋後初庚爲後伏。亦謂之末伏。(史記秦本紀) 德公始爲伏祠。(魏隆訪議) 王者各以其行。豈日爲臘。漢火。火衰於戌。故以戌日爲臘。魏晉以下。以此推之。分春秋分。至冬夏至。

及月小晦後

忌之日。

(俗本作外。今從宋本。補) 蓋謂親或以月大盡亡。而所值之月。只有二十九日。乃月小之晦日。卽以爲親之忌日。所經也。

此日尤應感。

(元注) 一本作思。慕異於餘辰。不預飲饗。

聞聲樂及行遊也。劉綽綽兄弟，竝爲名器。其父名昭。

(沈氏攷證)南史劉昭本傳子綽綽附。一本以昭爲照者非(補)竊土刀切。

一生不爲照字。惟

依爾雅火傍作召耳。

(梁書文學傳)劉昭字宣彌，平原高唐人。集後漢同異以注范書爲劄令卒。子昭字言明，通三禮。大同中爲尚書祠部郎，尋去職不復仕。弟綽字含度，歷官湘東王記室。時西府盛集文學，綽居其首。國府轉江州卒綽。

本傳不載，疑此字衍。(爾雅釋蟲)紫火卽昭。

然凡文與正諱相犯，當自可避。其有同音異字不可悉然。劉字之下，卽有昭音。

(補)案古

蕭豪尤侯音皆通。

呂尙之兒如不爲上。

(史記齊世家)太公呂尙者東海上人。

趙壹之子儻不作一。

(後漢書趙壹傳)壹字元叔，漢陽西縣人。

便是下筆卽妨。是書

皆觸也。

(案)下當分段。

嘗有甲設讌席，請乙爲賓。而旦於公庭見乙之子，問之曰：尊侯早晚顧宅。乙子稱其父已往。

(補)從他人稱之可云其父親。

子稱父不容亦著其字，至對甲言當云已赴嘉招亦不當言已往。

時以爲笑。如此比例，觸類慎之，不可陷於輕脫。

江南風俗，兒生一晷，爲製新衣，盥浴裝飾。

(補)爲子爲切。盥古玩切。

男則用弓矢紙筆，女則刀尺鍼縷。

(補)刀剪刀鍼古作威。今又作針縷線也。力主切。

竝加飲食之物，及珍寶服玩，置之兒前，觀其發意所取，以驗貪廉愚智。名之爲試兒。

(補)子生周年謂之試兒。子對切。見(說文)其試切。

見之物今人謂之詳盤。

親表聚集致饗享焉。自茲已後。二親若在。每至此日。常有酒食之事耳。無教之徒。雖已孤露。其

日皆爲供頓。酣暢聲樂。不知有所感傷。梁孝元

宋本有帝字

年少之時。每八月六日。載誕之辰。常設齋講。自阮

修容薨歿之後。此事亦絕。

〔梁書后妃傳〕高祖阮脩容。諱令蘇。本姓石。會稽餘姚人。齊始安王遙光納焉。遙光敗。入東昏宮。建康城平。高祖納爲竊女。天監六年八月。生世祖。尋拜爲脩容。隨世祖出蕃。大同六年六月。薨於江州內廩。

世祖卽位。追崇爲文宣太后。〔補〕〔金樓子〕稱宣修容。會稽上虞人。以大同九年太歲癸亥六月二日薨。與史不同。

人有憂疾。則呼天地父母。自古而然。

〔補〕〔史記屈原傳〕夫天者人之始也。父母者人之本也。人窮則反本。故勞苦倦極。未嘗不呼天也。疾病慘怛。未嘗不呼父母也。

今世諱避。觸途急

切。〔補〕言今世以呼天呼父母爲觸忌也。蓋嫌於有怨恨呪詛之意。故不可也。

而江東士庶。痛則稱禰。禰是父之廟號。父在無容稱廟。父歿何容輒呼。

蒼頡篇有僑字。

〔元注〕下交切。痛聲也。〔補〕案僑字音見下。此音疑非。顏氏本有。

訓詁云。痛而禰也。

〔元注〕禰火故反。

音羽罪反。今北人痛則呼之。

〔漢書藝文志〕并

韻一篇。秦丞相李斯作。揭雄杜林皆作闕。杜林又作蒼頡。故故卽詰也。

聲類音于未反。

〔隋書經籍志〕聲類十卷。魏左校令李登撰。〔案〕俗本作于來反。今從宋本。

今南人痛或呼之。此二音隨

其鄉俗。竝可行也。

〔補〕〔案〕僑字今讀看。不與古音合。又轉爲。疑今俗痛呼阿疇音。聲隨俗變。無定字也。

梁世被繫劾者。

〔補〕勅胡榮切。又胡得切。推劾也。

子孫弟姪皆詣闕三日。露跣陳謝。子孫有官。自陳解職。子則草屨羸衣。

〔補〕屨居勺切。草履也。羸。疏也。布帛之等。疎小者則細良。疎大者則疏惡。

蓬頭垢面。周章道路。要候執事。

〔補〕周章。章惶也。要於宵切。亦作邀。

叩頭流血。申訴冤枉。若配徒

隸。諸子竝立草庵於所署門。

〔補〕庵。烏含切。〔廣韻〕小草舍也。

不敢寧宅。動經旬日。官司驅遣。然後始退。江南諸憲司。彈人

事事雖不重。而以教義見辱者。

〔補〕兩事字似衍其一。

或被輕繫。而身死獄戶者。皆爲怨讎。

宋本怨作死。〔注〕一本作怨字。〔案〕怨字是讀作冤。

子孫

三世不交通矣。到洽爲御史中丞。初欲彈劉孝綽。其兄旣先與劉善。苦諫不得。乃詣劉涕泣告別而去。

〔梁書〕

到洽傳〕洽字茂洽。彭城武原人。普通六年。遷御史中丞。彈糾無所顧望。號爲勁直。當時嚴清。〔到洽傳〕澈字茂灌。少孤貧。與弟洽俱聰敏。有才學。〔劉孝綽傳〕孝綽字季綽。彭城人。本名冉。小字阿士。與到洽友善。同遊東宮。自以才優於洽。每於宴坐。輒鄙其文。洽銜之。及孝

綽爲廷尉正。攜妾入官府。其母猶停私宅。洽尋爲御史中丞。道令史案其事。遂劾奏之。云攜少妹於華省。棄老母於下宅。高祖爲隱其惡。改妹爲姝。坐免官。

兵凶戰危。〔補〕漢書。金銷傳〕兵凶器。戰危事也。

以大爲小。以強爲弱。在倂仰之間耳。

非安全之道。古者天子喪服。以臨師。將軍鑿凶門而出。

〔淮南子兵略訓〕

主親操斧鉞。授將軍將辭而行。乃爪髯設明衣。鑿凶門而出。〔補〕〔老子〕古事尙左。凶事尙右。偏將軍居左。上將軍居右。言以喪禮處之。

父祖伯叔。若在軍陣。

〔補〕陣乃陳之俗禮。

貶損自居。不宜奏

樂讌會及婚冠吉慶事也。(補)冠古玩切若居園城之中，憔悴容色，除去飾玩。(補)去差舉切常爲臨深履薄之狀焉。父

母疾篤，醫雖賤，雖少。

(補)詩詔切

則涕泣而拜之，以求哀也。梁孝元在江州，嘗有不豫，世子方等親拜中兵參

軍李猷焉。

(元注)一本無焉字。梁書世祖二子傳：忠壯世子方等，字實相，世祖長子。母曰徐妃。隋書百官志：皇弟皇子府置功曹史、錄事、記室、中兵等參軍。

四海之人，結爲兄弟，亦何容易，必有志均義敵，令終如始者，方可議之。一爾之後，命子拜伏，呼爲丈人，申

父友之敬。

友，宋本作交。注：一本作友。補：古者與其子相反，則拜其親，謂之拜親之交。馬援有疾，梁松來候之，獨拜牀下，援不答。孔融先與陳紀友，後與其子羣交，更爲羣拜紀，魯肅拜呂蒙母，結友而別。諸史所載如此者非一。

身事彼親。

亦宜加禮，比見北人，甚輕此節，行路相逢，便定昆季，望年觀貌，不擇是非，至有結父爲兄，託子爲弟者。

昔者周公一沐三握髮，一飯三吐餐，以接白屋之士，一日所見七十餘人。

見荀子而文小異，說苑亦載之。補：荀子幾問篇：說苑尊賢篇及尚書大

傳：唯說見士，其握髮吐哺見史記魯世家。

晉文公以沐辭豎頭須，致有圖反之誚。

見左傳二十四年傳。

門不停賓，古所貴也。(補)晉書王渾傳：渾

無空席，門不停賓，故江東之士莫不悅附。

失教之家，閤寺無禮，或以主君寢食曠怒，拒客未通，江南深以爲恥。黃門侍郎裴之禮。

〔隋書百官志〕門下省置侍中給事黃門侍郎各四人

號善爲士大夫。有如此輩，對賓杖之。其門生僮僕，接於他人，折旋俯仰，辭色應對。

莫不肅敬，與主無別也。

號善爲以下，宋本作好待賓客。或有此輩，對賓杖之，僮僕引接折旋俯仰，莫不肅敬，與主無別。〔注〕一本作云云。

慕賢第七

古人云：千載一聖，猶旦暮也。五百年一賢，猶比隣也。

〔補〕孟子外書性善辨：「千年一聖，猶旦暮也。」〔聖子第四〕聖人在上，賢士百里而有一人，則猶無有也。王道衰微，暴亂在上，賢士千里

而有一人，則猶比隣也。〔補〕各切。〔說文〕肩甲也。

言聖賢之難得，疏闊如此，儻遭不世明達君子，安可不攀附景仰之乎。

〔補〕〔法言〕海濤驚龍，攀龍附鳳。

〔後漢書〕劉愷傳：「賈逵上書稱愷景仰前修。」〔案〕宋以來，以詩云「高山仰止，景行行止」，遂謂景爲明，不可用作景慕義。眞西山初墓元德秀而問其名，因字景元，後悟其非，改爲希元。鶴林玉露辨之，蓋詳不知景仰之語古矣。此亦用之。章懷於愷傳，百僚景式，下注云：景猶慕也。是唐人猶不若宋人之拘泥也。

吾生於亂世，長於戎馬。

〔補〕長張丈切。

流離播越。

〔補〕流離見詩，邱詒，播越見左昭二十六年傳。

聞見已多，所值名賢，未嘗

不心。

宋本作神。

醉魂迷，向慕之也。人在少年，神情未定，所與款狎，熏漬陶染，言笑舉動。

宋本作對。

無心於學，潛移默

化，自然似之。何況操履藝能，較明易習者也。

〔補〕易弋鼓切，也讀爲耶。

是以與善人居，如入芝蘭之室，久而自芳也。與惡

人居如入鮑魚之肆久而自臭也。

本家語
六本篇

墨翟悲於染絲。

淮南子說林訓。墨子見練絲而泣之爲其可以黃可以黑。

是之謂矣。君子必慎交

遊焉。孔子曰：無友不如己者。顏閔之徒，何可世得，但優於我，便足貴之。

〔案〕下
當分段。

世人多蔽，貴耳賤目。

〔補〕見張
衡東京賦。

重遙輕近，少長周旋。

〔補〕少時照
切。長張丈切。

如有賢哲，每相狎侮，不加禮敬。

〔補〕禮記曲
禮上。賢者狎

而敬之。〔又曰〕禮不論節，不侵侮，不好狎。〔鄭注〕爲傷敬也。

他鄉異縣。

〔補〕見
秦邕詩。

微籍風聲，延頸企踵。

〔補〕見漢書
蕭望之傳。

甚於飢渴，校其長短，覆其精麤。

或彼不能如此矣。

俗本無兩其字。宋本有下句作或能彼不能此矣。不知俗本之善。

所以魯人謂孔子爲東家丘。

〔裴松之注〕魏志原傳。引原別傳曰：原遊學詣安邱孫崧，崧辭曰：君鄉里鄭君。

誠學者之師模也。君乃舍之，所謂以鄭爲東家某者。原曰：君謂僕以鄭爲東家某，以僕爲西家愚夫邪。

昔虞國宮之奇，少長於君，君狎之，不納其諫，以至亡國。

見左氏傳
五年傳。

不可不留心也。

〔案〕下
當分段。

用其言，棄其身，古人所恥。

〔左氏定九年傳〕鄭駟敬齋，鄭析而用其竹刑。君子謂子然於是乎不忠，用其道不棄其人。詩云：蔽芾甘棠，勿剪勿伐，召伯所爰。思其人，猶愛其樹，況用其道而不恤其人乎。

凡有一言

一行。

〔補〕下
孟切。

取於人者，皆顯稱之，不可竊人之美以爲己力。雖輕雖賤者，必歸功焉。竊人之財，刑辟之所

處。〔補〕碎婢亦切。竊人之美，鬼神之所責。〔案〕下當分段。

梁孝元前在荊州。〔補〕〔梁書元帝紀〕普通七年，出爲使持節都督荆湘鄖益寧南梁六州諸軍事，西中郎將荊州刺史。有丁覘者，洪亭民耳，頗善屬文。〔補〕屬之欲切。殊工

草隸，孝元書記，一皆使之。〔補〕〔後漢書百官志〕記室令史主上章表報書記。軍府輕賤，多未之重，恥令子弟以爲楷法。〔補〕令力丁切。〔禮記儒行〕今世行之。

後世以爲楷。時云。〔元注〕一本無時云字。丁君十紙，不敵王褒數字。宋本作王君一字。〔注〕一本云：王褒數字。〔周書王褒傳〕褒字子淵，瑛邪臨沂人。梁國子祭酒蕭子雲妻之姑夫也。特善草隸，義以姻戚去來。

其家遂相模範，俄而名亞子雲，竝見重於世。吾雅愛其手迹，常所寶持。孝元嘗遺典籤，惠編。〔南史恩傳〕呂文顯傳：故事，府州部內論事，皆籤前直籤所論之事。後云：籤蓋日月下，又云：某官某蓋，故

府州置典籤，以典之，惠姓編名。送文章示蕭祭酒。〔補〕〔隋書百官志〕國學有祭酒一人。祭酒問云：君王比賜書翰及寫詩筆，殊爲佳手，姓名爲誰。

那得都無聲問，編以實荅。子雲歎曰：此人後生無比，遂不爲世所稱，亦是奇事。於是聞者少復刮目。〔裴松之

注吳志呂蒙傳〕引江表傳呂蒙謂魯肅曰：士別三日，卽更刮目相待。〕稍仕至尙書儀曹郎。〔隋書百官志〕尙書省置儀曹虞曹等郎二十三人。〕末爲晉安王侍讀，隨王東下，及西

臺陷沒，簡牘湮散，丁亦尋卒於揚州。〔梁書簡文帝紀〕天監五年封晉安王。〕前所輕者，後思一紙不可得矣。〔案〕下當分段。

侯景初入建業。

〔南史賊臣傳〕侯景字萬景，魏之懷朔鎮人。初，韋爾朱榮、高歡誅爾朱氏，景以衆降。歡使擁兵十萬，專制河南。太平元年二月，上表求降。武帝封景河南王，大將軍，使持節都督河南北諸軍事。大行臺及與魏通和二年八月，遂發兵。

反。〔美志孫權傳〕十六年，徒治秣陵。

臺門雖閉。

〔補〕〔齊書〕臺門，晉宋間謂朝廷禁近爲臺，故稱禁城爲臺。城官軍爲臺軍，使者爲臺使。〔案〕此臺門，亦謂臺城門也。

公私草擾，各不自全。

太子左衛率羊侃坐東掖門，部分經略，一宿皆辦，遂得百餘日抗拒兇逆。

羊侃見前〔梁書本傳〕中大通六年，出爲晉安太守。頃之徵太子左衛率，太清

二年，復爲都官尚書。侯景反，侃區分防擬，皆以宗室聞之。賊攻東掖門，縱火甚盛，侃親自距抗，以水沃火，火滅。賊爲突項木，驢攻城，矢石所不能制。侃作雉尾炬，施鐵鱗以油灌之，懸上焚之。賊遂退。賊又東西兩面起土山以臨城，侃命爲地道，潛引其土山不能立。賊又作登城樓車，高十餘丈，欲臨射城內。侃曰：身高壘虛，彼來必倒。及車動，果倒。後大雨，城內土山崩，賊棄之。垂入，侃乃令多擲火爲火城以斷其路。徐於裏築城，賊不能進。十二月，遷疾卒于臺內，分扶闕切。

於是城內四萬許人，王公朝

士不下一百，便是恃侃一人安之。其相去如此。古人云：巢父許由，讓於天下。

〔高士傳〕巢父者，堯時隱人也，以樹爲巢而寢其上。故時人號曰巢父。堯

之讓許由也。由以告巢父。巢父曰：汝何不隱汝形，藏汝光，若非吾友也。〔又曰〕許由，字武仲，陽城槐里人也。堯召爲九州長，由不欲聞之，洗耳於穎水濱。巢父曰：污吾槽口，乘轡上流飲之。父音甫。

市道小人，爭一錢之利，亦已

懸矣。

齊文宣帝即位數年，便沈酒縱恣，略無綱記，尙能委政尙書令楊遵彥，內外清謐，朝野晏安，各得其所。物

無異議。終天保之朝。

〔北齊書文宣帝紀〕顧祖文宣皇帝諱洋字子進高祖第二子世宗之母弟受東魏禪即皇帝位改武定八年爲天保元年六七年後以功業自矜縱酒肆欲事極猖狂昏邪殘暴近世未有〔補〕沈直深切諷勸舉切

遵彥後爲孝昭所戮刑政於是衰矣。

〔孝昭帝紀〕諱演字延安神武第六子文宣之母弟文宣崩幼主即位除太傅錄尚書事朝政皆決於帝乾明元年從廢帝赴鄴居於領軍府時楊愔等以帝威望既重內懼權逼

請以帝爲太師司州牧錄尚書事解京畿大都督帝時以尊親而見猜斥乃與長廣王謀至省坐定酒數行於坐執愔等斬於御府之內〔楊愔傳〕愔字遵彥宏農華陰人小名秦王遵彥死以中書令趙彥深代領機務馮暉少病楊休之私謂人曰將涉千里殺馮暉而策

之甚

斛律明月齊朝折衝之臣無罪被誅將士解體周人始有吞齊之志關中人至今譽之此人用兵

豈止萬夫之望而已也國之存亡係其生死。

〔斛律金傳〕金子光字明月周將軍章孝寬兄光英勇乃作謠言令聞譖滿其文於鄴祖暉穆提婆遂相與協謀以謠言啓帝遣使賜其駿馬光來謝引入涼

風堂劉桃枝自後拉而殺之於是下詔稱光謀反尋發詔盡滅其族周武帝後入鄴道贈上柱國公指詔書曰此人若在朕豈能至鄴

〔補〕〔呂氏春秋召類篇〕孔子曰修之於廟堂之下而折衝乎千里之外者其司城子罕之謂乎〔注〕衝車所以衝突敵之車有道之國使欲攻己者折還其衝車於千里之外不敢來也將于亮切解禮見左氏成八年傳萬夫之望見易繫辭下傳

張延雋之爲晉州行臺左丞匡維主將鎮撫疆場。

〔補〕音亦

儲積器用愛活黎民隱若敵國矣。

〔後漢書吳漢傳〕諸將見戰陳不利或多

惶懼漢意氣自若帝時遣人觀大司馬何爲還言方脩戰攻之具乃歎曰吳公差遣人意隱若一敵國矣

〔補〕〔漢書游俠傳〕劇孟以俠顯吳楚反時天下騷動大將軍得之若一敵國然〔案〕張延雋不見於史羣小不得行志同力遷

之既代之後，公私擾亂，周師一舉，此鎮先平。（北史周本紀）武帝建德五年十月，帝總戎東伐，遣內史王誼攻晉州城，是夜

降。壬申，晉州刺史崔嵩密使送款。上開府王軌應之，未明，奪城，遂晉州。甲戌，以上開府羅士彥爲晉州刺史，以鎮之。

齊亡之迹。

宋本作齊國之亡（注）

啓於是矣。

一本云齊亡之迹。





顏氏家訓卷第二

勉學

勉學第八

自古明王聖帝，猶須勸學。況凡庶乎？此事徧於經史，吾亦不能鄭重，聊舉近世切要，以啓寤汝耳。

〔補〕〔漢書〕王莽

〔傳注〕鄭重，猶言頻頻也。啓，開也。寤，覺也。與悟通。

士大夫子弟，數歲已上，莫不被教。多者或至禮傳，少者不失討論。

〔補〕上時掌切。傳，張戀切。論如字。討論，語

及至冠婚，體性稍定。

〔補〕冠古玩切。

因此天機，倍須訓誘。有志尚者，遂能磨礪，以就素業。無履立者，自茲墮慢，便

爲凡人。

〔補〕天機，言後生入世未深，其本來之性，尚未爲物欲所汨也。素業，清素之業。〔魏志〕徐胡傳評胡質素業，貞粹履立，謂操履樹立，隨徒果切，與惰同。

人生在世，會常有業。農民則計量耕

稼，商賈則討論貨賄。

〔補〕量音良，賈音古。〔周禮〕天官大宰，商賈阜通貨賄。〔注〕金玉曰貨，布帛曰賄。

工巧則致精器用，伎藝則沈思法術。

〔補〕沈，直深切。俗本作深，誤。

武夫則慣習弓馬，文士則講議經書。多見士大夫，恥涉農商，羞務工伎，射則不能穿札，筆則纔記姓名。

〔補〕札，甲葉也。〔左氏成十六年傳〕潘筓之黨與養由基踰甲而射之。數七札焉。〔釋文〕札，側八切。〔史記項羽本紀〕書足以記姓名而已。

飽食醉酒，忽忽無事，以此消日，以此終年，或因家

世餘緒得一階半級便自爲足全忘修學

(元注)一本云便謂爲足安能自苦

及有吉凶大事議論得失蒙然張口如坐雲霧

(補)蒙然如說苑雜言篇惠子所云蒙蒙如未視之狗張口猶所謂舌揚而不能下也

公私宴集談古賦詩寒默低頭欠伸而已

(補)禮記曲禮上正義志或則欠禮或則伸

有識旁

觀代其入地

(補)家語風節解季孫聞宓子之言服然而愧曰地若可入吾豈忍見宓子哉

何惜數年勤學長受一生愧辱哉

案下當分段

梁朝全盛之時貴遊子弟多無學術至於諺云上車不落則著作體中何如則祕書

(補)周禮地官師氏凡國之貴遊子弟學焉(注)

貴遊子弟王公之子弟遊無官司者杜子春云遊當爲猶晉雖貴猶學(隋書百官志上)梁制祕書省置監丞各一人掌國之典籍圖書著作郎一人佐郎八人掌國史集注起居著作郎謂之大著作佐郎爲起家之選(通典職官八)宋齊祕書郎四員尤爲美職皆爲甲族起家之選待次入補其居職例十日恒遷梁亦然自齊梁之末多以貴遊子弟爲之無其才實無不燻衣剃面傅粉施朱駕長簷車跟高齒屐坐棊子方褥憑斑絲

隱囊列器玩於左右從容出入望若神仙

(補)廣韻燻同囊(集韻)俗囊字傳音附聲謂韋也韋長則坐音安跟古痕切(說文)足踵也(釋名)足後曰跟依此文則當有著義或字當爲跟也履奇逆切

(釋名)履揜也爲兩足揜以踐泥也案自晉以來士大夫多喜著履雖無雨亦著之下有齒謝安因喜過戶限不覺履折齒是在家亦著也舊齒露即則當如今之釘鞋方可露卯晉泰元中不復齒今之履下有兩方木齒著木上則亦不能齒也(釋名)揜辱也人所坐餐等也隱囊如今之靠枕(南史杜府傳)杜巖斑絲纏履是當時有此名今未能詳也從七容切

明經求第則顧人答策三九公讌則假手賦詩當爾之時亦快士也

〔補〕明經自漢以來有之。梁凡舉秀才。李唐皆策試明經。則史未詳焉。〔齊書儒林傳序〕貴遊之輩。飾以明經。可謂稽山竹簞。加以括羽。顯情也。俗作履。非公議公家之議。文選有公議詩。此云三九。則有常日矣。唐宋以前。凡外郎亦皆用留使錢充宴設。及離亂

之後。朝市遷革。銓衡選舉。非復曩者之親。〔補〕復扶宮切。蓋奴朗切。今人誤讀爲囊。當正之。當路乘權。不見昔時之黨。求諸身而無所

得。施之世而無所用。被褐而喪珠。失皮而露質。〔補〕老子德經。聖人被褐懷玉。喪息溼切。〔法言吾子篇〕羊質而虎皮。見草而說。見豺而戰。忘其皮之虎也。兀若枯木。泊

若窮流。〔補〕陸機文賦。兀若枯木。鬱若澗流。泊疑當。鹿獨戎馬之間。轉死溝壑之際。當爾之時。誠驚材也。〔補〕陸機文賦。兀若枯木。鬱若澗流。泊疑當。鹿獨戎馬之間。轉死溝壑之際。當爾之時。誠驚材也。木作孤

獨。此從宋本。〔補〕禮記王制正義。引釋名。無子曰獨。獨。鹿也。鹿無所依也。又〔張華博物志〕獨流獨流。水深泥。獨。獨鹿一作獨。亦作獨。當是才字之意。本無定字。故此又倒作鹿獨也。〔字林〕獨。駘也。駘。駘下乘。此亦謂下材也。有學藝者。觸

地而安。自荒亂已來。諸見俘虜。雖百世小人。知讀論語孝經者。尙爲人師。雖千載冠冕。不曉書記者。莫不

耕田養馬。以此觀之。〔補〕宋本有。安可不自勉耶。若能常係數百卷書。千載終不爲小人也。〔案〕下

夫明六經之指。涉百家之書。縱不能增益德行。敦厲風俗。猶爲一藝。得以自資。〔補〕六經依禮記經解所列。則詩。書。樂。易。禮。春秋。是也。經不可以不

明。百家之書。則俱涉。父兄不可常依。鄉國不可常保。一旦流離。無人庇廕。當自求諸身耳。諺曰。積財千萬。不

如薄伎在身，伎之易習而可貴者，無過讀書也。世人不問愚智，皆欲識人之多，見事之廣，而不肯讀書，是猶求飽而懶營饌，欲暖而惰裁衣也。夫讀書之人，自羲農已來，宇宙之下，凡識幾人，凡見幾事，生民之成

敗好惡，固不足論。

(補)好惡 豈如字

天地所不能藏，鬼神所不能隱也。

(案)下 當分段

有客難主人曰：

(補)難乃且切，主 人之推自謂也。

吾見

彊弩長戟。

(補)(說文)弩，弓有臂者。(釋名)其柄曰臂，鉤弦曰牙。牙外曰郭，下曰懸刀，合名之曰櫜。(書)太甲上：若 虞機張，往者括于度，則釋(傳)機，弩牙也。(鄭注)考工記：戰今三鋒戟也。(釋名)戟，格也，旁有枝格也。

誅罪安民，以

取公侯者有矣。文義習吏。

俗本作史。(補)(大戴禮)保傅篇：不習爲吏，視已成事。一本作習史，亦可通。謂習史書也。(漢書)藝文志：太史試學童，能誦書九千字以上，乃得爲史。又以六體試之，課最者，以爲尚書御史史書令史。

匡時富國，以取卿相者有矣。學備古今，才兼文武，身無祿位，妻子飢寒者，不可勝數。安足貴學乎？

(補)勝音 升，數色主。

主人對曰：夫命之窮達，猶金玉木石也。恪以學藝，猶磨瑩雕刻也。金玉之磨瑩，自美其璜璞。

(補)璜古璜 切，本作卮亦。

作璜璜(周禮)地官卮人：掌金玉錫石之地。(注)卮之官璜也。金玉未成器曰璜。(玉篇)璜，玉未治者。

木石之段塊，自醜其雕刻，安可言木石之雕刻，乃勝金玉之鑲

璞哉，不得以有學之貧賤，比於無學之富貴也。且負甲爲兵，咋筆爲吏。

(補)咋仕密切，齧也。(北齊書)徐之才傳：小史好咋筆。

身死名滅者

如牛毛。角立傑出者如芝草。握素披黃。

(補)古者書籍以絹素寫之。(太平御覽六百六)引風俗通曰。劉向爲孝成皇帝與校書籍十餘年。皆先書竹。改易刊定。可繕寫者。以上素也。黃者黃卷也。古者書竝作

卷軸。可卷舒。用黃者取其不蠹。

吟道咏德。苦辛無益者。如日蝕。逸樂名利者。如秋荼。豈得同年而語矣。

(補)日蝕。喻不常有也。如秋荼。俗本作淺秋茶。(鹽

鐵論刑德篇)秦法繁於秋荼。茶玉秋而益繁。喻其多也。

且又聞之。生而知之者上。學而知之者次。所以學者。欲其多知明達耳。(補)知。俗本作智。必有

天才。拔羣出類。爲將則闡與孫武吳起同術。執政則懸得管仲子產之教。雖未讀書。吾亦謂之學矣。

(補)(史

肥孫子吳起列傳)孫子武者。齊人也。以兵法見吳王闔廬。闔廬以爲將。西破強楚。入郢。北威齊晉。顯名諸侯。吳起者。衛人也。好用兵。魏文侯以爲將。起與士卒最下者同衣食。臥不設席。行不乘騎。親裹贏糧。與士卒分勞苦。用兵廉平。盡能得士心。後之楚。南平百越。北并陳蔡。却三晉。四伐秦。後爲貴戚所害。(管晏列傳)管仲夷吾者。潁上人也。任政於齊。桓公以霸。(循吏列傳)子產者。鄭之列大夫。相鄭二十六年而死。丁壯號哭。老人兒啼。

今子卽不能。然不師古之蹤跡。猶蒙被

而臥耳。(補)言其一物無所見也。(案)下當分段。

人見鄰里親戚有佳快者。

(補)佳快。言佳。人快。士異乎庸流者也。

使子弟慕而學之。不知使學古人。何其蔽也哉。世人但知跨馬

被甲。長甬強弓。便云我能爲將。不知明乎天道。辯乎地利。比量逆順。鑒達興亡之妙也。

(補)甬所交切。(玉篇)弓使箭。(廣韻)弓。強

〔孫子始計篇〕天者陰陽寒暑時制也。地者遠近險易廣狹生死也。〔司馬法定禮篇〕凡戰順天。阜財。擇衆。利地。右兵。是謂五德。順天奉時。阜財。因敵。擇衆。勉者。利地。守險。險阻。右兵。弓矢。擊。受。矛。守。戈。戟。助。量。音。良。

但知承上接下。積財

聚穀。便云我能爲相。不知敬鬼神。移風易俗。調節陰陽。薦舉賢聖之至也。

〔補〕〔漢書郊祀志〕元帝好儒。貢禹章。平。成。匡。衡。等。建言。祭祀。多。不。應。古。

禮。乃多所更定。〔孝經〕移風易俗。莫善於樂。〔書周官〕三公。管理陰陽。〔漢書陳平傳〕高帝以平爲左丞相。對上曰。臣主佐天子。理陰陽。調四時。理萬物。撫四夷。〔案〕漢之三。公。得自。當。舉。士。士。之。有。行。義。伏。願。穴。者。常。徵。上。公。車。賢。者。多。出。其。中。

但知私財

不入。公事夙辦。便云我能治民。不知誠己刑物。

刑與。對同。

執轡如組。

〔補〕〔呂氏春秋先己篇〕詩曰。執轡如組。孔子曰。審此言也。可以爲天下子貢曰。何其操也。孔子曰。非謂其操。

也。謂其爲之於此而成文於彼也。聖人組脩其身而成文於天下矣。〔案〕〔家語好生篇〕亦載此以爲節詩。而并引兩轡如組。殊誤。其載孔子之言曰。爲此詩者。其知政乎。夫爲組者。總紕於此。成文於彼。言其勳於近。行於遠也。執此法以御民。豈不化乎。竿旄之忠告。至矣哉。

〔案〕〔毛詩傳〕云。御衆有文章。言能治衆。勳於近。成於遠也。語意正相合。

反風滅火。

〔後漢書儒林傳〕劉昆。字桓公。陳留東昏人。光武除爲江陵令。時縣連年火災。昆輒向火叩頭。多能降雨。止風。遷宏農太守。虎背負子渡河。建武二十二年。徵代杜林爲。

光祿勳。詔問前在江陵。反風滅火。後守宏農。虎北渡河。行何德政。而致是事。對曰。偶然耳。帝歎曰。此乃長者之言也。

化鷓爲鳳之術也。

又〔晉書〕傳。仇覽。字季智。一名香。陳留考城人。縣選爲蒲亭長。有陳元者。獨與母居。而母詭覽告元不孝。

覽親到元家。與其母子飲。爲陳人倫孝行。譬以禍福之言。元卒成孝子。鄉邑爲之謠曰。父母何在。在我庭。化我鷓鴣。唯所生。考城令王浚。聞覽以德化民。譽爲主簿。謂曰。主簿聞陳元之過。不罪而化之。得無少鷓鴣之志耶。覽曰。以爲鷓鴣。不若鷓鴣。漁謝道曰。枳棘非鷓鴣所。

棲。百里非大賢之路。以一月來爲資。令入太學。

但知抱令守律。早刑時捨。

〔元注〕一本作晚舍。〔補〕早刑語難曉。疑有說。時捨謂時有縱捨。即赦宥也。

便云我能平獄。不知同轡觀。

罪未分劍追財。

(太平御覽六百二十九)引風俗通曰：沛郡有富家公，賞二千餘萬，子穠數歲失母，其女不賢，父病，令以財盡屬女。但遺一劍，五年，兒年十五，以還付之，其後又不肯與，兒乃訟之。時太守大司空何武也，得其辭，顧謂掾史曰：女性強梁。

增復貪鄙，畏害其兒，且寄之耳。夫劍者所以決斷，限年十五者，度其子智力足聞縣官，得以見伸屈也。乃悉奪財還子。

假言而姦露。

(魏書李崇傳)爲揚州刺史，先是壽春縣人苟泰有子三歲，遇賊亡，失數年，不知所在。後見在同縣人趙奉伯家，泰

以狀告，各言己子，並有鄰證，郡縣不能斷。崇曰：此易知耳。令二父與兒各在別處，禁經數旬，然後遣人告之曰：君兒遇患，向已暴死，苟泰聞即號咷，悲不自勝，奉伯吞唾而已，殊無痛意。崇察知之，乃以兒還泰。

不問而情得之察也。

(晉書陸

雲傳)嘗渡橋，令人有見殺者，主名不立，雲錢其妻而無所問。十許日，道出密令人，隨後謂曰：不出十里，富有男子，候之與語，便縛來，既而果然，問之具服云：與此妻通，共殺其夫，聞其得出，故遠相要候於此一縣，稱其神明。

爰及農商工賈，厮

役奴隸，釣魚屠肉，飯牛牧羊，皆有先達，可爲師表，博學求之，無不利於事也。

古聖賢如舜伊尹，皆起於耕，後世賢而躬耕者，多不能以徧舉。尸子曰：子

賈衛之賈人，左傳載鄭商人弦高，及賈人之謀出，荷幣而不以爲德者，皆賢達也。工如齊之斷輪及東郭牙，厮役僕隸如兒寬爲諸生都養，王象爲人僕隸而私讀書，釣魚屠牛，皆齊太公事。飯牛，審威事卜式，得溫舒張華，皆嘗牧羊。史傳所載如此者，非一(案)下當分段。

夫所以讀書學問，本欲開心明目，利於行耳。

(補)(家語六本篇)忠言逆耳而利於行，行下孟切。

未知養親者，欲其觀古人之先意承顏。

怡聲下氣，不憚劬勞，以致甘腴，惕然慙懼，起而行之也。

(補)(禮記祭義)曾子曰：君子之所謂孝者，先意承志，諷父母於道(內則)父母有過，下氣怡色，柔聲以諫(晉書孝友傳)柔色承

顏怡怡以樂，顏宋本作頤，注云一本作旨，案廣韻膺肉，膺讀若嶽，頤與頤同，非其義。

未知事君者，欲其觀古人之守職無侵，見危授命，不忘誠。

宋本作箴

諫以利



社稷惻然自念，思欲效之也。素驕奢者，欲其觀古人之恭儉節用，卑以自牧。〔補〕易謙初六象傳文。禮爲教本，敬者身

基，矧然自失，斂容抑志也。〔補〕禮記曲禮上：人有禮則安，無禮則危。哀公問：孔子對哀公曰：所以治禮敬爲大。君子無不敬也。敬身爲大，不能敬其身，是傷其親，傷其親是傷其本，傷其本，枝從而亡。〔禮記〕上：曾子聞之，矧然，

然，矧之貌，紀具切。〔列子〕仲尼篇：子貢茫然自失。素鄙吝者，欲其觀古人之貴義輕財，少私寡慾，忌盈惡滿，矧窮卹匱，報然悔恥，積

而能散也。〔補〕易謙象辭：天道虧盈而益謙，地道變盈而流謙，鬼神害盈而福謙，人道惡盈而好謙。〔書大禹謨〕：滿招損，周也。〔高誘注〕呂氏春秋季春紀：蘇寡孤獨曰窮，匱乏也。報奴版切。〔小爾雅〕：面慙曰矧，慙與報同。積而能散，禮記曲禮上文。

素暴悍者，欲其觀古人之小心黜已。〔補〕說文：黜，貶下也。齒弊舌存。〔說苑敬慎篇〕：常理有疾，老子往問焉，張其口而示老子曰：吾舌存乎？老子曰：然。吾齒存乎？老子曰：亡。常從曰：子知之

乎？老子曰：夫舌之存也，豈非以其柔耶？齒之亡也，豈非以其剛耶？常從曰：嘻，是已。天下之事，已盡無以復語子哉。含垢藏疾。〔左氏宣十五年傳〕：川澤納汙，山藪藏疾。理喻臣君含垢天之道也。尊賢容衆，茶然沮喪。

〔補〕莊子齊物論：茶然，疲瘦而不知所歸。茶奴結切。混蒸，呂切。喪，蘇漢切。若不勝衣也。〔禮記檀弓下〕：禮文子退然如不語衣，其言喑喑然，如不出諸其口。素怯懦者，欲其觀古人之達生委

命。〔補〕莊子達生篇：達生之情者，不務生之，所無以爲達命之情者，不務知之所無奈何。強毅正直，立言必信，求福不回。〔詩大雅旱麓〕：豈弟君子，勃然奮厲，不可

恐懼也。〔補〕禮記曲禮上：質駘而有禮則志不懼之涉切。歷茲以往，百行皆然，縱不能淳，去泰去甚。〔韓非子外儲說左下〕：季孫好士，終身莊處衣服，常如朝廷，而季孫適懈，有過失，客以爲

衣服常如朝廷，而季孫適懈，有過失，客以爲

脩身以求進也。夫學者猶種樹也。春玩其華。秋登其實。講論文章。春華也。脩身利行。秋實也。

〔補〕（左氏昭十八年傳）閔

子馬曰。夫學。殖也不。殖將落。〔韓詩外傳七〕簡主曰。春樹桃李。夏得陰。其下秋得食。其實。〔魏志邢顯傳〕探庶子之春華。忘家室之秋實。利行下孟切。〔案〕下當分段。

人生小幼。精神專利。長成已後。思慮散逸。固須早教。勿失機也。

〔補〕長丁文切

吾七歲時。誦魯靈光殿賦。

〔後漢書文苑傳〕

王逸子延壽。字文考。有儘才。少遊魯國。作靈光殿賦。今見文選。

至於今日。十年一理。猶不遺忘。二十之外。所誦經書。一月廢置。便至

〔元注〕一荒本無至字

蕪矣。然人有坎壤。失於盛年。

〔補〕坎壤。苦感虛感二切。亦作坎廔。音同。〔楚辭九辯〕坎廔兮。曾士失職而志不平。〔丑臣注文選〕坎廔。困窮也。

猶當晚學。不可自棄。孔子云。五

十以學易。可以無大過矣。魏武袁遺。老而彌篤。此皆少學而至老不倦也。

〔魏志武帝紀注〕太祖御軍三十餘年。手不捨書。晝則講武。夜則思經傳。登

高必賦。及遺新詩。發之管弦。皆成樂章。袁遺。字伯業。紹從兄。爲長安令。河間張超嘗薦遺於太尉朱儁。稱遺有冠世之懿。幹時之量。太祖稱長大而能勤學。惟吾與袁伯業耳。

曾子七十乃學。名聞天下。

未詳。荀卿五

十始來遊學。猶爲碩儒。

〔史記孟荀列傳〕荀卿。趙人。年五十始來遊學於齊。〔案隱〕荀卿名況。稱者時人相尊而號曰卿也。

公孫宏。四十餘。方讀春秋。以此遂登

丞相。

〔漢書公孫宏傳〕宏。魯川薛人。年四十餘。乃學春秋。誦說六十。爲博士。免歸。武帝元光五年。復徵賢良文學。策詔諸儒。宏對爲第一。拜爲博士。待詔金馬門。元朝中代薛澤爲丞相。封平津侯。

朱雲亦四十始學易論語。

〔同上朱雲傳〕雲字游，魯人。少時通經，年四十，道學節從博士。白子友受易，又奉將軍蕭望之受論語，皆能傳其業。當世高之。

皇甫謐二十始受舊作孝經論語。〔晉書皇甫謐傳〕謐字士安，安定朝那人。年二

十不好學，遊蕩無度。所後叔母任氏，對之流涕，乃感激就鄉人席坦受書，勤力不怠。遂博綜典籍，百家之言，以著述爲務。自號平晏先生。皆終成大儒。此並早迷而晚寤也。世人婚冠未學，便

稱遲暮，因循而牆。〔補〕〔書周官〕不學牆面。亦爲愚耳。幼而學者，如日出之光；老而學者，如秉燭夜行，猶賢乎瞑目而

無見者也。〔補〕〔說苑建本篇〕師曠曰：少而好學，如日出之陽，壯而好學，如日中之光，老而好學，如炳燭之明，炳燭之明，孰其味行乎？〔案〕下當分段。

學之興廢，隨世輕重。漢時賢俊，皆以一經宏大之也。聖人之道，上明天時，下該人事，用此致卿相者多矣。

〔補〕事皆具。末俗已來，不復爾。〔補〕復扶又切。爾字疑當重。空守章句，但誦師言，施之世務，殆無一可。故士大夫子弟，皆以

博涉爲貴，不肯專儒。儒者專治經也。宋本作不肯。專於經業，疑是後人所改。梁朝皇孫以下，總巾之年，必先入學，觀其志尚。〔補〕〔詩齊風〕

兮，總角巾兮。〔傳〕總角，聚兩髦也。非幼穉也。出身已後，便從文史。〔補〕〔漢書東方朔傳〕三冬文史足用。史謂史書也。但此亦兼文章三史而言。舊本作史字，非。略無卒業者，冠冕爲此者，則

有何肖。羊晉切。〔梁書處士傳〕何字子季，點之弟也。師事沛國劉徽，受易及禮記毛詩。入鍾山定林寺，聽內典。其業皆通。辭職居若邪山，雲門寺。世號點爲大山子季，爲小山。亦曰東山。注周易十卷，毛詩總集六卷，毛詩隱義十卷，禮記隱義二十卷，禮記問五十

五、劉燾、已見 明山賓

(同上本傳)明山賓字孝若平原南人七歲能言平理十三博通經傳梁簡帝置五經博士山賓首膺其選東宮新置學士又以山賓居之俄兼國子祭酒累居學官其有訓導之益所著古禮儀注二百二十四卷禮

儀二十卷孝經喪禮服義十五卷

周捨

(同上本傳)周捨字昇逸汝南安成人博學多通尤精義理高祖即位博求異能之士范雲言之於高祖召拜尚書祠部郎居職屢徙而常留省內國史詔讀儀禮法律軍旅謀皆兼掌之預機密二十餘年而竟無

一言漏洩機事

朱异

(同上本傳)朱异字彥和吳郡錢唐人徧治五經尤明禮易涉獵文史兼通雜藝博奕書算皆其所長有詔求異能之士明山賓表薦之高祖召見使說孝經周易義謂左右曰朱异實異周捨卒异代掌機謀方鎮改換朝儀國

典詔讀數書兼掌之每四方表疏當局部領諮詢詳議環委於前頃刻之間諸事傾了所撰禮易講疏及儀注文集百餘篇亂中多亡逸

周宏

明賦正(陳書本傳)周思行汝南安成人幼孤及弟宏讓宏直俱爲叔父捨所養十歲通老子周易起

家梁太學博士累遷國子博士時於城西立士林館宏正居以講授聽者傾朝野焉特善平言兼明釋典雖碩學名僧莫不詩質疑滯所著周易講疏論語疏莊子老子疏孝經疏及集行于世

賀琛(梁書本傳)賀琛字國寶會稽山陰人伯父瑒授其經業一聞

便通義理尤精三禮爲通事舍人累遷皆參禮儀事所撰三禮講疏五經滯義及諸儀法凡百餘篇

賀革

(同上儒林傳)賀革字文明少通三禮及長徧治孝經論語毛詩左傳湘東王於州置學以革領儒林祭酒講三禮荆楚衣冠聽者甚衆 蕭子

政(隋書經籍志)周易義疏十四卷繫辭義疏三卷古今要論雜字體一卷注梁都官尚書蕭子政撰

劉紹等

已見兼通文史不徒講說也洛陽亦聞崔浩 (魏書本傳)崔浩

字伯淵清河人少好文學博覽經史今象陰陽百家之言無不瞭研精義理時人莫及太宗好陰陽術數聞浩說易及洪範五行善之因命浩筮吉凶參觀天文考定疑惑浩綜覈天人之際舉其綱紀諸所處決多有應驗恆與軍國大謀甚爲寵密

張偉(同上儒林傳)張偉字仲業小名翠鸞太原中都人學通諸經講授鄉里受業者常數百人雷誦汎納勤於

教訓雖有煩問至數十俛告喻殷勤曾無愠色常依附經典教以孝悌門人感其仁化事之如父

劉芳(同上本傳)劉芳字伯文彭城人聰敏過人萬志項畫

則備書以自資給。夜則讀誦。終夕不寢。爲中書侍郎。授皇太子經。遷太子詹事。兼員外散騎常侍。從駕洛陽。自在路及旋師。恆侍坐。談
芳才思深敏。特精經義。博聞強記。兼覽蒼雅。尤長音訓。辨析無疑。於是禮過日隆。賞實優渥。撰諸儒所注周官儀禮尙書公羊穀梁國語
音後漢書音。毛詩箋音義證。
周官儀禮禮記義證等書。

鄒下又見邢子才。

(北齊書邢昺傳)昺字子才。河間鄆人。十歲便能屬文。少在洛陽。會天下無事。與
時名將。專以山水遊宴爲娛。不暇動業。嘗因霖雨。乃讀漢書五日。略能徧記之。復

因飲諱儉。方廣尋經史。五行俱下一覽便記。無所遺忘。文章典麗。既瞻且速。年未二十。名動衣冠。孝昌初。與黃門侍郎李瑛之對典朝儀。
自孝明之後。文雅大盛。卻離蟲之美。獨步當時。每一文出。京都爲之紙貴。讀誦徧遠。晚年尤以五經章句爲意。窮其旨要。吉凶禮儀。
公私證。實疑去惑。爲
世指南。有集三十卷。

此四儒者。

別本無此
字。宋本有。

雖好經術。亦以才博擅名。如此諸賢。故爲上品。以外率多田里閒人。

音辭鄙陋。風操蚩拙。

(補)操七到切。蚩。無知之
貌。(詩)衛風。氓。氓之蚩蚩。

相與專固。無所堪能。問一言。輒酬數百。責其指歸。或無要會。鄒

下諺云。博士買驢。書券三紙。未有驢字。

(補)券去願切。下
从刀。(說文)契也。

使汝以此爲師。令人氣塞。

(補)令
力呈切。

孔子曰。學也祿

在其中矣。今勤無益之事。恐非業也。夫聖人之書。所以設教。但明練經文。粗通注義。

(補)練。練習也。(戰國
秦策)簡練以爲搗靡。粗

才古切。

常使言行有得。亦足爲人。何必仲尼。居卽須兩紙疏義。燕寢講堂。亦復何在。

(陸德明孝經釋文)居。說
文作尻。音同。鄭康成云。尻

尻講堂也。王
應云。閒居也。

以此得勝。寧有益乎。光陰可惜。譬諸逝水。當博覽機要。以濟功業。必能兼美。吾無閒焉。

(補)閒
紀覓切。

(案)下
當分段

俗閒儒士不涉羣書經緯之外義疏而已。

(後漢書方術樊英傳)注七緯者易緯稽覽圖乾鑿度坤靈圖通卦驗是類謀辨終備也書緯蒙輿鈞考靈曜刑德放帝命驗運期授也詩緯推度災沴歷氣含

神露也禮緯含文嘉稽命徵斗威儀也樂緯動聲儀稽覽圖葉圖徵也孝經緯授神契鈞命決也春秋緯演孔圖元命包文耀鉤運斗樞感精符含誠圖攷異郵保乾圖漢含孝佑助期攝誠圖潛源巴說題辭也(補)困學紀聞八)鄭康成注二禮引易說書說樂說春秋說禮家說孝經說皆緯候也河洛七緯合爲八十一篇河圖九篇洛書六篇又別有三十篇又有尙書中候論語議在七緯之外

吾初入郡與博陵崔文彥交遊

(隋書地理志)博陵郡屬冀州

嘗說王粲

集中難鄭元

胡涓切

尙書事

(魏志王粲傳)粲字仲宣山陽高平人太祖辭爲丞相掾賜爵關內侯著詩賦論議垂六十篇(隋書經籍志)後漢侍中王粲第十一卷(後漢書鄭元傳)元字康成北海高密人遊學十餘年乃歸所注

周易尙書毛詩儀禮禮記論語孝經尙書大傳中候乾象歷又著天文七政論魯禮詩論義六藝論毛詩譜駁許慎五經異義管林孝存周禮雜凡百餘萬言(補)困學紀聞二)粲集中難鄭元尙書事今僅見於唐元行沖釋疑王粲曰世稱伊尹以東淮漢以北康成一入而已成言先儒多闕鄭氏道備繁竊嗟怪因求所學得尙書注退思其意意皆盡矣所疑猶未喻焉凡有二篇簡閱書目粲集八卷(案)其集今已亡抄撮者無此雜難乃且切

崔轉爲諸儒道之

(補)爲于爲切

始將發

口懸見排蹙

(補)排蹙猶言排管

云文集止有詩賦銘誄豈當論經書事乎且先儒之中未聞有王粲也崔笑而退竟

不以粲集示之魏收之在議曹

(北齊書魏收傳)收字伯起小字佛助鉅鹿下曲陽人讀書夏月坐板牀樹陰誦讀年板牀爲之毀滅而精力不輟以文華顯

與諸博士議宗廟事

引據漢書博士笑曰未聞漢書得證經術收便忿怒都不復言〔補〕復取韋元〔補〕成傳擲之而起博士

一夜共披尋之達明乃來謝曰不謂元成如此學也

〔補〕漢書韋賢傳賢少子元成字少翁好學修父業以明經擢爲諫大夫永光中代子定國爲丞相議罷郡國廟又議太上皇孝惠孝

文孝景廟皆親盡宜毀諸廢
圖日月間祀皆可勿復修

夫老莊之書蓋全真養性不肯以物累己也故藏名柱史終蹈流沙

〔列仙傳〕老子姓李名耳字伯陽陳人也生於殷時爲周柱下史關令尹喜者周大夫也善內

學常服精華隱德脩行時人莫知老子西遊喜先其見氣知有真人當過物色而述之果見老子老子亦知其奇爲著書授之後與老子俱遊流沙化胡服豈勝莫知其所終

匿跡漆園卒辭楚相〔史記〕老子韓非列傳〕莊子者蒙人名

周爲漆園吏楚威王聞其賢使使厚幣迎之許以爲相周笑曰子獨不見郊祭之犧牛乎養食之數歲衣以文繡以入太廟當是之時雖欲爲孤豚豈可得乎子亟去無汗我

此任縱之徒耳何晏王弼祖述乎宗

遞相誇尙景附草靡皆以農黃之化在乎己身周孔之業棄之度外

〔魏志曹真傳〕晏何遜孫也少以才秀知名好老莊言作道德論及諸文賦著述凡數十篇

〔注〕晏字平叔〔鍾會傳〕初會弱冠與山陽王弼並知名弼好論靈道辭才逸辯注易及老子爲尙書郎年二十餘卒〔注〕弼字輔嗣何劭爲其傳曰弼好老氏通辯能言何晏爲吏部尙書甚奇弼歎之曰仲尼稱後生可畏若斯人者可與言天人之際乎〔補〕景於丙切俗作影靡眉切言如景之附形草之從風也農黃神農黃帝言道德者宗之

而平叔以黨曹爽見誅觸死權之網也

〔同上曹真傳〕真子爽字昭伯明帝寵待有殊帝寢疾引入臥內拜大將軍假節鎮都督

中外諸軍事。錄尚書事。受遺詔輔少主。乃遂救南陽。何晏等爲腹心。弟羲深以爲大憂。或時以謙論不納。涕泣而起。車駕朝高陵。與兄弟皆從。司馬宣王先據武庫。遂出屯洛水浮橋。奏免爽兄弟。以侯就第。收晏等下獄。後皆族誅。(注)「魏略」黃初時。晏無所事任。及明帝立。

頗爲冗官。至正始初。曲合於曹爽。用爲散騎侍。

郎。遷侍中。尚書。(史記賈誼傳服賦)「夸者死權。」

輔嗣以多笑人被疾。陷好勝之罪也。

(何劭爲王弼傳)「弼論道博會文辭。不如何晏自然有所拔得多晏也。頗以所

長笑人。故時爲士君子所疾。(補)「家語觀」

周篇。強梁者不得其死。好勝者必遇其敵。

山巨源以蓄積取譏。背多藏厚亡之文也。

(晉書山濤傳)「濤字巨源。河內懷人。老子德經多藏必厚亡。補案濤

傳稱其真慎儉約。雖爵同千乘而無廢。碌馬俸秩。散之親故。及薨後。范滂等上言。濤舊第屋十間。子孫不相容。帝爲之立室。安有蓄積

取譏事。惟陳郡袁毅嘗爲南令。貪濁而賂遺公。以求虛譽。亦遺濤絲百斤。濤不欲異於時。受而藏於閣上。後毅事露。凡所受賂。皆見推

檢。濤乃取絲付吏。積年塵埃。印封如初。此一事亦

不可以蓄積之名加之。疑此語爲誤。背蒲味切。

夏侯元胡涓切以才望被戮。無支離擁腫之鑿也。(魏志夏侯尚傳)「子元

曹爽輔政。元爽之姑子也。累遷散騎常侍中。將軍。爽誅。徵爲大鴻臚。數年。徙太常。元以爽抑黜。內不得意。中書令李豐。雖爲司馬。景王所

親待。然私心在元。遂結皇后父張繡。謀欲以元輔政。嘉平六年二月。當拜貴人豐等。欲因御臨軒。諸門有陸兵。誅大將軍。以元代之。大將

軍徵聞其謀。請豐相見。即殺之。收元緝等。送廷尉。繡奏豐等大逆無道。皆夷三族。元格量宏濟。臨斬東市。顏色不變。舉動自若。時年四

十六。(莊子)「人聞世。」支離疏者。頤墜於齊。肩高於頂。會撮指天。五管在上。兩髀爲脅。挂絨治漏。足以備口。鼓突播精。足以食十人。上徵武

士。則支離擔臂於其間。上有大役。則支離以有常疾。不受功。上與病者。則受三鍾。與十束薪。夫支離其形者。猶足以養其身。終其天年。

又況支離其德者乎。(釋文)「會古外切。」撒子列切。會撒髻也。古者髻在項中。音曲。頭低故髻指天也。爾佳實切。司馬云澆衣也。崔作解音

鼓。鼓突。揲著。讀龜也。播精。卜卦占兆也。司馬云。箴箕前米也。又遺遊遊。蓋子謂莊子曰。吾有大樹。人謂之樗。其大本擁腫而不中繩墨。

其小枝拳曲而不中規。矩立之途。匠者不顧。莊子曰。子慮其無用。何不樹之。於無何有之鄉。不夭斧斤。物無害者。無所可用。安所困苦哉。

苟奉倩喪妻神傷而卒非鼓缶之情也。

奉倩名繁世說惑溺篇注繁列傳曰繁常以婦人才智不足論自宜以色爲主驃騎將軍曹洪女有色繁於是聘焉專房燕綸歷年後婦病亡傳最往嘔繁樂不明

而神傷盡餘亦亡亡時年二十九莊子玉樂篇莊子妻死惠子弔之方箕踞鼓盆而歌惠子曰與人居長子老身死不哭亦足矣又鼓盆而歌不亦甚乎莊子曰不然是其始死也我獨何能無樂然察其始而本無生非徒無生也而本無形非徒無形也而本無氣人且偃然寢於巨室而我齏然隨而哭之自以爲不通乎命故止也

王夷甫悼子悲不自勝異東門之達也。

晉書王戎傳戎從弟衍字夷甫衷幼子山簡弔之衍悲不自勝簡曰孩抱中物何至於此衍曰聖

人忘情最下不及於情然則情之所鍾正在我輩簡服其言更爲之嚮列子力命篇魏人有東門吳者其子死而不憂其相室曰公之愛子天下無有今子死不憂何也曰吾常無子無子之時不憂今子死乃與向無子同臣奚憂焉

嵇叔夜排俗

取禍豈和光同塵之流也。

晉書嵇康傳康字叔夜譚國師人早孤有奇才遠邁不羣長好老莊常脩養生服食之事山濤將去還官舉康自代乃與濤書告絕此書既行知其不可羈屬也性絕巧而好鍛宅中有一柳樹甚茂乃漱

水澗之每夏月居其下以鍛東平呂安服康高致每一相思千里命駕康友而善之後安爲兄所枉訴以事繫獄詞相證引遂復收康初康居貧嘗與向秀共鍛於大樹之下以自贖給鍾會往造焉康不爲之禮會以此憾之及是言於文帝曰嵇康臥龍也不可起公無憂天下願以康爲虛耳因謂康欲助毋丘儉宜因豐除之帝既信會遂并害之老子道經和其光同其塵

郭子元

胡清切

以傾動專

俗本作權

勢寧後身外己之風也。

晉書郭象傳象字子

元少有才理好老莊能清言州郡辭召不就常閑居以文論自娛東海王懿引爲太傅主簿遂任職當權燻灼內外由是素論去之老子道經後其身而身先外其身而身存

阮嗣宗沈酒荒迷乖畏途相誡之譬

也。晉書阮籍傳籍字嗣宗陳留尉氏人本有濟世志屬魏晉之際天下多故名士少有全者由是不與世事遂酣飲爲常文帝初欲爲武帝求婚於籍籍醉六十日不得言而止鍾會數以時事問之欲因其可否而致之罪皆以酣醉覆免時率意獨駕不由徑路車迹所

窮輒號哭而反。（莊子達生篇）夫畏謝幼與賊賄黷削，違棄其餘魚之旨也。

（晉書謝靈運傳）靈運幼與陳國屬夏人好老易，東海王越辭爲掾，坐家僮取官藥除名，靈不徇。

功名無砥礪行，居身於可否之間，雖自處若蟻而動不累高。（淮南子齊俗訓）惠子從車百乘以過孟諸，莊子見之，弃其餘魚。（注）莊周見惠施之不足，故弃餘魚。

彼諸人者，並其領袖。

（晉書裴秀傳）時人爲之，謂曰後進領袖有裴秀。

辛宗所歸，其餘桎梏塵滓之中，顏仆名利之下者，豈可備言乎？

（補）鄭注周禮大司寇，木在足曰桎，在手曰梏，梏音質，梏古毒切，小爾雅，顏頤也，（釋名）仆，賂也，音赴。

直取其清談雅論，剖辛析微，賓主往復，娛心悅耳，非濟世成俗之要也。

宋本直取其清談雅論，下有辭鋒理窟四字，剖元析微，下有妙得入神四字，非濟世句作

然而濟世成俗，終非急務，一本雅論作高論。

洎於梁世，茲風復闌。

（補）洎，具裏切，及也，復，扶又切，下同，開昌善切，開明之使廣大也。

莊老周易，總謂三辛，武皇簡文，躬自講

論，周宏正奉贊大猷，化行郡邑，學徒千餘，實爲盛美。

（補）梁書武帝紀，少而篤學，洞達儒學，造周易講疏，老子講疏，又（簡文帝紀）博綜圖書，善言乎理，所著有老子義，莊子義，周宏正見

前。元帝在江荆閒，復所愛習，召置學生，親爲教授，廢寢忘食，以夜繼朝，至乃倦劇愁憤，輒以講自釋，吾時

頗預末筵，親承音旨，性既頑魯，亦所不好云。

（補）同上元帝紀，承聖三年九月辛卯，於龍光殿，述老子義，尙書左僕射王褒爲執經，乙巳，魏道其柱國，萬紐于羅來寇，冬十月景寅，魏軍至于襄陽，蕭督

率衆會之，丁卯，停講。

齊孝昭帝侍妻太后疾。容色顛悴。服膳減損。徐之才爲灸兩穴。帝握拳代痛。爪入掌心。血流滿手。(北齊書 孝昭紀)

帝諱演。字延安。神武第六子。文宣母弟。又(神武明皇后傳)。妻氏諱昭君。司徒內干之女。(補)。性至孝。太后不豫。出居南宮。帝行不正。羸容色。既悴。衣不解帶。殆將四旬。殿去南宮五百餘步。雞鳴而去。晨時方還。來去徒行。不乘輿。羸太后所苦小增。便即寢伏關外。食飲藥物。盡皆躬親。太后常心痛。不自堪忍。帝立侍膝前。以爪掐手。心血流出。袖又(徐之才傳)。之才丹陽人。大善醫術。兼有機辯。

性至孝如彼。不識忌諱如此。良由無學所爲。若見古人之譏。欲母早死而悲哭之。則不發此言也。孝爲百

行之首。猶須學以脩飾之。況餘事乎。

(沈氏攷證)。淮南子說山訓。東家母死。其子哭之不衰。四家子見之。歸謂其母曰。社何愛速死。夫欲其母之死者。雖死亦不能悲哭矣。(本注)。江淮謂母爲社。

梁元帝嘗爲吾說。昔在會稽。

(隋書地理志) 會稽郡屬揚州。

年始十二。便已好學。又患疥。手不得拳。膝不得屈。閉齋張葛幃。

避蠅獨坐。銀甌貯山陰甜酒。時復進之。以自寬痛。

(元注)。一本作以寬此痛。

率意自讀史書。一日二十卷。既未師受。

(補) 師受。

受於師也。或改受爲授。

或不識一字。或不解一語。要自重之。不知厭倦。帝子之尊。童稚之逸。尙能如此。況其庶士。冀以

自達者哉。

(補)。金樓子自序。吾年十三。誦百家譜。雖略上口。遂感心氣疾。又云。吾小時夏夕中。下絳紗蚊帳。中有銀甌一枚。貯山陰甜酒。臥讀。有時至曉。率以爲常。又經荆楚。肘膝盡爛。比來三十餘載。泛玩衆書。一本甜酒作擲酒。(案)。下當分段。

古人勤學有握錐投斧

〔戰國秦策〕蘇秦讀書欲睡引錐自刺其股血流至足〔盧江七賢傳〕文黨字仲翁未學之時與人照雪俱入山取木謂侶人曰吾欲遠學先試投我斧高木上斧當挂仰而投之斧果上挂因之長安受經

聚螢

〔初學記〕引宋齊語孫康家貧常映雪讀書清淡交遊不雜〔晉書車武子傳〕武子南平人博學多通家貧不常得油夏月則練囊盛數十螢火以照書以夜繼日焉

鋤則帶經

〔漢書兒寬傳〕帶經而鋤休息輒讀誦〔魏志常林傳注〕引魏

略常林少單貧自非手力不取之於人性好學漢末爲諸生帶經耕鋤其妻常自饋餉之林雖在田野其相敬如賓

牧則編簡

〔同上路溫舒傳〕溫舒字長君鉅鹿東里人父爲里監門使溫舒牧羊取澤中蒲葦以爲牒編用寫書〔注〕小簡曰牒編聯次之

亦爲

宋本作云〔注〕一本作爲

勤篤梁世彭城劉綺交州刺史勃之孫早孤家貧燈燭難辦常買荻尺寸折之然明夜

讀宋本早孤家貧下作常無燈折荻尺寸然明讀書

孝元初出會稽

〔梁書元帝紀〕天監十三年封湘東郡王邑二千戶初爲寧遠將軍會稽太守

精選寮案綺以才華爲國常侍兼

記室

〔隋書百官志〕皇子府置中錄事記室中直兵等參軍功曹史錄事記室中兵等參軍王國置常侍官

終於金紫光祿

宋本有大夫二字〔注〕一本無〔同上〕特進左右光祿大夫金紫光祿大夫尊爲散官以加文武官之德聲者

義陽朱詹

〔同上地理志〕荊州有義陽郡義陽縣

世居江陵後出揚都好學家貧無資累日不爨乃時吞紙以實腹寒無氈被抱

犬而臥犬亦飢虛起行盜食呼之不至哀聲動鄰猶不廢業卒成學士

宋本作卒成大學

官至鎮南錄事參軍爲孝

元所禮

〔梁書元帝紀〕大同六年出爲使持節都督江州諸軍事鎮南將軍江州刺史錄事見上

此乃不可爲之事亦是勤學之一人東莞臧逢世

〔晉書地理志〕徐州東莞郡太

康中置東莞縣故魯縣邑

年二十餘欲讀班固漢書苦假借不久乃就姊夫劉綬乞旬客刺宋有或字注

書翰紙末手寫

一本軍府服其志向卒以漢書聞

齊有宋本衍一主字

宦者內參田鵬鸞本蠻人也年十四五初爲關寺便知好學懷袖握書曉夕諷誦所居卑末

使役苦辛時伺閒隙補聞

紀芻切

周章詢請每至文林館

北齊書文苑傳後主屬意斯文三年祖珽奏立文林館於是更召引文學士謂之待詔文林館焉

氣喘汗流問

書之外不暇他語及觀古人節義之事未嘗不感激沈吟久之補沈直林切

吾甚憐愛倍加開獎後被賞遇賜

名敬宣位至侍中開府

隋書百官志中侍中者掌出入門閣中侍二人

後元注一

主之奔青州遣其西出參伺動靜爲周軍所獲問

齊主何在給云已去計當出境

補給徒亥切欺也

疑其不信歐捶服之

補歐與殿通鳥后切捶擊也捶之累切

每折一支辭色愈厲竟斷

四體而卒蠻夷童叟猶能以學成忠

宋本作猶能以學者忠誠

齊之將相比敬宣之奴不若也

補將相謂開府儀同三司賀拔伏恩封輔相慕容鍾葵等宿衛近

臣三十餘人西奔周師穆提婆侍中斛律孝孺皆降周高阿那肱召周軍約生致齊主而屢使人告言賊軍在遠以致停緩被獲顏氏故有此憤恨之言折旨熱切斷都管切弗古患切

鄴平之後見徙入關。

〔北齊後主紀〕武平七年十月周師攻晉州十二月戰於城南我軍大敗帝入晉陽欲向北朔州改武平七年爲隆化元年除安德王延宗爲相國委以備禦帝入鄴延宗與周師戰於晉陽爲周師所虜甲子皇太子從北

道至引文武入朱華門即以擊周之方羣臣各異議帝莫知所從於是依天統故事授位幼主幼主名恆時年八歲改元承光帝爲太上皇帝后爲太上皇后自鄴先遣濟州周師漸逼幼主又自鄴東走乙丑周師至黎陌橋燒城四門太上皇東走入濟州其日幼主禪位於大丞相任城王潛太上皇并皇后攜幼主走青州周軍奄至青州太上皇急將遁於陳與韓長鸞淑妃等爲周將尉遲綱所獲送鄴周武帝與抗實主禮并太后幼主俱送長安封溫國公後皆賜死 思魯嘗謂吾曰朝無祿位家

無積財當肆筋力以申供養。

〔補〕供居用切。養餘亮切下同。

每被課篤勤勞經史未知爲子可得安乎吾命之曰子當以養

爲心父當以學爲教。

宋本作以教爲事。

使汝棄學徇財豐吾衣食食之安得甘衣之安得暖若務先王之道紹家世

之業蓼蕘緼褐吾自安之。

〔補〕〔漢書司馬遷傳〕蠶者蠶桑之食。蠶書之養。〔注〕藥草似蓬。〔禮記玉藻〕緼爲袍。〔注〕謂今曠及舊絮也。〔詩〕七月。〔箋〕褐毛布也。

書曰好問則裕。

仲虺之語文。

禮云獨學而無友則孤陋而寡聞。

學記文。

蓋須切磋相起明也。見有閉門讀書師心

自是。

〔補〕〔莊子齊物論〕夫隨其成心而師之誰獨且無師乎。

稠人廣坐謬誤差失。

俗本作差慙。宋本差失下仍有慙字。

者多矣。穀梁傳稱公子友與莒挈相搏

左右呼曰孟勞。

事在僖元年傳無呼字。〔補〕翠女屠女加二切。

孟勞者魯之寶刀名亦見廣雅。

孟勞刀也。見〔釋器〕。

近在齊時有姜仲岳謂孟勞者

〔元注〕一本無孟勞者三字。

公子左右。姓孟名勞。多力之人。爲國所寶。與吾苦證。時清河郡守邢峙。

〔北齊書儒林傳〕邢峙字士陵。河間鄆人。通三禮。左

氏春秋。皇建初。爲清河太守。有惠政。〔隋書地理志〕冀州有清河郡。

當世碩儒。助吾證之。赧然而伏。又三輔決錄云。

〔隋書經籍志〕三輔決錄七卷。漢太僕趙岐撰。擊虞注。

靈帝殿

柱題曰。堂堂乎張。京兆田郎。蓋引論語。偶以四言目京兆人田鳳也。

〔漢書百官公補表〕右扶風與左馮翊。京兆尹。是爲三輔。〔初學記十一〕引〔三輔決錄〕田

鳳爲尚書郎。容儀端正。入奏事。靈帝目送之。題柱曰。堂堂乎張。京兆田郎。

有一才士。乃言時張京兆及田郎二人。皆堂堂耳。聞吾此說。初大驚駭。其後

尋媿悔焉。江南有一權貴。讀誤本蜀都賦注。

〔李善文選注〕左思三都賦成。張說爲注。魏都劉逵爲注。吳蜀

解蹲鴟芋也。乃爲羊字。人饋羊肉。

答書云。損惠蹲鴟。舉朝驚駭。不解事義。久後尋迹。方知如此。元氏之世。在洛京時。

〔魏書高祖孝文皇帝紀〕太和十八年十一月。自代還都。

洛陽二十年正月。詔改拓拔姓爲元氏。

有一才學重臣。新得史記音。

〔隋書經籍志〕史記音三卷。梁輕車都尉參軍鄒誕生撰。

而頗紕謬。誤反顛項字。項當爲許

錄反。錯作許綠反。

〔補〕反與翻同。

遂謂勅士言。

〔元注〕一本作一。謂音。

從來謬音專旭。當音專翹耳。此人先有高名。翕然信行。

甚年之後。更有碩儒。若相究討。方知誤焉。漢書王莽贊云。紫色蠅聲。餘分閏位。謂以僞亂真耳。

〔補〕〔漢書注〕通者樂

之淫聲近之學者，恒謂蛙鳴已乖其義，更欲改爲蠅聲，益穿鑿矣。

昔吾嘗共人談書，言及王莽形狀，有一俊士自許史學，名價甚高，乃云：王莽非

直鷗目虎吻，亦紫色蛙聲。

〔補〕漢書王莽傳：莽爲人侈口顰頰，露眼赤睛，大聲而嘶，反脣高視，瞰臨左右，待詔曰：莽所謂鷗目虎吻豺狼之聲者也。吻，武粉切。顰，胡感切。嘶，先奚切。鵠，口番切。

又禮樂志云：

給太官桐馬酒。

〔補〕漢書百官公卿表：少府屬官有太官，注太官主膳食。

李奇注：以馬乳爲酒也。撞桐乃成二字，並從手。

〔元注〕撞，都孔反。桐，達孔反。

此謂撞擣挺桐之，今爲酪酒亦然。

〔同上〕武帝太初元年，更名家馬爲桐馬。〔注〕應劭曰：主乳馬取其汁，桐治之，味酢可飲，如淳曰：以草革爲夾兜，受數升，盛馬乳，桐取其上肥。今梁州亦名馬酪爲馬酒。〔釋名〕酪，澤也。

乳汁所作，使人肥澤也。酪，盧各切。

向學士又以爲種桐，時太官釀馬酒乃熟，其孤陋遂至於此。太山羊肅。

〔元注〕注見卷二。

亦稱學問讀

潘岳賦：晉潘岳字安仁，著聞居賦，今見文選。

周文弱枝之棗，爲杖策之杖。世本容成造歷。

〔漢書藝文志〕世本十五篇。〔注〕古史官記黃帝以來訖春秋時諸侯大夫。〔案〕今不傳，諸書

尙有引用者。注云：容成，黃帝之臣。

以歷爲確磨之磨。

〔段云〕古書字多假借，蓋世本假磨爲歷，致有此誤。古書歷磨通用。耶擊切。確，都內切。春，具磨模臥切。說文作礪石磨也。〔案〕下當分段。

談說製文，必須眼學，勿信耳受。江南閩里，開士大夫，或不學問，羞爲鄙樸，道聽塗說，強事飾辭。

〔補〕強，其兩切。

呼

微質爲周鄭。

〔左傳二年傳〕周鄭交質。〔補〕質，音致。〔說文〕質，以物相質。〔案〕質如贅，謂男無婚財，以身自質于妻家也。

謂霍亂爲博陸。

〔漢書歷助傳〕夏月暑時，歐霍霍亂之病，相隨屬也。又〔霍光傳〕光字子孟，封博陸侯。

上荊州必稱峽西。

(補)荆在巴峽西。

下揚都言去海邦。

(補)詩魯頌所言海邦。凡齊魯皆可言何獨揚都。

言食則餬口。

(左氏昭七年)傳正考父之婦銘云饑於是饑於是以餬余口。

道錢則孔方。

(晉魯褒錢神論)觀愛如兄字曰孔方。

問移則楚丘。

(左氏閔二年傳)僂之元年齊桓公遷邢于夷儀封衛于楚丘邢。邢通如歸衛國忘亡。

論婚則宴爾。

(詩鄘谷風)宴爾新昏如兄如弟。

及王則無不仲宣。

王粲

已見

語劉則無不公幹。

(魏志)東平劉楨字公幹附見王粲傳。

凡有一二百件傳相祖述尋問莫知原由。施安

時復失所。

(補)復扶又切。

莊生有乘時鵠起之說。

(太平御覽九百二十一)引(莊子)云鵠上高城之堦而巢於高輪之頤城煙果折陵風而起故君子之居世也得時則蟻行失時則鵠起也。困學紀聞載莊子逸

篇有

故謝朓詩曰鵠起登吳臺。

(南齊書謝朓傳)朓字元暉少好學有美名文章清麗善草隸長五言詩沈約常云二百年來無此詩也。

吾有一親表作七夕詩云今夜

吳臺鵠亦往共填河。

(白帖)烏鵠填河成橋而渡織女(爾雅翼)相傳七夕乘牛與織女會於漢東烏鵠爲梁以渡故毛皆脫去。

羅浮山記云望平地樹如薺。

(羅浮山記)羅浮者蓋越稱焉。

羅浮山也。浮山也。二山合體謂之羅浮。在增城博羅二縣之境。

故戴嵩詩云長安樹如薺。

(補)此嵩度關山詩也。首云昔聽隴頭吟。平居已流涕。今上關山望長安樹如薺。

又鄴下有一人詠

樹詩云遙望長安薺。又嘗見謂矜誕爲夸毗。

(爾雅釋詁)夸毗體柔也。案與矜誕義相反。

呼高年爲富有春秋。

(後漢書樂恢傳)上疏諫曰陛下富於春秋憂承大

業(注)春秋謂年也。言少年春秋尚多故稱富(案)與高年義相反。

皆耳學之過也。

(案)下當分股。

夫文字者，墳籍根本，世之學徒，多不曉字，讀五經者，是徐邈而非許慎。

（晉書儒林傳）徐邈，東莞姑幕人，永嘉之亂，家于京口，邈妻性嗜雅，博涉多聞，孝武相廷。

（晉書儒林傳）許慎，字叔重，汝南召陵人，性淳篤，博學經籍，撰五經異義，又作說文解字十四篇，皆傳於世。

習賦誦者，

信稽證而忽呂忱。

（案）漢書揚雄傳所載讀賦注內時引諸證之說，宋祁亦時引之。經典釋文，開亦引之。諸稽字不同，未知孰是。隋書經籍志，字林七卷，晉做令呂忱撰。

明史記者，專皮鄒而廢篆

籀。

見前皮未詳，疑是篆字之誤。裴駰著史記集解八十卷，或云是徐宋中散大夫徐野民撰。史記音義十二卷，見隋書經籍志。許慎敘說文解字，略云黃帝之始，初作書，蓋依類象形及宣王太史籀著大篆五十篇，與古文或異。其後七國言語異聲，文字異形，秦兼天下，丞相李斯乃奏同之，斯作倉頡篇，中車府令趙高作爰歷篇，太史令胡毋敬作博學篇，皆取史籀大篆，或頗省改，所謂小篆者也。是時務繁，初有隸書，以趨約易，而古文由是絕矣。

應劭字仲瑗，汝南南頓人，後漢諸令，御史營令，泰山太守，蘇林字季友，陳留外黃人，魏給事中，黃初中，遷博士，封安成亭侯。隋書經籍志，漢書集解音義二十四卷，應劭撰。三蒼三卷，郭璞注，秦相李斯作蒼頡篇，漢揚雄作訓纂篇，後漢郎中賈勳作滂喜篇，故曰三蒼。又

學漢書者，悅應蘇而略蒼雅。

（漢書敘例）

坪蒼三卷，廣雅三卷，直隸博士張揖撰。小爾雅一卷，孔鮒撰，李軌略解。

不知書音是其枝葉，小學乃其宗系，至見服虔張揖音義，則貴之，得通俗廣

雅而不屑。

（同上）通俗文

一手之中，向背如此，況異代各人乎。

（元注）世人皆以通俗文爲服虔造，未知非服虔而輕之，猶是服虔而輕之，故此論從俗也。案（後漢書儒林傳）

服虔字子慎，初名重，又名砥，後改爲虔，河南梁陽人，以清苦建志，有雅才，善著文論，作春秋左氏傳解，又以左傳駁何休之所駁漢事六十餘條，拜九江太守，免遭亂行，客病卒。

服虔字子慎，初名重，又名砥，後改爲虔，河南梁陽人，以清苦建志，有雅才，善著文論，作春秋左氏傳解，又以左傳駁何休之所駁漢事六十餘條，拜九江太守，免遭亂行，客病卒。

夫學者貴能博聞也。郡國山川，官位氏族，衣服飲食，器皿制度，皆欲根尋得其原本。至於文字，忽不經懷。

己身姓名，多或乖舛，縱得不誤，亦未知所由。近世有人爲子制名，兄弟皆山榜立字，而有名峙者。(段云)說文有時無

峙，後人凡從止之字，每多從山，至如歧字，本從山，又改路岐之岐從止。則又山變爲止也。顯意謂從山之峙不與，不可以命名。(補)爲子爲切。兄弟皆木榜立字，宋本木榜而有名機者。(段云)機字

有機無機，其機微亦不從。本世俗作機字，亦不與也。兄弟皆水榜立字，而有名凝者。(段云)此亦顏時俗字，凝本爲久，俗本從水，故顏名儒碩學，此

例甚多。若有知吾鍾之不調，一何可笑。(沈氏攷證)淮南子脩務訓，昔晉平公令官爲鍾，鍾成而示師曠，師曠曰：鍾音不

若有知音者，必知鍾之不調。吾字疑當爲晉字，一本以鍾爲種者尤非。(案)下當分段。調平公曰：寡人以示工，工皆以爲調，而以爲不調，何也？師曠曰：使後世無知音，則已。

吾嘗從齊主，諸本皆作王說幸井州。(隋書地理志)太原自井陘關入上艾縣。(漢書地理志)常山郡石邑井東數十里有獵

閭村，後百官受馬糧，在晉陽東百餘里，亢仇城側，並不識二所本是何地。博求古今，皆未能曉。及檢字林

韻集，(字林)見前(隋書經籍志)韻集乃知獵閭是舊繼餘聚。(元注)繼音獵也(案)亢仇舊是繼飢亭。(元注)上音武

十卷又六卷晉安復令呂靜撰

(說文)邑落曰聚

(元注)上音武安反下音仇

悉屬上艾。時太原王劭欲撰鄉邑記注。因此二名。聞之大喜。(案)下當分段。

吾初讀莊子螻二首。今書未見。韓非子曰。蟲有螻者。一身兩口。爭食相齧。遂相殺也。(漢書藝文志)韓子五十五篇。名非韓諸公子。使於秦。李斯害而殺。

(案)此所引見說林下。今本螻卽作魷。又說螻。茫然不識此字何音。逢人輒問。了無解者。案爾雅諸書。蠶蝻名螻。(元注)音浪。(案)又螻蝻釋蟲文。

非二首兩口貪害之物。後見古今字詁。(隋書經籍志)古今字詁三卷。張揖撰。此亦古之虺字。積年凝滯。豁然霧解。(案)下當分段。

嘗遊趙州。(通典)趙州春秋時晉地。戰國屬趙。後魏爲趙郡。明帝兼置殷州。北齊改爲趙州。見柏人城北。柏人趙地。漢高祖將宿心動。問知其名。曰柏人者。迫於人也。寔去之。卽此。有一小水。土人亦

不知名。後讀城西。宋本作南。(案)說文繫傳亦引作西。門徐整碑云。洎流東指。衆皆不識。吾案說文。此字古魄字也。洎淺水貌。

此水漢來本無名矣。直以淺貌目之。或當卽以洎爲名乎。(段云)洎古魄字。此語不見於說文。今本但云洎淺水也。以顏語訂之。說文有脫誤。當云洎淺水貌。从水白聲。洎古文洎。

字也。从水百聲。顏書魄字亦誤。當作洎。(案)下當分段。

世中書翰。多稱勿勿。相承如此。不知所由。或有妄言。此忽忽之殘缺耳。案說文。勿者。州里所建之旗也。象

其柄及三旂之形。所以趣民事。故忠遠者稱爲勿勿。忠俗本作忽。宋本作念。乃忠字之俗體。案下當分段。

吾在益州。(通典)益州理成都蜀二縣。秦置蜀郡。晉武帝改爲成都國。尋亦復舊。自魏晉宋齊梁皆爲益州。與數人同坐。初晴日晃。(釋名)光晃也。晃晃然也。見地上小

光。問左右此是何物。有一蜀豎。(補)廣韻豎童僕之未冠者。臣庚切。就視答云。是豆逼耳。相顧愕然。不知所謂。命取將來。宋本作命

將取乃小豆也。窮訪蜀土。呼粒爲逼。時莫之解。吾云。三蒼說文。此字白下爲匕。皆訓粒。通俗文音方力反。

衆皆歎悟。(補)(說文)鼻穀之馨香也。象嘉穀在囊中之形。匕所以扱之。或說一粒也。讀若香。(徐鍇繫傳)扱。載也。白象穀食。因亦從此。朱爾音皮及切。(案)下當分段。

愍楚友婿竇如同從河州來。(釋名)兩增。相謂曰亞。又曰友婿。音相親友也。(通典)河州古西羌地。秦漢蜀隴四郡。前秦苻堅置河州。後魏亦爲河州。得一青鳥。馴養愛翫。舉俗呼

之爲鷓。俗本俗作鷓。今從宋本。吾曰。鷓出上黨。(漢書地理志)上黨郡。秦置。屬并州。有上黨關。數曾見之。(補)數音朔。色並黃黑。無駁雜也。故陳思王鷓

賦云。揚辛黃之勁羽。(補)(魏志)陳思王植傳。植字子建。太和六年封植爲陳王。此賦在集中。試檢說文。鷓(元注)似雀鷓而青。出羌中。韻集音介。此

疑頓釋。諸本獨皆誤。鷓音作分。(段云)漢書黃霸傳。鷓雀。師古以爲鷓雀。今本漢書注亦誤。爲宋祁據徐鍇本增辯之。(案)段說是也。今從改正。(案)下當分段。

梁世有蔡朗父諱純。

諸本多脫父字。

既不涉學，遂呼尊爲露葵。

宋本有一葉字衍。案露葵乃人家園中所種者。列女傳魯漆室女謂昔嘗客馬佚，踐吾園葵，使我終歲不厭葵味。古詩青青

園中葵，朝露待日晞。潘岳閒居賦。綠葵含露。唐王維詩。松下清齋折露葵，其非水中之草明甚。

而牆之徒，遞相倣效。

宋本作數非。

承聖中。

元帝年號。

遣一士大夫聘齊。

齊主客郎李恕問梁使曰：江南有露葵否？答曰：露葵是蓴，水鄉所出。鄉今食者綠葵菜耳。李亦學問，但不測彼之深淺，乍聞無以覈究。

俗本作覆究，今從宋本。案下當分段。

思魯等姨夫彭城劉靈嘗與吾坐，諸子侍焉。吾問儒行敏行曰：凡字與諧議名同音者，其數多少？能盡識乎？補：隋書百官志。皇弟皇子府置諧議參軍。答曰：未之究也。請導示之。吾曰：凡如此例，不預研檢，忽見不識，誤以問人，反爲無賴。

所欺，不容易也。

補：史記高祖紀集解。江湖之間謂小兒多詐狡猾者爲無賴。

因爲說之，得五十許字。諸劉歎曰：不意乃爾。若遂不知，亦爲異

事。案下當分段。

校定書籍，亦何容易。自揚雄劉向方稱此職耳。

補：漢書揚雄傳。雄字子雲，蜀郡成都人，少好學，博覽無所不見。校書天祿閣上。又藝文志：成帝時，以書頗散亡，使謁者陳農求遺書於天下。

詔光祿大夫劉向校經傳諸子詩賦。每一書已。向輒條其篇目。撮其指意。錄而奏之。稱尺證切。

觀天下書未徧。不得妄下雌黃。

〔補〕夢溪筆談改字之法。粉繪則字不沒。雌黃則滅。仍久而不脫。

或彼以

爲非。此以爲是。或本同末異。或兩文皆欠。不可偏信一隅也。





顏氏家訓卷第四

文章 名實 涉務

文章第九

夫文章者原出五經。詔命策檄。生於書者也。序述論議。生於易者也。歌詠賦頌。宋本作誦。生於詩者也。祭祀

哀誄。生於禮者也。書奏箴銘。生於春秋者也。朝廷憲章。軍旅誓誥。敷顯仁義。發明功德。牧民建國。施用多

途。(補)宋本作不可暫無。

至於陶冶性靈。從容諷諫。

(補)性靈者。天然之美也。陶冶而成之。如董仲舒所言。猶泥之在鈞。唯甄者之所爲。猶金之在鎔。唯冶者之所鑄。則有質而有文矣。從七恭切。(白虎通諫諍篇)諷諫者。

智也。孔子曰。諫有五。吾從諷之諫。

入其滋味。亦樂事也。

(補)滋味。喻嗜學也。滋者。草木之滋。見(禮記檀弓上)曾子之言。記者以爲薑桂之謂也。樂音洛。

行有餘力。則可習之。然而自

古文人。多陷輕薄。屈原露才揚己。顯暴君過。

(史記屈原傳)屈原者。名平。楚之同姓也。爲懷王左徒。王甚任之。上官大夫與之同列。爭寵而心害其能。因譏之王。王怒而疏屈原。屈平疾王聽之不聰。

也。譏諂之蔽明也。邪曲之害公也。方正之不容也。故憂愁幽思。而作離騷。嗚呼。明矣。三閭純臣。此論未是。(補)屈九勿切。暴本作暴。蒲木切。

宋玉體貌容冶。見遇俳優。

(宋玉登徒子好色賦)大夫登徒子侍於楚王。短宋玉曰。玉爲

人體貌閑麗。口多微詞。性又好色。王勿令出入後宮。王以登徒子之言問玉。玉對云云。於是楚王稱善。宋玉遂不退。(補) (史記屈原傳)屈原既死之後。楚有宋玉。唐勒。景差之徒者。皆好辭而以文見稱。然皆祖屈原之從容辭令。終莫敢直諫。

東方曼倩

滑稽不雅。〔漢書東方朔傳〕朔字曼倩，平原厭次人，上書高自稱譽，上偉之，令待詔公車，稍得親近，上使諸數家射覆，連中賜帛，時有

滑稽不雅。幸俱郭舍人者滑稽不窮，與朔爲隱，聲即對左右大驚，上以朔爲常侍郎，嘗至太中大夫，後常爲郎，與枚皋郭舍人俱在左右，既而而已。**〔補〕**〔嚴助傳〕東方朔枚皋不根持論，上頗併優畜之。

司馬長卿竊貨無操

〔漢書司馬相如傳〕相如字長卿，蜀成都人，家貧無以自業，素與臨邛令王吉相善，往會都亭，令經爲善飲，日往朝

相如，相如初尙見之，後稱病謝吉，吉愈謹肅，富人卓王孫乃與程鄭，謂令有貴客，爲具召之，并召令長孺，謝病不能臨，令身自迎，相如爲不得已，而往，酒酣，令前奏琴，相如爲鼓，一再行，時王孫有女文君，新寡，好音，故相如經與令相重，而以琴心挑之，文君竊美戶窺，心悅而好之，恐不得當也，既罷，相如乃令侍人重賜文君侍者，過殷勤，文君夜亡奔相如，相如與廳歸成都，家徒四壁，立後俱之臨邛，賣酒，卓王孫不得已，分與財物，乃歸成都，買田宅爲富人。

王褒過章儻約

〔沈氏攷證〕褒有儻約一篇，自言到章婦

楊惠舍，故言過章儻約，下對揚雄，德敗美新，約字頗似幼字，諸本誤以爲過章童幼。〔案〕儻約全文載〔徐堅初學記〕

揚雄德敗美新

〔李善揚雄劇秦美新注〕王莽潛移蠱毒，子雲遂不能辭，載丹堦，元詞顯譏，還不能草平，虛室顯性，全真而反

露才以就寵，麗情以懷祿，素餐所刺，何以加焉，抱朴子方之仲尼，斯爲過矣。

李陵降辱夷虜

〔史記李將軍傳〕廣子當戶有遺腹子名陵，爲建章監，天漢二年，將步兵五千人出居延，北單于以兵八萬圍擊陵軍，陵軍兵矢既盡，士死者過半，

且引且戰，未到居延百餘里，匈奴遂狹絕道，食乏而敵兵不到，虜急擊，招降陵，陵曰：無面目報陛下。

劉歆反覆莽世

〔漢書楚元王傳〕向少子歆，

字子駿，哀帝崩，王莽持政，少與歆俱爲黃門郎，白太后留歆爲右曹，太中大夫，封紅休侯，以健平元年改名秀，字穎叔，及莽篡位，爲國師，〔王莽傳〕甄豐劉歆王舜爲莽腹心，倡導在位，襄揚功德，安漢宰衡之號，皆所共謀，欲進者並作符命，莽遂據以卽真，豐子尋復作符命

言平帝后爲莽之妻，莽怒，收尋尋亡，歲餘捕得，詞連國師，公歆子隆，威侯棗，棗弟伐，處侯沐，及歆門人侍中丁隆等，列侯以下死者數百人，先是衛將軍王涉素養道士西門君惠，君惠好天文，讖記，爲涉言，劉氏當復興，國師公姓名是也，涉以語大司馬董忠，俱至國師殿

中慮道語。因言天文人事。東方必成。涉曰董公主中軍。涉領宮衛。伊休侯主殿中。同心合謀。劫帝車降南陽天子。宗族可全。欲怨莽殺其三子。遂與涉謀。欲發孫休陳部告之。劉歆王涉皆自殺。

傳毅黨附權門。（後漢書文苑傳）傳毅字武

仲。扶風茂陵人。文雅顯於朝廷。竇憲爲大將軍。以毅爲司馬。班固爲中護軍。憲府文章之盛。冠於當世。

班固盜竊父史。

（後漢書班彪傳）子固字孟堅。以彪所續前史未詳。欲就其業。有人上書告固私改作國史者。收固繫獄。郡上其書。顯宗甚奇

之。除關蓋令史。使終成前所著書。永平中始受詔。潛積積思二十餘年。至建初中始成。然則非盜竊父史也。固後亦坐竇憲免官。固不教學諸子。諸子多不遵法度。吏人苦之。及竇氏敗。資客皆逮捕。考囚捕繫。固死獄中。若以此責固。無辭矣。

趙元叔抗棘

過度

（後漢書文苑傳）趙壹字元叔。漢陽西縣人。恃才倨傲。爲鄉黨所指。屢抵罪。有人救得免。作窮鳥賦。又作刺世疾邪賦。以舒其怨憤。舉郡計吏見司徒。資逢長揖而已。欲見河南尹羊陟。會其禽以哭之。此所謂抗棘過度也。

馮敬通浮華

積壓

（後漢書馮衍傳）衍字敬通。京兆杜陵人。更始二年。鮑永行大將軍。事安集北方。以衍爲立派將軍。領猛孟長屯太原。世祖即位。永衍審知更始已死。乃罷兵降於河內。帝怨永衍不時至。永以立功任用。而行獨見黜。頃之爲曲陽令。誅斬劇賊。當封。以譏毀故

黨不行。建武末。上疏自陳。猶以前過不用。顯宗即位。人多短衍。以文過其實。遂廢於家。

馬季長佞媚獲請。

（後漢書馬融傳）融字季長。扶風茂陵人。才高博洽。爲世通儒。繼於郭氏。不敢復違忤。勞家。遂爲梁冀草奏李固。又作大將軍四第

頌。以此頗爲正直所羞。

蔡伯喈同惡受誅。

（後漢書蔡邕傳）邕字伯喈。陳留圉人。董卓爲司徒。舉高第。三日之間。周歷三臺。及卓被誅。亂在司徒王允坐。殊不意言之而歌。有動於色。允勃然叱之。收付廷尉治罪。死獄中。

吳質

詆忤鄉里。

（後漢書）許愔本作詞。今從宋本。（魏志王粲傳附）吳質。濟陰人。（裴松之注）質字季重。始爲軍家。少游。遊貴戚間。不與鄉里相浮沈。故雖已出官。本國猶不與之士名。

曹植忤慢犯法。

（魏志陳思王植傳）善屬文。太祖特見寵

愛。幾爲太子者數矣。文帝即位。植與諸侯就國。黃初二年。盛國諷者灌均希指奏植醉酒悖慢。劫脅使者。有司請治罪。帝以太后故。貶許安鄉侯。餘已見前。

杜篤乞假無厭。

（後漢書文苑傳）杜篤字季雅。京兆杜陵人。博學不修小節。不爲鄉

人所禮居美陽與合游數從請託
不諱頗相恨令怨收篤送京師

路粹隘狹已甚

〔魏志王粲傳〕自穎川鄆郡漢繁欽陳留路粹沛國丁儀丁廙宏農楊珍河內荀
緯等亦有文采而不在七人之列〔裴注〕引典略曰粹字文蔚與陳琳阮瑀等典

肥室承指數致孔融罪融誅之後人視粹所作無不嘉其才而畏其筆也
至十九年從大軍至漢中坐違禁賤請贖伏法魚豢曰文蔚性頗忿鸞

陳琳實號轟疎

〔同上〕廣陵陳琳字孔璋爲何進主簿遂
謀誅宦官取禍琳避難冀州袁紹使典文

章袁氏敗歸太祖太祖謂曰補音爲本初移書但可罪
狀孤而已何乃上及父祖琳謝罪太祖愛其才而不咎

繁欽性無檢格

〔裴注〕繁音與典略曰欽字休伯以文才機辨少得名於汝
穎其所與太子書記喉轉意率皆巧麗爲丞相主簿卒章仲

將曰陳琳實自臨
疏休伯都無檢格

劉楨屈強輸作

〔王粲傳〕東平劉楨字公幹太祖辟爲丞相掾屬以不敬被刑刑竟署吏〔裴注〕引典略曰太子
嘗請諸文學酒醒坐歎命夫人甄氏出拜坐中衆人咸伏而楨獨平視太祖聞之乃收楨滅死輸

〔補〕屈衝物切強
其兩切與偃張同

王粲率躁見嫌

〔本傳〕王粲字仲宣山陽高平人以四京擾亂乃之荆州依劉表表以粲貌寢而體弱
通伐不甚重也太祖辟爲丞相掾魏國建拜侍中〔裴注〕引章仲將曰仲宣傷於肥懸

孔融

稱衡誕傲致殞

〔後漢書孔融傳〕融見操雄詐漸著數不能堪故發辭偏宕多致乖忤〔文苑傳〕稱衡字正平平原般人少有才辯
而氣尚剛傲好矯時慢物惟善孔融融亦深愛其才衡始弱冠而融年四十遂與爲交友稱於曹操而衡素輕操操

不能容送與劉表後復傲慢於表表恥不能容以送江夏太守黃祖祖性急故
送衡與之祖大會賓客而衡言不遜祖大怒欲加捶而衡方大罵祖遂令殺之

楊修丁廙扇動取斃

〔魏志陳思王植傳〕植既以
才異異而丁儀丁廙楊修爲

之羽翼幾爲太子者數矣文帝御之以術故遂定爲嗣太祖既慮終始之變以修頗有才策於是罪
誅修文帝即位誅丁儀丁廙并其男口〔裴注〕丁儀字正禮沛郡人屬字敬禮儀之弟〔補〕廙音異

阮籍無禮敗俗

〔晉書阮籍
傳〕籍母終

正與人圍碁對者求止籍留與決賭既而飲酒二斗舉聲一號吐血數升裴楷往弔之籍散髮箕踞醉而直視〔劉孝標注世說〕引晉陽
秋曰何曾於太祖坐謂阮籍曰癡任性放蕩傷禮敗俗若不變革王憲豈能相容謂太祖宜投之四裔以潔王道太祖曰此賢羸病君爲

我起之。嵇康凌物凶終。已見三卷傅元音忿鬪免官。

晉書傅元傳元字休奕北地泥陽人武帝受禪廣納直書元及散騎常侍皇甫陶共掌諫職俄遷侍中初元進陶及陶入而抵元以事元與陶爭言詎

譚爲有司所奏。二人竟坐免官。孫楚矜誇凌上。

同上孫楚傳楚字子荆太原中都人。才藻卓絕。與馮異不羣。多所陵傲。缺郡曲之譽。年四十餘始參領東軍事。後遷佐著作郎。復參石苞驃騎將軍。楚既負其才氣。頗侮易於苞。苞則長揖曰。天子命

我參領軍事。因此而嫌隙遂搆。陸機犯順履險。

同上陸機傳趙王倫輔政。引爲相國參軍。倫將篡位。以爲中書郎。倫之誅也。齊王回疑九錫文及禪詔。機必與焉。收機等九人付廷尉。成都王穎吳王晏並救理之。得減死徙邊。遇赦而止。時成都王

穎推功不居。勞謙下士。機遂委身焉。太安初。穎與河間王顓起兵討長沙王乂。假機後將軍河

北大都督。戰於鹿苑。機軍大敗。官人孟玖譖其有異志。穎大怒。使牽秀密收機。遂遇害於軍中。潘岳乾沒取危。同上潘岳傳岳字

經。魏世利。其母敬謂之曰。爾當知足。而乾沒不已乎。岳終不能改。初。父爲瑗。邪內史。孫秀爲小史。給岳岳惡其爲人。數違辱之。趙王倫輔政。秀爲中書令。遂誅岳及石崇等。謀奉淮南王允齊王回爲亂。誅之。夷三族。無長幼一時被害。

顏延年負氣

推黜。

南史顏延之傳延之字延年。瑗邪內史。讀書無所不覽。文章冠絕當時。諫誕不能取容。劉湛等恨之。言於義康。出爲永嘉太守。延年恐慎作五君詠。滿以其詞旨不遜。欲黜爲遠郡。文帝詔曰。宜令思愷里閭。縱復不悅。當驅往東土。乃至雖恕。自可隨事。裁

之。於是屏居不與人聞事者七年。

謝靈運空疎亂紀。

同上謝靈運傳少好學。文章之美。與顏延之爲江左第一。襲封康樂公。性豪侈。衣服多改舊形制。世共宗之。咸稱謝康樂也。宋受命。降爵爲侯。又爲太子左衛率。多愆禮度。朝廷唯以

文表處之。自謂不見知。常懷憤惋。出爲永嘉太守。肆意遊逸。動論旬朔。理人聽訟。不以關懷。稱疾去職。文帝徵爲秘書監。遷侍中。自以名輩。應參時政。多稱疾不朝。出郭遊行。經旬不歸。上不欲傷大臣。諷旨令自解東歸。因祖父之資。生業甚厚。鑿山浚湖。功役無已。嘗自始寧

南山伐木開徑。直至臨海。太守王琇驚駭。謂爲山賊。文帝不欲復使東歸。以爲臨川內史。在郡遊放。不異永嘉。爲有司所糾。司徒遣使收之。靈運與兵叛。遂有逆志。追討禽之。廷尉論斬。降死後廣州令人買弓刀等物。要合鄉里有司奏收之。文帝詔於廣州棄市。王

元長凶賊自貽。

(同上)王宏傳：曾孫融，字元長，文詞捷速，竟陵王子良特相友好。武帝疾篤，暫絕，融或服絳衫於中書省，圍口斷東宮，伏不得進，欲矯詔立子良，上重蘇朝事，委四昌侯警，俄而帝崩，融乃處分，以子良兵禁諸門，四昌侯聞，急馳到雲

龍門不得進，乃排而入，奉太孫登殿，扶出子良。

謝元暉侮慢見及。

(同上)謝裕傳：裕弟暉，字元暉，好學，有美名，文章清麗，啓王敬則反，謀還尙書吏部郎，東昏失德，江革欲立

鬱林深怨融，卽位十餘日，救下廷尉賜死。

謝元暉

侮慢見及

清麗啓王敬則反，謀還尙書吏部郎，東昏失德，江革欲立

江夏王資平，末更回惑，欲立始安王遙光，遙光又遣親人劉滙致意於騰，騰自以受恩，明帝不答，少日，遙光以騰兼知衛尉事，騰懼見，引卽以斬等謀告左典盛，又語劉暄，暄隨駕馳告始安王及江革，始安欲出騰爲東陽郡，祗固執不與，先是騰嘗輕視爲人，至是構而害

之，救騰下獄死。

凡此諸人，皆其翹秀者。

(補)翹，高貌，翹秀，謂其出拔尤異者。

不能悉紀，大較如此。

(補)較，古岳古孝二切。

至於帝王，亦或未免，自昔

天子而有才華者，唯漢武、魏太祖、文帝、明帝、宋孝武帝，皆負世議，非懿德之君也。

漢承秦弊，禮文多缺，孝武卽位罷黜百家，表章六經，興學

校，修郊祀，改正朔，定律歷，號令文章，煥然可觀，而窮兵黷武，致巫蠱之禍，魏之三祖，咸蓋盛漢，終難免於漢賊之譏，文則薄於兄弟，明則侈於土木，孝武於簡文之崩，時年十歲，至哺不臨，左右進諫，答曰：哀至則哭，何常之有？謝安歎其名理不減先帝，既威權已出，雖有人君

之量，已而溺於酒色，爲長夜之飲，見弑亂如所謂皆負世議者也。

自子游子夏，荀況、孟軻、枚乘、賈誼、蘇武、張衡、左思之儔，有盛名而免過患者，時

復聞之，但其損敗居多耳。

(漢書藝文志)孫卿子三十三篇，名况，趙人，爲齊稷下祭酒，師古注：本曰荀卿，避宣帝諱，故曰孫。案今書三十二篇。(枚乘傳)乘字叔，淮陰人，爲吳王濞郎中，王謀誅，諫不用，去遊梁，梁客皆善屬辭賦，乘

尤高，孝王薨，歸淮陰，武帝自爲太子，時聞乘名，及卽位，乘年老，以安申微，道死。(賈誼傳)誼，雒陽人，以能誦詩書，屬文，稱於郡中，文帝召以爲博士，超遷歲中，至太中大夫，後爲長沙王梁懷王太傅，死年三十三。(藝文志)儒家賈誼五十八篇，又賦七篇。(蘇建傳)建，中子武。

字子補。以移中監使。匈奴單于欲降之。武不從。留十九歲始歸。〔文選〕載武五言詩四篇。〔後漢書張衡傳〕衡字平子。南陽西鄉人。作二京賦。〔晉書文苑傳〕左思字太冲。齊國臨淄人。造齊都賦。一年乃成。復欲賦三都。構思十年。門庭落澗。皆著筆紙。過得一句。卽傾礎之。

〔補〕復扶又切。每嘗思之。原其所積。文章之體。標舉與會。發引性靈。使人矜伐。故忽於持操。〔補〕〔莊子齊物論〕曰。兩問景曰。曩子行。今子止。豈

子坐。今子起。何其無持操。與持一作特。果於進取。今世文士。此患彌切。一事愜當。〔補〕丁一句清巧。神厲九霄。志凌千載。自吟自

賞。不覺更有傍人。加以砂礫所傷。慘於矛戟。諷刺之禍。速乎風塵。深宜防慮。以保元吉。

學問有利鈍。文章有巧拙。鈍學累功。不妨精熟。〔補〕〔累力委〕拙文研思。終歸蚩鄙。但成學士。自足爲人。必

乏天才。勿強操筆。〔補〕宋本有也字。〔補〕其兩切。操七刀切。吾見世人。至無才思。〔補〕俗本至下。街一於字。宋本無。自謂清華。流布醜拙。亦以衆矣。江

南號爲詭癡符。〔本注〕詭力正反。〔案〕〔玉篇〕力。近在并州。有一士族。好爲可笑。詩賦詠擊。〔本注〕上音寃。相呼誘也。下音營。邢

魏諸公。〔北齊邢邵傳〕邵字子才。河間鄆人。讀書五行俱下。一覽便記。文章典麗。既瞻且速。每一文出。京師爲之紙貴。與濟陰溫子昇。爲文士之冠。世論謂之溫邢。鉅鹿魏收。雖天才。豔發而年事在二人之後。故子昇死後。方稱邢魏。焉有集三十卷。〔魏收傳〕收

字伯起。小字佛助。鉅鹿下曲陽人。以文章顯。衆共嘲弄。虛相讚說。便擊牛釀酒。招延聲譽。其妻明鑒婦人也。泣而諫。辭獲富逸。撰魏書一百三十卷。有集七十卷。

之。此人歎曰：才華不爲妻子所容，何況行路？至死不覺，自見之謂明。（老子道經）自知者明（補）（魏非喻老）知之難不在見人在自見，故曰自見之爲明。此

誠難也。

學爲文章，先謀親友，得其評裁。（補）昨代切下同。知可施行。（元注）一本無此四字（案）俗間本但作得其評論者。然後出手，慎勿師心自任，取

笑旁人也。自古執筆爲文者，何可勝言。（補）時音升。然至於宏麗精華，不過數十篇耳，但使不失體裁，辭意可

觀，便稱才士。（時本）便作遂。要須動俗蓋世。（宋本）無須字。亦俟河之清乎。（左氏襄八年傳）周詩有之曰：俟河之清，人壽幾何。

不屈二姓，夷齊之節也。何事非君，伊箕之義也。（史記宋世家）封爲淫佚，箕子諫不聽，或曰可以去矣，箕子曰：爲人臣，諫不聽而去，是彰君之惡，而自悅於民，吾不忍爲也。乃披髮佯狂而爲奴。

自春秋已來，家有奔亡，國有吞滅，君臣固無常分矣。（補）（左氏昭卅二年傳）史遷曰：社稷無常奉，君臣無常位，自古以然，分扶間切。然而君子之交絕

無惡聲。（戰國燕策）樂毅報燕惠王書曰：臣聞古之君子，交絕不出惡聲，忠臣去國不瀆其名。一旦屈膝而事人，豈以存亡而改慮？陳孔璋居袁裁書，則呼

操爲豺狼。（魏志袁紹傳）（裴注）引（魏氏春秋）陳琳爲袁紹檄州郡文云：操豺狼野心，潛包禍謀，乃欲挽折棟，殘孤弱，漢室（補）裁昨說切。在魏製檄，則目紹爲地虺。（琳集）不傳此無攷。在時君

操豺狼野心，潛包禍謀，乃欲挽折棟，殘孤弱，漢室（補）裁昨說切。

在魏製檄，則目紹爲地虺。琳集不傳此無攷。在時君

所命不得自專。然亦文人之巨患也。當務從容消息之。

〔補〕從七恭切。

或問揚雄曰：吾子少而好賦，雄曰：然。童子雕蟲篆刻，壯夫不爲也。

宋本壯夫作壯士，非。案見〔法言吾子篇〕。

余竊非之曰：虞舜歌

南風之詩。

〔禮記樂記〕：昔者舜作五弦之琴，以歌南風。〔家語辯樂解〕：昔者舜彈五弦之琴，造南風之詩。其詩曰：南風之薰兮，可以解吾民之愠兮；南風之時兮，可以阜吾民之財兮。

周公作鷓鴣之詠。

〔詩序〕：鷓鴣，周公敘

亂也。成王未知周公之志，公乃爲詩以遺王。

吉甫史克雅頌之美者。

〔同上〕：大雅嵩高，讚民韓奕，皆尹吉甫美宣王之詩。駟頌，僖公也。僖公能運伯禽之法，魯人尊之。於是季孫行父請命于周，而史克作是頌。

未聞皆

在幼年累德也。

〔補〕累力僞切。

孔子曰：不學詩，無以言，自衛返魯，樂正雅頌各得其所。大明孝道，引詩證之。

謂學經。

揚雄安敢忽之也。若論詩人之賦麗以則，辭人之賦麗以淫。

二語亦見〔吾子篇〕。

但知變之而已。又未知雄自爲壯夫

何如也。著劇秦美新。

文見〔文選〕。

妄投於閣，周章怖懼，不達天命。

〔漢書揚雄傳〕：王莽時，劉歆甄豐皆爲上公，莽既以符命自立，欲絕其原，豐子尋歆子棻復獻之，棻豐父子投棗四

裔，辭所連及，便敢不請。時雄校書天祿閣上，治獄事使者來，欲收雄，雄恐不免，遁從閣上自投下，幾死。莽聞之曰：雄素不與事，何故在此？問其故，過棗嘗從雄學，作奇字，雄不知情，有詔勿問。然京師爲之語曰：惟寂寞，自投閣，爰清靜，作符命。

童子之爲

耳。桓譚以勝老子。

〔同上〕：大司空王邑納言殿，尤問桓譚曰：子嘗稱雄書，豈能傳於後世乎？譚曰：必傳。願君與譚不及見也。凡人賤近而貴遠，親見子雲，祿位容貌不能動人，故輕其書。老聃著虛無之言，兩篇薄仁義，非禮樂，然後世好之者以爲

過於五經。自漢文景之君及司馬遷皆有是言。今揚子之書文義至深而論不盡於聖人。若使遭
遇時君更閱賢知爲所稱善則必度越諸子矣。宋本桓譚作袁亮未詳當由避桓字并下字亦訛。
葛洪以方仲尼。〔晉書葛洪傳〕洪字稚川丹楊句容

人自號抱朴子因以名書其〔俞博篇〕云世俗率神貴古昔而黷殷同時雖有益世
之書猶謂之不及前代之遺文也是以仲尼不見重於當時太乎見豈薄於比肩也。
使人歎息此人直以曉算術解陰陽故

著太乎經。〔雄傳〕以爲經莫大於易故作太乎〔補〕〔王涯說乎〕合而連之者易也分而著之者乎也四位之次曰方曰州曰部曰家
最上爲方順而數之至於家第一一而轉而有八十一家都三三而轉故有二十七部州九九而轉故有九州一方二十七

首而轉故三方而有八十一首一首九贊故有
七百二十九贊其外踰躡二贊以備一儀之月。
爲數子所惑耳其遺言餘行孫卿屈原之不及。〔補〕屈原已見前 安敢

望大聖之清塵且太乎今竟何用乎不啻覆瓿而已。〔雄傳〕劉歆謂雄曰空自苦今學者有餘利然尙不能明易又知
乎何吾恐後人用覆瓿也雄笑而不答〔師古注〕詆音鄙小變

也。〔補〕覆數致切案侯苞而後若虞翻宋衷陸績范望王暉吳
祕司馬光諸人咸重太元惜顏氏亦不及見耳〔案〕下當分啟

齊世有席毗者。俗本誤作辛毗乃曹魏時人今從宋本 清幹之士官至行臺尙書。〔隋書百官志〕後齊制官行臺在令無文其官置令僕射其尙書丞郎皆隨權制而置員焉其文未詳

鄙文學嘲劉述云。〔北齊書文苑傳〕劉述字子長彭城襄平里人魏末詣霸府後於
羈旅發憤讀書在遊宴之中卷不離手亦留心文藻頗工詩詠 君輩辭藻譬若榮華須臾之翫。宋本

榮華作
朝菌。非宏才也豈比吾徒千丈松樹。千丈本多作十丈今從宋本〔補〕〔世說〕譙嬰篇庾子嵩曰
和嶠森森如千丈松巖巖有節且施之大廈有棟梁之用常有風霜不可凋

悴矣。劉應之曰：既有寒木，又發春華，何如也。席笑曰：可哉。哉，本皆作矣。今從宋本。案：下當分段。

凡爲文章，猶人

宋本無人字。

乘駢驥，雖有逸氣，當以銜勒制之。

宋本銜勒作銜策，非。說文：銜，馬勒口中銜行馬者也。勒，馬頭絡銜也。宋語執轡篇：夫德法者，御民之具，猶御馬之有

銜勒也。此言行文貴有節制，自當用銜勒。若策者，所以鞭馬而使之疾行，非本意矣。

勿使流亂軌躅，放意填坑岸也。

坑，客庚切。坑岸，音坑。案：下當分段。

文章當以理致爲心腎，氣調爲筋骨。

補詞徒甲切。

事義爲皮膚，華麗爲冠冕。今世相承，趨末棄本，率多浮豔，辭

與理說，辭勝而理伏，事與才爭，事繁而才損，放逸者流宕而忘歸，穿鑿者補綴而不足，時俗如此，安能獨

遠，但務去秦去甚耳，必有盛才重譽，改革體裁者，實吾所希。

補：裁，昨代切。下同。希，望也。本當作師。案：下當分段。

古人之文，宏材逸氣，體度風格，去今實遠，但緝綴疎朴，未爲密緻耳。今世音律諧靡，

補：文彼切。

章句偶對，諱

避精詳，賢於往昔多矣，宜以古製裁爲本，今之辭調爲末。

補：調徒甲切。

竝須兩存，不可偏棄也。

吾家世文章，甚爲典正，不從流俗。梁孝元在蕃邸時，撰西府新文紀，無一篇見錄者。

俗本紀作史記二字。今從宋本。補：隋書經籍志。

西府新文十一卷并錄梁蕭淑預案金樓子著書篇所載諸書有自撰者有使顏協劉綬蕭貢諸人撰者此書當亦元帝所使爲之

亦以不偶於世無鄭衛之音故也有詩賦銘誄書表

啓疏二十卷吾兄弟始在草土竝未得編次

(補)草土謂在苦冢之中也

便遭火盡盡竟不傳於世銜酷茹恨徹於心髓

操行見於梁史文士傳

(梁書文學傳)顏協字子和七代祖含晉侍中國子監祭酒西平靖侯父見遠博學有志行齊治書侍御史兼中丞高祖受禪不食卒協幼孤養於舅氏博涉羣書工草隸釋褐湘東王國常侍兼記室世祖鎮荆

州轉正記室時吳郡顏協亦在蕃邸才學相亞府中稱爲二協舅謝朓卒協居喪如伯叔之禮議者重焉又感家門事義不求顯達恆辭徵辟大同五年卒所撰晉伯傳五篇日月英異圖兩卷遇火湮滅二子之儀之推(補)操七到切行下孟切

及孝元懷

舊志(隋書經籍志)懷舊志九卷梁元帝撰

沈隱侯曰

(梁書沈約傳)約字休文吳興武康人高祖受禪封建昌縣侯卒謚

文章當從三易易見事一也易識字二也易讀誦三也邢子才常

曰沈侯文章用事不使人覺若芻臚語也深以此服之祖孝徵亦嘗謂吾曰沈詩云崖傾護石髓此豈似

用事邪

(晉書嵇康傳)康遇王烈共入山嘗得石髓如飴卽自服半餘牛與康皆凝而爲石(補)子才邢邵字孝徵祖瑛字

邢子才魏收俱有重名時俗準的以爲師匠邢賞服沈約而經任叻

(梁書任叻傳)叻字彥昇樂安博昌人雅善屬文尤長駢筆才思無窮起草卽成不加點竄沈

約一代詞宗
深所推挹

魏收愛慕任昉而毀沈約。每於談議辭色以之。鄴下紛紜各有朋黨。祖孝徵嘗謂吾曰：任沈之

是非乃邢魏之優劣也。

吳均集

梁書文學傳：吳均字叔庠，吳興故鄉人。文體清拔，有古風，好事者咸數之，謂爲吳均體。隋書經籍志：梁奉朝請吳均集二十卷本傳同。

有破鏡賦

今不傳

昔者邑號朝歌，顏淵不舍。

里名勝母，曾參斂襟。

漢書鄒陽傳：里名勝母，曾子不入邑，號朝歌。墨子回車。案此文不同，蓋各有所本。

蓋忌夫惡名之傷實也。破鏡乃凶逆之獸，事見

漢書

漢書郊祀志：有言古天子嘗以春解祠，調黃帝用一彙破鏡。注：孟康曰：彙，鳥名，食母破鏡，獸名，食父。黃帝欲絕其類，故使百吏祠皆用之。

爲文幸避此名也。比世往往見有和人詩者。

題云敬同

補案：以同爲和。初唐人如駱賓王、陳子昂諸人集，中猶然，別有作奉和同云者，和字乃後人所增入。

孝經云：資於事父以事君而敬同，不可輕言也。梁

世費昶詩云：不知是耶非。殷濬詩云：飄颻雲母舟。簡文曰：旭旣不識其父，濬又飄颻其母。此雖悉古事，不

可用也。

漢武帝李夫人歌：是耶非耶，立而望之。晉宮闈記：舍利池有雲母舟，見初學記。補：費旭，江夏人，殷濬疑是殷雲，梁書有傳，字濬，濬，陳郡長平人，勵精勤學，博洽羣書，爲昭明太子侍讀，宜與簡文相接也。又有湘東王記室參軍蔡濬，河南陽澤

人有詩，二者姓名必有一說，以耶爲父，蓋俗稱也。古木蘭詩卷卷有耶名。

世人或有文章引詩伐鼓淵淵者，宋書已有屢遊之謂。

宋本說文章二字，屢遊未詳。

如此流

比幸須避之。北面事親。別舅。擣渭陽之詠。

〔詩小序〕渭陽秦康公念母也。康公之母晉獻公之女。文公遭麗姬之難。未反而棄姬。卒。穆公納文公。康公時爲太子。贈送文公于渭之陽。念母之不見也。我見舅

氏如母存焉。

堂上養老。送兄賦桓山之悲。

〔沈氏攷證〕〔家語〕顏回聞哭聲。非但爲死者而已。又有生離別者也。聞桓山之鳥生四子焉。羽翼既成。將分於四海。其母悲鳴而送之。聲有似於此。謂其往而不返也。孔子使人

問哭者。果曰父死家貧。賣子以葬。與之長決。子曰。回也善於識音矣。一本作恆。山者非〔案〕沈氏所引家語見顏回篇。說死辨物篇。亦載之。桓山作完山。

皆大失也。舉此一隅。觸途宜慎。

江南文制。

文制猶言製文。

欲人彈射。

〔補〕食亦切。

知有病累。隨即改之。陳王得之於丁廩也。

〔文選〕曹子建與楊德祖書。僕嘗好人譏彈其文。有不善者。應時改

定。昔丁敬禮嘗作小文。使僕潤飾之。僕自以才不能過若人。辭不爲也。敬禮謂僕。稱何所疑。雖文之佳惡。吾自得之。後世雖相知。定吾文者。邪。吾嘗歎此。遂言以爲美談。

山東風俗。不通擊難。

〔補〕乃且切。

吾初入鄴。

遂嘗以此。

宋本無此字。

忤人。至今爲悔。汝曹必無輕議也。

凡代人爲文。皆作彼語。理宜然矣。至於哀傷凶禍之辭。不可輒代。蔡邕爲胡金盈作母靈表。頌曰。悲母氏

之不永。然委我而夙喪。

〔補〕此文今蔡集有之。胡金盈。胡廣之女。此句作胡委我以夙喪。

又爲胡顯作其父銘曰。葬我考議郎君。

〔補〕胡顯。廣之孫。議郎名寧。今蔡集

無此篇。與下袁三公頌同逸。

袁三公頌曰。猶歎我祖。出自有媯。王粲爲潘文則思親詩云。躬此勞悴。鞠子小人。庶我顯妣。

克保遐年而竝載乎邕粲之集

思親詩今見樂集中

此例甚衆古人之所行今世以爲諱

宋本下有也字

陳思王武帝誄遂深

永蟄之思潘岳悼亡賦乃愴手澤之遺

岳集中載悼亡賦無此句

是方父於蟲

禮記月令季秋之月蟄蟲咸俯

匹婦於考也

宋本作譬婦爲考也禮記玉

藁父沒而不能諱

蔡邕楊秉碑云統大麓之重

案今蔡集所載秉碑一篇無此語書舞典納于大麓烈風雷雨弗迷補鄭康成注尚書大傳云山足曰麓麓者隄也古者天子命大事命諸侯則

爲壇國之外堯聚諸侯命舜陟位居攝致天下之事故大麓之

潘尼贈盧景宣詩云九五思飛龍

今集中有送盧景宣詩一首無此句易乾卦九五飛龍在天利見大人案九五君位飛龍足聖人起而爲天子

故不可

孫楚王驃騎誄云奄忽登遐

此篇今已亡禮記曲禮下告喪曰天王登假假讀爲遐

陸機父誄云億兆宅心敦敘百揆

此語未見左氏閔元年傳

天子曰先民書秦誓中封有億兆夷人又廉語汝丕遠惟商考成人宅心知訓文選劉越石勸進表純化既敷則率土宅心書益稷惇敘九族舞典納于百揆百揆時敘

姊誄云偃天之和

詩大雅大明大邦有子偃天之妹

傳倪弊也說文倪諭也謂譬喻也率通切

今爲此言則朝廷之罪人也王粲贈楊德祖詩云我君饑之其樂洩洩

此篇已亡楊脩字德祖太尉彪之子

左氏隱元年傳姬莊公入而賦大隗之中其樂也融融委出而賦大隗之外其樂也洩洩

不可妄施人子況儲君乎

挽歌辭者或曰古者虞殯之歌

左氏哀十一年傳公孫夏命其徒歌虞殯注虞殯送葬歌曲

或曰出自田橫之客

嶽約古今注蘆葦蒿里實哀歌也田橫自殺門人傷之爲作

悲歌言人命如蓬上之露易晞滅也亦謂人死魂魄歸乎蒿里故有二章至李延年乃分爲二曲蕭露送王公貴人蒿里送士大夫庶人使挽柩者歌之世亦呼爲挽歌皆爲生者悼往告俗本作苦今從宋本哀之意陸平

原陸機爲平原內史多爲死人自歎之言詩格既無此例又乖製作本意宋本作大意陸機挽歌詩三首不全爲死自歎之言唯中一首云廣背何寥寥大暮安可畏人往

有反歲我行無歸年乃自歎之辭

凡詩人之作刺箴美頌各有源流未嘗混雜善惡同篇也陸機爲齊謳篇前敍山川物產風教之盛後章

忽鄙山川之情疎失厥體非也案本詩惟師以下刺景公據形勝之地不能俯仰父桓父之樂而但知戀牛山之樂思及古而無死也其爲吳趨行何不陳子光夫差乎

非也吳趨乃平原桑梓之邦以釋回非也京洛爲天子之居當以可法可戒爲體何爲而述椒王增美爲體何爲而陳子光夫差乎京洛行胡不述椒王靈帝乎非也沈氏攷證樂府陸機齊謳行備言齊地之美亦欲

使人推分直道不可妾有所營也又云嶽約古今注曰吳趨行吳人以誦其地陸機吳趨行曰聽我歌吳趨趨步也一本作吳越行者非

自古宏才博學用事誤者有矣百家雜說或有不同書儻湮滅後人不見故未敢輕議之今指知決紕繆

者略舉一兩端以爲誠〔補〕〔禮記大傳〕五者一物紕繆〔注〕紕繆猶也〔釋文〕紕匹編切經本或作繆詩云有鸞雉鳴〔補〕鸞說文以水切今讀戶小切又云雉鳴求其

杜。

詩鄭風宛
有苦蕒篇

毛傳亦曰：鷓雉聲。又云：雉之朝雉，尙求其雌。

詩小雅小弁
鷓雉古豆切

鄭玄注月令，亦云：雉雄雉鳴，潘

岳賦曰：

岳有射
雉賦

雉鷓鷓以朝雉，是則混雜其雄雌矣。

徐愛注此賦云：延年以潘爲誤，用案詩有鷓雉鳴，則云求杜及其
朝雉，則云求雌，今云鷓鷓朝雉者，互文以舉雄雌皆鳴也。案徐說

甚是古人行文，
多有似此者。

詩云：孔懷兄弟。

詩小雅常棣
作兄弟孔懷

孔甚也。懷，思也。言甚可思也。陸機與長沙顧母書：

通典：秦長沙郡
漢爲國，後漢復爲

郡晉
因之

述從祖弟士璜死，乃言：痛心拔腦。

本多作
腦腦

有如孔懷，心旣痛矣，卽爲甚思。何故言有如也？觀其此意。

當謂親兄弟爲孔懷。詩云：父母孔邇，而呼二親爲孔邇，於義通乎。異物志云：

隋書經籍志：異物志
一卷漢議耶楊字撰

擁劍狀如

蟹，但一螯偏大爾。

補：螯五旁
切亦作蟹

何遜詩云：躍魚如擁劍，是不分魚蟹也。

梁書文學傳：何遜字仲言，東海郟人，入
歲能賦詩，文章與劉孝綽並見，見當世。

漢

書御史府中列柏樹，常有野鳥數千棲宿其上，晨去暮來，號朝夕鳥，而文士往往誤作烏鳶用之。

補：此見
朱博傳本

皆作烏，宋郗因顧
此言謂當作烏

抱朴子說項曼都詐稱得仙，自云：仙人以流霞一杯與我飲之，輒不飢渴。

補：見
祛惑篇

而簡文

詩云：霞流抱朴椀，亦猶郭象以惠施之辨爲莊周言也。

案：莊子天下篇：自惠施多方而下，因達施之言而辨正之，
郭象注云：昔者未覽莊子，嘗聞論者爭夫尺捶連環之意，而皆

云莊生之言案此篇較評諸子至於此章則曰其道并駁其言不中乃知道翻塗說之傷實也則郭注本分明顧氏譏之誤也

後漢書囚司徒崔烈以銀鑄鑲

〔元注〕上音鑲下音當

銀鑄大鑲也

世間多誤作金銀字

〔後漢書崔暹傳〕孫寔從弟烈因傳母入錢五百萬得爲司徒獻帝時子鈞與袁紹俱起兵山東董卓以是收烈付郡獄銅之銀鑄鐵鑄卓既誅拜城門校尉

武烈太子亦是數千

卷學士

〔補〕南史忠壯世子方等傳字實相元帝長子少聰敏有俊才南討軍敗溺死諡忠壯元帝卽位改諡武烈世子

嘗作詩云銀鑲三公脚刀撞僕射頭爲俗所誤

〔補〕撞宅

江切射
音夜

文章地理必須愜當

〔補〕丁

梁簡文鴈門太守行

〔梁書簡文帝紀〕諱綱字世樞小字六通高祖第三子大寶二年侯景使王偉等弑之帝雅好題詩其序云余七歲有詩辭長而不能然傷於

輕歸當時號曰宮體〔漢書匈奴傳〕趙武靈王自代首陰山下至高國爲塞置雲中鴈門代郡〔漢書地理志〕鴈門郡秦置屬并州

乃云爲軍攻日逐燕騎蕩康居大宛歸善馬小月送降

書

〔左氏昭廿一年傳〕宋公子城與華氏戰于結丘鄆顯爲鶻其御顯爲鶻〔漢書匈奴傳〕狐鹿孤單于立以左大將爲左賢王數年病死其子先賢探不得代更以爲日逐王日逐王者賤於左賢王〔戰國燕策〕蘇秦說燕文侯曰燕軍七百乘騎六千匹〔漢書

西域傳〕康居國與大月氏同俗東馳車匈奴大宛國治貴山城多善馬馮汗血武帝遣使者持千金及金馬以請宛善馬不肖與漢使妄言宛遂攻殺漢使於是天子遣貳師將軍伐宛宛人斬其王母寡首獻馬三千匹宛王蟬封與漢約歲獻天馬二匹大月氏爲單于攻破乃遠去不能去者保南山羌號小月氏其寡漢使者有五胡侯皆屬大月氏〔補〕蕭子暉隴頭水云天寒隴水急散漫俱宛於袁切氏音支降下江切備與翕同此殆言燕宋之軍其與此諸國皆不相及也

分瀉北注徂黃龍東流會白馬

〔梁書蕭子恪傳〕子暉字景光少涉書史亦有文才〔後漢郡國志〕漢陽郡龍興州刺史治有大坂名龍坂〔注〕三秦記其坂九迴不知高幾許欲上者七日乃越高處可容百餘家清水

四注下〔郭仲產秦州記〕隴山東西百八十里登山嶺東望秦川四五百里極目泯然山東人行役升此而顧瞻者莫不悲思故歌曰隴頭流水分離四下念我行役飄然曠野登高望遠潮零雙墮〔宋書朱脩之傳〕鮮卑馮安稱燕王治黃龍城〔漢書西南夷傳〕自冉駹以東北君長以十數白馬最大皆氐類也〔補〕〔案〕隴在西北黃龍在北白馬在西南地皆隔遠水焉得相及

此亦明珠之類美玉之瑕

〔淮南子汜論訓〕夏后氏之璜不能無考明月之珠不能無類〔補〕考瑕璜也類若絲之

結類也
虛對切 宜慎之

王籍入若耶溪詩云蟬噪林逾靜鳥鳴山更幽江南以爲文外斷絕物無異議

〔梁書文學傳下〕王籍字文海琅琊臨沂人七歲能屬文及長好學

博涉有才氣除輕車湘東王諮議參軍隨府會稽郡境有雲門天柱山籍嘗遊之累月不反至若邪溪賦詩云當時以爲文外獨絕〔案〕此書作斷絕疑誤

簡文吟詠不能忘之孝元諷味以爲不可復

得〔補〕復

扶又切 至懷舊志載於籍傳范陽盧詢祖郡下才俊乃言此不成語何事於能

〔補〕〔魏書盧襲傳〕襲從子文偉文偉孫詢祖襲祖爵大

夏男有術學文辭華美爲後生之俊舉秀才至鄆

魏收亦然其論

句

詩云蕭蕭馬鳴悠悠旆旌毛傳云言不諠譁也吾每歎此解有情

致籍詩生於此意耳

蘭陵蕭愨。梁室上黃侯之子。工於篇什。嘗有秋詩云。芙蓉露下落。楊柳月中疎。時人未之賞也。吾愛其蕭

散。宛然在目。

〔北齊書文苑傳〕蕭愨字仁祖。梁上黃侯之子。天保中入國。武平太子洗馬。曾秋夜賦詩云云。爲知音所賞。

顏川荀仲舉。

〔同上〕荀仲舉字士高。潁川人。仕梁爲南沙令。從蕭明於寒山。被執。長樂王尉粲甚禮之。

與粲劇飲。嘔粲指至骨。顯祖知之。杖仲舉一百。或問其故。答云。我那知許。當時正疑是麀尾耳。

琅邪諸葛漢。亦以爲爾。而盧思道之徒。雅所不愜。

〔北史盧子真傳〕元孫思道字子行。才學兼著。

然不持細行。好輕侮人物。文宣帝崩。當朝文士各作挽歌十首。擇其善者而用之。魏收等不過得一二首。惟思道獨有八篇。故時人稱爲八米盧郎。

何遜詩實爲清巧。多形似之言。揚都論者。恨其每病苦辛。饒貧寒氣。不及劉孝綽之雍容也。

〔梁書劉孝綽傳〕孝綽字孝

綽。彭城人。七歲能屬文。昇齊中書郎王融深賞異之。每書曰。天下文章若無我當屬阿士。阿士孝綽小字也。

雖然。劉甚忌之。平生誦何詩。常

俗本無常字。今從宋本補。

云。蘧居響北闕。憤憤

〔元注〕呼孝反。〔補〕〔玉篇〕兼戾也。

不道車。又撰詩苑。止取何兩篇。時人譏其不廣。

〔梁書何遜傳〕范雲見其對策。大相稱賞。因結忘年交。好自是一文。一咏。雲輒嗟賞。沈約亦愛其文。餘已

見上。

劉孝綽當時既有重名。無所與讓。唯服謝朓。常以謝詩置几案。閒動靜輒諷味。簡文愛陶淵明文。亦

復如此。陶潛字淵明。一字元亮。晉末南史並有傳。〔補〕復扶又切。

江南語曰。梁有三何。子朗最多。三何者。遜及思澄。子朗也。子朗信饒清巧。

思澄遊廬山，每有佳篇，亦

俗間本
作道

爲冠絕。

〔梁書文苑傳〕何思澄字元靜，東海鄆人，少勤學，工文辭。起家爲南康王侍郎，累遷平南安成王行參軍，兼記室。隨府江州，爲遊廬山詩，沈約見之，自以爲弗逮。除

廷尉正。天監十五年，敕太子詹事徐勉舉學士入華林撰略。勉舉思澄等五人應選。遷治書侍御史，出爲秣陵令，入兼東宮通事舍人。除安西湘東王錄事參軍，舍人如故。時徐勉周捨以才具當朝，並好思澄學，常避日招致之。卒，有文集十五卷。初，思澄與宗人暹及子期俱擅文名。時人語曰：東海三何子期最多，思澄聞之曰：此言謬耳。如其不然，故當歸暹。意謂宜在己也。子期子世明，早有才思，工清言，周捨每與共談，服其精理。世人語曰：人中與爽何子期爲同山。今卒年二十四。文集行於世。〔補〕冠古玩切。

名實第十

名之與實，猶形之與影也。德藝周厚，則名必善焉。容色姝麗，則影必美焉。今不脩身而求令名於世者，猶貌甚惡而責妍影於鏡也。

〔補〕〔左氏襄廿四年傳〕夫令名，德之與也。思思以明德，則令名載而行之。

上士忘名，中士立名，下士竊名。

〔補〕〔莊子逍遙遊〕聖人無名，又

〔天運篇〕老子曰：名公器也，不可多取。〔後漢書逸民傳〕法真，逃名而名我隨，避名而名我追。〔離騷〕老冉冉其將至兮，懼修名之不立。〔逸周書官人解〕規諫而不類，道行而不平，曰竊名者也。

忘名者體道合德，享鬼神之

福祐，非所以求名也。立名者脩身慎行，懼榮觀之不顯，非所以讓名也。

〔補〕〔老子道經〕雖有榮觀，奚處超然。

竊名者厚貌深

姦，干浮華之虛稱，非所以得名也。

人足所履不過數寸。然而咫尺之途，必顛懸於崖岸。拱把之梁，每沈溺於川谷者，何哉。

拱把，俗本作拱抱。今從宋本。補梁橋也。沈直

深切。爲其旁無餘地故也。

補爲子鶴切。

君子之立己，抑亦如之。至誠之言，人未能信。至潔之行，物或致疑。皆由言

行聲名無餘地也。吾每爲人所毀，常以此自責。若能開方軌之路，

戰國齊策蘇秦說齊宣王曰：秦攻齊，徑亢父之險，車不得方軌，馬不得並行，百人守險，千人不能

過也。補元廣造舟之航。

詩大雅大明：造舟爲梁。傳：天子造舟，諸侯維舟。大夫方舟，士特舟。正義：皆釋水文。李逵曰：比其舟而渡曰造舟。然則造舟者比船於水，加板於上，如今之浮橋柱，預云則河橋之謂也。方言九：舟自闕而

東或謂之航。

則仲由之言信。

宋本作證鼎。

重於登壇之盟。

左哀十四年傳：小邾射以句澤來奔，曰：使季路嬰我，吾無盟矣。使子路，子路辭，季康子使冉有謂之曰：子乘之國，不信其盟而信子之言，子何辱焉？對

曰：魯有事于小邾，不敢問故，死其城下可也。彼不臣而濟其言，是義之也。由弗能。補案：證鼎非子路事。韓非子說林下：齊伐魯，宋讓魯，魯以其屬往。齊人曰：屬也。魯人曰：真也。齊人曰：使樂正子春來，吾將聽子。魯君請樂正子春，樂正子春曰：胡不以其真往也？君曰：我愛之。答曰：臣亦愛臣之信，屬與實。問：疑顏氏本誤用而後人改之。趙熹之降城，賢於折衝之將矣。沈氏攷證：後漢趙熹傳：舞陰大姓李氏擁城不下，更始遣柱天大將軍李寶降之，不肖云：聞宛之趙氏有孤孫熹，信義著

名顯得降之，使詣舞陰而李氏遂降。諸本誤作趙熹。補：降下江切。衝，衝車也。晏子雜上：仲尼曰：不出於尊俎之間，而知千里之外，其晏子之謂也。可謂折衝矣。

吾見世人清名登而金貝入。

補：漢書食貨志：金刀龜貝，所以通有無也。說文：貝，海介蟲也。象形。古者貨貝而寶龜，周而有泉，至秦廢貝行錢。

信譽顯而然諾虧，不知後之

矛戟。毀前之干櫓也。慮子賤云：誠於此者形於彼。

慮，俗本作宓。又一本作密。案：顏氏有辨在書證篇。宋本作慮。信顏氏元本今從之。補：家語屈節解：巫馬期入單父界，見夜斂者，得魚輒

舍之。巫馬期問焉，斂者曰：魚之大者，吾大夫愛之，其小者，吾大夫欲長之，是以得二者輒舍之。巫馬期返，以告孔子曰：宓子之德至矣，使民聞行，若有嚴刑於旁，敢問宓子何行而得於是？孔子曰：吾嘗與之言曰：誠於此者，刑乎彼；宓子行此術於單父也。案：刑形古通用，據

家語乃孔子

告子賤之言。人之虛實真僞，在乎心無不見乎迹。

補見胡電切。

但察之未熟耳。一爲察之所鑒，巧僞不如拙誠，承

之以養大矣。

韓非子說林上：故曰巧詐不如拙誠，樂羊以有功見疑。秦西巴以有罪登信，易恆九三：不恆其德，或承之羞。

伯石讓卿。

左氏襄三十年傳：伯有既死，使太史命伯石爲輔。太史退，則請命焉，復命之又辭，如

是三乃受策入拜，子產是以惡其爲人也，使次己位。

王莽辭政。

漢書本傳：大司馬王根薦莽自代，上遂擢莽爲大司馬，成帝崩，哀帝即位，莽上疏乞骸骨，哀帝曰：先帝委政於君，而棄羣臣，朕得奉宗廟，嘉與君同心，合意，今君移病求退，朕甚傷焉，已詔

尙書待君奏事，又遣丞相孔光等白太后，大司馬即不起，皇帝不敢聽政，太后復令莽視事，已因傅太后怒復乞骸骨。

當於爾時，自以巧密，後人書之，留傳萬代，可爲骨寒毛豎

也。補：豎，臣庚切。說文：立也，下亦音同。

近有大貴，以

俗本無宋本有。

孝悌著聲，前後居喪，哀毀踰制，亦足以高於人矣，而嘗於苦塊

之中，以巴豆塗臉。

補：禮記問喪：饘苦枕塊，哀親之在土也。本草：巴豆出巴郡，有大毒。

遂使成瘡，表哭泣之過，左右童豎不能掩之。

補：豎，小使之未冠者。

益

使外人謂其居處飲食皆爲不信，以一僞喪百誠者，乃貪名不已故也。

補：喪，息浪切。案：下當分設。

有一士族讀書不過二三百卷。天才鈍拙而家世殷厚。雅自矜持。多以酒積珍玩。交諸名士。甘其餌者。遞

共吹噓。

共俗本作相。今從宋本。〔補〕後漢書鄭太傅。孔公緒清談。高論噓枯吹生。〔虛〕思道。〔孤〕鴻賦序。劉勰吹噓長其光價。

朝廷以爲文華。亦嘗

宋本

出境聘。

旬。東萊王韓

晉明篤好文學。疑彼製作。多非機杼。

〔補〕此以機杼也。〔魏〕書祖暕傳。常語人云。文章須自出機杼。成一家風骨。何能共人同生活也。

遂設讒言。面相討試。

宋本有。余字衍。

竟日歡諧。辭人滿席。屬音賦韻。命筆爲詩。彼造次卽成。了非向韻。

〔補〕屬音。燭造七到切。了非。向韻。言絕非向來之體韻也。韻之爲言。始自晉宋以來。有神韻風韻造

韻雅韻之語。

衆客各自沈吟。遂無覺者。

〔補〕沈直深切。

韓退歎曰。果如所量。

〔補〕音良。

韓又嘗問曰。玉珽杼上終葵首。當作

可形。乃答云。珽頭曲圓。勢如葵葉耳。韓既有學。忍笑爲吾說之。

〔沈氏攷證〕〔禮記〕玉藻注。終葵首者。於杼上又廣其首方如椎頭。故以此答爲非。〔補〕杼上終葵首本

周禮攷工記。玉人。文杼者。殺也。於三尺上。除六寸之下。兩畔殺去之。使已上爲椎頭。言六寸。據上不殺者。而言謂杼爲終葵。齊人語也。珽。他頂切。杼。直呂切。椎。直追切。今之槌也。殺。色界切。

治點子弟文章。以爲聲價。大弊事也。

〔補〕治直之切。理其亂也。點。謂點畫潤飾之也。聲。謂名聲著聞。價。如市馬者。得伯樂一顧。而遂倍於常價也。聲價見〔後漢書〕姜肱傳。

一則不可常繼。

終露其情。二則學者有憑。益不精勵。

〔案〕下當分段。

鄴下有一少年出爲襄國令。

〔魏書地形志〕北廣平郡襄國秦爲信都項羽更名二漢屬趙國晉屬廣平郡

頗自勉篤公事經懷每加撫卹以求聲譽凡

遣兵役握手送離或齎梨

俗本作藜當是通用今從宋本

棗餅餌人人贈別云上命相煩情所不忍道路飢渴以此見思民

庶稱之不容於口及遷爲泗州別駕

〔隋書地理志〕下邳郡後魏置南徐州後周改爲泗州〔通典職官十四〕州之佐史漢有別駕治中主簿等官別駕從刺史行部別乘傳車故謂之別駕〔注〕庾亮集答郭豫

書別駕書與刺史別乘其任居刺史之中

此費日廣不可常周一有僞情觸途難繼功績遂損敗矣

損敗俗本作敗損

或問曰夫神滅形消遺聲餘價亦猶蟬殼蛇皮獸迹鳥迹耳

〔沈氏攷證〕迹音航又音闕唐韻云獸迹諸本不攷以爲音闕〔補〕爾雅釋獸免其迹迹

何預於

死者而聖人以爲名教乎對曰勸也勸其立名則獲其實且勸一伯夷而千萬人立清風矣勸一季札而

千萬人立仁風矣勸一柳下惠而千萬人立貞風矣勸一史魚而千萬人立直風矣故聖人欲其魚鱗鳳

翼雜沓參差

〔補〕魚鱗疑當作龍鱗〔後漢書光武紀〕天下士大夫因望其攀龍附鳳翼以成其所志耳〔案〕龍八十一鱗具九翼九之數風舉而百鳥隨之皆言其多也〔揚雄甘泉賦〕駢羅列布鱗以雜沓兮榮旒參差魚鱗而鳥斯參差初登初宜

二切宋說一本作榮旒初綺初擬二切附胡剛切〔蕭該音義〕諸證覺音漁又音牙蘇林音解牙冠之牙章昭音疏佳反

不絕於世豈不宏

胡眩切

哉四海悠悠皆慕名者蓋因其情

而致其善耳。抑又論之。祖考之嘉名美譽。亦子孫之冕服牆宇也。自古及今。獲其庇廕者亦衆矣。夫脩善立名者。亦猶築室樹果。生則獲其利。死則遺其澤。世人汲汲者。不達此意。若其與魂爽俱昇。松柏偕茂者。感矣哉。

者字宋本
有別本無

涉務第十一

士君子之處世。士字別本作
夫今從宋本貴能有益於物耳。不徒高談虛論。左琴右書。以費人君祿位也。國之用材。大較

不過六事。

(補)較古岳
古孝二切

一則朝廷之臣。取其鑒達治體。經綸博雅。二則文史之臣。取其著述憲章。不忘前古。

三則軍旅之臣。取其斷決有謀。強幹習事。

(補)斷
丁貫切

四則蕃屏之臣。取其明練風俗。清白愛民。

(補)屏
必鄙切

五則

使命之臣。取其識變從宜。不辱君命。

(補)使
所吏切

六則典造之臣。取其程功節費。開略有術。

開略宋本作開悟。似不
切(案)略謂方略典造

則當明開方之術。
亦謂有智謀也。

此則皆勤學守行者所能辦也。人性有長短。豈責其美於六塗哉。但當皆曉指趣。能守一

職。便無媿耳。

吾見世中文學之士品藻古今若指諸掌及有試用多無所堪居承平之世不知有喪亂之禍

(補)喪處

息浪切

廟堂

宋本作廳廟

之下不知有戰陳之急保俸祿之資不知有耕稼之苦肆吏民之上不知有勞役之勤故難

可以應世經務也晉朝南渡優借士族故江南冠帶有才幹者擢爲令僕已下尚書郎中書舍人已上典

掌機要

(補)晉書職官志尚書令秩千石受拜則策命之以在端右故也僕射服秩與令同尚書本漢承秦置晉渡江有吏部祠部

侍郎還有吏能者爲之中書舍人晉初置舍人通事各十人江左舍人通事謂之通事金人掌呈奏案

其餘文義之士多迂誕浮華不涉世務纖微過失又惜行捶楚

(補)捶之累切(說文)以杖擊也楚荆也亦用以扑撻者

所以處於清高

高俗開本作名今從宋本

益護其短也至於臺閣令史主書監帥諸王籤省

(補)宋

書百官志漢東京尚書令史十八人晉初正令史百二十人書令史百三十人諸公令史無定員(案)續漢書百官志尚書六曹一曹有三主書故令史十八人蓋謂籤帥者謂者事自主書監帥以下名位卑微志故不載而時見於列傳中

竝曉習吏

用濟辦時須縱有小人之態皆可鞭杖肅督故多見委使蓋用其長也人每不自量

(補)音良

舉世怨梁武帝

父子愛小人而疏士大夫此亦眼不能見其睫耳

(史記越世家)齊使者曰幸也越之亡也吾不費其用智之知目見毫毛而不見其睫也

梁世士大夫皆尙褻衣博帶大冠高履

〔補〕漢書尚不疑傳：「暴勝之請與相見，不疑與衣博帶。」〔注〕言著褻大之衣，廣博之帶也。後漢書光武帝紀：「光武絳衣大冠。」案：高履猶高齒履也。

出則

車輿入則扶持，郊郭之內無乘馬者。周宏

翊

正爲宣城王所愛，給一果下馬，常服御之。舉朝以爲放達。

〔魏志〕東夷傳：「國出果下馬，漢桓時獻之。」〔注〕果下馬高三尺，乘之可於果樹下行，故謂之果下馬。見博物志。魏都賦：「補」〔梁書〕袁太子大器傳：「太宗嫡長子中大通三年封宣城郡王。」

至乃尙書郎乘馬，則糺劾之。

〔補〕

〔胡得二切〕

及侯景之亂，膚脆骨柔，不堪行步，體羸氣弱，不耐寒暑，坐死倉猝者，往往而然。建康令王復性既

儒雅，未嘗乘騎，見馬嘶歎陸梁，莫不震懼。

〔補〕通典州郡十二：「丹陽郡江寧，本名金陵，吳爲建業，晉避愍帝諱，改爲建康。」奇寄切。陸梁，跳躍也。儀之涉切。

乃謂人曰：「正

是虎，何故名爲馬乎？」其風俗至此。

〔元注〕一本無自建康令王復已下一段。

古人欲知稼穡之艱難，斯蓋貴穀務本之道也。夫食爲民天。

〔補〕漢書鄒食其傳：王者以民爲天，而民以食爲天。

民非食不生矣。三日

不粒，父子不能相存，耕種之，莠鉏之。

〔補〕與專同。呼毛切。

刈穫之，載積之，打拂之，簸揚之。

〔補〕打都挺切。說文：「擊也。」拂，過擊也。〔案〕今人誤打爲都瓦切，誤。

〔補〕

凡幾涉手而入倉廩，安可輕農事而貴末業哉。江南朝士因晉中興

〔補〕

南渡江卒爲羈旅，至今

八九世未有方田。悉資俸祿而食耳。假令有者，皆信僮僕爲之。

〔補〕令呂貞切。信如信馬之信。

未嘗目觀起一壘土。

〔補〕壘俗本誤。

從手旁。唯宋本從土。〔國語周語〕王耕一壘。〔注〕一壘一耦之發也。相廣五寸。二相爲耦。一耦之發。廣尺深尺。壤鉢伐二音。

耘一株苗。不知幾月當下。幾月當收。安識世閒餘務乎。

故治官則不了。營家則不辦。皆優閒之過也。

此後宋本有世有癡人一段。又見下歸心篇後案當刪此歸彼。





顏氏家訓卷第五

省事 止足 誠兵 養生 歸心

省事第十二

銘金人云無多言多言多敗無多事多事多患

〔家語觀周篇〕孔子觀於周廟見金人三緘其口而銘其背云云

至哉斯戒也能走者奪其翼善

飛者滅其指有角者無上齒豐後者無前足蓋天道不使物有兼焉也

〔補〕〔大戴禮易本命篇〕四足者無羽翼角者無上齒無角者背而無前齒有角者腦

而無後齒〔漢書董仲舒傳〕夫天亦有所分子予之齒者去共角傳其翼者兩其足傳讀曰附

古人云多爲少善不如執一聽鼠五能不成伎術

聽當作聽〔爾雅釋獸〕聽鼠〔注〕形大如鼠頭

似兔尾有毛青黃色好在田中食粟豆闕四呼爲四鼠〔說文〕鼠五伎鼠也能飛不能過屋能緣不能窮木能游不能度谷能穴不能掩身能走不能先人〔補〕〔爾雅釋文〕鼠或云卽蟻也聽郭音雀將略反〔詩碩鼠正義〕引作聽音聽

近世有兩人

朗悟士也性多營綜

〔補〕謂多所經營綜理也〔說文〕綜纒縷也子宋切

略無成名經不足以待問史不足以討論文章無可傳於集錄

書迹未堪以留愛翫卜筮射六得三

〔補〕射食亦切

醫藥治十差五

〔補〕差楚懈切

音樂在數十人下弓矢在千百人中

天文畫繪。基博。

〔補〕畫胡卦切。藝圃基博六博。二字係衍文。

鮮卑語。煎胡桃油。鍊錫爲銀。

〔補〕鮮卑語已見教子篇。〔北齊書〕祖瑨傳。陳元康爲才學。并解鮮卑語。瑨善爲胡桃油。以

塗畫。蓋此數者皆當時所尙也。〔神仙傳〕載尹軌能鍊鉛爲銀。後世亦有得其術者。然久未有不變者也。

如此之類。略得梗槩。

〔補〕梗槩。大略也。〔薛綜注〕張衡東京賦。梗槩不纖密。

皆不通熟。惜乎以

彼神明。若省其異端。當精妙也。

〔補〕書所景切。

上書陳事。起自戰國。

案若蘇秦。蘇厲。范雎。韓非。黃歇之輩。皆是。

逮於兩漢。風流彌廣。

見下。

原其體度。攻人主之長短。諫諍之徒也。計

羣臣之得失。訟訴之類也。陳國家之利害。對策之伍也。帶私情之與奪。遊說之儔也。

〔補〕說舒芮切。

總此四塗。賈

誠以求位。

〔補〕賈音古。

嚮言以干祿。或無絲毫之益。

宋本錄作私說。

而有不省之困。

〔補〕不省。不見省也。音息并切。

幸而感悟人主。爲時

所納。初獲不貨之賞。

〔補〕不貨。亦作不嘗。〔顏師古注〕漢書蓋寬繆傳。不貨者。言無質量。可以比之貴重之極也。

終陷不測之誅。則嚴助。朱買臣。吾丘壽王。主父

偃之類甚衆。良史所書。蓋取其狂狷一介。論政得失耳。非士君子守法度者所爲也。

〔漢書〕嚴朱吾丘主父嚴終王買傳。嚴助會稽吳

人。鄒舉賢良。對策百餘人。武帝善助對。擢爲中大夫。後得朱買臣。吾丘壽王。司馬相如。主父偃。徐樂。嚴安。東方朔。枚舉。膠倉。終軍。嚴蔥奇等。實在左右。及淮南王反。事與助相連。繫市。朱買臣。字翁子。吳人。詣闕上書。會邑子嚴助。貴幸。薦買臣。拜爲中大夫。與助俱侍中。後告張

君子當守道崇德，蓄價待時，爵祿不登，信由天命，須求趨競，不顧羞慙，比較材能，斟量功伐。

(補)量音良，伐亦功也。(莊)廿

八年左氏傳)且旌君伐

厲色揚聲，東怨西怒，或有劫持宰相瑕疵而獲酬謝，或有諠聒時人視聽，求見發遣。

(補)猶今選人之在

吏部者先求分發

以此得官，謂爲才力，何異盜食致飽，竊衣取溫哉？世見躁競得官者，便謂

舊作爲下，同古亦通用

弗索何獲。(左)氏

昭廿七年傳)吳公子光曰：上國有言曰：不索何獲。(補)案所自切

不知時運之來，不求亦至也。

不求得作不然，屠本作不索，今案當作不求

見靜退未遇者，便謂弗爲胡

成。(書太甲下)弗慮胡獲，弗爲胡成

不知風雲不與，徒求無益也。

(易乾文言傳)雲從龍，風從虎。(後漢書)劉聖公傳贊)聖公辭聞，觀我風雲又(二十八將傳論)威能感會，風雲奮其智勇

凡不求

而自得，求而不得者，焉可勝算乎？

(補)焉於虔切，勝音升

齊之季世，多以財貨託附外家，誼勳女謁。

(北齊書)恩倖傳)穆提婆本姓賸，漢陽人，提婆母陸令萱嘗配入掖庭，大爲胡后所昵愛，令萱最巧多機辯，取媚百端，宮掖之中，獨擅威福，天統初，奏引提婆入侍

後主，官至錄尚書事，封城陽王，令萱又細穆昭儀，養之爲母，提婆遂改姓穆氏，及穆后立，令萱號曰太姬，武平之後，令萱母子勢傾中外，生殺予奪，不可盡言。(補)說苑君道篇)湯之時，大旱，祝曰：女謁盛邪。

拜守宰者，印組光華，車

騎輝赫。(補)古者居官，人各一印，後世凡同曹司者，共一印，組卽綬也。所以繫佩者，漢書嚴助傳)方寸之印，丈二之組，屬其寄切

榮兼九族。

(補)注已見兄弟篇

取貴一時。

(補)北齊書後主紀)任陸令萱和士開高阿那賊

程提舉韓長鬣等宰制天下陳德信郭長隨何洪珍參預機權各引親黨超居非次官由財進顯以賄成帝藏空竭乃賜諸侯俸實官或得郡兩三或得縣六七各分州郡下逮郡官亦多中降者

而爲執政所患隨而同察既

以利得必以利治微染風塵便乖肅正〔補〕風塵易以汚人言不能清潔也坑穿殊深瘡痛未切〔補〕瘡瘻美切復房六切縱得免死莫不破

家然後噬臍亦復何及〔補〕左氏莊六年傳楚文王過鄆鄆三甥請殺之曰若不早圖後君噬臍復扶又切吾自南及北未嘗一言與時人論身分也〔補〕分扶切

問不能通達亦無尤焉

王子晉云佐饒得嘗佐鬪得傷王子晉周靈王之太子也〔周語下〕此言爲善則預爲惡則去不欲黨人非義之

事也凡損於物皆無與焉〔補〕與音預然而窮鳥入懷仁人所憫〔魏志鄧原傳〕原與同郡劉政俱有勇略雄氣遠東太守公孫度畏惡欲殺之政窘急往投原〔義松之注〕引魏氏

春秋曰政投原曰窮鳥入懷原曰安知斯懷之可又邪況死士歸我當棄之乎伍員之託漁舟〔史記伍子胥傳〕伍子胥者楚人也名員奔吳道者在後有一漁父乘船知伍胥之急乃渡伍胥〔補〕員音云

季布之入廣柳〔同上季布傳〕季布者楚人也爲氣任俠有名於楚項籍使將兵擊窘漢王及項羽滅高祖購布千金布匿濮陽周氏周氏獻計見錯布衣褐衣置廣柳車中之善朱家所賣之朱家心知是季布買而置之田諱其子與同食〔補〕

〔集解〕服虔曰東郡謂廣柳車爲廣柳車鄆屬曰喪車也李奇曰大隆穿也續曰今陘轉大車是也〔索隱〕禮曰設柳絮鄭康成注周禮云布絮也諸師所案則是喪車稱柳孔融之藏張儉〔後漢書黨錮傳〕張儉字元節山陽高平人〔孔融傳〕

字文舉魯國人孔子二十世孫也山陽張儉爲中常侍侯覽所惡刊章捕儉儉與融兄寗有舊亡抵寗不遇時融年十六見其有寤色謂曰吾獨不能爲君主邪因留舍之後事潰儉得脫兄弟爭死詔書竟坐寗焉

孫嵩之匿趙岐

（補）同上趙

岐傳岐字郊彌京兆長陵人聽疾宦官中常侍唐衡兄彥爲京兆尹收其家屬盡殺之岐逃難自匿姓名賣餅北海市中時安邱孫嵩游市察非常人呼與共載岐懼失色嵩屏人語曰我北海孫實石闔門百口勢能相濟遂以俱歸藏匿壁中

前代之所

貴而吾之所行也以此得辜

宋本作罪

甘心瞑目至如郭解之代人報讐

（史記游俠傳）郭解軹人也字翁伯爲人短小精悍以驅借交報仇

灌夫之

橫怒求地

（同上魏其侯傳）武安侯田蚡爲丞相使籍孺請魏其城南田不許灌夫聞怒罵籍孺籍孺兩人有怨乃設自好謝丞相已而武安聞魏其灌夫實怒不予田亦怒曰蚡事魏其無所不可何愛數頃田且灌夫何與也由此大怒灌夫魏其（補）橫戶

孟切大下

游俠之徒非君子之所爲也

（補）（史記游俠傳集解）荀悅曰俞愈氣作威福結私交以立強於世者謂之遊俠

如有逆亂之行

（補）下

得罪於君

親者又

宋本作亦

不足卹焉親友之迫危難也

（補）難乃且切

家財己力常無所吝若橫生圖計無理請謁非吾教也

墨翟之徒世謂熱腹楊朱之侶世謂冷腸腸不可冷腹不可熱當以仁義爲節文耳

（補）仁者愛人而施之有等義者正己而處之得宜

墨氏之兼愛疑於仁而實害於仁楊氏之爲我疑於義而實害於義是以孟子必辭而闕之

前在修文令曹

（本傳）河清末待詔文林館大爲祖珽所重令掌知館事

有山東學士與關中太史競歷

（隋書百官志）總書省領著作太史二曹太史曹置令丞各二人司歷二人監候四人其

歷天文漏刻視較
各有博士及生員

凡十餘人紛紜累歲

(補)累
力委切

內史牒付議官平之

(同上)內史省置令二人侍郎四人(補)牒徒叶切(說文)札也(廣韻)書版曰牒案後世官府移

文謂之歷平平議也(後漢書
霍諝傳)前者溫敦許爲平議

吾執論曰大抵諸儒所執四分并減分兩家耳

(續漢律歷志)元和二年太初失天益道召治歷編訢李梵等綜校其狀遂下詔改行四

分以遵於堯嘉平四年蒙公蒙宗補孫誠上書言受補法術當復改減術以百三十五月二十三食爲法乘除成月從建康以上減四十一建康以來減三十五

歷象之要可以晷景測之

(補)善古委切日景也景古影字葛洪始

加多詳見本

書書證篇

今驗其分至薄蝕則四分疎而減分密疏者則稱政令有寬猛運行致盈縮非算之失也密者

則云日月有遲速以術求之預知其度無災祥也用疏則藏姦而不信用密則任數而違經且議官所知不能精於訟者以淺裁深安有冝服既非格令所司幸勿當也舉曹貴賤咸以爲然有一禮官恥爲此讓

俗本

苦欲留連強加攷覈(補)強其兩切覈
下革切與核同

機杼既薄無以測量

(補)機杼言其
臂中之經緯也

還復採訪訟人

(補)復
扶又切

窺皇

長短朝夕聚議寒暑煩勞青春涉冬

(補)背
蒲妹切

竟無予奪怨誚滋生赧然而退終爲內史所迫此好名

俗本
有好

事二

之辱也(元注)一本此好
名好事之爲也

止足第十三

禮云欲不可縱志不可滿

見禮記曲禮上

宇宙可臻其極情性不知其窮唯在少欲知足

俗本作止

為立涯限爾先祖

靖侯

〔補〕之推九世祖名含已釋在治家篇

戒子姪曰汝家書生門戶世無富貴自今仕宦不可過二千石

〔補〕案自漢以來官制有中二千石二千石比

二千石此但不至公耳然於官品亦優矣鄙曼嘗為官不寫過六百石輒自免去豈不更沖退哉

婚姻勿貪勢家吾終身服膺以為名言也

天地鬼神之道皆惡滿盈謙虛沖損可以免害

〔易〕謙象傳天道虧盈而益謙地道變盈而流謙鬼神害盈而福謙人道惡盈而好謙

人生衣趣以覆寒露食

趣以寒飢乏耳

〔補〕趣者僅足之意與孟子子藹子取為我之取聞覆數致切

形骸之內尚不得奢靡己身之外而欲窮驕秦邪周穆王秦始皇

皇漢武帝富有四海貴為天子不知紀極

〔補〕左氏文十八年傳文

猶自敗累

〔補〕良傷切

況士庶乎

〔昭〕十二年左氏傳子革對楚子費穆王欲肆其心周行

天下將皆必有車轍馬跡焉〔史記秦本紀〕造父以善御幸于周穆王得驥溫騶騶騶耳之馴巡狩樂而忘歸徐偃王作亂造父為穆王御一日千里以救亂〔秦始皇紀〕二十六年秦初并天下除讎法為始皇帝治馳道築長城作阿房宮求不死藥焚詩書院諸生二十七人七月崩于沙邱平蠶〔桓譚新論〕漢武帝材質高妙有崇先廣統之規然多過差既欲斥境廣土又乃食利爭物開大宛有名馬攻取歷年士衆多死但得數十匹耳多微會邪歸求不急之方大起宮室內竭府庫外罷天下此可謂通而蔽矣

常以為二

十口家。奴婢盛多。不可出二十人。良田十頃。堂室纔蔽風雨。車馬僅代杖策。蓄財數萬。以擬吉凶急速。不

啻此者。

宋本有皆字。

以義散之。

〔補〕音與翅同。不音不但言過之也。

不至此者。勿非道求之。

仕宦稱泰。不過處在中品。前望五十人。後顧五十人。足以免恥辱。無傾危也。高此者。便當罷謝。偃仰私庭。

吾近爲黃門郎。

〔隋書百官志上〕門下省置侍中給事黃門侍郎各六人。

已可收退。當時羈旅。權權誘譎。思爲此計。僅未暇爾。自喪亂已來。

〔補〕喪蘇溪切。

見因託風雲。徵倖富貴。且執機權。夜殞坑谷。朔歎卓鄭。晦泣顏原者。非十人五人也。慎之哉。

〔補〕史

肥貨殖傳。蜀卓氏之先。趙人也。徙臨邛。富至僮千人。田池射獵之樂。隨於人。君得鄭山東遷虜也。亦治鑄富埒卓氏。顏原謂顏淵厚思。非十人五人言如此者。其人衆多也。

誠兵第十四

顏氏之先。本乎鄒魯。或分入齊。世以儒雅爲業。徧在書記。仲尼門徒。升堂者七十有二。顏氏居八人焉。

〔史〕

仲尼弟子傳。孔子曰。受業身通者七十有七人。皆異能之士也。顏回。字子淵。魯人。顏無繇。字路。回之父。顏幸。字子柳。顏高。字子驥。顏祖。字襄。顏之僕。字叔顏。喻。字子聲。顏何。字冉。皆魯人。〔案〕今家語止七十六人。蓋脫去顏何一人。案隱於史記。顏何。下引家語云。字稱。今史記。字冉。蓋傳寫脫其牛耳。案隱明言家語。與史記同。則其爲誤脫。更明甚。今家語顏高。作顏刻。顏祖。作顏相。

秦漢魏晉。下逮齊梁。未有用兵以取遠者。春秋世。顏高。顏鳴。顏

息顏羽之徒，皆一鬪夫耳。

（定八年左氏傳）公侵齊，門於陽州，士皆坐列，曰：「顏高之弓六鈞，皆取而傳觀之。」陽州人出高奪人弱弓，籍邱子翅擊之，與一人俱斃，僅且射子鉅中，頰墮，顏息射人，中眉，退曰：「我無勇，吾志其目也。」（昭

廿六年傳）齊師圍成師，及齊師戰于炊鼻，林雍羞爲顏鳴，右下苑何思取其耳，顏鳴去之，苑子之御曰：「視下，顯苑子刺林雍，斷其足，蹙而乘於他車，以歸。」顏鳴三入齊師，呼曰：「林雍乘又。」（哀十一年傳）齊國書高無不帥師伐我，及清孟孺子洩師，右師顏羽，師洩洩爲右戰

于郊，右師奔孟孺子，語人曰：「我不知顏羽而賢於鄙。」洩子羽銳敏，我不欲戰而能默。」洩曰：「驅之。」

齊有顏涿聚。

（補）韓非十過篇）昔田成子淫於海而墮之，顏涿聚曰：「君遊海而樂之，奈人有圖國者何？」君雖樂之，將安得田成子授戈將擊之。顏涿聚曰：「

昔榮殺亂國，逢而封殺王子比干，今君雖殺臣之身以三之可也。」臣言爲國，非爲身也。君乃釋戈趣駕而歸，聞國人有謀，不內田成子者矣。」（說苑正諫篇）以爲諫齊景公，顏涿聚作顏燭，左傳作顏涿聚，史記古今人表俱作顏涿聚，他書說者不具出。

趙有顏

敏。

（元注）或作聚。段云：「敏才句切，上多一點，是俗最字。」（補）史記趙世家）幽繆王二十七年，秦人攻趙，趙大將李牧將軍司馬翕將擊之。李牧誅司馬翕，免趙忽及齊將顏聚代之。趙忽軍破，顏聚亡去。（馮唐傳）選用郭開，譏卒誅李牧，令顏聚代之。（索隱）聚音以喻反。

漢書 漢末有顏良，（三國志袁紹傳）以顏良爲將軍，攻劉廷於白馬，太祖救廷，與良戰，破斬良。

宋有顏延之。

（宋書顏延之傳）嘗領步兵校尉，未嘗爲將軍。其子（魏傳）云：「峻守士遜，世祖踐阼，以爲侍中，遷左衛將軍。」

丁憂起爲右將軍，以所陳多不被納，頗懷憤恨，免官，峻續啓謝罪，并乞性命，上愈怒，及竟陵王誕爲逆，因此陷之，於獄賜死。

並處將軍之任，竟以顛覆。

（補）方目切。

漢郎顏驕，自稱好武。

（補）好呼報切。

更無事迹。

（漢武故事）顏驕不知何許人，文帝時爲郎，武帝嘗過郎署，見驕，眉皓髮，問曰：「叟何時爲郎，何其老也？」對曰：「臣文帝時爲郎，文帝好文而臣好武，至景帝好美而臣貌醜，陛下即位好少而臣已老，是以三世不遇，上感其言，擢

拜會稽都尉。

顏忠以黨楚王受誅。

（後漢書楚王英傳）永平十三年，男子燕廣告英與漁陽王平、顏忠等造作圖書，有逆謀，事下案驗，廢英，徙丹陽溧縣，自殺，坐死徙者以千數。

顏俊以據武威見殺。

得姓已來無清操者唯此二人皆罹禍敗頃世亂離衣冠之士雖無身手身手謂有勇力習武藝者故杜少陵詩云朔方健兒好身手或

聚徒衆違棄素業微倖戰功吾既羸薄〔補〕羸力迫切仰惟前代故真心於此〔補〕慎思也子孫誌之孔子力翹

門關不以力聞〔列子說符篇〕孔子之勁能招國門之關而不以力聞〔案〕招與翹同舉也〔補〕此或孔子父叔梁紇事見〔左氏襄十年傳〕偃師人啓門諸侯之士門形縣門發聾人紇挾之以出門者後遂移之孔子此聖證也

〔補〕王顧有聖證論此語所本吾見今世士大夫纔有氣幹〔補〕氣力強幹便倚賴之不能被甲執兵以衛社稷但微行險服〔補〕微行

易爲姦也險服如曼〔補〕說文手舉也揚雄曰舉胡之纒短後之衣是逞弄拳擊〔補〕說文手舉也揚雄曰舉大則陷危亡小則貽恥辱遂無免者〔案〕下當分段

國之興亡兵之勝敗博學所至幸討論之入帷幄之中〔補〕漢書高帝紀運籌帷幄之中決勝千里之外吾不知子房參廟堂之上不能爲主

盡規以謀社稷君子所恥也然而每見文士頗讀兵書微有經略若居承平之世〔補〕俗本無居字宋本有睥睨宮闈〔補〕睥睨

猶言占察〔漢書龔田列傳〕作睥睨亦作睥睨睥睨並同匹語研計二切幸災樂禍首爲逆亂詿誤善良〔補〕詿音卦〔廣雅〕欺也如在兵革之時構扇反覆縱橫說

誘〔補〕縱即容切亦作從不識存亡強相扶戴〔補〕強其兩切扶戴謂推奉以爲主也此皆陷身滅族之本也誠之哉誠之哉〔案〕下當分段

習五兵

〔周禮夏官司兵〕掌五兵〔注〕鄭司農曰戈受戟會矛
爽矛此車之五兵步卒之五兵則無爽矛而有弓矢

便乘騎

宋本倒〔補〕
騎其寄切

正

〔補〕
作止

可稱武夫爾今世士大夫

但不讀書卽

宋本有
自字

稱武夫兒乃飯囊酒甕也

〔補〕〔金樓子立言篇〕福衛云菊
或強可與言餘人皆酒甕飯囊

養生第十五

神仙之事未可全誣但性命在天或難種植人生居世觸途牽繫

〔補〕陟立切〔詩小
雅白駒傳〕絆也

幼小之日既有供養

之勤

〔補〕少詩照切供
居用切羹餘亮切

成立之年便增妻孥之累衣食資須公私勞役而望遁跡山林超然塵滓千萬不遇

俗本
作過

一爾加以金玉之費鐘器所須益非貧士所辦

〔抱朴子金丹篇〕昔左元放神人授之金丹僊經余師鄭君以授余
受之已二十餘年矣資無費石無以爲之但有長歎耳〔又云〕朱草

喜生巖石之下刺之汁流如血以玉及八石金銀投其中經可
丸如泥久則成水以金投之名爲金蠟以玉投之名爲玉髓

學如

宋本
作若

牛毛成如鱗角

〔蔣子萬機論〕學者
如牛毛成者如鱗角

華山之下白

骨如莽

華山仙人多居焉〔初學記〕引華山記云山頂有千葉蓮花服之羽化山下有集靈宮漢武帝欲懷仙者故名今
云白骨如莽言其不可信也〔左氏哀元年傳〕吳日散於兵龜骨如莽〔杜注〕草之生於廣野莽莽然故曰草莽

何有可

遂之理考之內教縱使得仙終常有死不能出世不願汝曹專精於此若其愛養神明調護氣息慎節起

臥均適寒暄。禁忌食飲。將餌藥物。遂其所稟。不爲夭折者。吾無閒然。

(補)抱朴子極言篇養生之方。睡不及。道行不疾。步耳不極。聽目不久。視坐不至。久臥不及。

瘦先寒而衣。先熱而解。不欲極飢而食。食不過飽。不欲極渴而飲。飲不過多。不欲甚勞。甚逸。冬不欲極溫。夏不欲窮涼。大寒大熱。大風大霧。皆不欲冒之。五味入口。不欲偏多。臥起有四時之早晚。與居有至和之常制。忍怒以全陰氣。抑喜以養陽氣。然後先服草木以救虧缺。後服金丹。

以定無窮。諸藥餌法。不廢世務也。庾肩吾常服槐實。年七十餘。目看細字。鬚髮猶黑。

(梁書文苑傳)庾於陵弟肩吾字子慎。太宗在蕃。雅好文。

韋士。與東海徐搗。吳郡陸杲。彭城劉遵。劉孝儀。孝威。同被賞接。太清中。侯景陷京師。逃赴江陵。未幾卒。(名醫別錄)槐實味酸。論久服明目。益氣。頭不白。延年。

鄴中朝士。有單服杏仁。枸杞。黃精。朮。車前。

宋本作煎。得益者甚多。不能一一說爾。

(元注)一本無此六字。(補)晉書地理志)魏郡鄴。魏武受封居此。(案)古有服杏仁丹法。云出左慈除疔百變鼓疔痔癰癩瘡腫萬病皆愈。久服通靈不死云云。其說妄誕。

杏仁性熱。降氣。非可久服之藥。(本草經)枸杞一名杞根。一名地骨。一名地輔。服之堅筋骨。輕身耐老。(博物志)黃帝問天老曰。天地所生。豈有食之令人不死者乎。天老曰。太陽之草。名曰黃精。餌而食之。可以長生。(列仙傳)涓子好餌朮。節食其精。三百年。(神仙服食經)車前實。雷之精也。服之。行化。八月採地衣。地衣者。車前實也。吾嘗患齒搖動欲落。飲食熱冷。皆苦疼痛。見抱朴子牢齒之法。早朝叩

宋本作礎。

三百下。爲良行之數日。即便

俗本脫。宋本有。

平愈。今恆持之。此輩小術。無損於事。亦可脩也。凡欲餌藥。陶隱

居太清方中。總錄甚備。但須精審。不可輕脫。

俗本作服。今從宋本。(梁書陶宏景傳)字通明。丹陽秣陵人。止於句容之句曲山。曰此山下是第八洞天。名金壇華陽之天。乃中山立館。自號華陽隱居。天監

四年移居積金東澗善辟穀導引之法年逾八十而有壯容大同二年卒年八十五〔隋書經籍志〕太清草木集要二卷陶隱居撰

近有王愛州

〔補〕〔隋書地理志〕九真郡懷遠愛州

在鄴學服松脂不得

節度腸塞而死爲藥所誤者甚多

〔本草〕松脂一名松膏久服輕身不老延年〔文選〕〔古詩〕服藥求神仙多爲藥所誤

夫養生者先須虛禱全身保性有此生然後養之勿徒養其無生也單豹養於內而喪外張毅養於外而

喪內前賢所戒也

〔莊子達生篇〕善養者如牧羊視其後者而鞭之魯有單豹者巖居而水飲不與民共利行年七十而猶有嬰兒之色不幸遇餓虎餓虎殺而食之有張毅者高門鬚鬢無不走也行年四十而有內熱之病以死豹養其內而虎

食其外毅養其外而病攻其內此二子者皆不履其後者也〔補〕又見〔呂氏春秋必己篇〕喪息湏切

嵇康著養生之論而以傲物受刑

〔李善注文選〕引嵇喜爲康傳曰康性好服食常采御上藥以爲神仙藥

之自然非積學所致至於導養得理以盡性命若安期彭祖之倫可以善求而得也著養生篇餘已見前

石崇冀服餌之微

〔元注〕一本作延年

而以食溺取禍

〔補〕〔文選〕石季倫思歸引序〕又好服食咽氣志在不

朽傲然有陵雲之操〔晉書石苞傳〕苞少子崇字季倫生於齊州故小名齊奴少敏惠有謀財產豐積後房百數皆曳執繩耳金翠絲竹盡當時之選庭階前水陸之珍嘗與王敦入太學見顏回原憲承歎曰若與之同升孔堂去人何必有閒教曰不知餘人云何子貢去孺差近崇正色曰士當身名俱泰何至變庸庸哉崇有妓曰綠珠孫秀使人求之崇盡出數十人以示之曰任所擇使者曰本受命索綠珠崇曰吾所愛不可得也秀怒乃矯詔收崇綠珠自投樓下而死崇母兄妻子無少長皆被害 往世之所迷也

夫生不可不惜不可苟借涉險畏之途干禍難之事

〔補〕難乃且切次下同

貪欲以傷生讒慝而致死此君子之所惜

哉行誠孝而見賊履仁義而得罪喪身以全家

〔補〕喪息淚切

泯軀而濟國君子不咎也自亂離已來吾見名臣

賢士臨難求生終爲不救徒取窘辱令人憤懣

〔補〕難乃且切令力早切懣音悶

侯景之亂王公將相多被戮辱妃主姬妾

略無全者唯吳郡太守張繡建義不捷爲賊所害辭色不撓

〔梁書張繡傳〕繡字四山鎮北將軍繡之子也大開中遷吳興太守太清二年侯景陷宮城繡收集士卒繕築城壘

賊遣使招降之繡斬其使爲劉神茂所敗乃釋戎服坐廳事賊懼之以刃終不爲屈乃執以送景子弟同遇害者十餘人

及鄱陽王世子謝夫人登屋詬怒見射而斃夫人謝遵女

也〔梁書鄱陽王恢傳〕恢子範以晉熙爲晉州遣子嗣爲刺史嗣字長曾性疏果有膽略傾身義士能得其死力範薨嗣猶據晉熙侯景遣任約來攻嗣出壘距之時賊勢力盛成勳且止嗣被劍叱之曰今之戰何有退乎此爾嗣效命死節之秋也遂中流矢卒於陣〔案〕

南史但言妻子爲任約所虜蓋史脫略

何賢智操行若此之難婢妾引決若此之易悲夫

〔補〕操七到切行下孟切〔漢書司馬遷傳〕咸獲婢妾猶能引決易以鼓切

歸心第十六

〔補〕高安朱文端梓此書刪去此篇以其崇釋而輕儒也北平黃崑園少宰所梓乃全文有一學者猶以爲不宜刪去余謂昔人之書美惡皆當仍之使後人得悉其所學之純駁自爲審擇可耳余於釋氏之書寓目

者少不能如李善之注頭陀亦碑覽者幸無尤焉

三世之事信而有徵

三世過去未來現在也

家世歸心

宋本作業此

勿輕慢也其閒妙旨具諸經論

內典經律論各一藏謂之三藏

不復於此

少能讀述。但懼汝曹猶未牢固。略重勸誘爾。

(補)復扶又切。重直用切。宋本作勸非。

原夫四塵五廢。剖析形有。

(補)楞嚴經。我今觀此浮根四塵。祇在我面。

如是識心。實居身內。(注)四塵。色香味觸也。五廢。即五陰。亦名五蘊。心經。照見五蘊皆空。(注)

六舟三駕。運載羣生。

(補)梁簡文帝唱導文。帝

釋迦廣泛。般若之舟。淨居深沈。駕牛車之美。(王勃龍華寺碑)四門幽關。顯非相而運運。三駕晨嚴。臨有爲而出頓。(案)三駕。即三乘。見法華經。羊車。喻聲聞乘。鹿車。喻緣覺乘。牛車。喻菩薩乘。六舟未詳。

萬行歸空。千門入善。辯才

智惠。

(補)行下孟切。惠與慧同。

豈徒七經百氏之博哉。明非堯舜周孔所及也。

(後漢書張純傳注)七經。謂詩書禮樂易春秋及論語也。(補)之。推此言得罪名教矣。

內外兩

教。本爲一體。漸極爲異。深淺不同。內典初門。設五種禁。外典仁義禮智信。皆與之符。仁者不殺之禁也。義者不盜之禁也。禮者不邪之禁也。智者不淫之禁也。信者不妄之禁也。宋書沈約之言政如此。至如收狩軍旅。燕享刑

罰。固民之性。不可卒除。

(補)卒含沒切。

就爲之節。使不淫濫爾。歸周孔而背釋宗。何其迷也。

(補)背蒲味切。

俗之謗者。大

抵有五。其一以世界外事。及神化無方。爲迂誕也。其二以吉凶禍福。或未報應。爲欺誑也。其三以僧尼行業。多不精純。爲姦慝也。其四以糜費金寶。減耗課役。爲損國也。其五以縱有因緣。如報善惡。安能辛苦。今日之甲。利後世之乙乎。爲異人也。今竝釋之於下云。

釋一曰夫遙大之物寧可度量。

〔補〕度徒落切量呂張切

今人所知莫若

宋本

天地天爲積氣地爲積塊日爲陽精月爲

陰精星爲萬物之精儒家所安也星有墜落乃爲石矣。

〔列子天瑞篇〕杞國有人憂天崩墜身亡所寄發寢食者又有憂彼之所憂者曉之曰天積氣耳亡處亡氣奈何憂崩墜乎其人曰

天里積氣日月星宿不當墜那曉之者曰日月星宿亦積氣中之有光耀者正使墜亦不能有所中傷其人曰竊地壞何曉者曰地積塊耳充塞四虛亡處亡塊奈何憂其壞〔說文〕日實也太陽之精月闕也太陰之精星萬物之精上爲列星〔左傳十六年傳〕隕石于宋五

隕星

精若是石不得有光性又質重何所繫屬一星之徑大者百里

此非確有所見之言也案歷稽略云經星之體凡有六等安得云一星之徑大者百里乎〔補〕

〔徐整長歷〕大星徑百里中星五十小星三十北斗七星間相去九千里皆在日月下屬之欲切

一宿首尾

天上一度在地二百五十里〔補〕宿息數切又音風下同

相去數萬百里之物數萬相連

闊狹從斜常不盈縮

〔補〕從子容切

又星與日月形色同爾但以大小爲其等差然而日月又當石也

〔補〕菱楚宜切也與邪通

石既牢密烏兔焉容

〔春秋元命包〕陽數起於一成於三故日中有三足烏月兩設以禮籍與兔者陰陽雙居明陽之制陰陰之制陽〔補〕焉於虔切

石在氣中豈能獨運日月星辰若

皆是氣氣體輕浮常與天合往來環轉不得錯違其開遲疾理宜一等何故日月五星二十八宿各有度數移動不均寧當氣墜忽變爲石

〔尚書堯典正義〕六歷諸緯與周髀皆云日行一度月行十三度十九分度之七〔漢書律歷志〕金水皆日行一度木日行千七百二十八分度之百四十五土日行四千三百二十

分度之百四十四。火日行萬三千八百二十四分度之七千三百五十五。又二十八宿所載黃赤道度各不同。

地既滓濁。法應沈厚。鑿土得泉。乃浮水上。

（晉書天文志）天在地外。水在天外。水浮天而

載地者也。（補）沈

直深切俗作沉。

（補）復扶又切。

積水之下。復有何物。

（補）（尚書洪範）一五行。一曰水。正義。易繫辭曰。天一地二天三地四天五地六天七地八天九

地十。此即是五行生成之數。天一生水。地六成水。陰陽各有匹偶。而物得成焉。

東流到海。何爲不溢。歸塘尾閘。溘何所到。

（補）楚辭天問。東流不溢。孰知其故。列子湯問篇。夏革曰。渤海之東。不知

幾億萬里。有大壑焉。實惟無底之谷。其下無底。名曰歸墟。八紘九野之水。天漢之流。莫不注之。而無增無減焉。（張湛注）歸墟。或作歸塘。趙注。莊子秋水篇。天下之水。莫大於海。萬川歸之。不知何時止而不盈。尾閘。津之不知何時已而不虛。案。漢與滄同。

沃焦

之石。何氣所然。

（平中記）天下之強者。東海之沃焦焉。沃焦者。山名也。在東海南三萬里。海水灌之而即消。

潮汐去還。誰所節度。

（抱朴子）廣氏曰。潮者。韓朝來也。汐者。言夕至也。一月之中。天再東再西。故潮

水再大再小也。又夏時日居南窗。陰消陽盛。而天高一萬五千里。故夏潮大也。冬時日居北窗。陰盛陽消。而天卑一萬五千里。故冬潮小也。又春日日居東窗。天高一萬五千里。故春潮漸起也。秋日日居西窗。天卑一萬五千里。故秋潮漸減也。（補）案此段見御覽所引。今抱

朴子無之。

天漢懸指。靡不散落。

（附雅釋天）析水謂之津。箕斗之間。漢津也。漢書天文志。漢者亦金數氣。其水曰水。晉書天文志。天漢起東方。經厚箕之間。謂之天河。亦謂之漢津。分爲二道。在七星南而沒。

水性就

下。何故上騰。

（淮南子原道訓）天下之物。莫柔弱於水上。天則爲雨。雲下地則爲潤澤。

天地初開。便有星宿。九州未劃。列國未分。翦疆區野。若爲躡次。

（方言十二）躡。歷行也。日暉爲躡。月運爲躡。禮記月令。季冬。日窮于次。鄭注。次。舍也。補。史記天官書。角亢氏。兗州。房心。豫州。尾箕。幽州。斗江。瀛。牽牛。婺女。揚州。虛危。青州。營室。東壁。井州。奎婁。胃。徐州。昂畢。冀州。胃。獨參。益州。東井。鬼。雍州。柳七。星。張三。河。翼。軫。荊州。

〔晉書天文志〕載魏太史令陳卓言曰國所入宿度九洋

封建已來誰所制割國有增減星無進退災祥禍福就中不差乾象之大列星之

夥何爲分野止繫中國

〔周禮春官保章氏〕掌天星以志星辰日月之變動以觀天下之遷辨其吉凶以星土辨九州之地所封封域皆有分星以觀妖祥〔漢書地理志〕秦地於天官東井與鬼之分野魏地腎臨參之分野周地柳七

星張之分野韓地角亢氐之分野趙地昂畢之分野燕地尾箕之分野齊地虛危之分野魯地奎婁之分野宋地房心之分野齊地營室東壁之分野楚地翼軫之分野吳地斗分野粵地牽牛婺女之分野也〔補〕影胡火切分扶間切

昂爲旄頭伺

奴之次〔史記天官書〕昂曰旄頭胡星也

西胡東越影題交趾獨奔之乎

〔史記東越傳〕閩越王無諸及越東海王搖者其先皆越王句踐之後也〔後漢書南蠻傳〕禮記稱南方曰蠻羅題交趾其俗男女

同川而浴故曰交趾〔補〕羅題交趾禮記王制文羅謂刻也題謂額也非惟羅額亦文身也羅影趾陸俱通用

以此而求迄無了者豈得以人事尋常抑必宇宙外也凡人之

信唯耳與目耳目之外咸致疑焉儒家說天自有數義或渾或蓋乍宣乍安

〔晉書天文志〕古言天者有三家一曰蓋天二曰宣夜三曰渾天漢靈帝

時蔡邕于朔方上書言宣夜之學絕無師法周髀術數具存考驗天狀多所遺失惟渾天近得其情蔡邕所謂周髀者即蓋天之說也其所傳則周公受於股高其言天似蓋笠地似覆盆天地各中高外下宣夜之書漢祕書郎鄭萌記先師相傳云日月衆星自然浮生虛空之中無所根繫成帝咸康中會稽虞喜因宣夜之說作安天論至於渾天理妙學者多疑張平子陸公紀之徒咸以爲莫密於渾象者也

斗極所周管維所屬

〔史記天官書〕北斗七星所謂璇璣玉衡以齊七政攬龍角衡股南斗魁杓參首

用昏建者杓杓自華以西南夜中建者衡衡股中州河濟之間平旦建者魁魁海岱以東北也斗爲帝車運乎中央臨制四部分陰陽建四時均五行移節度定諸紀皆繫於斗〔補〕楚辭天問〔楚辭〕天極焉加冕一作幹〔顏師古匡謬正俗〕幹管二音不殊近代流俗

音幹鳥活切非也。〔淮南天文訓〕東北爲輶德之維，西南爲膏陽之維，東南爲常羊之維，西北爲麗通之維，〔張衡靈憲〕八極之維，徑二億三萬二千三百里。若所親見，不容不同。若所測量，寧足依據。何

故信凡人之臆說，迷大聖之妙旨，而欲必無恆沙世界，微塵數劫也。〔金剛經〕諸恆河所有沙數，佛世界如是，寧爲多不。〔法華經〕如人以力摩三千大千土復盡。

末爲塵，一塵爲一劫，如此

而鄭衍亦有九州之談。

〔史記孟子荀卿傳〕竊衍著書十餘萬言，以爲儒者所謂中國者，於天下乃八十一分居其一分耳。中國名曰赤縣神州，赤縣神州內自有九州，禹之序九州

是也，不得爲州數。中國外如赤縣神州者九，乃所謂九州也。於是有所裨海環之人民禽獸，莫能相通者，如一區中者，乃爲一州，如此者九，乃有大瀛海環其外，天地之際焉。〔廣輿記〕

由中人不信有魚大如木，海上人不

信有木大如魚，漢武不信弦膠。

〔東方朔十洲記〕鳳麟洲在四海中央，仙家寶鳳喙及麟角，合煎作膏，名之爲續弦膠，能續弓弩，斷弦刀劍，斷折之金，以膠連之，使之力士擊之，他處乃斷，所續之際，終無斷也。漢武不信未詳。

魏文不信火布。

〔魏志三少帝紀〕景初三年，西域貢火浣布，詔大將軍大尉臨試，以示百寮。〔搜神記〕漢世西域貢火浣布，中開久絕，至魏初時人疑其無有，文帝以爲火性酷烈，無含生之氣，著之典論，明其不然。及明帝立，詔刊石廟門之外。

及太學，永示來世，至是西域獻之，於是刊滅此論，天下笑之。

胡人見錦，不信有蟲食樹吐絲所成。昔在江南，不信有千人氈帳。及來河北，不

信有二萬斛船，皆實驗也。世有祝師及諸幻術。

〔補〕視之又切幻音息。

猶能履火蹈刃，種瓜移井，倏忽之間，十變五化。

人力所爲，尙能如此。

〔列子周穆王篇〕穆王時，西極之國有化人來，入水火，貫金石，反山川，移城邑，乘虛不墜，觸石不破。〔張湛注〕化人，幻人也。〔張衡西京賦〕奇幻倏忽，易貌分形，吞刀吐火，雲霧杳冥，晝地成川，流渭通溟。〔補〕御覽載孔

傳七引云弄幻之術。因時而作。顯瓜種菜。立起尋尺。投芳發臭。賣黃白。破音礙。與僕同。報本字。

何況神通感應。不可思量。千里寶幢。百由旬座。化成淨土。踊出

妙塔乎。

〔補〕〔法苑珠林〕神通感應。不可思量。寶幢百由旬。化成淨土。踊出妙塔。〔釋〕應注放光般若經。由句正言。論精那。此譯云。合也。應也。計合應。爾許度量。同此方。驛遞也。案五百弓。爲一拘舍。舍八拘舍。爲一論精那。即此方三十里也。言古者聖王。

日所行之里數也。又〔注〕涅槃經云。精那亦有大小。或八俱舍。或四俱舍。一俱舍。謂大牛鳴音。其聲五里。昔來俱取。八俱舍。卽四十里也。〔案〕兩說不同。又古者天子。吉行五十里。師行乃三十里耳。顏氏以幻術相比。況然。則釋氏之說。亦盡皆幻術耳。而乃篤信之。

何哉。量呂張切。幢宅江切。塔亦作塔。四城浮屠也。

釋二曰。夫信謗之微。有如影響。耳聞眼見。其事已多。或乃精誠不深。業緣未感。

〔王〕中頭陀寺碑。宅生者緣。業空則緣廢。〔李〕善注。引維摩經。如影

從身。業緣生見。曾肇曰。身業緣所成。緣合則起。緣散則離。〔金光明經〕所謂無明緣行。行緣識。識緣名。名緣色。色緣受。受緣觸。觸緣愛。緣取。取緣有。有緣生。生緣老。死憂悲苦惱滅聚。

時儒差闕。

〔補〕儒本亦作露。古同。儒。差初牙切。關翁曉也。謂報應或

有差互而。終當獲報耳。善惡之行。禍福所歸。

〔補〕行下孟切。

九流百氏。皆同此論。豈獨釋典爲虛妄乎。

〔漢書藝文志〕一儒家流二道

家流。三陰陽家流。四法家流。五名家流。六墨家流。七縱橫家流。八雜家流。九農家流。十小說家流。其可觀者。九家而已。〔范甯〕穀梁傳序。九流分而微言隱。疏不數小說家。〔漢書敘傳〕總百氏贊篇章。

項橐顏回之短折。

〔戰國策〕甘羅曰。項橐

生七歲而爲孔子師。〔補〕淮南術務訓。作項託。其短折未詳。〔家語弟子解〕顏回二十九而髮白。三十一早死。

原憲伯夷之凍餒。

〔補〕韓詩外傳。一原憲居魯。環堵之室。茨以蓬萊。蓬戶。糞屬。枲桑而無樞。上漏下溼。匡坐而絃歌。子貢往見

之厚。憲精冠絮杖而應門。正冠則纒絕。振襟則肘見。納履則踵決。子貢曰。嘻。先生何病也。厚憲盜跖莊蹻之福壽。(伯夷傳)盜跖日殺不辜。肝人之肉。

仰而靡之曰。憲貧也。非病也。(史記伯夷傳)義不食周粟。隱於首陽山。采薇於食之。遂餓死。盜跖莊蹻之福壽。暴戾恣睢。聚黨數千人。橫行天下。竟以壽終。跖亦作蹻。竄之石切。(正義)蹻者黃帝時大盜之名。以柳下惠弟爲天下大盜。故世做古號之盜蹻。(案)莊子有盜跖篇。(華陽國志)南中在昔夷越之地。周之季世。楚威王遣將軍莊蹻泝沅水出且蘭。以伐夜郎。既降而

秦奪楚黔中地。無路得反。遂留王滇池。蹻楚莊王苗裔也。(補)(高誘注)淮南主術訓云。莊蹻楚威王之將軍。能大爲盜也。隨其虛切。又去通切。齊景桓魋之富強。(補)齊景公有馬千駟。見(論語)桓魋

之後。欲害公。不能而出奔。(禮記檀弓上)桓司馬自爲石椁。三年而成。此足以見其富強矣。題杜回切。若引之先業。冀以後生。更爲通耳。如以行善而偶鍾禍報。爲惡

而僥值福徵。便生怨尤。卽爲欺誑。則堯舜之云虛。周孔之不實也。又安所依信而立身乎。(補)(淮南詮言訓)君子爲善。不能使福

必來。不爲非而不能使禍無至。福之至也。非其所求。故不伐其功。禍之來也。非其所生。故不悔其行。(論衡幸偶篇)孔子曰。君子有不幸而無有。幸小人有幸而無不幸。今爲釋氏之學者。大率以利誑誘人。以禍恐嚇人者也。知道之君子。庶不爲所惑焉。

釋三曰。開闢已來。不善人多而善人少。(補)見莊子陸賈篇。何由悉責其精潔乎。(補)繫古潔字。俗本卽作潔。見有名僧高行。弃而不

說。(補)行下孟切。下同。若觀凡僧流俗。便生非毀。且學者之不勤。豈教者之爲過。俗僧之學經律。何異士人之學詩禮。

以詩禮之教。格朝廷之人。略無全行者。以經律之禁。格出家之輩。而獨責無犯哉。(補)格猶裁也。且闕行之臣。猶

求祿位毀禁之侶何慙供養乎其於戒行自當有犯一披法服已墮僧數歲中所計齋講誦持比諸白衣

猶不啻山海也

補僧衣緇故謂世人爲白衣山海以喻比流輩爲高深也顏氏此言又顯爲犯戒者解脫矣

釋四曰內教多途出家自是其一法耳若能誠孝在心仁惠爲本須達流水不必剃落鬚髮宋豈令罄井

田而起塔廟窮編戶以爲僧尼也皆由爲政不能節之遂使非法之寺妨民稼穡無業之僧空

宋本

國賦

算

補漢書高帝紀四年八月初爲算賦如淳曰漢儀注民年十五以上至五十六出賦錢人百二十爲一算爲治庫兵車馬

非大覺之本旨也

僧肇曰佛者何也蓋窮理盡性大覺之稱也補阿育王經如來大覺於菩提

樹下覺諸法佛地論佛者覺也覺一切種智復能開覺有情

抑又論之求道者身計也惜費者國謀也身計國謀不可兩遂誠臣徇主而棄親

孝子安家而忘國各有行也儒有不屈王侯高尚其事

補易鼎上九爻辭不屈作不事

隱有讓王辭相避世山林

補莊子有讓王

篇辭相如顏闔

安可計其賦役以爲罪人若能偕化黔首悉入道場

補史記秦始皇本紀二十六年更名民曰黔首集解應劭曰黔亦黎黑也漢書處士

傳庚說字彥實晚年尤遵釋教宅內立道場環繞瞻巖

如妙樂之世讓法之國

佛說彌勒成佛經其先轉輪聖王名優住有四種兵不以威武治四天下補供邱於切

則有自然稻米無盡

寶藏安求田蠶之利乎。

(補)今之縝徒每豔極樂國世界思衣得衣思食得食此理之所必無者祇可以誑誘貪癡情窟之庸夫耳夫非勤身苦力而坐獲美利君子方以爲懼辭而不居卽信如斯言亦必非意之所樂也

釋五曰形體雖死精神猶存人生在世望於後身似不相屬。

(補)之欲切

及其歿後則與前身似猶老少朝夕

耳世有魂神示現夢想或降童妾或感妻孥求索飲食。

(補)乘所戰切

徵須福祐亦爲不少矣。

(補)世亦有黠鬼能效人語言有久客在外者

其家思之鬼卽爲若人語其家言客死之苦求索徵須無所不至未幾而其人歸矣此焉可盡信爲眞實哉

今人貧賤疾苦莫不怨尤前世不修功業以此而論安可不爲

之作地乎。

(補)爲于爲切下同

夫有子孫自是天地閒一蒼生耳何預身事而乃愛護遺其基址況於已之神爽頓欲

棄之哉。

(補)昭七年左氏傳子產曰人生始化曰魄既生魄曰魂用物精多則魂魄強是以有精爽至於神明此神爽卽精爽也

凡夫蒙蔽不見未來故言彼生與今非一體耳

若有天眼鑒其念念隨滅生生不斷豈可不怖畏邪。

(金剛經)如來有天眼者(涅槃經)天眼通非礙肉眼礙非通

又君子處世貴能克己復

禮。

(補)見左氏昭十二年傳

濟時益物治家者欲一家之慶治國者欲一國之良僕妾臣民與身竟何親也而爲勤苦修

德乎亦是堯舜周孔虛失愉樂耳。

(補)爲于爲切樂音洛

一人修道濟度幾許蒼生免脫幾身罪累幸熟思之汝曹若

觀俗計。〔補〕觀疑樹立門戶，不棄妻子，未能出家，但當兼修戒行。〔補〕下留心誦讀，以爲來世津梁。人身難

得，勿虛過也。〔案〕下

當分段

儒家君子，尙離庖廚，見其生，不忍其死，聞其聲，不食其肉。見孟高柴折像，未知內教，皆能不殺。〔沈氏攷證〕

子

〔家語弟子

行〕高柴啓誓不殺，方長不折。〔後漢方術傳〕折像幼有仁心，不殺昆蟲，不折萌芽。〔案〕今家語本弟子行作弟子解。〔趙注〕〔後漢書〕折象字伯武，廣漢緜川人。此乃仁者自然用心，含生之徒，莫不愛命。

去殺之事，必勉行之。〔補〕去好殺之人，臨死報驗。〔補〕好子孫殃禍，其數甚多，不能悉錄耳。且示數條於

〔案〕

呼到切

末。梁世有人，常以雞卵白和沐，云使髮光。每沐輒二三十枚，臨死髮中，但聞啾啾數千雞雛聲。

江陵劉氏，以賣鱔羹爲業，後生一兒，頭宋本作是鱧，自頸宋本作以下，方爲人耳。〔補〕經常演切。〔後漢書楊

俱字衍

歷說

震傳〕作鱧，卽鱧也。黃質而

黑文似蛇，宋本作鱧，乃俗字。

王克爲永嘉郡守。〔宋書州郡志〕永嘉太守，晉明帝太寧元年，分臨海立。有人餉羊，集賓欲燕，而羊繩解，來投一客，先跪兩拜，便入衣中。

此客竟不言之固無救請須臾宰羊爲炙先行至客一嚮入口便下皮內周行徧體痛楚號叫方復說之

遂作羊鳴而死

補號戶刀切復扶又切

梁孝元在江州時有人爲望蔡縣令

宋書州郡志豫章太守下有望蔡縣漢靈帝中平中汝南上蔡民分徙此地立縣名曰上蔡晉武帝太康元年更名

經劉敬躬亂

補梁書武帝紀

下大同八年春正月安城郡民劉敬躬挾左道以反內史蕭詵委郡東奔敬躬據郡進攻廬陵取豫章妖黨遂至數萬前逼新淦柴桑二月江州刺史湘東王遣中兵曹子鄒討之敬躬送京師斬于建康市

縣廡被焚

補廣韻廡古陵切公廡也

寄寺而住民將牛酒作禮縣令以牛繫剝柱

補剝初聲切柱也釋名屋梁經音義剝字書無此卽剝字略也案開元尊勝幢作剝字

屏除形像

補屏屏政切

鋪

設牀坐於堂上接賓未殺之頃牛解徑來至階而拜縣令大笑命左右宰之飲噉醉飽

補噉徒蓋切亦作啜喚同

便臥

簷下稍

宋本

醒而覺體癢爬搔隱疹因爾成癩十許年死

補玉篇癢餘兩切痛癢也又作癢同癩疹皮外小起也癩說文作癩惡疾也

楊思達爲西陽郡守

晉書地理志西陽郡統四陽縣故弦子國宋書孝武帝紀大明二年復西陽郡

值侯景亂時復旱儉飢民盜田中麥思達遣一部曲

守視

補續漢書百官志大將軍營五部部校尉一人部下有曲曲有軍候一人

所得盜者輒截手腕

宋本

凡戮十餘人部曲後生一男自然無手

齊有一奉朝請。

〔補〕〔宋書百官志下〕奉朝請無員，亦不爲官。漢東京罷者三公外戚宗室諸侯多奉朝請。奉朝請者奉朝會請召而已。朝陟遙切。請疾政切。

家甚豪侈，非手殺牛，噉之不美。

三十許病篤，大見牛來，舉體如被刀刺，叫呼而終。

江陵高偉，隨吾入齊，凡數年，向幽州淀中捕魚。

淀，堂練切。〔玉篇〕淺水也。〔案〕今北方亭水之地皆謂之淀。此幽州淀，疑卽今趙北口地。

後病，每見羣魚齧之而

死。

世有癡人，不識仁義，不知富貴，並由天命，爲子娶婦。

〔補〕爲子，爲切。

恨其生資不足，倚作舅姑之尊。

宋本作大。

她，勉其

性，毒口加誣，不識忌諱，罵辱婦之父母，卻成教婦不孝己身。

俗本作却，云教以婦道。不孝己身，謂今從宋本。

不願他恨，但憐己之子女。

不愛己之兒婦。

宋本作不愛其婦。

如此之人，陰紀其過，鬼奪其算，慎不可與爲鄰。

宋本作不得與爲鄰。

何況交結乎，避之哉。

俗本作仍。

不可與爲援，宜遠之哉。今從宋本。宋本在涉務篇末，俗本在此。今案此段亦言因果，附此爲是。



顏氏家訓卷第六

書證

書證第十七

詩云參差荇菜爾雅云荇接余也字或爲荇

〔爾雅〕接余其葉荇〔釋文〕荇音杏木亦作荇接如字說文作荇音同〔案〕今此書俗開本作荇宋本作接

先儒解釋皆云

水草圓葉細莖隨水淺深今是水悉有之黃花似蓴

〔補〕蓴亦作蓴〔所韻〕蓴蒲莖又蓴水葵也

江南俗亦呼爲猪蓴

〔補〕〔政和本〕蓴莖即蓴

菜也一名接余唐本注云南人名猪蓴堪食別本注云葉似蓴莖極長江南人多食云是猪蓴全爲誤也猪蓴即絲蓴一種以春夏細長肥滑爲絲蓴至冬短爲猪蓴亦呼爲龜蓴此與兔葵殊不相似也

或呼爲荇菜劉芳具有

注釋

〔隋書經籍志〕毛詩箋音證十卷後魏太常卿劉芳撰〔補〕〔魏書〕劉芳傳芳字伯文彭城人傳內音證作音義證本卷後亦云劉芳義證

而河北俗人多不識之博士皆以參差者是

莧菜呼人莧爲人荇

〔爾雅〕黃赤莧〔注〕今莧菜之有赤莖者〔補〕本草圖經莧有六種有人莧赤莧自莧紫莧馬莧五色莧入藥者人白二莧其實一也但人莧小而自莧大耳

亦可笑之甚

詩云誰謂荼苦

〔補〕宋本即接禮云苦菜秀在此句下今案文不順故不從宋本

爾雅毛詩傳竝以荼苦菜也

〔補〕〔經典序錄〕河間人大毛公爲詩故訓傳一云魯人失其名〔初學記〕荀彧授

魯國毛亨作詁訓傳以授趙國毛萇〔案〕故與詁訓傳張翹切

又禮云苦菜秀

月令孟夏文

案易統通卦驗辛圖曰苦菜生於寒秋更冬歷春得夏乃

成。〔補〕《隋書經籍志》易統通卦驗

今中原苦菜則如此也。一名游多。葉似苦苣而細。摘斷

〔補〕唐本草注引此摘斷作斷之。吳仁傑《離騷草木

疏引此亦

有白汁。花黃似菊。

〔本草〕白置似高。莖葉有白毛。氣味苦寒。又苦菜一名苦苣。補。〔案〕苦苣即苦

江南別有苦

菜。葉似酸漿。

〔補〕《爾雅》酸漿。〔注〕今酸漿草。江東呼曰苦蕒。

其花或紫或白。子大如珠。熟時或赤或黑。此菜可以釋勞。案郭璞注爾

雅。〔隋書經籍志〕爾雅五卷。郭璞注。圖十卷。郭璞撰。

此乃蕘黃蔕也。

〔爾雅〕蕘黃蔕。〔注〕蕘草葉似酸漿。花小而白。中心黃。江東以作蔬食。

今河北謂之龍葵。

〔古今注〕苦蕒一名苦蕒。子有囊形如皮弁。始生青

熟則赤。莢有實。正圓如珠。亦隨莢青赤。唐本草注。

苦蕘葉極似龍葵。但龍葵子無殼。苦蕘子有殼。梁世講禮者。以此當苦菜。既無宿根。至春子方生耳。亦大誤也。

又高誘注呂氏春秋曰。菜而不實曰英。苦菜當言英。

〔隋書經籍志〕呂氏春秋二十六卷。秦相呂不韋撰。高誘注。〔補〕此注見孟夏紀。菜而不實者謂之英。本爾雅文。

益知非

龍葵也。

詩云。有秋之杜。江南本竝木。傍施大傳曰。秋。獨兒也。

〔補〕兒古兒字。宋本即作兒。下同。

徐仙民音徒計反。

徐仙民名德。晉書在儒林傳。〔隋書經籍志〕毛

詩音十六卷。徐德等撰。

說文曰。秋。樹兒也。在木部。

〔同上〕說文十五卷。許慎撰。

韻集音次第之第。

〔同上〕集韻六卷。晉安復令呂諱撰。

而河北本皆

毛詩音二卷。徐德撰。

說文曰。秋。樹兒也。在木部。

〔同上〕說文十五卷。許慎撰。

韻集音次第之第。

〔同上〕集韻六卷。晉安復令呂諱撰。

而河北本皆

爲夷狄之狄。讀亦如字。此大誤也。

詩云：駟駟牡馬。江南書皆作牝牡之牡。河北本悉爲放牧之牧。鄴下博士見難。

(補)乃且切

云：駟頌既美。僖公

牧于坰野之事。何限驥馮乎。

(詩序)駟頌僖公也。公能遵伯禽之法。儉以足用。寬以愛民。務農重穀。牧于坰野。魯人尊之。於是季孫行父請命于周。而史克作是頌。(案)唐石經初刻牝牡之牡。後改放牧之牧。陸德明釋文作

牡。云說文同。正義却作牧。(沈氏攷證)驥馮。諸本皆作驥馮。獨謝本作驥馮。考之字書。驥。牝馬也。馮。牡馬也。顏氏方辯駟駟牡馬。故博士難以何限於驥馮。後又言必無驥也。亦非驥也。義益明白。驥馮二字。雖見駟頌。施之於此。全無意義。故當從謝本。

余答曰。

案毛傳云：駟駟。良馬腹幹肥張也。其下又云：諸侯六閑。有良馬。戎馬。田馬。駑馬。若作牧放之意。通於牝牡。

則不容限在良馬。獨得駟駟之稱。

(補)馮字切下開

良馬。天子以駕玉輅。諸侯以充朝聘。郊祀必無驥也。周禮。圉人

職。良馬匹一人。駑馬麗一人。圉人所養。

(補)案此下當有良馬二字

亦非驥也。頌人舉其強駿者言之。於義爲得也。易曰。

良馬逐逐。

(易大畜)九三。良馬逐逐。利艱貞。(案)(釋文)鄭康成本作逐逐。云兩馬走也。是此書所本。

左傳云。以其良馬二。

見宣公十二年

亦精駿之稱。非通語也。今以詩

傳。良馬通於牧驥。恐失毛生之意。且不見劉芳義證乎。

(周禮夏官校人)天子十有二閑。馬六種。邦國六閑。馬四種。家四閑。馬二種。凡馬特居四之一。(注)鄭司農云。四之一者。三牝一牡。

〔段云〕以周官牧之，則有牡無牝之說全非。〔補〕案校人職又云：駑馬三良，馬之數，康成注：良，善也。則毛傳所云良馬，亦祇言善馬耳。凡執駒攻特之政，皆因其牝牡相雜，處耳。甸野放牧之地，亦非駕駑朝聘祭祀可比。自當不限驢騾，而風干旄亦言良馬，何必定指為牡。況毛傳以良馬或為田馬，駑馬四種為言者，意在分配調之。四章統言之，則皆得良馬之名。析言之，則良馬乃四種之一。左傳云：趙盾以其良馬二濟其兄與叔父，以他馬反，遇敵不能去。此正善與駑之別也。作傳者豈屑屑致辨於牝牡之間乎。顏氏引證，亦殊未確。

月令荔挺出，鄭辛注云：荔挺，馬薤也。

〔補〕種本作
麴戶戒切。

說文云：荔似蒲而小，根可為刷。廣雅云：馬薤，荔也。

〔附書
經籍

志〕廣雅三卷。
魏博士張揖撰。

〔同上〕通俗文
一卷，虞翻撰。

易統通卦驗辛圖云：荔挺不出，則國多火災。蔡邕月令章句

云：荔似挺。〔同上〕月令章句十二卷，漢左中郎將蔡邕撰。〔補〕

〔案〕荔似挺語不明，據本草圖經引作荔以挺出，當是也。

高誘注呂氏春秋云：荔草挺出也。然則月令注

荔挺為草名，誤矣。河北平澤率生之。江東頗有此物，人或種於階庭，但呼為旱蒲，故不識馬薤。講禮者乃以為馬苜蓿，食亦名豚耳。俗曰馬齒。江陵嘗有一僧，面形上廣下狹，劉綏幼子民譽，年始數歲，俊晤善體。

物。俗開本
晤作悟。

〔俗開本
有劉字。〕

見此僧云：面似馬苜蓿，其伯父綰，因呼為荔挺法師。綰親講禮名儒，尚誤如此。

劉綰劉綰注
並見卷二中。

詩云：將其來施。施，毛傳云：施，難進之意。鄭箋云：施，舒行兒也。韓詩亦重為施。施，河北毛詩，皆云施。施。

江南舊本，悉單為施，俗遂是之，恐有宋本
作爲少誤。

詩云有澆萋萋興雲祁祁。

(宋本元注)詩興雨祁祁注云興雨如字本作興雲非(案)此乃陸德明釋文中語非顏氏所注

毛傳云澆陰雲皃萋萋雲行皃祁祁徐

皃也箋云古者陰陽和風雨時其來祁祁然不暴疾也案澆已是陰雲何勞復云興雲祁祁耶

(補)復扶又切雲

當爲雨俗寫誤耳班固靈臺詩云三光宣精五行布序習習祥風祁祁甘雨此其證也

(段云)雲自下而上雨自上而下故素問曰地

氣上爲雲天氣下爲雨諸書皆言興雲作雲無有言興雨者韓詩外傳呂氏春秋漢書皆作興雲祁祁興雲祁祁雨我公田如言英美白雲爲被蒼蒼也(補)案靈鑪論水旱篇後漢書左雄傳皆作興雨祁祁觀箋其來不暴疾之謂自指雨言金石錄及蘇軾無極山碑作興雲洪氏謂漢代言詩者自不同斯言得之

禮云定猶豫決嫌疑

(補)決嫌疑定猶與禮記曲禮上文(釋文)與音預本亦作豫

離騷曰心猶豫而狐疑先儒未有釋者案尸子曰六尺犬

爲猶

(隋書經籍志)尸子二十卷秦相衛鞅上客尸使撰(補)今新出尸子廣釋篇作犬犬爲豫五尺

說文云隴西謂犬子爲猶吾以爲人將犬行犬好豫在人前

待人不得又來迎候如此往還至於終日斯乃豫之所以爲未定也故稱猶豫或以爾雅曰猶如麋善登

木猶獸名也既聞人聲乃豫緣木如此上下故稱猶豫

(補)顏師古注漢書高后紀猶豫卽同此二義(史記呂后本紀)作猶與(案)隱(猶)音以獸切與亦作豫崔浩云猶猿類

也。印鼻長尾。又說文云。獾獸名。多疑。故比之也。今解者又引老子與兮若冬涉川。猶兮若畏四鄰。故以爲獾與。且按獾聽冰而此云與兮。冬涉川則與是獾類不疑。不係同類。故云畏四鄰也。〔曲禮上正義〕說文云。獾獸名。獾屬。亦是獸名。象屬。此二獸皆進退多疑。人多疑似之。孤之爲獸。又多猜疑。故聽河冰無流水聲。然後敢渡。今俗云狐疑虎卜。則其義也。〔虎苑〕虎知衝破。每行以爪畫地。卜食觀奇偶。

而行。今人畫地卜曰虎卜。

齊侯痲遂疔。

見左氏昭廿年傳。

說文云。痲。二日一發之瘡。疔。有熱瘡也。案齊侯之病。本是間日一發。

〔補〕開紀芑切。

漸加重

乎。故爲諸侯憂也。今北方猶呼痲瘡音皆。而世間傳本多以痲爲疥。杜征南亦無解釋。

〔晉書杜預傳〕預字元凱。位征南大將軍。自稱

有左傳辭。

徐仙民音介。俗儒就爲通云。病疥令人惡寒變而成瘡。

〔令〕力聲切。惡爲踏切。龜宋作疔。

此臆說也。疥癬小疾。何足可論。

寧有患疥轉作瘡乎。

〔段云〕改疥爲瘡。其說非是。見臆德明釋文正義。則主瘡說居多。

尚書曰。惟景響。

大禹謨文。

周禮云。土圭測景。景朝景夕。

〔地官大司徒〕以土圭之法測土深。正日景以求地中。日南則景短多暑。日北則景長多寒。日東則景夕多風。日西則景朝多陰。深尺爲切。

孟子曰。圖景失形。

〔補〕孟子外書孝經第三傳言失指。圖景失形。言治者會覈實。

莊子云。罔兩問景。

〔補〕見齊物論〔郭注〕罔兩景外之靈陰也。

如此等字。皆當爲光景。

之景。凡陰景者。因光而生。故即謂爲景。

宋本脫

淮南子呼爲景柱。

(補) (叙真訓) 以鴻蒙爲景。往而浮揚乎無陰崖之際。

廣雅云。暑柱挂景。

(釋天) 暑柱景也。無挂字。此疑衍。

竝是也。至晉世葛洪字苑。傍始加三。

(元注) 音杉。案洪傳及隋書經籍志皆不載所撰字苑。南史劉焯傳嘗引其書。

音於景反。而世間

輒改治尙書周禮莊孟。從葛洪字。甚爲失矣。

(段云) 裏定字說。漢張平子碑卽有影字。不始於葛洪。漢末所有之字。洪亦采集而成。非自造也。

太公六韜。有天陳地陳。人陳雲鳥之陳。

(隋書經籍志) 太公六韜五卷。文韜武韜龍韜虎韜豹韜犬韜。(補) (六韜) 武王問太公曰。凡用兵爲天陳地陳人陳。奈何。太公曰。日月星辰斗杓。一左一右一逆一背。

此謂天陳。丘陵水泉。亦有左右前後之利。此謂地陳。用馬用人。用文用武。此謂人陳。(又) 武王問曰。引兵入諸侯之地。高山盤石。其避無草木。三面受敵。士卒迷惑。爲之奈何。太公曰。當爲雲鳥之陳。(案) 此書作陣字俗。

論語曰。衛靈公問

陳於孔子。左傳爲魚麗之陳。

見桓五年。(補) 麗力知切。

俗本多作阜傍車乘之車。

(補) 乘。實證切。

案諸陳隊竝作陳鄭之陳。

陳隊。俗本。

作陳字。今從宋本。(補) 陳鄭之陳。竝如字。下陳列陣。

夫行陳之義。取於陳列耳。此六書爲假借也。

(補) 行音杭。(周禮地官保氏) 養國子以道教之。六藝五曰六書。(注) 鄭司農曰。六書象形會意轉注處。

事假借。諧聲也。(許慎說文) 假借者。本無其字。依聲託事。令長是也。

蒼雅及近世字書。皆無別字。唯王義小學章。獨阜傍作車。

(隋書經籍志) 小學篇一。卷管下邳內史王義撰。諸

本竝作王義之。乃妄人譌改。而佩觿及唐志皆從之。失攷之甚。

縱復俗行。

(補) 復。扶又切。

不宜追改六韜論語左傳也。

詩云黃鳥于飛集于灌木傳云灌木叢木也此乃爾雅之文故李巡注曰木叢生曰灌爾雅末章又云木

族生爲灌族亦叢聚也

〔補〕〔郭注〕族叢

所以江南詩古本皆爲叢聚之叢而古叢字似寂字近世儒生因改爲

寂解云木之寂高長者

叢聚之叢俗本作蓋聚之叢案蓋俗叢字而漢書息夫躬傳已有之又叢字見東方朔傳師古曰古叢字也其下皆從取段氏則以爲詩傳本是寂木寂與聚與叢古通用說文在一部才句切種也又曰部

最祖會切犯而取也俗作寂故易與取混

案衆家爾雅及解詩無言此者唯周續之毛詩注音爲徂會反

宋本有又音祖會反五字似衍〔宋書隱逸傳〕周續之字道祖

廬門廣武人年十二詣豫章太守范甯受業通五經并博學高祖踐阼爲開館東郊外招集生徒衆患風痺不復堪講乃移病鍾山景平元年卒通毛詩六義及禮論公羊傳皆傳於世

劉昌宗詩注音爲在公反又祖會

反宋本祖作徂

皆爲穿鑿失爾雅訓也

〔補〕劉昌宗經義釋文載之於李軌徐邈之間當是晉人有周禮讀禮音各一卷禮記音五卷其毛詩音匡謬正俗引兩條一鶴巢羹冬重加功劉周等音功爲架一采藥傳山夾水曰澗劉

周又音夾爲頰集韻又引其命書音左傳音而隋經籍志皆不載

也是語已及助句之辭文籍備有之矣河北經傳悉略此字其閒字有不可得無者至如伯也執爨

詩衛風伯

兮於旅也語

儀禮鄉射禮記文

回也屢空

論語文

風風也教也

詩小序文

及詩傳云不戢戢也不讎讎也

見小雅桑扈篇

不多多

也。見大雅如斯之類。儻創此文。頗成廢闕。詩言青青子衿。傳曰青衿。青領也。學子之服。見鄭按古者斜領下

連於衿。故謂領爲衿。孫炎郭璞注爾雅。曹大家注列女傳。竝云衿交領也。郭注見爾雅釋器衣曹謂之衿下曹注今已亡邾下詩本既

無也字。羣儒因謬說云。青衿青領。是衣兩處之名。皆以青爲飾。用釋青青二字。其失大矣。又有俗學聞經

傳中時須也字。輒以意加之。每不得所。益成本皆作誠。今改正。可笑。

易有蜀才注。〔隋書經籍志〕周江南學士遂不知是何人。王儉四部目錄不言姓名。題云王弼後人。〔南齊書王儉傳〕

儉字仲寶。瑯琊臨沂人。專心篤學。手不釋卷。解褐祕書郎太子舍人。超遷祕書丞。上表求校墳籍。依七略。選七志。四十卷。上表獻之。又撰

定元徽四部書目。〔隋書經籍志〕魏氏代漢。采摭遺亡。藏在祕書中外。三閣祕書郎鄭默始制中經。祕書監荀勗更著新簿。分爲四部。一

曰甲部。二曰乙部。三曰丙部。四曰丁部。其後中朝遺書。稍流江左。宋元嘉八年。祕書監謝靈運造

四部目錄。大凡六萬四千五百八十二卷。元徽元年。王儉又造目錄。大凡一萬五千七百四卷。謝昞〔補〕古夏侯該宋本注云。一

云。五代和宮傳。凝本作謄。作詠未定。〔案〕〔隋書經籍志〕漢書十卷。常璩撰。竝讀數千卷書。皆疑是譌周。〔蜀志譙周傳〕周字允南。巴西西充國人也。耽古學。研精六經。尤善書札。丞相亮領益州牧。命爲勸學從事。

皆名爲僞書，不貴省讀，故不見也。

禮王制云：羸股肱。

〔補〕羸力果切。

鄭注云：謂搏衣出其臂脛。

〔補〕切定切。

今書皆作撮甲之撮，國子博士蕭該云：

〔補〕〔隋書〕儒林何

〔安傳附〕關陵蕭該者，梁鄱陽王恢之孫也。少封攸侯，梁荆州陷，與何妥同至長安，性篤學，詩書春秋禮記並通大義，尤精漢書，甚爲貴遊所禮。開皇初，賜爵山陰縣公，拜國子博士，奉詔書與安正定經史，然各執所見，遂相是非，久而不能就上，讎而罷之。該後撰漢書及文

選音義，成爲

當時所貴。撮當作搏，音宜，撮是穿著之名，非出臂之義。

〔補〕著張略切。

案字林：蕭讀是，徐爰音患，非也。

字林已見前〔殷云〕搏說

文只作援，其云撮援臂也，撮即撮臂字。

漢書田胄賀上。

俗本寫作肯，乃俗字。

江南本皆作胄字。沛國劉顯博覽經籍，偏精班漢。梁代謂之漢聖，顯子臻不墜。

家業。

〔梁書劉顯傳〕顯字嗣方，沛國相人，博涉多通，顯有三子，莠、佳、臻，臻早著名。〔隋書文學劉臻傳〕臻字宜，擊梁元帝時，遷中書舍人，江陵陷，沒入周家，宰宇文護辟爲中府記室，軍書羽檄多成其手。

讀班史呼爲田胄，梁

元帝嘗問之，答曰：此無義可求，但臣家舊本以雌黃改胄爲冑，元帝無以難之。

〔補〕難乃且切。

吾至江北，見本爲

冑。

漢書王莽贊云紫色蠅

俗本蛙下同。今從宋本。

聲餘分闕位。蓋謂非辛黃之色。不中律呂之音也。近有學士名問甚高。

遂云王莽非直齋講虎視。而

俗本無。宋本有。

復紫色蠅聲。亦爲誤矣。

此條已見前造學篇。高麗虎視彼作鷗目虎吻與漢書合。

簡策字竹下施束。

〔元注〕七賜反。

末代隸書似相宋之宋。

〔書斷〕隸書下邳人程邈所作也。邈始爲縣吏。得罪始皇。幽繫雲陽獄中。覃思十年。損益大小篆方員。而爲隸書三千字。奏之始皇。始皇善之。用爲

御史。以奏事繁多。篆字難成。乃用隸字。以爲吏人佐書務。趨便捷。故曰隸書。

亦有竹下遂爲夾者。猶如刺字之傍。應爲束。今亦作夾。

〔段云〕曲禮挾訓者。字林作筴。則筴不可以代

筴明。

徐仙民春秋禮音。

〔隋書經籍志〕春秋左氏傳音三卷。禮記音三卷。並徐靈撰。

遂以筴爲正字。以策爲音。殊爲顛倒。史記又作悉字誤。

而爲述。作妬字誤。而爲姤。裴

俗本脫。宋本作姤。亦誤。〔段云〕當作裴。

徐鄒皆以悉字音述。以妬字音姤。

〔同上〕史記八十卷。宋南中郎外兵參軍裴顯注。史記音義十

二卷。宋中散大夫徐野民撰。史記音三卷。梁輕車錄事參軍鄒誕生撰。

既爾。則亦可以亥爲豕字音。以帝爲虎字音乎。

〔家語弟子解〕子夏反衛。見讀史志者云。晉師伐秦。三豕渡河。子夏曰。非

也。己亥耳。讀史志者問。諸晉史。果曰己亥。〔抱朴子遐覽篇〕諺曰。書三寫。魚成魯。帝成虎。

張揖云。慮今伏羲氏也。孟康漢書古文注。亦云慮今伏。

〔隋書經籍志〕璽有漢書孟康音九卷。

而皇甫謐云。伏羲或謂之宓羲。

案諸經史緯候，遂無宓義之號。虒字從虒。（元注）宓字從宓。（元注）下俱爲必，末世傳寫，遂誤以虒爲宓。而

帝王世紀因誤更立名耳。（帝王世紀即皇甫謐所著）何以驗之？孔子弟子虒子賤爲單父宰。（補單父音善甫）卽虒義之後，俗字

亦爲宓，或復加山。今兗州永昌郡城，舊單父地也。東門有子賤碑。漢世所立，乃云濟南伏生，卽子賤之後。

是處之與伏，古來通字，誤以爲宓，較可知矣。（漢書儒林傳）伏生，濟南人，故爲秦博士。孝文時，求能治尙書者，時伏生年九十餘，老不能行，於是詔太常使掌故龜錯往受之，得二十八篇。

太史公記曰：寧爲雞口，無爲牛後。（見蘇秦傳）此是刪戰國策耳。（見韓策）案延篤戰國策音義曰：尸，雞中之主，從牛子。

然則口當爲尸，後當爲從，俗寫誤也。（隋書經籍志）戰國策論一卷，漢京兆尹廷篤撰。補案口後韻協，秦正以牛後鄙語激發韓王安，得如廷篤所言，且雞尸之語，別無他證，奈何信之。

應劭（宋本）風俗通（同上）風俗通義三十一卷，錄一卷。（應劭撰，梁三十卷，案今止存十卷）云：太史公記高漸離變名易姓，爲人庸保，匿作於宋子。（史記列

客傳集解）徐廣曰：宋子縣名，今屬鉅鹿。久之作苦，聞其家堂上有客擊筑。（宋本作聞其家堂，客有擊筑）伎癢不能無出言，案伎癢者，懷其伎而腹

癢也。是以潘岳射雉賦亦云：徒心煩而伎癢。（補潘賦本作伎癢，徐愛注）有伎藝而欲逞，曰伎癢。（音養）今史記竝

（李善注）引風俗通作伎養，不能毋出言養，與懷同，毋與無同。

作徘徊。宋本作徘徊。或作傍徨不能無出言是爲俗傳寫誤耳。

太史公論英布曰禍之興自愛姬生於妬媚以至滅國。

〔史記〕布傳布六人也姓英氏。曾楚歸漢立爲淮南王。信越誅布大恐陰聚兵候伺旁郡警急所幸姬疾請就醫醫家與中

大夫賁赫對門赫自以爲侍中乃厚饋遺從姬飲醫家姬侍王妻赫長者具說狀王疑其與亂欲捕赫赫詣長安上變言布謀反有端漢擊赫使案驗布布族赫家發兵反上自將擊布布戰戰不利走江南長沙王使人給布之番陽番陽人殺之遂滅布。〔補〕今史記作彌之與自愛姬殖妒媚生患竟以滅國伊木字亦作拓通。又漢書外戚傳亦云成結寵妾妬媚之誅。〔傳云〕孝成趙皇后女弟趙昭儀姊妹專寵十餘年卒皆無子帝暴崩皇太后詔大司馬莽與御史丞相

廷尉問發病狀昭儀自殺哀帝即位尊皇后爲太皇后司隸解光奏言趙氏殺後宮所產諸子請事窮竟哀帝爲太子亦頗得趙太后力遂不覺其事哀帝崩王莽白太后詔貶爲孝成皇后又廢爲庶人就其園自殺。〔案〕所引是議耶耿育疏中語今本漢書仍作媚史記雖引作媚。此二媚竝當作媚媚亦妬也義見禮記三蒼。〔補〕禮記大學媚疾以惡之鄭注媚妬也〔史記〕五宗世家索隱郭璞注三蒼云媚丈夫妒也又云妒女爲媚且五

宗世家亦云常山憲王后妬媚。

〔世家〕常山憲王舜以孝景中五年用皇子爲常山王王有所不愛姬生長男稅王后僮生太子勃王內多幸姬王后希得幸及憲王病王后亦以妬媚不常侍病輒歸舍醫進藥太子勃不

自嘗藥又不宿留侍病及王薨王后太子乃至憲王雅不以稅爲人稅太子代立又不收恤稅稅怨王后太子漢使者視憲王喪稅自言王病時王后太子不侍及薨六日出舍及勃私姦等事有司請廢王后僮徒王勃以家屬處房陵上許之。王充論衡云。

妬夫媚婦生則忿怒鬪訟。

〔補〕〔論死篇〕妒夫媚妻同室而處淫亂失行忿怒鬪訟。

益知媚是妬之別名原英布之誅爲意賁〔元注〕赫耳不音肥。

得言媚。

(沈氏攷證)說文媚夫媚婦也。益可明顏氏之說。

史記始皇本紀二十八年丞相隗林丞相王綰等議於海上。諸本皆作山林之林。開皇二年五月。

開皇隋文帝年

號。

長安民掘得秦時鐵稱權。旁有銅塗鐫銘二所。其一所曰廿六年皇帝盡并兼天下諸侯。黔首大安。立

號爲皇帝。乃詔丞相狀縮濃度量。割。

(元注)音則。

不靈歎疑者皆明靈之。凡四十字。其一所曰元年制詔丞相

斯去疾。濃度量盡始皇帝爲之。皆。

沈氏空一格。

刻辭焉。今襲號而

本作所沈氏改。

刻辭不稱始皇帝。其於久遠也。

本作世沈氏改。

如後嗣爲之者。不稱成功盛德。刻此詔□。

沈氏不空。

左使毋疑。凡五十八字。一字磨滅。見有五十七字。了了分

册。

(沈氏攷證)蜀有秦權二銖。篆文明具。因備載之。以考顏氏之異。廿六年皇帝盡并兼天下諸侯。黔首大安。立號爲皇帝。乃詔丞相狀縮法度量。割。不靈歎疑者皆明靈之。凡四十字。顏氏亦言四十字。而今本有四十一字。蓋誤以廿字爲二十六。明靈之。顏氏誤作靈明

之義未安。當從篆本。割。古則字。謝本音割。非靈。古壹字。元年制詔丞相斯去疾。法度量。盡始皇帝爲之。皆有刻辭焉。今襲號而刻辭不稱始皇帝。其於久遠也。如後嗣爲之者。不稱成功盛德。刻此詔。故刻左使毋疑。凡六十字。顏氏稱五十八字。一字磨滅。見有五十七字。了了

分明。皆有刻辭焉。顏氏無有字。而刻辭不稱顏氏。誤以而字作所字。其於久遠也。顏氏誤以也字作世字。說文也字。秦刻石也字。權銘。正作弋字。刻此詔。故刻左顏氏缺。故刻二字。而云一字磨滅。字數不同。恐顏氏所見秦權。自有異同。故仍從顏氏。若而字也。字則眞誤矣。

故改焉。〔補〕案今家訓亦作明書之當是後人所改正。海鹽張燕昌曰：堂云：鄭夾漈以石鼓文段文與秦權字同。蓋疑石鼓文爲秦制，則秦權似當作段文。弱案：顏所見是「」字，與世形近，故誤作世。必非段字，或鄭所見之權又不同。

其書兼爲古

隸。余被敕寫讀之，與內史令李德林對見此。

俗本
作在

稱權今在官庫，其丞相狀字乃爲狀貌之狀，并旁作犬。

則知俗作隗林非也，當爲隗狀耳。

〔隋書李德林傳〕德林字公輔，博陵安平人。除中書侍郎，齊主召入文林館，又令與黃門侍郎顏之推同判文林館事。高祖受顧命，爲丞相府屬，登拜之日，授內史令。

漢書云：中外禮福。

見司馬
相如傳

字當從示，禮安也。音匙匕之匙。義見蒼雅方言。河北學士皆云如此，而江南書

多誤。

下云爲誤，則
此處誤字衍

從手，屬文者對耦竝爲提挈之意，恐爲誤也。

或問漢書注爲元后父名禁，改禁中爲省中，何故以省代禁？答曰：案周禮宮正掌王宮之戒令，糾

今書作
糾乃正

字注

禁，鄭注云：糾猶割也。察也。

宋本注：一本無猶割也
三字〔案〕本注元有

李登云：省察也。張揖云：省今省督也。

段云：此蓋出古今字
詰謂今衛字作省然

則小井所領二反，竝得訓察，其處既常有禁衛省察，故以省代禁，晉古察字也。

漢明帝紀爲四姓小侯立學。

漢上當有後字〔補〕
在永平九年

按桓帝加元服，又賜四姓及梁鄧小侯帛。

〔補〕〔後漢書桓帝
紀〕建和二年春正

月甲子皇帝加元服賜四姓及梁鄧小侯諸夫人以下帛各有差四姓見下(皇后祀)和憲鄧皇后諱綏太傅禹之孫父訓謚羌校尉顯祖梁皇后諱嫺大將軍商之女

是知皆外戚也明帝時外戚有樊氏

郭氏陰氏馬氏爲四姓謂之小侯者或以年小獲封故須立學耳

(同上樊宏傳)宏字顯稱南陽湖陽人世祖之舅(皇后祀)光武郭皇后諱聖通眞定秦人父昌仕

鄧功曹光烈陰皇后諱曼華南陽新野人兄

或以侍祠猥朝侯非列侯故曰小侯禮云庶方小侯則其義也

(禮記曲禮下)庶

方小侯入天子之國曰某人於外曰子自稱曰孤

後漢書云鵲雀銜三鰾

(元注)音善

魚多假借爲鱣鮪之鱣俗之學士因謂之爲鱣魚案魏武四時食制

(案)魏武食制

唐人類書多引之而隋唐志皆不載唐志有趙武四時食法一卷非此書

鱣魚大如五斗匱長一丈郭璞注爾雅鱣長二三丈

(郭注)鱣大魚似鱣而短鼻口在頰下體有邪行甲無鱗肉黃

大者長二三丈今江東呼爲黃魚

安有鵲雀能勝一者

(補)音升

況三乎鱣又純灰色無文章也鰾魚長者不過三尺大者不過

三指黃地黑文故都講云蛇鰾卿大夫服之象也

(後漢書楊震傳)震字伯起安農華陰人常客居於湖不答州郡禮命數十年後有冠雀銜三鰾魚飛集講堂前都講取魚進曰鰾鰾者鰾大

夫服之象也數三者法三台也先生自此升矣(注)冠音貫即鵲雀也鰾鰾字古通長不過三尺黃地黑文故都講云然(案)都講高第弟子之稱也

續漢書(隋書經籍志)續漢書八十卷晉書監司馬彪撰

及搜神記(同上)搜神記

亦說此事。皆作鱣字。孫卿云：魚龍鱣鱣。及韓非說苑。（同上）韓非子二十卷。韓公子非撰。說苑二十卷。漢劉向撰。補。荀子富國篇。龍鱣魚鱣鱣。以別一而成羣。

（韓非說林下）鱣似蛇。人見蛇則驚駭。漁者持鱣。說苑說鱣篇。無欲類蛇。今本不作鱣。皆曰：鱣似地。蠶似蠟。竝作鱣字。假鱣為鱣。其來久矣。

後漢書：酷吏樊豐為天水郡守。（隋書地理志）天水郡統縣六。有冀城。補案。續漢書郡國志。涼州漢陽郡。劉昭注。武帝置為天水。永平十七年更名。涼州為之歌曰：寧見乳

虎穴。不入冀府寺。（酷吏傳）樊豐字仲華。南陽新野人。為天水太守。政嚴猛。章懷注。乳產也。猛獸產乳。謂其子。則搏噬過常。故以為喻。釋名。寺。闕也。官治事者。相關於其內也。補案。諸本皆作碑城寺。今據本傳改。其歌曰：游子常

苦貧。力子天所富。寧見乳虎穴。不入冀府寺。大笑。期必死。忿怒。或見匱。嗟我嬰府君。安可再遭值。而江南書本。穴皆誤作六。學士因循。迷而不寤。夫虎豹穴居。事之

較者。（補）較音。教明著貌。所以班超云：不探虎穴。安得虎子。（後漢書班超傳）超字仲升。扶風平陵人。使西域。到鄯善。王禮敬甚。備後忽疏懈。召問侍胡曰：匈奴使來。今安在。胡具服其狀。超乃會其吏上三十

六人。激怒之。官屬皆曰：今在危亡之地。死生從司馬。超曰：不入虎穴。不得虎子。因夜以火劫虜。必大震怖。可盡殄也。寧當論其六七耶。後漢書楊由傳云：風吹削肺。（方術傳）楊由。字襄侯。成都人。

有風吹削肺。太守以問由。由對曰：方富有鷲木實者。其色黃赤。頤之五官。撮獸橋數。魚。章懷注。哺當作肺。此是削札牘之柿耳。（補）柿。說文作柿。削木札模也。从木。左聲。陳楚謂檉為柿。芳吹切。案今人皆作柿。說文以為赤實果也。

古者書誤則削之。故左傳云：削而投之。是也。（左氏襄廿七年傳）宋向戌欲弭諸侯之兵。以為名晉楚皆許之。既盟。請賞公與之邑六十。以示子罕。子罕曰：天生五材。民並用之。聖人以典。亂人以殺。皆兵



之由也。而子求去之，不亦誣乎？以誣道蔽諸侯，罪莫大焉。雖無大討，而又求賞無厭之甚也。削而投之，左師辭色也。則俗本作

蘇竟書云：昔以摩研編削之才，與國師公從事出入，校定祕書，竊自依依，末由自違云云。

已見前卷。補：童，宋本作。童，宋本作。童，宋本作。童，宋本作。

也。則俗本作

蘇竟書云：昔以摩研編削之才，

〔後漢書蘇竟傳〕竟字伯况，扶風平陵人。建武五年，拜侍中，以病免。初，延岑、護軍鄧仲况擁兵據南陽，陰無為寇，而劉歆、兄子嬰為其謀主，竟與嬰書曉之曰：走昔

以摩研編削之才，與國師公從事出入，校定祕書，竊自依依，末由自違云云。

皆其證也。詩云：伐木泔泔。毛傳云：泔泔，柿貌也。史家假借為肝肺字，俗本

因是悉作脯腊之脯，或為反哺之哺。

宋本有字字

學士因解云：削哺是屏障之名，既無證據，亦為妄矣。此是風

角占候耳。風角書曰：庶人風者，拂地揚塵轉削。若是屏障，何由可轉也。

〔隋書經籍志〕風角要占十二卷，餘不勝舉。

三輔決錄云：

〔同上〕三輔決錄七卷。漢太僕趙岐撰，擊廣注。

前隊大夫范仲公鹽鼓蒜果共一箱，果當作魏類之類。

魏類，晉大夫，見宣十五年左氏傳。

北土通呼物一由。

音塊

改為一顆。蒜類是俗閒常語耳。故陳思王鶴雀賦曰：

〔說文〕鶴，擊鳥也。〔補〕此賦藝文類聚載之。

頭如果蒜，目

似擘椒。

〔沈氏攷證〕諸本皆作金鷄賦，又云：蒜果者，非。

又道經云：合口誦經，聲理環，眼中淚出，珠子磔。

〔補〕〔玉篇〕鳥火切。

其字雖異，其音與

義頗同。江南但呼為蒜符，不知謂為類。學士相承，讀為裹結之裹，言鹽與蒜共一苞裹。

俗本作共苞一裹。

內箱中

耳。正史削繁。

〔隋書經籍志〕正史削繁九十四卷。阮孝緒撰。

音義又音蔘。顧爲苦戈反。皆失也。

〔補〕今人言顧俱從苦戈切。又言蔘蒲疑。上符字當爲荷。荷有蒲音。左傳荇荷是也。

有人訪吾曰。魏志蔣濟上書云。弊劫之民。是何字也。余應之曰。意爲劫卽是皃倦之皃耳。

〔元注〕要用字苑云。皃音九爲反。字

亦見廣雅及陳思王集也。〔魏志蔣濟傳〕濟字子通。楚國平阿人。爲護軍將軍。加散騎常侍。景初中。外勤征役。內務宮室。而年歲飢饉。濟上疏曰。今雖有十二州民。數不過漢時一大郡。農桑者少。衣食者多。今其所急。唯當息耗百姓。不至甚弊。弊劫之民。儻有水旱百萬之衆。不爲國用。〔補〕皃。集韻作皃。要用字苑卽葛洪之書。宋本注內作皃。又廣雅上有廣蒼無也字。

張揖呂忱竝云。支傍作刀劍之刀。亦是劓字。不知蔣氏自造支傍作

筋力之力。或借劓字。終當音九爲反。

晉中興書。

〔隋書經籍志〕七十八卷起。東晉宋湘東太守何法盛撰。

太山羊曼常頽縱任俠。飲酒誕節。兗州號爲豬伯。

〔晉書羊曼傳〕曼字祖延。任達頽縱。好飲酒。溫囑等

同志友善。竝爲中興名士。時州里稱陳留阮放爲安伯。高平鄒嬰爲方伯。泰山胡毋輔之爲達伯。濟陰卞壺爲戴伯。陳留蔡謨爲期伯。阮孚爲隨伯。高平劉毅爲委伯。而曼爲豬伯。號兗州八伯。蓋擬古之八鶴。其後更有四伯。大鴻臚陳留江泉以能食爲穀伯。豫章太守史疇以太肥爲笨伯。散騎郎高平張疑以狡妄爲猾伯。而曼弟卞字彭祖。以狠戾爲瓊伯。蓋擬古之四凶。此字皆俗本無音訓。梁孝元帝嘗謂吾曰。由來不識。唯張簡憲見教。

呼爲嚙羹之嚙。

〔補〕〔禮記曲禮上〕毋嚙羹。音他合切。

自爾便傳承之。亦不知所出。簡憲是湘州刺史張纘諡也。

〔梁書張纘傳〕纘字伯緒。纘第三弟。

也。爲岳陽王晉所害。元帝承制贈侍中。中衛將軍。開府儀同三司。監簡憲。

江南號爲碩學。案法盛世代殊近。當時耆老相傳。俗閒又有齷齪語。

宋本齷齪之下語字

之上有音審二大字。今本改作小字。各本無。(補)。(段云)音審語。謂音審語之審也。(文昭案)段氏之說。古誠有之。顏氏却無此文法。且方辨齷齪之言。何必於俗閒之言。先爲之作音乎。此本謂俗閒有齷齪之語耳。宋本不當從。

蓋無所不施。

宋本

作見。

無所不容之意也。

(補)案。今謂多言者爲佻佻語。(荀子正名篇)愚者之言。芴然而粗。噴然而不類。譁譁然而沸。爽顏氏所解不同。顏氏自謂當時人語。意如此。必不誤也。今人堆物亦云齷齪。與無所不容意頗近之。若無所不施。

與孟子所言似亦相近也。

顏野王玉篇

(隋書經籍志)玉篇三十一卷。陳左將軍顏野王撰。唐書經籍志三十卷。案。今本同唐志。

誤爲黑傍杳。顏雖博物。猶出簡憲孝元之下。

而二人皆曰重邊。吾所見數本。竝無作黑者。重杳是多饒積厚之意。從黑更無義旨。

古樂府歌詞。先述三子。次及三婦。婦是對舅姑之稱。

(補)尺謹切

其末章云。丈人且安坐。調絃未遽央。

(樂府清調曲相逢)

行)相逢狹路開。道隘不容車。不知何年少。夾轂問君家。君家誠易知。易知復難忘。黃金爲君門。白玉爲君堂。堂上置尊酒。作使都郵倡。中庭生桂樹。華燈何煌煌。兄弟兩三人。中子爲侍郎。五日一來歸。道上自生光。黃金絡馬頭。觀者盈道傍。入門時左顧。但見雙鸞鴛鴦。

七十二羅列自成行。音聲何嘈囂。鳴鳴東西廂。大婦織綺羅。中婦織流黃。小婦無所爲。挾瑟上高堂。丈人且安坐。調絃方未央。(案)又一首。(長安有狹邪行)末云。丈人且徐徐。調絃未央。(補)案。詎未央。必本是未渠央。渠與連音義同。故顏即引作未連央。若詎之調爲豈。

豈未央。則是已過中矣。不與詩意大相左乎。詩小雅庭燎曰。夜未央。箋云。夜未央。猶言夜未渠央也。詩意本此。若巨字亦可讀爲渠。漢書高帝紀項伯皆羽曰。沛公不先破關中。公巨能入乎。服虔曰。巨音渠。猶未應得入也。案服虔之解。最妙。言公遽能入乎。乃顏師古轉以眼。

說爲非而讀巨爲詎言公豈能入乎語索然矣與改詩爲詎未央者其見解正相似耳

古者子婦供事舅姑旦夕在側與兒女無異故有此言丈人亦長老之

目今世俗猶呼其祖考爲先亡丈人又疑丈當作大北開風俗婦呼舅爲大人公句丈之與大易爲誤耳

近代文士頗作三婦詩乃爲匹嫡竝耦己之羣妻之意又加鄭衛之辭大雅君子何其謬乎補宋南平王

後六句作三婦詩猶未甚麗也梁昭明太子沈約俱有良人且高臥之句王筠劉孝綽會稽丈人吳均則云佳人至陳後主乃有十一首之多如小婦正橫陳含嬌情未吐等句正顏氏所謂鄭衛之辭也張正見亦然皆大失本指梁元帝墓要楚歌曰豔

古樂府歌百里奚詞曰百里奚五羊皮憶別時烹伏雌吹扃屨補余染余之二切今日富貴忘我爲樂府解題引

爲秦相堂上樂作所貫滄婦自言知音呼之博髀援琴撫絃而歌者三問之乃其故妻還爲夫婦也此所舉乃其首章吹當作炊煮之炊案蔡邕月令章句隋書經籍志月令章句十二卷漢中郎將蔡邕撰

曰鍵關牡也宋本又有牡字衍所以止扉宋本有也字亦衍或謂之剡移然則當時貧困并以門牡木作薪炊耳聲類作扃

宋本有屨字衍同上聲類十卷魏左校令李登撰又或作扃玉篇同扃

通俗文世閒題云河南服虔字子慎造虔既是漢人其敍乃引蘇林張揖蘇張皆是魏人且鄭予以前全

不解反語。

〔補〕反與
翻同下同

通俗反音甚會。

俗本作
爲非

近俗阮孝緒又云李虔所造河北此書家藏一本遂無作李虔

者。〔段云〕李密一名
虔見李善文選注

晉中經簿

已見
前

及七志

〔隋書經籍志〕王儉又撰七志一曰經典志紀六藝小學史記雜傳二曰諸子志紀
今古諸子三曰文翰志紀詩賦四曰軍書志紀兵書五曰陰陽志紀陰陽圖緯六曰

衡藝志紀方技七曰圖譜志紀地
域及圖書其道佛附見合九條

竝無其目竟不得知誰制然其文義允愜實是高才殷仲堪常用字訓

〔同上〕
梁有常

用字訓一卷
殷仲堪撰亡

亦引服虔俗說今復無此書

〔補〕復
扶又切

未知卽是通俗文爲當有異近代或更有服虔乎不能明

也。

或問山海經夏禹及益所記而有長沙零陵桂陽諸暨如此郡縣不少以爲何也。

〔漢書地理志〕長沙國秦郡
零陵郡武帝元鼎六年置桂

陽郡高帝置會稽
郡秦置有諸暨縣

答曰史之闕文爲日久矣加復秦人滅學

〔史記秦始皇本紀〕丞相李斯請史官非秦記皆燒之非博士
官所職天下敢有藏詩書百家語者悉詣守尉燒之有敢偶

語詩書者棄市令下三
十日不燒燼爲城旦

董卓焚書

〔後漢書董卓傳〕遷天子西都長安悉
燒宗廟官府居家二百里內無復子遺

典籍錯亂非止於此譬猶本草神農所述

〔隋
書經

籍志〕神農本草八
卷又四卷雷公集注

而有豫章朱崖趙國常山奉高真定臨淄馮翊等郡縣名

〔漢書地理志〕豫章郡高帝置合浦郡
武帝元鼎六年開縣五有朱虛續志作

朱崖道國故秦郡鄜郡高帝四年爲趙國常山郡高帝置秦山郡高帝置縣二十四有率高真定

出諸藥物爾雅周公所作

〔唐〕陸德

明經典釋文序錄附雅釋詁一篇蓋周公所作釋言以下或言仲尼所增子夏所足叔孫通所益梁文所補張揖論之詳矣

而云張仲孝友

小雅六月篇

仲尼修春秋而經書孔丘卒

〔春〕秋

哀公十有六年夏四月己丑孔某卒〔杜注〕仲尼既告老去位猶書卒者魯之君臣宗其聖德殊而異之

世本左丘明所書

〔元注〕此說出皇甫謐帝王世紀漢書藝文志世本十五篇古史官記黃帝以來訖春秋時諸侯大夫

而有

燕王喜漢高祖汲冢瑣語乃載秦望碑

〔晉書束皙傳〕太康二年汲冢人不準盜發魏襄王墓或言安釐王冢得竹書數十車有瑣語十一篇諸國卜夢妖怪相書也〔史記秦始皇本紀〕三十七年上會稽祭

大禹望于南海而立石刻頌秦德

蒼頡篇李斯所造而云漢兼天下海內并厠豨豳韓覆畔討滅殘

〔補〕揚湖孫淵知定作殘滅以顏氏爲非

列仙傳

劉向所造而贊云七十四人出佛經

〔補〕今所傳本七十人分江妃二女爲二亦止七十一人贊無出佛經之語

列女傳亦向所造其子歆又作頌

〔隋書經籍志〕列女傳十五卷劉向撰曹大家注列女傳頌一卷劉歆撰

終於趙悼后

〔補〕趙悼后趙悼襄王之后也〔史記趙世家集解〕徐廣引列女傳曰鄒之倡

而傳有更始韓夫人

〔後漢書〕劉聖

公傳〕聖公爲更始將軍後卽皇帝位寵姬韓夫人尤嗜酒每侍飲見當侍奏事輒怒曰帝方對我飲正用此時持事來乎起抵破書案列女傳所載略同

明德馬后

已見

及梁夫人嬪

〔列女傳〕梁夫人嬪者梁嬀之女梁調之

妻漢孝和皇帝之姨恭懷皇后之同產姊也恭懷后生和帝實后欲專恣乃誣陷梁氏後實后崩遷從民間上書訟焉

皆由後人所屬非本文也

〔沈氏攷証〕說文屬羊相屬也一曰相出前也初限切

或問曰東宮舊事

隋書經籍志東宮舊事十卷

何以呼鷓尾爲祠尾答曰張敞者吳人不甚稽古隨宜記注逐鄉俗訛

造作書字耳吳人呼祠祀爲鷓祀故以祠代鷓字

俗本脫宋本有

呼紺爲禁故以糸傍作禁代紺字

補說文系讀若覲莫狄切各本

作系乃

繫字譌呼蓋爲竹簡反故以木傍作展

各本有以字衍

代蓋字呼鑊字爲霍字故以金傍作霍

宋本作霍

代鑊字又金榜

作患爲鑊字木榜作鬼爲魁字

俗本魁作槐案說文槐從木鬼聲則是正體當如此宋本作魁說文鑊斗也今以槐爲魁方是誤故定從宋本

火榜作庶爲炙字既下作

毛爲髻字金花則金榜作華憲扇則木榜作扇諸如此類專輒不少

又問東宮舊事六色鬪縷是何等物當作何音答曰案說文云蒼牛藻也讀若威音隱塢瑰反

沈氏攷護說文蒼牛藻

也從艸君聲讀若威渠限切與顏氏所引不同未詳補隋書經籍志說文音隱四卷宋本此書音隱下有疑是限字四字此不知音隱是書名誤認爲書字作音耳沈氏攷證亦但疑渠限塢瑰有異則此當又在沈之後校者所加非出沈氏今故刪去至渠限切乃徐

鉉等所加不可爲據音隱所音正與讀若威合當從之

卽陸機

宋本作機

所謂聚藻葉如蓬者也

隋書經籍志毛詩草木蟲魚疏二卷鳥程令吳郡陸機撰補經典釋文序錄陸機字元恪吳太子中庶子鳥程令

顏氏所引語在詩召南予以采藻句下

又郭璞注三蒼亦云蘊藻之類也細葉蓬茸生

句

然今水中有此物一

節長數寸。細茸如絲。圓繞可愛。長者二三十節。猶呼爲菴。(補)今人俱呼爲菴。與威音亦一聲之轉。又寸斷。五色絲。橫著線股間。

繩之。(補)著側略切。以象蒼草。用以飾物。卽名爲蒼。於時當紺。六色。屬作此蒼。以飾緹帶。張敞因造糸旁畏耳。宜

作隈。(補)系別本說絲。宋本作系。亦說今改正。宋云宜作隈。隈字似當作蒼。

柏人城東北有一孤山。古書無載者。(補)柏人。漢縣。晉以前皆屬趙國。隋書地理志改爲柏鄉。屬趙郡。惟闕嗣十三州志。(補)隋書經籍志。十卷。以爲舜納于

大麓。卽謂此山。其上今猶有堯祠焉。世俗或呼爲宣務山。或呼爲虛無山。莫知所出。趙郡士族。有李穆叔

季節兄弟。李普濟亦爲學問。竝不能定鄉邑。此山。余(補)宋本作余。誤。嘗爲趙州佐。(補)通典。趙國。後魏爲趙郡。明帝兼置股州。北齊改股州爲趙州。其太

原王邵。讀柏人城西門內碑。碑是漢桓帝時。柏人縣民爲縣令徐整所立。銘曰山。(補)舊本直作山。今案當作山。俗

作務山二字。宋本無山字。(段云)當作務。王喬所仙。(列仙傳)王子喬者。周靈王太子晉也。遊伊洛之間。道人浮邱公接以上嵩高山。方知此巖嵒山也。(補)諸本作作務。下同。今案

巖嵒山二字。宋本無山字。(段云)當作務。王喬所仙。(列仙傳)王子喬者。周靈王太子晉也。遊伊洛之間。道人浮邱公接以上嵩高山。方知此巖嵒山也。(補)諸本作作務。下同。今案

山部又有格字亦云。今依附俗名，常音權務耳。入鄴爲魏收說之，收大嘉歎，值其爲趙州莊嚴寺碑銘，因云權

務之精，卽用此也。

或問一夜何故五更，更何所訓。

〔補〕五更古衛切，下更古孟切，除此一字外，下皆古衛切。

答曰：漢魏以來，謂爲甲夜乙夜丙夜丁夜戊夜。

〔補〕〔文選〕陸倕公新刻漏銘：六日無辨，五夜不分。〔李善注〕引衛宏漢舊儀曰：晝漏盡，夜漏起者，中用火中黃門持五夜甲夜乙夜丙夜丁夜戊夜也。

又云：鼓，句或可省。

一鼓二鼓三鼓四鼓五鼓亦云。一

更二更三更四更五更，皆以五爲節。西都賦亦云：衛以嚴更之署。

西都賦：班固作。〔薛綜注〕西京賦曰：嚴更督行夜鼓也。

所以爾者，假令

正月建寅。

〔補〕令力早切。

斗柄夕則指寅，曉則指午矣。自寅至午，凡歷五辰，冬夏之月，雖復長短參差。

〔補〕復扶又切，參差初金。

初宜二切。然辰開遼闊，盈不過六，縮不至四，進退常在五者之間，更歷也，經也，故曰五更爾。

爾雅云：朮，山薊也。郭璞注云：今朮似薊而生山中。

〔補〕朮徒律切，薊古帝切。

案朮葉其體似薊，近世文士遂讀薊爲筋

肉之筋，以耦地骨，用之恐失其義。

〔補〕筋居勸切，〔本草〕枸杞一名地骨。

或問俗名傀儡子爲郭秃，有故實乎？答曰：風俗通云：諸郭皆諱秃。此語今逸。當是前代人。二字宋本作世。有姓郭而病

秃者，滑稽戲調。〔補〕徒弔切。宋本誤。倒作詞戲，今不從。故後人爲其象呼爲郭秃。猶文康象庾亮耳。〔補〕段安節樂府雜錄：傀儡子自晉傳云：起於漢祖在平城，爲冒頓所

圍，陳平遣木偶人舞於陣間，冒頓妻聞氏謂是生人，慮下其城，冒頓必納妓女，遂退軍。後樂家翻爲戲，其引歌舞有郭郎者，髮正秃，善優笑，闔里呼爲郭郎。凡戲，必在俳兒之首也。〔沈氏攷證〕晉書亮本傳：文康〔案〕文康亦當時樂曲名。冒頓音墨突，闔氏音爛支。宋本

連下不分段。今從俗開本。

或問曰：何故名治獄參軍爲長流乎？〔隋書百官志〕後齊制：上上州刺史，有外兵騎兵長流、城局刑獄等參軍事。答曰：帝王世紀云：帝少昊崩，其神降

于長流之山。〔元注〕此事本出山海經，流作留。〔補〕西山經：長留之山，其神白帝少昊居之。〔元注〕此說本於月令。案周禮秋官司寇主刑罰長流之職，漢

魏捕賊掾耳。晉宋以來，始爲參軍。上屬司寇，故取秋帝所居爲嘉名焉。〔補〕晉書職官志：縣有獄小史，獄門亭長，都亭亭長，賊捕掾等員。

客有難主人曰：〔補〕難乃且切。今之經典，子皆爲非。說文所言宋本作明。子皆云是，然則許慎勝孔子乎？主人拊掌大笑

應之曰：今之經典，皆孔子手迹。耶客曰：今之說文，皆許慎手迹乎？答曰：許慎檢以六文，貫以部分。〔補〕六文卽六

書分扶問切。〔許慎說文序錄〕周禮八歲入小學，保氏教國子，先以六書，一曰指事，視而可識，察而可見，上下是也。二曰象形，畫成其物，隨體詰詘，日月是也。三曰形聲，以事爲名，取譬相成，江河是也。四曰會意，比類合誼，以見指攝，武信是也。五曰轉注，建類一首，同意相受，考老是也。六曰假借，本無其字，依聲託事，令長是也。又曰：分別部居，不相雜廁，凡十四篇五百四十部九千三百五十三文，重一千一百六十三，解說凡十三萬三千四百四十一字，其建首也，立一爲始，方以類聚，物以羣分，同條牽屬，共理相貫，錯而不越，據形系聯，引而申之，以究萬原，畢終於亥，知化窮冥。使不得誤，誤則覺之，孔子存其義，而不論其文也。先儒尙得改，俗本作臨文從意，何況書寫

流傳耶。〔補〕鄭康成注易，苞蒙苞當作彪，苞荒荒當作康，枯楊之枯，讀爲无，枯皆甲宅之皆，讀爲倦解。其於三禮或從古文，或從今文。杜子春二鄭於周禮亦時以意屬讀，此所謂改文從意者也。必如左傳止戈爲武。〔左宣

十二年傳〕楚重至於郢，潘黨曰：君齋築武軍，而收管尸以爲京觀，臣聞克敵必示子孫，以無忘武功。楚子曰：非爾所知也。夫文止戈爲武。〔左宣十五年傳〕伯宗曰：天反時爲災，地反物

蟲爲蠱。〔左昭元年傳〕晉侯有疾，秦伯使醫和視之，曰：是謂近女室，疾如蠱。趙孟曰：何謂蠱？對曰：淫禍。秦亂之所生也。於文，皿蟲爲蠱，殺之飛亦爲蠱。在周易，女惑男，風落山，謂之蠱，謂皆同物也。亥有二首六身之類。〔左

世年傳〕晉悼夫人食，與人之城杞者，絳縣人，或年長矣，無子而往，與於食，疑年，使之年，曰：臣生之歲，正月甲子朔，四百有四十五甲子矣，其季於今三之一也。吏走問諸朝，史趙曰：亥有二首六身，下二知身，是其日數也。士文伯曰：然則二萬六千六百有六旬也。後

人自不得輒改也。安敢以說文校其是非哉？且余亦不專以說文爲是也。其有援引經傳，與今乖者，未之

敢從。〔俗本分段今〕又相如封禪書曰：導一莖六穗於庖，饗雙貉共抵之獸。〔漢書司馬相如傳〕相如既病免，家居茂

從宋本連。

又相如封禪書曰：導一莖六穗於庖，饗雙貉共抵之獸。

〔漢書司馬相如傳〕相如既病免，家居茂

姜曰：長卿未死時，爲一卷書曰：有使來求書奏之，其書言封禪事。〔注〕鄭氏曰：導擇也。一莖六穗，謂嘉禾之米於庖廚以供祭祀。服虔曰：犧牲也。駱角也。抵本也。武帝獲白麟，兩角共一本，因以爲牲也。〔補〕案作導者，漢書也。文選從之。史記則作導字，解古百切。

此

導訓擇。光武詔云：非徒有豫養導擇之勞是也。

〔後漢光武紀〕建武十三年正月，詔曰：往年已勒郡國，異味不得有所獻。御今猶未止，非徒有豫養導擇之勞，至乃煩擾道上，疲費過所，其令太官

勿復受。而說文云：藥。

〔補〕本作藥，誤下同。

是禾名，引封禪書爲證，無妨。自當有禾名藥，非相如所用也。禾一莖六穗於庖。

豈成文乎？縱使相如天才鄙拙，強爲此語。

〔補〕強其兩切。

則下句當云：麟雙駘共抵之獸，不得云犧也。吾嘗笑許純

儒不達文章之體，如此之流，不足憑信。

〔補〕案書是禾名，亦有擇義。凡一字而兼數義者，說文多不詳備。若如顏氏之說，則其書之窒礙難通者多矣，豈獨此乎？

大抵服其爲書，隱

括有條例，剖析窮根源，鄭辛注書，往往引其爲證。若不信其說，則冥冥不知一點一畫，有何意焉。

〔案〕下當分段。

世間小學者，不通古今，必依小篆是正，書記凡爾雅三蒼說文，豈能悉得蒼讀本指哉？亦是隨代損益，互

互爾，諸本作各。

有同異。西晉已往字書，何可全非？但令體例成就，不爲專輒耳。考校是非，特須消息。至如仲尼居

三字之中，兩字非體，三蒼尼旁益丘，說文尸下施几。

諸本皆作居下施几，誤。今改正。〔補〕說文：尼，處也。从尸得几而止。字經曰：仲尼，尼，謂開尼如此。〔案〕今之居字，說文以爲譌，爾

字。如此之類，何由可從。

〔補〕顏氏此言，洵通人之論也。庸俗之人，全不識字，固無論已。有能留意者，率欲依傍小篆，盡改世間傳授古書，徒然駭俗，益爲不學者所藉口。顏氏所云，特須消息者，吾甚聽其言。且以漢人碑版流傳之字，亦

多互異，何可使之盡遵說文？晉魏已降，鄙俗尤多。若盡改之，凡經昔人所指，病者轉成虛語矣。故頃來所梓書，非甚謬者，不輕改也。

古無二字，又多假借，以中爲仲，以說爲悅，以召爲邵，以

閒爲閑，如此之徒，亦不勞改。自有訛謬，過成鄙俗，亂旁爲舌，揖下無耳，蠶豷從龜，奮奪從權。

〔元注〕胡官反。〔案〕俗本注音

館。非。席中加帶，惡上安西，鼓外設皮，鑿頭生毀，離則配禹，壑乃施裕，巫混經旁，舉分澤片。

〔補〕〔家語困誓篇〕：『豎其獲翠如也。』〔荀子士

略篇〕作阜如也。如此尙多。

獵化爲獺。

〔元注〕音葛，獸名，出山海經。〔案〕宋本音爲弄。〔補〕〔賈誼書勞卑篇〕：『不聽猛獸而獨田獲，所獲得毋小，是以獺爲獵也。』

寵變成寵。

〔元注〕體音耶，動反，孔也。故从穴。〔補〕從穴者窟，窟字五

經文字音籠。今兩音俱有。

業左益片。

〔補〕本本作益土。〔段云〕土字誤當。本是一片字，業俗作應，見廣韻。

靈底著器，率字自有律音，強改爲別。單字自有善音，輒析成

異，如此之類，不可不治。

〔補〕治直之切。

吾昔初看說文，蚩薄世字，從正則懼人不識，隨俗則意嫌其非，略是不得

下筆也。所見漸廣，更知通變，救前之執，將欲半焉。若文章著述，猶擇微相影響者行之，官曹文書，世閒尺

牘，幸不違俗也。

〔補〕今常行文字，如中間從日，絲亘亦從日，弟但從姊，准許從兩點去，十橋柿從市之類，亦難違俗也。〔案〕下當分段。

案彌互字從二開舟。詩云互之秬秠是也。大雅生民之篇補今之隸書轉舟爲日，而何法盛中興書，乃以舟

在二開爲舟航字，謬也。春秋說以人十四心爲德，詩說以二在天下爲西。

補春秋說詩說皆緯書也，今多不傳。德本作廡，乃直心也。西本作亦，二說所

言皆非。漢書以貨泉爲白水真人。

後漢書光武帝紀論王莽篡位，忌惡劉氏，以錢文有金刀，故改爲貨泉，或以貨泉字文爲白水真人。補案真字說文从匕，乃變化字，从目从丿，音儼，八所乘載也。貨字下從貝，與真字不

同。新論以金昆爲銀。

補祖譚新論今不傳，疑乃銀字，本亦作昆，吾非銀也。

國志以天上有口爲吳。

吳志薛綜傳綜下行酒，勸西使張奉曰：蜀者何，也有犬爲獨，無犬爲蜀，橫目句身，虫入其腹，奉曰

不當復說君吳邪？綜應聲曰：無口爲天，有口爲吳，君臨萬邦，天子之都。補案吳字下從大，阻力切，說文傾頭也，今以爲天，譌矣。惜張奉不能舉而正之。

晉書以黃頭小兒爲恭。

宋書五行志王莽在京口，民間忽云黃頭小人欲作賊。

阿公在城下指縛得，又云黃頭小人欲作亂，額得金刀作蕃，托黃字上，恭字頭也。小人恭字下也。尋如諺者言焉。補案恭字上從共，下從心，黃字本作黃，說文从田，从黃，古文光，今以恭爲黃頭小人，非字義。又案宋志忽云當作忽，諺云脫一諺字。

宋書以

召刀爲邵。

諸書多作劬，譌。案文義當作邵。宋書二凶傳：元凶劬字，休遠文帝長子，始興王濬素佞，事劬與劬，更多過失，使女巫嚴道，育爲巫蠱，上大怒，搜討不獲，謂劬潛已當斥遣，道育而猶與往來，懼懷憾，欲廢劬，賜濬死，濬母潘淑姬以告濬，濬報劬

劬與腹心，強超之，等數十人及密開拔，刃徑上超之手，行弑逆，劬卽爲位，世祖及南譚王義宣隨王誕諸方鎮，並奉義兵，劬潛及其子並

鼻首暴尸，其餘同逆皆伏誅。南史文帝諒闇中生劬，初命之曰邵，在文爲召刀，後惡焉，改刀爲力。補案召旁作刀，只有劬字，廣雅：劬也，音紹，必不以此命名，蓋本是邵字，從日，子結切，高也，而諺書之邵，文頗近刀，故改從力，以易之。應邵王邵亦本從邵，今多有力旁者，從邵，訓高，從力，訓劬，兩字皆說文所有，而當時以邵爲刀，故顏氏以爲譌爾。今南史亦皆誤。

參同契以人負

告爲造。〔補〕〔參同契下篇〕魏伯陽自敘其姓名末云。河葉萎黃。失其華榮。吉人。負安穩長生四句合成造字。今顏氏云。人負告豈人負吉之說歟。

如此之類。蓋數術謬語。假借依附。雜以

戲笑耳。如猶二字。

疑倒。轉貢字爲項。以叱爲七。安可用此定文字音讀乎。潘陸諸子離合詩賦。

〔晉潘岳離合詩云〕佃漁始化人

民穴處。意守醇樸。音應律呂。桑梓被源。卉木在野。歸屬未設。金石弗舉。書告詞清。吉德流書。裕谷可安。奚作棟宇。矯然以憲。焉懼外侮。熙神委命。已求多詰。曠彼季末。口出擇語。誰能默誦。言喪厥所。鑿歛之謬。龍潛履歷。陸義崇亂。少長失敘。乃思楊容。姬羅瑤。六字。陸詩未見。

拭卜破字經。

〔沈氏攷證〕隋書經籍志有破字要訣一卷。又有式經一卷。拭卜破字經未詳。〔段云〕拭乃拭字之說。是卜者所用之盤。風天棗地。漢書王莽傳內有此字。本亦作式。漢書藝文志有奕門。式法破字。卽今之拆字也。

及鮑昭

謎字。

〔宋鮑照集〕字謎三首云。二形一體。四支八頭。四八二八。飛泉仰流。乃井字。頭如刀。尾如鉤。中央橫。廣四角六抽。右面負兩刃。左邊雙屬牛。乃龜字。乾之一九。隻立無偶。坤之二六。宛然雙窟。乃土字。

皆取會流俗。不足以

形聲論之也。

河閒邢芳語吾云。

〔補〕語牛係切。

賈誼傳云。日中必熒。注熒暴也。曾見人解云。此是暴疾之意。正言日中不須與。

卒然便吳耳。此釋爲當乎。

〔補〕本與詳。同當丁浪切。

吾謂邢曰。此語本出太公六韜。

〔漢書注〕臣瓚曰。太公曰。日中不熒。是謂失時。操刀不割。失利之期。此卽六韜文。轉音衛。

字書。古者暴曬字與暴疾字相似。唯下少異。後人專輒加傍日耳。言日中時必須暴曬。不爾者失其時也。

晉灼已有詳釋。芳笑服而退。

顏氏家訓卷第七

音辭 雜藝 終制

音辭第十八

夫九州之人，言語不同，生民已來，固當然矣。自春秋標

宋本作標，从手，非下同。

齊言之傳

春秋公羊隱五年傳：公爲道而觀魚，登來之也。注：登來，讀言得來。

得來之者，齊人語也。齊人名求得爲得來，其言大而急，由口授也。又桓六年正月，齊來傳，爲得來之，來慢之也，曷爲慢之，化我也。注：行過無禮謂之化，齊人語也。詳見困學紀聞七。

離騷目楚辭之經

史記屈原傳：憂愁幽思而作。

離騷，離騷者，猶離憂也。王逸離騷經序：經，徑也。言已放逐，離別中心，愁思猶依道徑，以風諫君也。案：逸說非是。經字乃後人所加耳。此言離騷多楚人之語，如羌字、些字等是也。

此蓋其較明之初也。後有揚雄著

方言，其言

俗本

大備。隋書經籍志：揚子

方言十三卷，郭璞注。

然皆考名物之同異，不顯聲讀之是非也。

宋本無此字。

逮鄭玄注六經

後漢書鄭元傳：元字康成，北海高密人。黨事禁錮，遂隱修經業，杜門不出。凡元所注周易尚書毛詩儀禮記論語孝經尚書大傳中候乾象歷等凡百餘萬言。

高誘解呂覽淮南

隋書經籍志：呂氏春秋二十卷，淮南子二十一卷，並高誘

注。許慎造說文，劉焯製釋名。

補：隋書經籍志：釋名八卷，劉熙撰。唐府元龜：漢劉熙爲安南太守，撰禮法八卷，釋名八卷。直齋書錄解題：稱漢徵士北海劉熙成國，撰此書作劉焯。文選注：引李登聲類：熹與熙同。

世說新語言語：王坦之令伏滔習義論青道人物。注：滔，通統，其論略。青士有才德者。後漢時有劉成國，又後漢書文苑傳：劉珍字秋孫，一名寶，南陽蔡陽人，撰釋名三十篇，篇數不同，非此書也。

始有譬況假借，以證音字

之非指也。以馬喻馬之非馬，不若以非馬喻馬之非馬也。天地一指也，萬物一馬也。

共以帝王都邑參校方俗，考覈古今爲之折衷。推各本作權，今從宋本。而量之獨

金陵與洛下耳。

補駁制革切。裏珍仲切。據古岳切。又音嶺。金陵，今江南江寧府。吳東晉宋齊梁陳咸都之洛下。今之河南開封府。周漢魏晉後魏咸都之。故其音近正，與鄉曲殊也。

南方水土和柔，其音清

舉而切詣，失在浮淺。其辭多鄙俗。北方山川深厚，其音沈濁而鈍鈍，得其質直。其辭多古語。

補淮南地形訓。清水音

小濁水音大。陸法言切韻序吳楚則時傷輕淺，燕趙則多傷重濁。秦隨則去聲爲入，梁益則平聲似去。姚五禾切。說文闕也。

然冠冕君子，南方爲優。閭里小人，北方爲愈。易服而與

之談，南方士庶數言可辯，隔垣而聽其語。北方朝野終日難分，而南染吳越，北雜夷虜，皆有深弊，不可具

論。其謬失輕微者，則南人以錢爲涎。

段云錢昨先切。在一先。涎夕連切。在二仙分敵修。

以石爲射。

段云石常隻切。射食亦切。同在二十二音而有別。

以賤爲羨。

段云

賤才線切。美似面切。同在三十三韻而音別。

以是爲砥。

段云是承紙切。砥神紙切。同在四紙而音別。

北人以庶爲戍。

段云庶在九御。戍在十遇。二韻音分大小。

以如爲儒。

段云如在九魚人諸切。儒在

十咸人朱切。

以紫爲姊。

段云紫將此切。在四紙。姊將几切。在五旨。二韻古音大分別。

以洽爲狎。

段云洽候夾切。入韻第三十。狎胡甲切。入韻第三十二。

如此之例，兩失甚多。至鄴

已來，唯見崔子約、崔瞻、叔姪。

北齊書崔陵傳子瞻，字彥通，聰朗強學。所與周旋，皆一時名望。叔子約，司空祭酒。

李祖仁、李蔚兄弟，頗事言詞，少爲切正。李

季節著音韻決疑時有錯失。

(隋書經籍志)修撰音韻決疑十四卷李燾撰又音譜四卷

陽休之造切韻殊為疎野。

(同上)韻略一卷陽休之撰

吾家兒女。

宋本作子女

雖在孩稚便漸督正之一言訛替以為己罪矣。

(補)晉說文作晉云駮一編下也

云為品物未考書記者不敢輒名。

汝曹所知也。

(案)下當分段

古今言語時俗不同著述之人楚夏各異蒼頡訓詁反稗為通賈。

(段云)案廣韻神傍卦切與通賈音異一說曹憲廣雅音賈麥稼切入韻通賈一反蓋亦入韻

也。反娃為於乖。

(段云)娃於佳切在十三佳以於乖切之則在十四皆

戰國策音列為免。

(段云)國策音當在高誘注內今缺佚不完無以取證

穆天子傳音諫為開。

(穆天子

傳三)道里悠遠山川闊之(郭注)聞音諫(段云)案廣韻知本作山川諫之郭讀諫為開用漢人易字之例而後義可通也後人援注以改正文又擬正文以改注而聞音諫之云乃成弔詭矣若山海經郭傳亦作山川開之則自用其說也漢儒多如此讀諫為開於六書則假借之法於注家則易字之例不當與上下文一例稱引

說文音夏為棘讀皿為猛。

若見水書

字林音看為口甘反。

(段云)看當為日干反而作口甘則入談韻非其倫矣今韻書以部入寒

韻徐鉉所引唐韻已如此其誤正同。

音伸為辛。

(段云)此蓋因古書信多音申故也

韻集以成仍宏登合成兩韻為奇益石分作四章。

(段云)今廣韻本於唐韻唐韻

本於陸法言切韻法言切韻韻之推同撰集然則顧氏所執略同今廣韻今廣韻成在十四譜仍在十六蒸別為二韻宏在十三耕登在十七登亦別為二韻而呂靜韻集成仍為一韻宏登為一韻故曰合成兩韻今廣韻為奇同在五支益石同在二十二昔而韻集為奇別

爲二韻。益石別爲二韻。故曰分作四章。皆與韻說不合。故以爲不可依信。今案宏登爲一韻。與古音合。此韻集之謬於韻陸輩也。

李登聲類以系音彙。

〔補〕案廣韻系古韻切。弄五計切。同在十二聲。而音微有別。

劉昌宗

周官音讀乘若承。

〔段云〕廣韻乘食陵切。音同。承襲陵切。音同。承今江浙人語。多與劉昌宗音合。

此例甚廣。必須考校。前世反語。又多不切。徐仙民毛

詩音反驥爲在遺。左傳音切椽爲徒緣。

〔隋書經籍志〕毛詩音二卷。春秋左傳音三卷。並徐邈撰。〔段云〕驥字。今廣韻在四十九音。勤粘切。依仙民在遺反。則當入五十音。與陸韻不合。廣韻椽直擊切。仙民音

亦與陸韻不合。然仙民所音。皆與古音合。契而釋文亦俱不取之。驥但載助救仕救二反。此皆非知仙民者也。

不可依信。亦爲衆矣。今之學士。語亦不正。古獨何人。必應隨其

譌辭乎。通俗文曰。入室求日。

〔句〕

搜反爲兄候。然則兄當音所榮反。今北俗通行此音。亦古語之不可用者。

〔段云〕搜所鳩反。兄許榮反。服虔以兄切。搜則兄當爲所榮反。而不諧。蓋韻時。北俗兄字所榮反。南俗呼許榮反。韻謂所榮。雖傳自古語。而不可用也。又案服氏搜反。兄候。則搜字在候韻。與古音合。而法言諸人。改入尤韻。非也。一說此音指兄候也。顏氏譏兄候之非。而以所鳩爲是也。

瑛瑤魯之寶玉。

〔左定五年傳〕季平子卒。歸虎欽。以瑛瑤斂。注瑛瑤。美玉。君所佩。

常音餘煩。

〔釋文〕

江南皆音藩屏之藩。岐山常音爲奇。江南

皆呼爲神祇之祇。

〔補〕廣韻。瑤。兩盧切。藩。甫煩切。奇。渠驕切。祇。巨支切。岐。與。同。組。亦。巨。支。切。俗。間。俱。讀。岐。爲。奇。與。顏。氏。合。

江陵陷沒。此音被於關中。不知二者。何所承

案。以吾淺學。未之前聞也。

〔案〕下當分段。

北人之音多以舉莒爲矩。唯李季節云：齊桓公與管仲於臺上謀伐莒，東郭牙望桓公口開而不閉，故知所言者莒也。然則莒矩必不同呼。此爲知音矣。

（呂氏春秋重言篇）齊桓公與管仲謀伐莒，謀未發而聞於國，桓公怪之。管仲曰：國必有聖人也。桓公曰：誰？曰：之役者有執柎而上視者，意者其

是耶？乃令復役，無得相代。少頃，東郭牙至，管子曰：此必是已。乃令賓者延之而上，分級而立。管子曰：子邪？言伐莒者對曰：然。管子曰：我不言伐莒，子何故言伐莒？對曰：臣聞君子善謀，小人善意，臣竊意之也。管子曰：子何以意之？對曰：臣聞君子有三色，顯然喜樂者，鐘鼓之色也。泮然清淨者，衰絰之色也。絕然充盪手足矜者，兵革之色也。日者臣望君之在臺上也，君喑而不喻，所言者莒也。君舉臂而指，所當者莒也。臣竊以慮請侯之不服者，其惟莒乎？臣故言之。柎柎本作蹙蹙，說從苑樞謀篇改。補（廣韻）舉莒俱居許切。在八語矩俱兩切。在九慶故云不同呼（案）下當分段。

夫物體自有精麤，精麤謂之好惡。

（補）竝如字說

人心有所去取，去取謂之好惡。

（元注）上呼號下鳥故反

此音見於葛洪徐邈。

而河北學士讀尚書云：好

（元注）呼號反

生惡

（元注）於谷反

殺是爲一論物體，一就人情，殊不通矣。

（補）（顧氏炎武音論）先儒兩聲各義之說不

盡然。余考惡字，如楚辭離騷有曰：理弱而媒拙兮，恐讒言之不同。時澗濁而嫉賢兮，好蔽美而稱惡。閔中既已遂遠兮，哲王又不寤。懷朕情而不發兮，余焉能忍與終古？又曰：何所獨無芳兮，爾何懷乎故宇？時幽昧以眩曜兮，孰云察余之美惡。漢趙幽王友歌：我妃既妬兮，誕我以惡。魏女亂國兮，上曾不寤。此皆美惡之惡而讀去聲。漢劉歆初賦：何叔子之好直兮，爲羣邪之所羣。顧邵子之一言兮，幾不免乎徂落。魏丁儀厲志賦：嗟世俗之參差兮，將未審乎好惡。成隨情而與議兮，固眞爲以紛錯。此皆愛惡之惡而讀入聲。乃知去入之別不

過發言輕重之閒而非有此經爾界之分也。(案)顧氏此言極是但不可廢於今耳。

甫者男子之美稱。

(補)尺證切。

古書多假借爲父字。北人遂無一人呼爲甫

者。亦所未喻。唯管仲范增之號。須依字讀耳。

(元注)管仲號仲父。范增號亞父。(補)案太公望號師尚父。乃師之尙之父之亦當依字讀。

案諸字書。焉字鳥名。或云語辭。皆音於愆反。自葛洪要用字苑。分焉字音。調若調何。調安。當音於愆反。於

焉逍遙。於焉嘉客。

見詩小雅白駒篇。

焉用佞。焉得仁。

見論語。

之類是也。若送句及助詞。當音矣愆反。故稱龍焉。故稱血

焉。見鳥坤文言。

有民人焉。有社稷焉。

見論語。

託始焉爾。

隱二年公羊傳文。

晉鄭焉依。

隱六年左傳文。

之類是也。江南至今。行此分別。

(補)彼列切。

昭然易曉。而河北混同一音。雖依古讀。不可行於今也。

(案)下當分段。

邪者。(元注)音耶。

未定之詞。左傳曰。不知天之棄魯邪。抑魯君有罪於鬼神邪。

見左昭廿六年傳。第二句不作邪。本文是故及此也。亦可通邪說在下。

莊

子云天邪地邪。

(補)案當作父邪。母邪。見大宗師篇。

漢書云是邪非邪。

武帝李夫人歌。見外戚傳。

之類是也。而北人卽呼爲也。亦爲誤矣。

(補)案也。

字可通邪。如論語子張問十世可知也。荀子正名篇。其求物也。養生也。粥壽也。皆作邪字用。當由互讀。故得相通。

難者曰。繫辭云。乾坤易之門戶邪。

本文乃乾坤其易之門邪。

此又爲未定乎。

答曰：何爲不爾。上先標問，下乃列德以折之耳。

〔案〕下當分段。

江南學士讀左傳，口相傳述，自爲凡例。軍自敗曰敗，打破人軍曰敗。

〔元注〕補敗反。

諸記傳未見補敗反。徐仙民

讀左傳，唯一處有此音，又不言自敗敗人之別，此爲穿鑿耳。

〔補〕左氏哀元年傳：夫先自敗也已。安能敗我。案〔釋文〕無音，知本不異讀也。

古人云：膏粱難整。

〔補〕晉語七：悼公曰：夫膏粱之性難正也。故使惇惠者教之，使文敏者道之，使果敢者諍之，使鎮靖者修之。

以其爲驕奢自足，不能剋勵也。吾見王侯外

戚，語多不正，亦由內染賤俵，傳外無良。

〔俗本〕作賢。

師友故耳。梁世有一侯，嘗對元帝飲，諫自陳癡鈍，乃成臆段。

元帝答之云：臆異涼風。

〔說文〕：臆，涼風也。

段非干木。

段干木，魏文侯時人。〔廣韻〕引風俗通以段爲氏。

謂郢州爲永州，元帝啓報簡文，簡文云：庚

辰吳入，遂成司隸。

〔春秋〕：定四年冬十有一月庚午，蔡侯以吳子及楚人戰于柏舉，楚師敗績，楚囊瓦出奔郢。庚辰，吳入郢。〔通典〕：荊州宋分置荊州、司州、鄆州、雍州、湘州，其司州領鄆、四、永州，蓋其所隸。非謂漢之司隸也。

如此之

類，舉口皆然。元帝手教諸子侍讀，以此爲戒。

〔案〕下當分段。

河北切攻字爲古琮，與工公功三字不同，殊爲僻也。

〔廣韻〕：政與公，工功皆同紐。

比

〔俗本作〕北譌。

世有人名暹，自稱爲織。

〔補〕〔廣〕

韻遷與纖皆息廉切不知韻讀何音

名珉自稱爲衺名洸自稱爲汪名約

〔元注〕音繼

自稱爲獨

〔元注〕音繼

非唯音韻舛錯亦使其兒

孫避諱紛紜矣

蓋謂同音之字難避也

雜藝第十九

眞草書迹微須留意

〔補〕眞書卽隸書今謂之楷書〔晉書衛瓘傳〕子恆善草隸書爲四體書勢云隸書者蒙之捷也上谷王次仲始作楷法〔又云〕漢興而有草書不知作者姓名〔案〕眞草之語見魏武選舉令及蔡琰別傳

江南

諺云尺牘書疏千里而目也

〔補〕漢書游俠傳陳遵贈於文辭善書與人尺牘主皆藏去以爲榮〔師古曰〕去亦藏也音邱呂反又音舉〔案〕今人多作存字疏所助切

承晉宋餘俗相與事

之故無頓狼狽者

〔補〕狼狽獸名皆不善於行者故以喻人造次之中書跡不能善也

吾幼承門業加性愛重所見法書亦多而翫習功夫頗至遂

不能佳者良由無分故也

〔補〕分謂天分扶間切

然而此藝不須過精夫巧者勞而智者憂常爲人所役使更覺爲累

章仲將遺戒深有以也

〔世說巧藝篇〕章仲將能書魏明帝起殿欲安榜使仲將登榜懸之既下頭髮皓然因敕兒孫勿復學書〔劉孝標注〕文章敘錄章詒字仲將京兆杜陵人以光祿大夫卒〔衛恆四體書勢〕云詒善楷書魏宮

觀多誕所題明帝立陵嘗觀談先釘榜乃罷盛誕纒纒長引上使就題之去地二十五丈誕甚危懼乃戒子孫絕此楷法箸之家令〔案〕下當從諸本別爲段

王逸少風流才士，蕭散名人，舉世但知其書，翻以能自蔽也。

〔晉書王羲之傳〕羲之字逸少，幼諳於書，及長，辯贈以骨，

雲，矯若驚龍。〔案〕逸少人品絕高，有遠識，此以風流蕭散目之，亦淺甚矣。

蕭子雲每歎曰：吾著齊書，勸成一典，文章宏

胡賦切。

義，自謂可觀，唯以筆迹得

名，亦異事也。

〔案〕〔梁書蕭子恪傳〕子恪第八弟子顯著齊書六十卷，〔又云〕子雲字景喬，子恪第九弟也，善草隸，爲世楷法，自云善效鍾元常，王逸少而微變，字體高祖論其書曰：筆力勁峻，心手相應，巧踰杜度，美過崔寔，當與鍾元常並驅爭先，其

見賞如此，著齊書一百十卷。

王褒地胄清華，才學優敏，後雖入關，亦被禮遇，猶以書工，崎嶇碑碣之間，辛苦筆

無著齊書事，此蓋誤記也。

硯之役，嘗悔恨曰：假使吾不知書，可不至今日邪。

〔周書王褒傳〕褒字子淵，琅琊臨沂人，自祖儉至父規，並有重名於江左，褒讀量湖通志，懷沈靜博覽史傳，尤工屬文，梁國子祭酒蕭子雲其

姑夫也，特善草隸，褒遂相模範，而名亞子雲，其見重於世，江陵城陷，元帝出降，褒與王克等數十人俱至長安，太祖謂褒及克曰：吾即王氏甥也，卿等並吾之舅氏，當以親戚爲情，勿以去鄉介意，俱授車騎大將軍，儀同三司，並荷恩賜，世宗篤好文學，褒與庾信才名最高，特加親待，樂與行幸，褒常待從，以此觀之，慎勿以書自命，雖然，厮猥之人，以能書拔擢者多矣，故道不同，不相爲謀也。

〔案〕下當

分

梁氏

宋本作武說

祕閣散逸以來，吾見二王真草多矣，家中嘗得十卷。

二王，羲之獻之也，〔本傳〕獻之字子敬，七八歲時學書，羲之密從後製其筆，不得款曰：此兒後當復有

大名。嘗書壁爲方丈大字。纔之甚以爲能觀者數百人。

方知陶隱居。

已見

阮交州。

(晉書阮籍傳附)阮放字思度。時成帝幼沖。庾氏執政。放求爲交州。乃除監交州軍事。揚威將軍。交州刺史。

蕭祭酒。

(謂子雲也。本傳)大

同二年。議員外散騎常侍。國子祭酒。

莫不得義之之。

宋本有逸字

體。故是書之淵源。蕭晚節所變。乃是右軍年少時法也。

羲之官右軍將軍(案)下

當分段。

晉宋以來。多能書者。故其時俗。遞相染尙。所有部帙。楷正可觀。不無俗字。非爲大損。至梁天監之間。斯風

未變。大同之末。訛替滋生。蕭子雲改易字體。邵陵王頗行僞字。

(梁書邵陵王綸傳)綸字世調。高祖第六子。少聰穎。博學善屬文。尤工尺牘。(宋本注)一本注前上爲草

能傍作長之類是也。(案)俗本此十二字。卽作正文。

朝野翕然。以爲楷式。畫虎不成。多所傷敗。

畫虎不成。馬援語已見。

至爲一字。唯見數點。或妄斟酌。

逐。俗本作逐。誤。

便轉移。爾後墳籍。略不可看。北朝喪亂之餘。書迹鄙陋。加以專輒造字。猥拙甚於江南。乃以百

念爲憂。言反爲變。不用爲罷。追來爲歸。更生爲蘇。

(案)此字今猶然。

先人爲老。如此非一。徧滿經傳。唯有姚元標

宋本

非。

工於草隸。留心小學。後生師之者衆。泊於齊末。祕書繕寫。賢於往日多矣。

(案)下當分段。

江南閩里閒有畫書賦，乃陶隱居弟子杜道士所爲，其人未甚識字，輕爲軌則，託名貴師，世俗傳信，後生

翻宋本
誤作人

頗爲所誤也。

(補)案：林罕字源編傍小說序云：俗有諱書賦者，假託許慎爲名，頗乖經據。顧氏家訓云：斯實陶先生弟子杜道士所爲，大誤時俗。吾家子孫，不得敢寫。案：此作畫書林作諱書，此云貴師，即隱居也。而林以爲假託許

慎未知實
一書否

畫繪之工，亦爲妙矣。自古名士，多或能之。吾嘗有梁元帝手畫蟬雀白團扇及馬圖，亦難及也。武烈太子

偏能寫真，坐上賓客，隨宜點染，卽成數人，以問童孺，皆知姓名矣。

武烈太子已見。蕭賁、劉孝先。《梁書劉潛傳》第七弟子已見。孝先、武陵王紀法曹主

簿。王暹益州。隨府轉安西記室。承聖中，與兄孝勝俱隨紀軍出峽口，兵敗，至江陵。世祖以爲黃門侍郎。暹侍中兄弟並著五言詩，見重於世。文猶值亂，今不具存。

劉靈並文學已外，復佳此法，翫閱古今。

宋本

作甄古
如今

特可寶愛，若官未通顯，每被公私使令，亦爲猥役。

猥，井雜也。

吳郡顧士端，出身湘東王國侍郎。

(隋書百官志)王

國置中尉侍
郎執事，中尉

後爲鎮南府刑獄參軍，有子曰庭，西朝中書舍人。父子並有琴書之藝，尤妙丹青，常被元帝所

使，每懷羞恨。彭城劉岳，棗之子也，仕爲驃騎府管記平氏縣令。

(宋書州郡志)南義陽太守領縣二，有平氏，今漢舊名屬南陽。

才學快士而畫

絕倫。後隨武陵王入蜀。下牢之敗。遂爲陸護軍。畫支江寺壁。與諸工巧雜處。向使三賢都不曉畫。直運素業。豈見此恥乎。

弧矢之利。以威天下。先王所以觀德擇賢。亦濟身之急務也。

〔易繫辭下傳〕弦木爲弧。剡木爲矢。弧矢之利。以威天下。蓋取諸矜。〔禮記射義〕射者何也。射以觀德也。孔子曰。射

者。何以射。何以聽。循聲而發。發而不失。正鵠者。其唯賢者乎。

江南謂世之常射。以爲兵射。冠冕儒生。多不習此。別有博射。弱弓長箭。施於準

的。揖讓升降。以行禮焉。防禦寇難。了無所益。

〔補〕雜乃且切。

亂離之後。此術遂亡。河北文士。率曉兵射。非直葛洪

一箭已解追兵。

〔補〕〔抱朴子自敘篇〕昔在軍旅。曾手射追騎。塵弦而倒。殺二賊。一馬。遂以得免死。

三九讜集。常廢榮賜。雖然。要輕禽。截狡獸。不願汝輩爲

之。〔補〕要與道同。〔枚乘七發〕逐狡獸。集輕禽。

卜筮者。聖人之業也。但近世無復佳師。多不能中。

〔補〕復扶又切。

古者卜以決疑。

〔左氏桓十一年傳〕卜以決疑。不疑何卜。

今人疑生於卜。

何者。守道信謀。欲行一事。卜得惡卦。反令怵怵。

〔元注〕音敝。惕也。〔補〕令郎丁切。下同。

此之謂乎。且十中六七。以爲上手。粗知

大意又不委曲。凡射奇偶，自然半收，何足賴也。

〔補〕奇居宜切。

世傳云：解陰陽者，爲鬼所嫉，坎壞貧窮，多不稱。

本

作秦。〔補〕與力敢切。〔楚詞〕九辯：坎壈兮貧士失職而志不平。壤一作廩。

吾觀近古以來，尤精妙者，唯京房管輅郭璞耳，皆無官位，多或權災。此言

令人益信。

〔漢書京房傳〕房字君明，東郡頓邱人，治易，事梁人焦贛。贛嘗曰：『得我道以亡身者，必京生也。』其說長於災變，分六十卦，更值日用，事以風雨寒溫爲候，各有占驗。房用之尤精，上意向之，石顯五鹿充宗皆嫉之，出爲魏郡太守，去月餘，徵下獄。

與前從房受學者張博皆棄市。〔魏志管輅傳〕輅字公明，平原人，安平趙孔曜薦於冀州刺史裴徽曰：『輅性寬大，與世無忌，仰觀天文，則妙同甘石，俯覽周易，則齊思季主，獻辭爲文學，從事大友，善之，正元二年，弟辰謂輅曰：『大將軍待君意厚，冀當富貴乎？』輅歎曰：『天與我才明，不與我年壽，恐四十七八間，不見女嫁兒娶婦也。』卒年四十八。〔晉書郭璞傳〕璞字景純，河東聞喜人，妙於陰陽算歷，有郭公者，客居河東，精於卜筮，復從之受業，公以青囊中書九卷與之，遂洞五行天文卜筮之術，撰吳越圖，通致無方，雖京房管輅不能過也。王敦謀逆，使璞筮，璞曰：『無成。』曰：『卿更爲筮，筮幾何？』答曰：『思向卦明公起事，必禍不久。』若往武昌，不可測。敦大怒曰：『卿筮幾何？』曰：『命盡今日日中。敦怒，收璞詣南閩斬之。』

儻值世網嚴密，強負此名，便有註誤，亦禍

源也。及星文風氣，率不勞爲之。

〔補〕強其兩切。註古實切。

吾嘗學六壬式，亦值世閒好匠，聚得龍首、金匱、玉輪、變玉歷。

宋本

注一本作玉變玉歷〔案〕

十許種書。

〔隋書經籍志〕六壬式經雜占九卷，六壬式光六卷，餘未見。〔補〕〔道藏目錄〕黃帝龍首經三卷，注上經三十六占，下經三十六占，共七十二占，法係六壬占門，又黃帝金匱玉衡經一卷，亦

今本皆與一作同。

六壬占法，討求無驗，尋亦悔罷。凡陰陽之術，與天地俱生，其吉凶德刑，不可不信，但去聖既遠，世傳術書，皆出

流俗言辭鄙淺，驗少妄多，如反支不行，竟以遇害，歸忌寄宿，不免凶終，拘而多忌，亦無益也。

〔後漢書王符傳〕明帝時公

車以反支日不受章奏。〔章懷注〕凡反支日用月朔爲正，戊亥朔一日反支，申酉朔二日反支，午未朔三日反支，辰巳朔四日反支，寅卯朔五日反支，子丑朔六日反支，見陰陽書。又〔郭躬傳〕桓帝時汝南有陳伯敬者，行必短步，坐必端膝，行路聞凶，便解駕留止，還歸歸忌，則寄宿鄉亭，年老難滯，不過舉孝廉，後坐女壻亡吏太守部嬰怒而殺之。〔補〕〔章懷注〕

陰陽書歷法曰：歸忌日，四孟在丑，四仲在寅，四季在子，其日不可遠行，歸家及徙也。

算術亦是六藝要事。

〔補〕〔周禮保氏〕六藝六曰九數。〔鄭司農云〕九數，方田、粟米、差分、少廣、商功、均輸、方程、盈不足、旁要，今有重差、句股、環云。此皆依九章算術而言，今以句股旁要爲案。今所傳周髀乃周公問於股高者，卽句股之法。

自古儒士論天道，定律歷者，皆學通之。

〔補〕如張蒼、鄭康成、蔡邕、張衡諸人，皆明此術。

然可以兼明，不可以專業。江南此學殊少，唯范

陽祖暉。〔元注〕音瓦。

精之位至南康太守。

〔補〕〔隋書律歷志中〕梁初因齊用元嘉歷，天監三年，下詔定歷，員外散騎侍郎祖暉奏稱：史官今所用何承天歷，稍與天乖，緯緒參差，不可承案。被詔付靈臺與新歷對課，疎密

至大同十年，制

河北多曉此術。

詔更造新歷。

醫方之事，取妙極難，不勸汝曹以自命也。微解藥性，小小和合。

〔補〕古音切。

居家得以救急，亦爲勝事。皇甫謐

般仲堪，則其人也。

〔晉書皇甫謐傳〕謐有高倫之志，自號平晏先生，後得風痺疾，猶手不輟卷，或勸謐脩名廣交，謐以爲居田里之中，亦可以樂葵藿之道，何必崇接世利，事官執掌，然後爲名乎？守論以答之。初服寒食散而性與之忤，每委

類不倫。隋書經籍志。皇甫謐曹叡論寒食散方二卷亡。又。殷仲堪傳。仲堪。陳郡人。父病積年。衣不解帶。躬學醫術。究其精妙。執藥揮淚。遂眇一目。居喪哀毀。以孝聞。

禮四君子無故不徹琴瑟。〔補〕禮記曲禮下。大夫無故不徹縣。士無故不徹琴瑟。古來名士多所愛好。〔補〕呼號切。泊於梁初。衣冠子孫不知

琴者號有所闕。〔補〕泊其寔切。大同以末。斯風頓盡。然而此樂情雅致。有深味哉。〔文選〕嵇叔夜琴賦。情情琴德。不可捌兮。〔李善注〕韓淵曰。情情和悅貌。

今世曲解。雖變於古。猶足以暢神情也。唯不可令有稱譽。〔補〕令耶丁切。見役勳貴。處之下坐。以取殘杯冷炙之

辱。戴安道猶遭之。況爾曹乎。〔晉書〕隱逸傳。戴逵。字安道。隱居人。少博學。善屬文。能鼓琴。武陵王暉使人召之。逵對使者破琴曰。戴安道不爲王門伶人。

家語曰。君子不博。爲其兼行惡道故也。〔補〕家語五儀篇。哀公問於孔子曰。吾聞君子不博。有之乎。孔子曰。有之。公曰。何爲對曰。爲其有二乘。公曰。有二乘則何爲不博。子曰。爲其兼行惡道也。論語

云。不有博奕者乎。爲之猶賢乎已。〔說文〕博。局戲。六箸十二棋也。古者烏曹作博。〔方言五〕圍。碁謂之弈。自關而東。齊魯之間。皆謂之弈。然則聖人不用博奕爲教。但

以學者不可常精。有時疲倦。則儻爲之。猶勝飽食昏睡。兀然端坐耳。至如吳太子以爲無益。命韋昭論之。

〔吳志〕韋曜傳。曜字宏嗣。吳郡雲陽人。爲太子中庶子。時蔡頴亦在東宮。性好博奕。太子和以爲無益。命曜論之。〔注〕曜本名昭。史爲晉諱改之。王肅葛洪陶侃之徒。不許目觀手執。此竝勤篤

之志也。

王肅事未見。晉書葛洪傳。洪性宜欲。無所愛厭。不知碁局幾道。樗蒲齒名。晉中興書。陶侃爲荊州。見佐吏博弈戲具。投之於江。曰。圍碁。堯舜以教愚子。博。殷紂所造。諸君宜國器。何以此爲。

能爾爲佳。古爲大博。

則六著。小博則二莞。今無曉者。比世所行一莞十二碁。數術淺短。不足可厭。

鮑安博經。博局之戲。各設六著。行六碁。故云六博用十二碁。六白六黑。

所擲設謂之瓊。瓊有五采。刻爲一畫者謂之寒。兩畫者謂之白。三畫者謂之黑。一邊不刻者。在五寒之間。謂之五塞。補。廣雅。博。箸謂之箭。楚詞。招魂。真戲象碁。有六博。王逸注。戲。博箸也。案。莞。軍管切。卽瓊也。溫庭筠詩。用雙瓊卽二莞也。

圍碁有

手談坐隱之目。頗爲雅戲。

世說新語。巧藝篇。王中郎以圍碁是坐隱。支公以圍碁爲手談。

但令人耽憤。廢喪實多。不可常也。

補。令郎丁切。憤。胡對切。心亂也。

投壺之禮。近世愈精。古者實以小豆爲其矢之躍也。

補。禮記投壺。壺頸脩七寸。腹脩五寸。口徑二寸。容斗五升。壺中實小豆焉。爲其矢之躍而出也。壺去席二矢。半矢以柘若棘。毋去。

其皮爲於爲切。

今則唯欲其馳。益多益喜。

西京雜記下。武帝時。郭舍人善投壺。以竹爲矢。不用棘也。古之投壺。取中而不求還。郭舍人則激矢令還。一矢百餘反。謂之爲馳。晉如博之擊。舉於掌中爲馳。深也。每爲武帝投壺。輒

賜金帛。

乃有倚竿帶劍。狼壺豹尾。龍首之名。其尤妙者。有蓮花馳。汝南周瓊。宏。

胡賦切。

正之子。會稽賀徵。賀革。

之子。

補。陳書周宏正傳。子瓊。官至吏部郎。梁書儒林傳。賀驥子。本字文明。少通三禮。及長。獨治孝經論語毛詩。左傳。其子未見。

竝能一箭四十餘馳。賀又嘗爲小障。置壺其外。

隔障投之。無所失也。至鄴以來。亦見廣寧蘭陵諸王。有此校具。舉國遂無投得一馳者。

北齊文襄六王傳。廣寧王孝珩。文襄第二子。

愛賞人物。學涉經史。好綴文。有技藝。蘭陵武王長恭。一名孝理。文襄第四子。而柔心壯音容。兼美。爲將躬勤細事。每得甘美。雖一瓜數果。必與將士共之。

彈棊亦近世雅戲。

(藝經)彈棊二人對局。黑白棊各六枚。先列棊相當。下呼上擊之。

(世說巧藝篇)彈棊始自魏宮內。用妝版戲。文帝於此戲特妙。用手巾角拂之。無不中者。有客自云。能使爲之。客著葛巾角。低頭拂。甚妙。論於帝。(注)傳云。彈棊賦曰。漢成帝好蹴鞠。劉向謂勞人體竭。人力非至尊所宜御。乃因其體作彈棊。則此戲其來久矣。消愁釋憤。時可爲之。

終制第二十

死者人之常分。不可免也。

(補)分扶間切。

吾年十九。值梁家喪亂。其閒與白刃爲伍者。亦常數輩。幸承餘福。得至

於今。古人云。五十不爲夭。

(蜀志先主傳注)諸葛亮集載先主遺詔。勅後主曰。人五十不稱夭年。已六十有餘。何所復恨。不復自傷。但以孺兄弟爲念。

吾已六十餘。故心坦然。不以

殘年爲念。先有風氣之疾。常疑奄然。聊書素懷。以爲汝誠。先君先夫人。皆未還建鄴舊山。

(補)之推九世祖。含隨晉元帝東度。

故建鄴乃其故土也。(本傳)觀我生賦。經長干以掩抑。屬白下以流連。(自注)靖侯以下七世墳塋。皆在白下。

旅葬江陵東郭。承聖末已。

俗本脫。宋本有。

啟求揚都。欲營遷厝。蒙詔賜

銀百兩。已於揚州小郊北地燒磚。便值本朝淪沒。流離如此。數十年閒。絕於還望。今雖混一。

(通鑑)隋文帝開皇七年。滅梁。

廢其主蕭穆爲葛公八年冬十月以晉王廣爲淮南行省
書令行軍元帥帥師伐陳九年正月獲其主叔賈陳國平

家道罄窮何由辦此奉營資費且揚都污毀無復子遺

被下溼未爲得計自咎自責貫心刻髓計吾兄弟不當仕進但以門衰骨肉單弱五服之內傍無一人播

越他鄉無復資廩

〔補〕復扶又切

使汝等沈淪廝役以爲先世之恥

〔補〕沈直深切何休注公羊宣十二年傳艾草爲助者曰斷汲水漿者曰役

故覩冒人

閒不敢墜失

〔補〕視土典切而醜也

兼以北方政教嚴切全無隱退者故也今年老疾侵儼然奄忽豈求備禮乎一日

放臂沐浴而已不勞復魄

〔儀禮士喪禮〕復者一人〔注〕復者有司招魂復魄也

殮以常衣先夫人棄背之時

〔補〕背蒲味切

屬世荒饑家塗

空迫

〔補〕屬之欲切

兄弟幼弱棺器率薄藏內無磚

〔補〕藏切浪切

吾當松棺二寸衣帽已外一不得自隨牀上唯施七

星板至如蠟弩牙玉豚錫人之屬竝須停省

〔補〕所景切

權嬰明器故不得營

〔補〕〔禮記雜記上〕載覆有子曰非禮也〔注〕覆米糧也言死者不食糧也

〔又曰〕喪紙背衝實見閒而后折入〔注〕此謂葬時蒸物也衝當爲桁所以肢覆之屬〔禮弓上〕孔子曰竹不成用瓦不成味木不成斲琴瑟張而不平竿筮備而不和有鍾磬而無舞應其曰明器神明之也〔又下篇〕孔子謂爲明器者知喪道矣備物而不可用也塗車芻靈自古有之孔子謂爲芻靈者善謂爲備者不仁

碑誌旒旒彌在言外

〔補〕〔釋名〕碑被也此本葬時所設施其纓轅以繩被其上以引棺也臣子追述君父之功美以書其上後人因爲無故建於道陌之頭顯見之處名其文就謂之

碑也。〔案〕誌墓起於後世。蓋納於壙中。使後人誤發掘者從而掩之耳。然能如此者。百不一二。今金石文字中所載諸誌。甚多。未聞有復掩於故土者。則亦無益之舉而已。旋旋古之明旌也。旋則旋之垂者。〔世說〕排調篇。桓南郡與殷荊州共作了語。桓曰。白布羅帽。豎旋旒。又案釋名。無故。載以鼈甲車。〔補〕周禮。塗師。共丘龍及旋車之役。〔注〕四輪追地而行。有似於鼈。因取名焉。禮記。雜記上。其轡有殺。〔注〕轡。載柩將殯之車飾也。轡謂鼈甲邊緣。緇布囊。帷圍棺者也。又云。載以轡車。〔注〕轡。讀爲轡。或作擗。周禮有旋車。旋。聲相近。其制同乎。特崇。蓋中乘車之輪。〔正義〕以其髮類。蓋追地而行。其輪宜卑。

左右前後。隨爲私記耳。宋本有。別本無。靈筵勿設枕几。朔望祥禱。〔補〕案。禮記。祭義。有朔月月中之文。卽後世所云。朔望也。又。〔閔傳〕朔而小祥。又期而大祥。中月而禱。唯下

白粥。漢水乾棗。不得有酒肉餅果之祭。親有來餽。辭者。一皆拒之。〔補〕饋。珍衛切。祭辭也。醉。郎外切。以酒祭地也。汝曹若違吾心。有加

先妣。則陷父不孝。在汝安乎。其內典功德。隨力所至。勿列錫生資。使凍餒也。四時祭祀。周孔所教。欲人勿

死其親。不忘孝道也。求諸內典。則無益焉。殺生爲之。翻增罪累。若報罔極之德。霜露之悲。有時齋供。〔補〕居用

及七月半。孟蘭盆。望於汝也。〔宋本注〕一本無。七月中孟蘭盆六字。卽作及盡忠信。不辱其親。所望於汝也。〔案〕顏篤信佛。理。固宜有此言。今諸本刪去六字。必後人以其言大陋。而因易以他語耳。然文義殊不貫。〔補〕

〔孟蘭盆經〕目連見其亡母生餓鬼中。卽鉢盛飯。往餽其母。食未入口。化成火炭。遂不得食。目連大叫。馳還白佛。佛言。汝母罪重。非汝一人所奈。何當須十方茶飯。威神之力。至七月十五日。當爲七代父母。厄難中者。具百味五果。以著盆中。供養十方大德佛。勸衆僧。皆爲施

切。

主視願七代父每行師定意，然後受食。是時目連母得脫一切餓鬼之苦。目連白佛：未來世佛弟子行孝順者，亦應奉盂蘭盆供養佛言大善。故後人因此廣爲華飾，乃至刻木刻竹，餉蠟剪綵，摸花葉之形，極工妙之巧。

孔子之葬親也。云

古者墓而不墳。丘東西南北之人也，不可以弗識也。於是封之崇四尺。

（補）禮記檀弓
上文識音志

然則君子應世行道。

亦有不守墳墓之時。況爲事際所逼也。吾今羈旅，身若浮雲，竟未知何鄉是吾葬地，唯當氣絕便埋之耳。汝曹宜以傳業揚名爲務，不可顧戀朽壤，以取湮沒也。

趙跋

北齊黃門侍郎顏公。以堅正之士。生穢濁之朝。播遷南北。他不暇念。唯繩祖詒孫之是切。爰運貫穿古今之識。發爲布帛菽粟之文。著家訓二十篇。雖其中不無疵累。然指陳原委。愷切丁寧。苟非大愚不靈。未有讀之而不知興起者。謂當家置一編。奉爲楷式。而是書先有姚江盧槩齋先生之分章辨句。金壇段懋堂之正誤訂譌。區區短才。遂不揣鄙陋。取而註釋之。年當耄耋。前脫後忘。必多缺略。第令儉於腹笥者。不至迷於援據。退然自阻。則亦不爲無益。至於補厥挂漏。俾臻完善。不能無望於將伯之助云。

乾隆五十一年歲次丙午冬十月十日。歐江山人趙曦明書於容膝居。是年八十有二。

瞰江山人家傳

盧文弨

瞰江山人者。常之江陰人也。邑有瞰江山。距山人家二里而近。故以爲號焉。父死三月。山人廼生。母劉孺人。辛勤鞠養。暨起家庭。閒幾有破卵毀室之患。母內藏其明。而外以柔道行之。故屢瀕於危。而卒獲免。山人始就外傳。便知好古學。少長就老儒車。質齋學。其家多藏書。縱山人博覽。習舉子業者。羣相與非笑之。語聞於母。母召而詰之。則以如築室者必厚其基爲對。母曰。誠然。任汝爲之。山人益得沈酣其中。抵臘。猶戀戀不肯歸。一生學殖之厚。實基於此。補郡諸生。其伯兄先入縣庠。有文名。常謂曰。吾異日終不如弟弟之文。有根源故也。山人素守母教。律身以正。待人以誠。值窘乏。益刻苦自厲。雖通曉世事。絕不肯爲人居閒排難。唯忍飢閉戶讀書。曰。吾懼此處一移足。便終身落坑窞也。同門友貢息甫令建平。邀之往。邑多地訟。歲久不決。一案之牘。高幾盈尺。山人不憚煩。爲之一一爬梳。要領既得。先以曲直之大。判明示之。而期日與質。兩造往往各自輸服。請無對簿。而願寢息者。過半矣。諸欲爲姦霧獄者。咸不便山人所爲。讒言繁興。而終不得閒。於是建平之政聲。爲羣有司最。經再期辭歸。先是山人以故明殉難典史閻陳二公。請於縣。立專祠。後令劉君復捐俸爲之。新廟貌。贖祭田。有年數矣。無賴子乘山人之出。遂守祠者。奪其田。而有之。山人歸告於縣。乞復其舊。時兇餒張甚。縣官頗右之。山人以一身楮柱其閒。幾爲所窘。賴同里楊主事蒼臧。邢秀才象三。咸相與維持之事。乃得直。還祠田。召道士守之。又邑之名宦鄉賢。故有專祠。教諭某私

以其地界學皆而遷其主於大成門左右更衣之所。山人與教諭爭數四。縣置若不聞。終身以爲恨。事山人性剛直。其所不可者。終身不能強顏與之歡。亦不樂與顯達交。曩文韶之主講。暨陽書院也。山人居邑中。不自表襮。故名莫得聞。逾年。邢君袖其所作詩古文辭。并要與俱來。余一見傾倒。遂爲莫逆交。余官罷。主江寧之鍾山講席。身自請。山人佐余所不逮。山人欣然許之。余有所述作。必取正於山人。能直言無所隱。凡余所蓄書數千卷。山人校讎幾徧。有求文并質疑者。矐然應之。無少靳。余門下士咸知敬愛山人。閒有以私干者。率峻拒之。先後其朝夕。凡九年。供給至菲薄。而山人不嫌也。山人詩文集外。著有讀書一得六十卷。其體例與黃東發日抄相近。注陶徵士集。凡數易稿。又注徐庾溫李羅昭諫等集。并近代陸拒石四六。各若干卷。著桑梓見聞錄八卷。八十外。復注顏氏家訓。甫脫稿而疾作。始辭余歸里中。余今年寓書求其副本。欲爲傳之。山人欣然許諾。而力已不能自鈔矣。以乾隆五十二年八月二日。考終於家。年八十有三。山人初名大潤。後易名肅。字敬夫。意欲自警其頽墮也。晚復更名曦明。考兩若處士。妣劉孺人。余嘗爲著家傳矣。娶於吳。生子二。貴中。庠生。守中。出爲從兄後。妻與子竝前卒。孫一人。同華。庠生。贊曰。先生有用才也。雖不得位。一施其利濟之具。然已爲衆人之母。多士之師。有餘矣。成人之美而不尸其功。實浮乎名。究有不可得而掩者。先生之嫉惡若過於嚴。然孔子稱惡不仁者之爲仁。不使不仁者加乎其身。身既潔矣。寧肯受物之汶汶乎。所爲詩若文。冲澁演迤。不爲震盪險怪之音。此又其養之足徵者。願今而後。誰相知定吾文乎。我有不可。誰余規乎。分首無何。頓失良友。此所以涕泗漣漣。不能已於贊亡之歎也。

北齊書文苑傳

舊史官盧文弼注釋

顏之推字介琅邪臨沂人也。九世祖含。從晉元東度。官至侍中右光祿西平侯。

〔晉書孝友傳〕顏含字安都。琅琊華人也。祖欽給事中。父默。汝陰太

守。含少有操行。以孝聞。元帝過江。以爲上虞令。歷散騎常侍。大司農。讓討蘇峻功。封西平縣侯。拜侍中。遷光祿勳。以年老遜位。成帝美其素行。就加右光祿大夫。年九十三卒。諡曰靖。三子。颯。讓。約。皆有聲譽。

父勰。梁湘東王繹鎮西府

諸議參軍。

〔書文學傳下〕顏協字子和。七代祖含。父見遠。博學有志行。齊和帝卽位於江陵。以爲治書侍御史。兼中丞。高祖受禪。見遠乃不食。憤數日而卒。協幼孤。養於舅氏。少以器局見稱。博涉羣書。工於草隸。釋褐湘東王國常侍。又兼府記室。世祖出

鎮荊州。轉正記室。感家門奉義。恆辭徵辟。遊於蕃府而已。卒年四十二。二子之儀。之推。〔補〕案梁書以含爲協七世祖。則是之推之八世祖也。史家所紀世數。往往不同。有從本身數者。亦有離本身數者。今攷顏氏家廟碑。含子颯。字君道。颯子琳。字文和。琳子靖。字茂宗。靖之子。讓。字安道。讓之子。炳。字叔約。炳之子。見遠。字見遠。見遠子協。則梁書離本身數。晉書連本身數。是以不同。協之與協義相近。家廟碑作協。與梁書同。

世善周官左氏學之推。早傳家業。年十二。值

繹自講莊老。便頂門徒。虛談非其所好。還習禮傳。博覽羣書。無不該洽。詞情典麗。甚爲西府所稱。繹以爲

其國左常侍。加鎮西墨曹參軍。好飲酒。多任縱。不修邊幅。

謂無容儀也。此之推自言云爾。見序致篇。

時論以此少之。繹遣世子方

諸出鎮郢州。以之推掌管記。值侯景陷郢州。頻欲殺之。賴其行臺郎中王則以獲免。囚送建鄴。景平。還江

陵時釋已自立。以之推爲散騎侍郎。奏舍人事。後爲周軍所破。大將軍李顯重之。薦往宏農。令掌其兄平陽王慶遠書幹。值河水暴長。具船將妻子來奔。經砥柱之險。時人稱其勇決。顯祖見而悅之。卽除奉朝請。引於內館中。侍從左右。顏被顧眄。天保末。從至天池。以爲中書舍人。令中書郎段孝信將敕書出示之。推之推營外飲酒。孝信還以狀言。顯祖乃曰。且停。由是遂寢。河清末。被舉爲趙州功曹參軍。尋待詔文林館。除司徒錄事參軍。之推聰穎機悟。博識有才辯。工尺牘。應對閑明。大爲祖珽所重。令掌知館事。判署文書。尋遷通直散騎常侍。俄領中書舍人。帝時有取索。恆令中使傳旨。之推稟承宣告。館中皆受進止。所進文章。皆是其封署。於進賢門奏之。待報方出。兼善於文字。盛校繕寫。處事勤敏。號爲稱職。帝甚加恩接。顧遇逾厚。爲勳要者所嫉。常欲害之。崔季舒等將諫也。之推取急還宅。故不連署。及召集諫人。之推亦被喚入。勸無其名。方得免禍。

〔北齊書崔季舒傳〕祖珽受委。奏季舒總監內作。轉長鸞欲出之。屬車駕將通晉陽。季舒與張融議。以爲壽春被圍。大軍出拒。信使往還。須稟節度。兼道路小人。或相驚恐。云大駕向井。畏避南寇。苦不啓諫。必動人情。

遂與從駕文官連名進諫。趙彥深。唐溫。段孝言等。初亦同心。臨時疑貳。季舒與爭未決。長鸞遂奏云。漢兒文官。連名請擊。擊云。諫止向井。其實未必不宜。加誅戮。帝卽召已。嬰官人集含章殿。以季舒張融劉勔封季瑛。裴澤郭遵等爲首斬之。殿庭。尋除黃門

侍郎。及周兵陷晉陽。帝輕騎還鄴。窘急計無所從。之推因官者侍中鄧長顓進奔陳之策。乃勸募吳士千

餘人以爲左右。取青徐路共投陳國。帝甚納之。以告丞相高阿那肱等。不願入陳。阿那肱召周軍約生致齊主故也。見劫主紀。乃云。

吳士難信。不須募之。勸帝送珍寶累重向青州。且守三齊之地。若不可保。徐浮海南度。雖不從之。推計策。

猶以爲平原太守。令守河津。齊亡入周。大象末。爲御史上士。隋開皇中。太子召爲學士。甚見禮重。尋以疾。

終。有文三十卷。家訓二十篇。竝行于世。曾撰觀我生賦。文致清遠。〔案〕諸本多刪此賦不錄。今以顏氏一生涉履備見此中。故依史文全錄之。且爲之注。其

詞曰。仰浮清之藐藐。俯沈奧之茫茫。〔淮南子天文訓〕清陽者薄降而爲天。重濁者凝滯而爲地。〔詩大雅瞻卬〕藐藐吳天。無不克繫。〔傳〕藐藐大貌。左氏襄四年傳。虞人之箴曰。芒芒禹迹。畫爲九州。已

生民而立教。乃司牧以分疆。內諸夏而外夷狄。驟五帝而馳三王。〔公羊成十五年傳〕春秋內其國而外諸夏。內諸夏而外夷狄。〔白虎通號篇〕鈞命決曰。三皇步五

帝趙三王馳五霸聲。大道寢而日隱。小雅摧以云亡。〔班孟堅兩都賦序〕昔成康沒而頌聲寢。王澤竭而詩不作。〔孟子離婁上〕王者之途熄而詩亡。〔毛詩序〕小雅盡廢。則四夷交侵。中國微矣。哀趙武

之作孽。怪漢靈之不祥。趙武。謂趙武靈王也。武靈王胡服騎射事。見〔戰國趙策〕。〔續漢書五行志〕靈帝好胡服。胡騎。胡林。胡坐。胡飯。胡琴。胡舞。胡箭。京都貴戚。咸競爲之。此服妖也。其後董卓多擁胡兵。填塞街衢。虛掠宮掖。發掘園

陵。施頭翫其金鼎。典午失其珠囊。〔史記天官書〕昴曰施頭。胡星也。一本作魁頭。〔左氏宣三年傳〕楚子伐陸渾之戎。遂至于郢。觀兵于周疆。定王使王孫滿勞楚子。楚子問鼎之大小輕重焉。對曰。在德不在鼎。昔夏之

方有德也。道方圖物。黃金九牧。歸鼎象物。使民知神。森榮有昏德。罪遷于商。載祀六百。商封暴虐。罪遷于周。蜀志漢用傳。典午忽兮。月西沒兮。典午者謂司馬也。案代魏者晉。姓司馬氏。珠璣當出緯書。孔穎達周易正義序。秦亡金鏡。未墜斯文。漢珠璣重與。儒雅。初學記。引尚書考靈曜云。河圖子提。期地帶赤用。藏龍吐珠。康成注。河圖子劉氏而提起也。藏祕也。珠寶物喻道也。赤漢當用天之祕道。故河龍吐之。

灑澗鞠成沙漠。神華浪爲龍荒。

尚書禹貢。荆河惟豫州。伊洛

灑澗既入于河。漢書地理志。灑水出河南穀城縣。亭北。測水出宏農新安縣。通典州郡七。荆河之州。永嘉之亂。沒於劉石。詩小雅小弁。跋踰周道。鞠爲茂草。漢書蘇建傳。李陵歎曰。徑萬里兮度沙漠。古沙漠作幕字。神華。中華也。史記孟子荀卿列傳。騶衍以爲儒者所謂中國者。於天下乃八十一分居其一分耳。中國名曰赤縣神州。漢書匈奴傳。五月大官龍城祭其先天地鬼神。又敘傳。龍荒。幕朔莫不來庭。吾王所以東運。我祖於是南翔。

自注。晉中宗以瑛邪王南度。

之推瑛邪人。故稱吾王。

去瑛邪之遷越。宅金陵之舊章。

金陵本吳地。後越滅吳。其地遂爲越有。故稱越也。說金陵者各不同。唯張敦頤六朝事迹序爲明析。言楚威王因山立號。置金陵邑。或云以此有王氣。故埋金以鎮。

之。或云地接金陵之陵。故謂之金陵。秦時望氣者云。五百年後有天子氣。始皇東巡。乃鑿鍾阜。斷金陵長隴。以通流。改其地爲秣陵縣。詩大雅。阿。爾土字。版章。

作羽儀於新邑。樹杞梓於水鄉。

易漸上九。鴻漸于陸。其

羽可用爲儀。吉。尚書召誥。周公朝于洛。則述觀于新邑。營。左氏襄廿六年傳。如杞梓皮革。自楚往也。洛陽伽藍記三。蕭衍子西豐侯蕭正德曰。下官雖生於水鄉。而立身以來。未遭陽侯之難。傳清白而勿替。守法度而不

忘。後漢書楊震傳。轉涿郡太守。子孫常蔬食步行。故舊長者。或欲令爲開產業。震不肯曰。使後世稱爲清白吏子孫。以此遺之。不亦厚乎。左氏昭廿九年傳。仲尼曰。夫晉國將守唐叔之所受法度。

速微躬之九葉。頽世濟

之聲芳。

左氏文十八年傳。世濟其美。不隕其名。

問我辰之安在。鍾狀惡於有梁。

我辰安在。詩小雅小弁。文本作我良者。爲。

養傳翼之飛獸。

自注。梁武帝納亡人侯景。授其命。

遂爲反叛之基。(加注)傳說曰附飛獸飛虎也。史臣避唐諱改。周書賈敏解無虎傳翼將飛入邑澤人而食。

子貪心之野狼。

(自注)武帝初養臨川王子正德爲嗣。生昭明。後正德還本。特封臨賀王。猶懷怨恨。徑叛入北。而遺積財養士。每有異志。

也。(加注)史記項羽紀。猛如虎。很如羊。貪如狼。左氏宣四年傳。謬曰。狼子野心。

初召禍於絕域。重發覺於蕭牆。

(自注)正德求征侯景。至新林。叛。投景。景立爲主。以攻襄城。

雖萬里而作限。

聊一革而可航。指金闕以長轂。向王路而蹶張。

(賈誼書過秦上)鉏耨棘矜。不敵於鉤戟長鏃。漢書申屠嘉傳。以材官蹶張。如淳曰。材官之多力。能騰踏。蹶張之律。有蹶張士。師古曰。今

之弩。以手張者曰蹶張。

勤王踰於十萬。曾不解其搯吭。

(左氏傳廿五年傳)求諸侯。莫如勤王。史記劉敬傳。夫與人闘。不握其腕。拊其背。未能全其勝也。集解。張晏曰。腕。喉也。索隱。嗔音厄。阮音

胡。漢反。音胡。剛反。蘇林以爲頸大縣。俗所謂胡脈者也。(案)脈與吭同。漢書作亢。

嗟將相之骨骸。皆屈體於犬羊。

(自注)臺城陷。援軍並聞訊。二宮致敬于侯景也。加注)史記專諸傳。方今吳國外困於楚。而內空

無骨鯁之臣。

武皇忽以厭世。白日黯而無光。既饜國而五十。何克終之弗康。嗣君聽於巨猾。每凜然而負芒。

(陶潛讀山海經詩)巨猾肆威暴。欽馮遠帝官。漢書霍光傳。宣帝謁見高廟。大將軍光從殿上內殿。懼之。若有芒刺在背。

自東晉之逢難。寓禮樂於江湖。迄此幾於三百。左任淡

於四方。詠苦胡而永歎。吟微管而增傷。世祖赫其斯怒。奮大義於沮漳。

(自注)孝元帝時爲荊州刺史。加注)授

(左氏哀六年傳)江漢雖漳。楚之寤也。

犀函與鶴膝。建飛雲及餘煌。

犀函。犀甲也。周禮考工記。燕無函。注。函。鐵也。孟子曰。矢人豈不仁於函人哉。又函人爲甲。犀甲。七屬。兕甲。六屬。犀甲壽百年。兕甲壽二百年。方音九。矛。殺類。如犀。犀者謂之鶴膝。初學記。明管

令曰水戰有飛雲船若年船先登船飛鳥船（郭璞江賦）深飛雲建餘艖餘艖即左氏傳之餘皇北徵兵於漢曲南發饒於衡陽（自注）湘州刺史河東王粲雍州刺史岳陽王粲其隸荊州都督府（加注）說文輝野嶺

也昔承華之賓帝實兄亡而弟及（自注）太子薨乃立晉安王爲太子（加注）文選陸士衡皇太子宴季園詩馳厥負楫振綱承華（李善注）引洛陽記曰太子宮在大宮東中有承華門（周書太子晉解）王子曰吾

後三年將上賓於帝所（史記魯周公世家）叔牙曰一繼一及晉之常也（集解）何休曰父死子繼兄終弟及逮皇孫之失寵歎扶車之不立（自注）嬌皇孫雖出封豫章王而薨（加注）扶車疑是綠車（獨斷）綠車名

曰皇孫車（天）開王道之多難各私求於京邑襄陽阻其銅符長沙閉其玉粒（自注）河東岳陽皆昭明子（加注）子有孫乘之

銅虎符竹使符（集解）應劭曰銅虎符第一至第五國家當發兵遣使者至郡合符符合乃聽受之（索隱）古今注云銅虎符銀錯書之張晏云銅取其同心也（梁書河東王粲傳）襄陽城沒襄陽湘鎮世祖遣周宏直督其艦前後使三反響鼓不從遽自戰於

其地豈大助之暇集子既損而姪攻昆亦圍而宵襲褚乘城而叔下杜倒戈而夜入（自注）季元以河東不供（自注）季元以河東不供

史大軍掩至河東不暇遣拒世子借用羣小禽其子女玉帛遂欲攻之故河東急而逆戰世子爲亂兵所害季元發怒又使鮑泉圍河東而岳陽宣言大賊即擁衆襲荊州求解湘州之圍時襄陽杜岸兄弟怨其見劫不以實告又不義此行率兵八千夜降岳陽於是遁走河

東府諸顯族據投岳陽所以湘州見陷也行路彎弓而含笑骨肉相誅而涕泣周且其猶病諸孝武悔而焉及（漢書武五子傳）戾太子（自注）時年十九

上憐太子無辜乃作思子宮爲歸來望思之臺於湖天下聞而悲之方幕府之事殷謬見擇於人羣未成冠而登仕財解履以從軍（自注）時年十九釋獨湘東國右常

侍以軍功加鎮

西蜀曹參軍

非社稷之能衛

(禮記檀弓下)能執干戈以衛社稷

□□□□□□僅書記於陸隴罕羽翼於風雲及荆王之定

霸始驕恥而圖雪舟師次乎武昌撫軍鎮於夏汭

(自注)時遣徐州刺史徐文盛領二萬人屯武昌廬州拒侯景將任約又第二子綏寧度方諸爲世子拜中撫軍將軍鄧州刺史以盛聲勢

(加注)注中綏寧度三字疑誤(左氏閔二年傳)天子曰寡子若行則守有守則從從曰撫軍守曰監國

濫充選於多士在參戎之盛列慙四白之調護廟六友之談說

(自注)時選中撫軍外兵參軍掌管記與文珪劉民英等與世子遊處(加注)四白四皓也(史記留侯世家)上欲廢太子留侯畫計曰上有所不能致者天下有四人迎此四人來從太子年皆八十有餘鬚眉皓白衣冠甚偉上怪之問曰彼何爲者四人前對各言名姓曰東園公角里先生綺里季夏黃公上乃大驚曰煩公幸卒調護太子(初學記)引晉公痛禮秩曰慙慙立東宮乃置六傅省尙書事始置詹事丞文書關由六傅時號太子六友雖形就而心和匪余懷之所說音悅緊

深宮之生貴矧垂堂與倚衡

(漢書袁盎傳)臣聞千金之子不垂堂百金之子不騎衡(如淳曰)騎倚也衡樓殿邊欄楯也(案)顏用倚衡正與如淳說合顏師古乃云騎謂跨之非古義也

欲推心以厲

物樹幼齒以先聲

(自注)中撫軍時年十五(加注)(後漢書光武帝紀)降者更相謂曰蕭王推赤心置人腹中安得不投死乎(風塵厲也)(漢書梅福傳)爵祿東常者天下之底石高祖所以厲世磨鈍也樹立也齒年也(漢書韓信傳)廣武君

曰兵固有先聲而後實者 愼敷求之不器乃畫地而取名

(詩曹風下泉)愼我寤歎(箋云)愼歎息之意(釋文)苦愛反(書伊訓)敷求哲人俾輔于爾後嗣不器言不器使也(漢書張湯傳)霍光問千秋戰國方略山川

形就千秋口對兵車畫地成圖無所忘矣千秋游子安世長子也

仗禦武於文吏

(自注)以虞預爲鄧州司馬領城防事

委軍政於儒生

(自注)以鮑泉爲鄧州行事遷播州府也

值白波之猝

駭逢赤舌之燒城。

〔後漢書獻帝紀〕白波賊寇河東〔章懷注〕薛瑗書曰黃巾郭泰等起於西河白波谷時謂之白波賊〔太平經千丈八〕赤舌燒城吐水于餅

王凝坐而對寇白詡拱以臨兵。

〔自注〕任約爲文盛所困侯景自上救之舟艦弊漏軍饑卒疲戰失利乃令宋子仙任約步道偷鄆州城預無備故陷賊〔加注〕〔續書鮑泉傳〕鄆州平元帝以長子方諸爲刺史泉爲長史行府州事不卹軍政唯蒲酒自樂賊騎至百姓奔告方諸與泉方雙陸不信既而傳告者衆始令闔門賊縱火焚之城陷執方諸及泉送之景所景後殺之白當指鮑泉猶言白面書生也詡拱或是胡拱之誤

莫不變鵠而化鶴皆自取首以破腦。

〔抱朴子〕周穆全王征久而不歸一軍盡

化君子爲猿爲鶴小人爲沙爲蟲鶴與鶴同

將睥睨於渚宮先憑陵於他道。

〔自注〕景欲攻荊州路由巴陵〔加注〕〔漢書田蚡傳〕睥睨兩宮閒師古曰睥睨旁視也〔案〕睥睨卽睥睨也〔左氏文十年傳〕子西沿漢涘

江將入鄴王在清宮下見之〔案〕清宮在荊州正義云當鄆郡之南〔左氏襄廿五年傳〕今陳介恃楚衆以馮陵我敵邑

懿永寧之龍蟠。

〔自注〕永寧公王僧辯救巴陵城善於守禦景不能進〔加注〕此龍蟠以喻莫之敢擾耳

奇護軍

之電掃。

〔自注〕護軍將軍陸法和破任約於赤亭湖景退走大潰〔加注〕〔後漢書皇甫嵩傳〕關忠說嵩曰將軍兵動若神謀不再計播強易於折枯消堅甚於湯雪旬月之間神兵電掃

犇虜快其餘毒縲囚膏乎

野草。

〔左氏成三年傳〕兩粵因以成其好〔杜注〕景繁也案與縲同〔孔安國論語注〕縲黑索〔文選〕司馬長嘯論巴蜀檄〕肝膈塗中原膏液潤野草〔李善注〕引春秋改異郵曰枯骸收該血膏潤草

幸先主之無勸賴膝

公之我保。

〔自注〕之推執在景軍例當見殺景行臺耶中王則初無舊識再三救護獲免因以還都〔加注〕先主謂蜀先主也舊本作先生譚〔魏志呂布傳〕布既降生縛之布請曰明公將步布將騎則天下不足定也太祖有疑色劉備進曰明公不見布之

事丁建陽及董太師乎太祖領之於是縱殺布〔史記淮陰侯列傳〕韓信亡楚歸漢爲連敖坐法當斬其輩十三人已斬夫至信信仰親遠見諒公曰上不欲就天下乎何爲斬壯士諒公奇其言乃釋而不斬與語大說之言於上上拜以爲治粟都尉諒公乃夏侯嬰也 剡

鬼錄於岱宗，招歸魂於蒼昊。

〔自注〕時解衣脫而獲全。〔加注〕剗削也。魏文帝與吳質書：徐陳應劉一時俱逝，頃撰其遺文，都爲一集，觀其姓名已爲鬼錄。《博物志》：授神契曰：太山天帝孫也，召人魂，東方萬物始故主人。

命之長短。〔古樂府怨詩行〕：人閒樂未央，忽然歸東嶽。〔魏應璩百一詩〕：年命在桑榆，東嶽與我期。〔楚辭〕：有招魂。〔爾雅釋天〕：春曰蒼天，夏曰昊天。

荷性命之重賜，銜若人以終老。賊棄甲而來復。

肆驚距之鳴鳶。

〔左氏宣二年傳〕：宋城，華元爲植，巡功，城者謳曰：睥其目，聃其腹，棄甲而復。子思于思，棄甲復來。〔杜注〕：棄甲謂亡師。〔張茂先鷓鴣賦〕：屬劍介其驚距。詩：小雅四月傳：屬鳶食殘之鳥也。

積假屨而弑帝。

憑衣霧以上天，用速災於四月。奚聞道之十年。

〔自注〕：秦城陷，梁武曾獨坐歎曰：侯景於文爲小人，百日天子，及景以天寶二年十二月十九日僭位，至明年三月十九日，秦城逃竄，是一百二十

日。〔杜注〕：履所踐履之界，衣霧當作依霧。〔舊唐書〕：新詔均任鷓鴣。天龍蛇有翻說之質，故能乘雲依霧。注中拜字疑。

就狄俘於舊壤，陷戎

俗於來旋，慨黍離於清廟，愴麥秀於空廡。鼙鼓臥而不考，景鐘毀而莫懸。

〔詩〕：王黍離序：閔宗廟也。周大夫行役，至於宗周，過故宗廟宮室，盡爲禾黍，閔

周室之顛覆，彷徨不忍去而作是詩也。〔史記〕：宋微子世家：箕子朝周，過故殷虛，感宮室毀壞，生禾黍，箕子傷之，欲哭則不可，欲泣爲其近婦人，乃作麥秀之詩以歌詠之。〔周禮〕：地官鼓人：以鼙鼓鼓軍事。〔毛詩傳〕：考擊也。〔晉語七〕：魏顆以其身却退秦師於輔氏，親止杜

回，其勳銘於景鐘。

野蕭條以橫骨，邑闕寂而無烟。疇百家之或在。

〔自注〕：中原冠帶隨晉渡江者，百家。故江東有百譜，至是在都者，覆滅略盡。

覆五宗

而翦焉。

〔史記〕：五宗世家：孝景皇帝子凡十三人爲王，而母五人，同母者爲宗親。〔書〕：五子之歌。〔覆宗紀〕：〔杜注〕：成二年左傳：翦盡也。

獨昭君之哀奏，唯翁主之悲絃。

〔自注〕：公主子女，見尋見隨。〔加注〕

〔石崇王明君辭序〕王明君者，本是王昭君，以觸文帝諱改之。匈奴盛請婚於漢，元帝以後宮良家子昭君配焉。昔公主嫁烏孫，令琵琶馬上作樂，以慰其道路之思。其途明君亦必爾也。〔史記大宛傳〕烏孫以馬千匹聘漢女漢道宗室女江都翁主，往妻烏孫烏孫王昆莫。以爲右夫人。〔漢書西域傳〕公主悲愁，自爲作歌曰：吾家嫁我兮天一方，遠託異國兮烏孫。王穹廬爲室兮，旃爲牆，以肉爲食兮，酪爲漿。居常土思兮，心內傷。願爲黃鵠兮，歸故鄉。

經長干以掩抑。

〔自注〕長干，舊回家巷。〔加注〕〔劉涓子注〕吳

都賦〕建業南五里有山岡，其間平地，吏民雜居。東長干中有大長干，小長干，皆相連。大長干在越城東，小長干在越城西。地有長短，故號大小長干，掩抑意不舒也。

展白下以流連。

〔自注〕靖侯以下七世墳塋，皆在白下。〔加注〕白下一名白下。

門，今江寧縣地。深燕雀之餘思，感桑梓之遺愛。

〔禮記三年問〕今是大鳥獸，則失喪其羣匹，越月踰時焉，則必反巡，過其故鄉，流連不能去也。翔回焉，鳴號焉，踯躅焉，踟躕焉，然後乃能去之。小者至於燕雀，猶有嗚嚙之頃。

焉，然後乃能去之。〔詩小雅小弁〕維桑與梓，必恭必敬止。

得此心於尼甫，信茲言乎仲宣。

〔王仲宣登樓賦〕悲舊鄉之壘隔兮，涕橫墜而弗禁。昔尼父之在陳兮，有歸歎之歎音。鍾儀爾而楚奏兮，莊芻顯而越吟。人情同於

懷土兮，豈窮達而異心。

邊西土之有衆，責方叔以薄伐。

〔自注〕永寧公以司徒爲大都督。〔加注〕〔書牧誓〕逸矣西土之人，邊與邊同。又〔秦誓中〕西土有衆，咸聽朕言。〔詩小雅采芣〕方叔涖止，其車三千。又〔六月〕薄

伐玁狁，至于太原。

撫鳴劍而雷咤，振雄旗而雲窅。

咤與吒同，陟嫁切，叱怒也。窅當作峯，倉沒切，危高也。

千里追其飛走，三載窮於巢窟。屠蚩尤於

東郡，挂郅支於北闕。

〔自注〕旃斬侯景，烹屍于建業市，百姓食之。至于肉盡，骸骨傳首荊州。懸于郅支街。〔加注〕〔史記五帝本紀〕蚩尤作亂，不用帝命，於是黃帝乃徵師諸侯，與蚩尤戰于涿鹿之野，遂禽殺蚩尤。〔續漢書郡國志〕東平國

壽張，故郅支郡。〔劉昭注〕蓋豐曰：蚩尤家在縣關鄉城中，高七丈。〔漢書陳湯傳〕郅支單于殺漢使者，湯矯制發城郭諸國兵，薄城下，單于被創死，軍候殺丞杜勳，斬單于首，於是上疏，宜縣頭，壹街，夷歸，閉以示萬里。

弔幽魂之冤枉，掃園

陵之蕪沒，殷道是以再興。夏祀於焉不忽，但遺恨於炎崑。火延宮而累月。

〔自注〕侯景既平，我師採糧失火，燒宮殿蕪盡也。〔加注〕〔書詞征〕火炎崑闕。

玉石俱焚，指余權於兩東。兩東未詳，或湘東之謫。

侍昇壇之五讓。

〔魏志文帝紀〕乃爲壇於紫陽，王升壇卽降。〔漢書袁盎傳〕陛下至代邸，四穆讓天子者三。南鄉讓天子者再。夫許由一讓，陛下五以天下讓，過許

由四矣。〔案〕元帝屢讓王僧辯等勳進表，至大寶三年冬始卽位於江陵，故云。

欽漢官之復覩，赴楚民之有望。

〔後漢書光武帝紀〕時三輔吏士東迎更始，見諸將皆冠幘而服，婦人衣，詣于諸將，莫不笑之，或有畏而走者。

及見司隸僚屬，皆歡喜不自勝。老吏或垂涕曰：不圖今日復見漢官威儀，由是識者皆屬心焉。

攝絳衣以奏言，忝黃散於官謗。

〔自注〕時爲散騎侍郎，奏舍人事也。〔加注〕舍人是兼職，故曰攝絳衣當是舍人所服。〔晉書

陳壽傳〕杜預爲壽于帝，宜補黃散。〔職官志〕散騎常侍，與侍中黃門侍郎共平尚書奏事。〔左氏莊廿二年傳〕敢尊高位以速官謗。

或校石渠之文。

〔自注〕王司徒表送祕閣舊事八萬卷，乃詔比較部分爲正御副重雜三本。左民尙

書周弘正黃門郎彭僧朗直舍學士王珪、戴陵、校經部左僕射王夔、吏部尙書宗懷正、員外郎顏之推、直學士劉仁英、校史部廷尉卿殷不害、御史中丞王季純、中書郎鄧藎、金部郎中徐報、校子部右衛將軍庾信、中書郎王固、晉安王文學宗善、直舍學士周肅、校律部也。

〔加注〕〔班固兩都賦〕又有天祿石渠典籍之府。命夫惇誨，故老名儒，師傳講論，乎六藝，務合乎周。異啓發篇章，校理祕文。〔後漢書藝文傳〕昔孝宣會諸儒於石渠。〔案〕石渠議奏載漢書藝文志。

時參柏梁之唱。

〔古文苑〕漢武帝元封三年作

柏梁臺，詔羣臣二千石有能爲七言詩，乃得上座。帝詩云：日月星辰和四時，和者自梁孝王而下，至東方朔凡二十四人。

顧甌之不算，灑波濤而無量。

自晉器小而響大，過也。〔方言五〕甌，甌陳、魏、宋、楚之間謂之甌，自關

而西謂之甌，其大者謂之甌。

屬瀟湘之負罪。

〔自注〕陸納。〔加注〕瀟湘二水名，在荆南。〔梁書元帝紀〕大寶三年冬，執湘州刺史王琳子殿內琳，副將殷雲下獄死。林州長史陸納及其將潘烏累等舉兵反，殺陷湘州。

兼眠餓

之自王。

〔自注〕武陵王〔加注〕岷峨蜀二山名。武陵王紀爲益州刺史。蜀地也。〔紀傳〕侯景亂。紀不赴援。高祖崩後。紀乃僭號於蜀。將圖荆。陝。時陸納未平。蜀軍復逼。世祖憂焉。既而納平。樊猛獲紀。殺之於硤口。

矜既定以鳴鸞。脩

東都之大壯。

〔自注〕詔司農卿黃文超營殿。〔加注〕〔元帝紀〕承聖二年七月。詔日。今八表又清。四郊無曠。宜從青蓋之典。晉書曰。水之鄉。蓋有意仍都建鄴也。周禮春官巾車疏。引韓詩升車則馬動。馬動則鸞鳴。鸞鳴則和應。〔班固四都賦〕大輅

鳴鸞。容與徘徊。鑿與鸞同。〔詩小序〕車攻。宣王復古也。復會諸侯於東都。因田獵而還。車徒焉。〔易繫辭傳下〕聖人易之以宮室。上棟下宇。以待風雨。蓋取諸大壯。

驚北風之復起。慘南歌之不暢。

〔自注〕秦兵繼來。〔加注〕

〔元帝紀〕承聖三年。秦州刺史嚴超遠。自秦郡圍涇州。魏復遣將步六汗薩。率衆救涇州。九月。魏遣其柱國万紐于謹。率大衆來寇。左氏襄十八年傳。師曠曰。吾驥歌北風。又歌南風。南風不競。多死聲。

守金城之湯池。轉絳宮之

玉帳。

〔自注〕孝元自曉陰陽兵法。初聞賊來。頗爲厭勝。被圍之後。每歎息知必敗。〔加注〕〔漢書食貨志〕神農之教曰。有石城十仞。湯池百步。帶甲百萬。而亡粟。弗能守也。〔秦州記〕凡城皆稱金言其固也。故墨子稱金城湯池。〔秦〕今墨子此語亡。攷絳宮玉帳。蓋

避甲六壬之書。元帝明於占候。見金樓子自序。〔廣雅釋言〕厭鎮也。亦作壓。謂爲鎮壓之術。制之以取勝也。

徒有道而師直。饒無名之不抗。

〔自注〕孝元與宇文丞相斷金結和。無何見滅。是師出無名。〔加注〕〔左氏傳

廿八年傳〕子犯曰。師直爲壯。曲爲老。〔禮記檀弓下〕吳健陳。問陳大宰。曰。師必有名。人之稱斯師也者。其謂之何。〔又曰〕師曰。君王討敵邑之罪。又從而救之。師與有無名乎。〔案〕宇文丞相謂宇文覺也。〔周書于謹傳〕梁元帝密與齊氏通使。將謀侵軼。其兄子岳陽王

督以元帝殺其兄。譽據襄陽來附。仍請王師。乃令謹率衆出討。旬有六日。城陷。梁主降。尋殺之。

民百萬而囚虜。書千兩而煙燭。溥天之下。期文盡喪。

〔自注〕北於墳籍少於江東。三分之一。

一。梁氏剝亂。散逸溼亡。唯孝元。總合通重十餘萬。史籍以來。未之有也。兵敗悉焚之。海內無復書府。〔加注〕車一乘。曰兩。〔後漢書吳祐傳〕祐父恢爲南海太守。欲殺青以寫經書。祐諫曰。此書若成。則載之兼兩。

憐嬰孺之何辜。矜老

疾之無狀。

漢書項籍傳吳時諸侯卒卒縣
投屯戍過秦中秦中遇之多無狀

奪諸懷而棄艸踏於塗而受掠。

奪艸句謂嬰請受掠句
謂老疾賂仆也掠奪也

冤乘輿之殘酷。

軫人神之無狀。

此兩字誤
狀或是仗

載下車以黜喪拚桐棺之藁葬。

左氏襄廿五年傳崔氏側莊公子北郭丁亥葬諸士孫之里
四壘不墜下車七乘不以兵甲又哀二年傳桐棺三寸不設

屬辟素車機馬無入于兆下彌之詞也。

雲無心以容與風懷憤而鬱恨井伯飲牛於秦中子卿牧羊於海上。

左氏僖五年傳晉廢虞
滅之執虞公及其大夫井

伯以饋秦穆姬此云井伯飲牛蓋以人之謬百里奚者加之以井伯百里奚爲一人也史記蘇建傳建中子武字子卿以父任
稍遷至移中殿監使匈奴單于欲降之徒武北海上無人處使牧羝羝乳乃得歸既至海上廩食不至掘野鼠去其食而食之

留劍

之妻人銜其斷絕擊磬之子家繼其悲愴。

留劍留以爲別也事未
詳擊磬之子謂儒生

小臣恥其獨死實有媿於胡顏。

曹子建上黃
躬歷詩表

忍垢苟全則犯詩人胡顏之譏。
李善注即胡不遺死之義也

牽病瘖而就路。

自注時患膈氣加注瘖與瘖
同玉篇病也說文瘖設傷也

策驚蹇以入關。

自注官給
瘦蹇瘦馬

下無景而

屬蹈上有尋而亟蹇嗟飛蓬之日永恨流梗之無還。

曹植詩轉蓬離本根飄飄隨長風何意迴纒舉吹我入雲中戰
國齊策蘇代謂孟嘗君曰士偶人與桃梗相與語士偶曰子東國

之桃梗也刻削子以爲人溜水至
流子而去則漂漂者將如何耳

若乃辛牛之旌九龍之路土圭測影瑤璣審度或先聖之規模乍前王之典故。

與神鼎而借沒切仙宮之永慕。

周書于謹傳收梁府庫珍寶得宋渾天儀梁日晷銅表魏相風銅蟠螭大玉徑四尺圍七尺
及諸靈瑩法物以獻軍無私焉周禮地官大司徒以土圭之法測土深正日景以求地中

〔書錄〕在璿璣玉衡以齊七政〔孔傳〕璿璣王者正天文之器可運轉者〔史記封禪書〕秦滅周之九鼎入於秦或曰宋太邱社亡而鼎沒於泗水彭城下

爾其十六國之風教七十代之州壤

十六國當

以詩有十五國風并魯數之爲十六也或者身已入關舉崔鴻所記載之十六國爲言亦未可定

接耳目而不通詠圖書而可

想何黎氓之匪昔徒山川之猶曩每結思於江湖將取弊於羅網

此卽終制篇所云計吾兄弟不當仕進所以觀冒人閒亦以北方政教嚴切全無隱避者故也

代竹之哀怨聽出塞之嘹朗對皓月以增愁臨芳罇而無賞

所謂異方之樂概令人悲也

日太清之內聲彼天齊而外侵

始盛國於淮潁遂壓境於江潯

〔自注〕侯景之亂齊氏深斥梁家土宇江北淮北唯餘廬江晉熙高唐新蔡四陽齊昌數郡至孝元之敗于是盡矣以江爲界也〔加注〕〔史記封禪書〕齊所以爲齊以天齊也〔集解〕蘇林

曰天中

獲仁厚之鱗角尅僞秀之南金爰衆旅而納主車五百以復臨

〔自注〕齊道上黨王渙率兵數萬納梁貞陽侯明爲主〔加注〕〔詩周南麟之趾序〕雖貞

世之公子皆信厚如麟趾之時也麟之角振振公族晉書薛兼傳兼少與紀

返季子之觀樂釋鍾儀之鼓琴

〔自注〕梁武聘使謝捭徐陵始

得還南凡厥梁臣皆以禮遺〔加注〕〔左氏襄廿九年傳〕吳公子札來聘請觀於周樂又成九年傳晉侯觀於軍府見鐘

竊聞風而

清耳傾見日之歸心試拂善以貞噬遇交泰之吉林

〔自注〕之推聞梁人返國故有再齊之心以丙子歲且葦東行吉不遇泰之坎乃喜曰天地交泰而更當坎重險行而不失其信此吉卦

也。但恨小往大來耳。後逢吉也。〔加注〕《易師象》師貞丈人吉。案《鄭注禮記》編。嘗欲秦而更楚。假南路於東尋。〔呂氏春秋首時篇〕墨

者有田鳩欲見秦惠王。留秦三年而弗得見。客有言之於楚王者。往見楚王。楚王說之。與將軍之節以如秦。至因見惠王。皆人曰。之秦之道。乃之楚乎。固有近之而遠。遠之而近者。乘龍門之一曲。歷砥柱之雙岑。〔尚書禹〕

賈。《柳河積石》。至于龍門。南至于華陰。東至于底柱。〔水經注四〕魏土地記曰。梁山北有龍門山。大禹所鑿。〔注又云〕砥柱。山名也。昔禹治洪水。山陵當水者鑿之。故破山以通河。河水分流。包山而過。山見水中。若柱然。故曰砥柱。亦謂之三門山。在絳城東北。太陽城東也。

〔公羊文十二年傳〕河形千里而一曲。案《河從積石北行又東乃南行至于龍門》。此所以云一曲也。冰夷風薄而雷响。陽度山載而谷沈。〔海內北經〕從極之淵深三百仞。維冰夷恆都焉。〔郭璞注〕冰夷即

馮夷也。淮南云。馮夷得道以潛大淵。即河伯也。薄道各切。〔易繫辭上傳〕雷風相薄。响許后切。囉也。〔郭璞注〕賦。《溢流雷响而電激。陽度懸陽侯之謠。初學記引博物志。大波之神曰陽侯。山載猶音載。山古載載字通。倅挈龜以憑潛。類斬

蛟而赴深。挈龜事未詳。唯毛寶事略相近。見《續搜神記》云。晉成康中。豫州刺史毛寶。皮移城。買一白龜。子放之。後郗城遭石勒敗。衆人越江。莫不沈溺。寶一同自投。既入水。覺如隨一石上。中流視之。乃是先所養白龜。既送至東岸。出頭視此人。徐游而去。

〔爾雅〕滄深也。新蛟。博物志載。滄臺滅明次。非當邱。訴三事。〔晉書周處傳〕處投水搏蛟。蛟或沈或浮。行數十里而處與之俱。經三日三夜。果殺蛟而反。昏揚舡于分陝。曙結纜於河陰。〔自注〕水路七百

注。《王逸注楚辭九章》云。船。船有窗。屬者。陔失。冉切。維船索也。追風。颺之逸氣。從忠信以行吟。〔列子說符〕孔子自衛反魯。息駕乎河梁。而觀焉。有懸水三

出。孔子問之曰。巧乎。有道術乎。丈夫對曰。始吾之入也。先以忠信。及吾之出也。又從以忠信。錯香輻於波流。而香不敢用私。所以能入而復出也。〔說苑雜言篇〕家語致思篇。載此事。遭厄命而事旋。舊國從於採芑。

先廢君而誅相，訖變朝而易市。

〔自注〕至都便值陳興而梁滅，故不得還南。〔加注〕梁敬帝即位於陳霸先所誅之相謂王僧辯。

遂留滯於漳濱，私自怜其何已。謝

黃鶴之迴集，惡翠鳳之高時。

漳濱謂鄆，卽北齊所都也。恰俗鶴字。〔西京雜記〕始元元年，黃鶴下太液池，上爲歌曰：自願薄德愧爾嘉祥之推，自言其至止也。視黃鶴之下鳳皇之儀，爲有愧也。

曾微令思

之對，空竊彥先之仕。

令思，華譚字彥先，顯榮字。〔晉書譚傳〕廣陵人，刺史糖紹舉譚秀才，武帝親策之時，九州秀孝策無逮譚者，博士王濟於衆中嘲之曰：君吳楚之人，亡國之餘，有何秀異而應斯舉？答曰：秀異固產於方外，不出於中城也。是

以明珠文具，生於江甌之濱，夜光之璧，出乎荆楚之下，故以人求之，文王生於東夷，大禹生於西羌，子弗聞乎？濟又曰：夫危而不持，顛而不扶，至於君臣失位，國亡無主，凡在冠帶，將何所取哉？答曰：吁，存亡有運，興衰有期，天之所廢，人不能支，諒否泰有時，豈人事之所能哉？濟甚禮之。又〔榮傳〕吳人也，弱冠仕吳，吳平入齊，例拜爲郎，齊王同召爲大司馬主簿，同擅權驕恣，榮懼及禍，終日昏福，不綜府事，同誅長沙王，又以爲長史，又敗轉成都王，顯丞相從事，中郎以世亂還吳，屬廣陵相陳敏，反假榮右將軍，丹楊內史，榮數踐危亡之際，恆以恭遜自免，後與甘卓紀瞻潛謀起兵攻敏，事平還吳，元帝鎮江東，以榮爲軍司，朝野甚推敬之。

纂書盛化之旁，待詔崇文之裏。

〔自注〕齊武平中，署文林館待詔者，僕射器休之，祖孝徵以下三十餘人之推專掌其撰修文

殿御覽續文章流別等，皆詣進賢門奏之。〔加注〕〔唐六典〕魏文

帝招文儒之士，始置崇文館，王廙以散騎常侍領崇文館祭酒。

〔自注〕將以通直散騎常侍遷黃門郎也。〔加注〕〔獨斷〕

武官太尉以下及侍中常侍，皆

款一相之故人。

〔自注〕故人，祖僕射掌機密，吐納帝令也。

賀萬乘之知己，抵夜語之見忌，寧懷殿之足恃。

〔韓非內儲說下〕靖郭君相齊，與故人久語，則故人富，頃左右取則左，右重，久語，懷敵小資也，猶以成富，況於吏勢乎？此夜語疑亦久語之譏。

諫譖言之矛戟，惕險情之山水，由重裘以勝寒，用

去薪而沸止。

〔自注〕時武職疾文人之推家禮遇，每橫劍術，故侍中崔季舒等六人以獲誅之。推爾日，鄰禍而免，僥倖或有毀之，推子祖僕射者，僕射察之無實，所知如舊不忘。〔加注〕諫舊作諫，諫與刺通。〔荀子榮辱篇〕與人善言，燮于布帛，傷人之言。

深于矛戟。〔莊子列御寇〕孔子曰：凡人心險於山川，難於知天。〔三國魏志王昶傳〕

諺曰：救寒莫如重裘，止謗莫如自修。後漢書董卓傳：臣聞竭湯止沸，莫若去薪。

予武成之燕翼，遵春坊而原始，唯驕奢

之是脩，亦佞臣之云使。

〔自注〕武成奢侈，後宮御者數百人，食於水陸，貢獻珍異，至乃厭飽，棄于廁中，裋衣悉羅縠錦繡，珍玉，藏成五百一段，爾後宮掖遂爲舊事。後主之在宮，乃使賄提婆母陸氏爲之，又胡人何洪珍等爲左右，後皆

預政亂國焉。〔加注〕詩大雅文王有聲，詒厥孫謀，以燕翼子。傳云：燕安翼敬也。〔箋云〕傳其所以順天下之謀，以安其敬事之子孫，謂使行之也。〔案〕春坊之名，隋書百官志不載，唐六典注云：北齊有門下坊，典書坊，龍朔二年改門下坊爲左春坊，典書坊爲右春坊，據

此則唐已前，尚未以春坊爲官名，以其東宮所在，故以春名之，是時俗所呼，後來卽以爲官名。

惜染絲之良質，惰琢玉之遺社，用夷吾而治臻，昵狄牙而亂起。

〔自注〕

用事則朝野蕭然，政刑有綱紀矣。盛提婆等苦孝，微以法繩己，請而出之，于是教令昏亂，至于滅亡。〔加注〕墨子所染篇：墨子見染絲者，歎曰：染於蒼則蒼，染於黃則黃，五入則爲五色，故染不可不慎也。情當作墮壞也。〔禮記學記〕玉不琢不成器，夷吾管敬仲名狄牙，卽易牙，謂齊桓公用管仲則霸，用狄牙等則亂起也。誠怠荒於度政，惋驅除之神速。度政疑是虛政。〔史記秦楚之際月表〕王賁之興，起於閭巷，合從討伐，軼於三代，懲秦之禁，適足以資賢者爲驅除雜耳。肇平

陽之爛魚，次太原之破竹。

〔自注〕晉州小失利，便棄軍還井，又不守并州，奔走向鄆。〔加注〕平陽，晉州太原并州。〔公羊傳〕十九年傳：梁亡，自亡也。其自亡奈何？魚爛而亡也。〔何休注〕魚爛從內發，故云爾。〔晉書杜預傳〕今兵威

已振，譬如破竹，數節之後，迎刃而解。

實未改於弦望，遂□□□□及都□而昇降，懷墳墓之淪覆，迷讖主而狀人，競已棲而

擇木。〔左氏哀十一年傳〕鳥則擇木，木豈能擇鳥。六馬紛其顛沛，千官散於犇逐，無寒瓜以療饑，靡秋登而照宿。

〔自注〕時在季冬，故無此物。〔加注〕〔吳

越春秋三〕越王復伐吳，吳王率其羣臣遁去，晝馳夜走，至胥山四坂中，得生瓜，吳王掘而食之。〔後漢書靈帝紀〕張讓段珪劫少帝，陳留王協走小平津，帝與陳留王夜步逐，熒光行數里，得民家露車，共乘之，與餐同。

讎敵起於舟中，胡

越生於輦轂。

〔說苑貴德篇〕吳起對魏武侯曰：在德不在險，若君不修德，船中之人，盡敵國也。〔漢書司馬相如傳〕嘗從至長楊獵，因上疏諫曰：今陛下好險阻，射猛獸，卒然遇逸材之獸，與不及還，人不暇施巧，是胡越起於前，而羌夷接軫也。

豈不殆哉！壯安德之一戰，邀文武之餘福，屍狼籍其如莽，血爭黃以成谷。

〔自注〕後主彝後，安德王延宗，收合餘燼於井州，夜戰，殺數千人。周主欲退，齊將之降周者告

以虛實，故留至明而安德敗也。〔加注〕〔左氏哀元年傳〕吳日斃於兵，暴骨如莽，血爭黃，見易坤文言。

天命縱不可再來，猶賢死廟而慟哭。

〔三國蜀志後主傳注〕漢晉春秋曰：後主將從譙周之策，北地王

怒曰：若理窮力屈，禍敗必及，恒當父子君臣背城一戰，同死社稷，以見先帝可也。後主不納，是日譙哭於昭烈之廟，先殺妻子而後自殺。

乃詔余以典郡，據要路而問津。

〔自注〕除之推為平原郡，據河津以爲奔陳之計。

斯呼航而濟水，郊鄉導於善鄰。

〔自注〕約以鄆下一戰不尅，當與之推入陳。〔加注〕〔淮南子道應訓〕公孫龍在趙之時，謂弟子曰：人而無能者，龍不與之遊，有客衣褐帶索而見曰：臣能呼公孫龍，願謂弟子曰：門下故有

惟呼者乎？對曰：無有。公孫龍曰：與之弟子之籍，數日往，說王至於河上而航，在北使客呼之一呼而航來。

不羞寄公之禮，願爲式微之賓。

〔儀禮喪服傳〕寄公者何也？失地之君也。何以爲所寓？服齊衰三月也。言與民同也。

〔詩小序〕式微，黎侯寓于衛，其臣勸以歸也。

忽成言而中悔，矯陰疎而陽親。

〔離騷〕初既與余成言兮，後悔過而有他。

信詔謀於公主，競受陷於姦臣。

〔自注〕委相高

阿那肱等不願入南，又懼失齊主，則得罪於周朝。故謀閉之推，所以齊主留之推守平原城而索船度濟，向青州。阿那肱求自鎮濟州，乃啓報應齊主云：無賊勿忽，忽違道周軍追齊主而及之。

彘九圍以制命，今八尺而由人。

九圍見詩商頌，人身中制七尺，今曰八尺，言其長也。

四七之期必盡，百六之數盡屯。

〔自注〕趙郡李穆叔調，妙占天文算術，齊初踐祚，計止於二十八，至是如期而滅。〔加注〕〔漢書律志〕易九厄曰：初入元百六陽九。

〔孟康曰〕初入元百六歲有厄者，則前元之餘氣也。又〔谷永傳〕遭无妄之卦，運直百六之災，〔說文〕渣奄忽也。

子一生而三化，備荼苦而蓼辛。

〔自注〕在揚都，值侯景殺簡文而篡位於江陵，逢孝元覆滅，至此而

三爲亡國之人。

鳥焚林而餒鬪，魚奪水而鬯鱗。

〔左思蜀都賦〕鳥鬯，鬯歌廢足，鬯所札切。

嗟宇宙之遼曠，愧無所而容身。夫有過而自訟，始

發矇於天真。

〔禮記仲尼燕居〕三子者既得聞，此言也於夫子昭然若發矇矣。

遠絕聖而棄智，妄銷義以羈仁。

〔老子道經〕絕聖棄智，民利百倍。絕仁棄義，民復孝慈。此言銷羈，猶言束縛。

舉

世溺而欲拯，王道鬱以求申。旣銜石以填海，終荷戟以入秦。

〔北山經〕發鳩之山，有鳥名曰精衛，是炎帝之少女，遊於東海，溺而不返，常銜西山之木石以堙東海。

亡

壽陵之故步，臨大行以逡巡。

〔莊子秋水篇〕壽陵餘子學行於鄆，未得國能，又失其故行矣。大行山名。

向使潛於艸茅之下，甘爲吠畝之人，無讀書

而學劍，莫抵掌以膏身。

〔漢書東方朔傳〕朔初來上書曰：臣明年十二學書，十五學擊劍，十六學詩書，誦二十二萬言，十九學孫吳兵法，亦誦二十二萬言。〔戰國策〕蘇秦見說趙王於華屋之下，抵掌而談，趙王大說，膏身猶言潤身。

委明珠而樂賤，辭白璧以安貧。堯舜不能榮其素樸，桀紂無以汙其清塵。此窮何由而至，茲辱安所自臻。

而今而後，不敢怨天而泣麟也。

（公羊哀十四年傳）西狩獲麟，孔子曰：孰爲來哉，孰爲來哉，反袂拭面，涕沾袍。

之推在齊有二子，長曰思魯，次曰懃楚，不

忘本也。之推集在思魯，自爲序錄。



顏氏家訓注補并重校

卷一

序致 慈兄鞠養，苦辛備至，有仁無威。

（晉書嵇康傳）陶愷詩曰：母兄鞠育，有慈無威。

治家 南陽有人，爲生與博。

（文選陸機君子有所思行，善說膏梁士，醫生與且博，李善注）韋昭漢書注曰：生業也。廣雅曰：奧藏也。

卷三

勉學 今夜吳臺鶴，亦往共填河。

（幽華紀麗）引（風俗通）云：織女七夕當渡河，使鵲爲橋。

卷五

養生 華山之下，白骨如莽。

（孔叢子陳士義篇）魏王曰：吾聞道士登華山，則長生不死，愈亦願之。對曰：古無是道，非所願也。

歸心 唐終南山釋道宣廣宏明集引此文，今取以校。

四塵五廢 作陰。

明非堯舜周孔 有之字。

所及也。

內典初門設五種。

有之字。禁 下二句作

與外書仁義五常符同。

固 作因。民之性，不可卒除。

其五以縱有因緣 如作而。

報善惡。

夫遙大 作天。

之物，寧可度量，往。

來環轉不得錯

作儂

違其開遲疾

作速

理宜

作寧

一等

九州未割

作畫

乾

作懸

象之大

豈得以人事尋常

抑必字

宙

有之字

外也

作乎

凡人之

作所

信唯耳與目

耳目

作自此

之外咸致疑焉

或渾或蓋

乍宜

作尊

○案虞夏有尊天

論云天形穹隆如笠而

冒地

之表

乍安斗極所周

作管

維所屬

而欲必無恆沙世界

微塵數劫也

作乎

及來河北不信有二萬斛

作石

船

倏忽之間

作十

變五

作萬

化

踊出

作生

妙塔乎

夫信謗之微

作興

有如影響

時儻差闌

作開

項橐

作顏

回之短折原憲伯夷

作是

之凍餒

更爲通

作實

耳

若觀凡僧

作張

流俗便生非

毀

以

作無此字

詩禮之教

格朝廷之人

作士

一披

作被

法服

不必剃落鬚

髮

禡

作禡

佞之國則有自然稻

米

望於後身似

不相

作速

屬

世有魂神

示現

作亦作

夢想或降童

妾

以此而論安可不爲之作

作有

地乎

遺其

作以

基址

況

於己之神爽頓欲棄之哉

作乎

下有故兩疎得其一隅累代詠而強光矣

十四字當補入

○案疎與疏同

漢書疏廣傳

廣字仲

翁東海蘭陵人也地節三年立皇太子廣爲太傅

兄子受字公子爲少傅在位五歲乞骸骨賜黃金二

十斤皇太子贈以五十斤既歸日令家共設酒食

請族人故舊賓客相與娛樂

子孫幾立產業基址廣曰自有舊田足是以共衣食

此

金聖主所以惠養老臣也故樂與鄉黨宗族共饗其賜

此云得其一隅者蓋子孫固當愛護而已爲尤重

兩疎則知重已矣是得其一隅

金聖主所以惠養老臣也故樂與鄉黨宗族共饗其賜此云得其一隅者蓋子孫固當愛護而已爲尤重兩疎則知重已矣是得其一隅

也。此兩句正與上文意相足。

凡夫蒙蔽。不見未來。故言彼生與今。有生。非一體耳。而爲。勤苦脩德乎。汝曹若

觀俗計。作人生居世。須顯俗計。

樹立門戶。不。棄妻子。未能。出家。但當兼修戒行。留心誦讀。此乃

仁者用心。有也。

不能悉錄耳。梁世有人。臨死。髮中但聞。歌嘞數千雜難。聲。頭

有具。是。自頸以。下方爲人耳。

王克爲永嘉郡。梁孝元在江州。時。有人爲望蔡。縣

令。縣令以牛繫刹。無柱字。

稍。醒而。覺體癢爬搔。疹因爾成。十許。年死。非手殺牛。

有則。噉之不美。末體人一條。宏明集無。

卷六

書證 太公六韜有天陳地陳人陳雲鳥之陳。注引六韜見三陳篇。又下所引。今本在烏雲山兵篇下。又有烏雲澤兵篇云。鳥散而雲合。變化無窮者也。凡鳥皆鳥字之譌。案提奇經八陳。天地風雲。

爲四正。飛龍翼虎鳥翔蛇蟠爲四奇。杜少陵詩。共說總戎雲鳥陳。正本此。可知烏乃誤字也。

卷七

音辭

孫叔言創爾雅音義

〔案〕〔魏志王肅傳〕稱樂安孫叔然以名與晉武帝同故稱其字〔陸德明釋文〕亦云炎字叔然今此作叔言亦似取莊子大言炎炎爲義得無炎本有兩字邪故仍之

開而不閉

管子小問篇作開而不闕說苑作吁而不吟注呂氏有執柘杵而上視者管子作執席食以視上者

桓公口



顏氏家訓注補正

卷一

王大司馬母魏夫人。

注中應增入貞陽既踐位仍授僧辯大司馬。領太子太傅揚州牧斬句則大司馬字方有著落。

卷二

梁世有庾晏嬰。注未詳。

案梁書文學傳庾仲容幼孤爲叔父誅所養初爲安西法曹行參軍。誅時已貴顯吏部尙書徐勣疑誅子晏嬰爲宮殿。誅垂泣曰：「兄子幼孤人才粗可願以晏嬰所乘選用之。」

梁武帝弟出

爲東郡。

此東郡謂建康以東之郡如吳郡會稽之類若秦漢之東郡不在梁版圖之內。

蒼頡篇有倍字音羽罪反。

案廣韻十四韻部有倍字云痛而叫也于罪切與羽罪音正同。

卷三

梁朝皇孫以下總卯之年必先入學。

梁書武帝紀天監九年三月乙未詔曰：「王子從學著自禮經貴游咸在實惟前誥所以式廣義方克隆教道今成均大啓元良齒讓自斯以降宜肄業皇太子及王侯之子年在

從師者可令入學。

上荆州必稱陝西。

大昕案荆州在巴峽之東不當云陝西蓋陝字之譌南齊書州郡志江左大鑑莫過荆揚周世二伯總諸侯周公主陝東召公主陝西故稱荆州爲陝西也俗生耳受便以陝西代江陵之稱則昧於地

理故顏氏讀之。

卷四

謝靈運空疎亂紀

案靈運空疎。廷之隘薄。二語見宋書靈陵王義真傳。

卷五

宋有顏延之

案廷之未嘗以將兵顯覆其子峻雖不善終亦非由將兵之故且與其父何預後讀宋書劉敬宣傳王恭起兵京口以劉牢之爲前鋒牢之至竹里斬恭大將顏延之乃悟此文顏廷下衍一之字牢之專在晉末而見於宋書故之推繫之宋耳

或後來校書者因廷之爲宋人妄改晉爲宋也

卷七

謂郢州爲永州

案司州所領郡縣無永州之名竊疑永爲雍之譌郢雍聲相近猶鈍之與段耳雍州正漢司隸所部也

傳

歎扶車之不立

扶車疑是扶蘇之譌蓋以秦太子扶蘇比昭明太子也

注矯皇孫驩

驩當作媯。梁書驩作媯。

非社稷之能衛

監本殿本俱有小字注。童汪簡三字疑非本注。

注綏寧度

度當作侯下文陽侯字亦譌爲度可證也梁世諸王之子例封縣侯

奚聞道之十年

後漢書公孫述傳述夢有人語之曰八么子系十二爲期覺謂其妻曰雖貴而祚短若何妻對曰朝聞道夕死尙可況十二乎



中華民國陸拾肆年
叁月拾柒日
交

中華民國二十八年九月初版

(40788.1)

國學基
本叢書
顏氏家訓
附傳補
遺補正
一冊

每冊實價國幣伍角
外埠酌加運費匯費

撰者 顏之推

注者 趙曦明

補注者 盧文弨

發行人 王長沙雲五

印刷所 商務印書館

發行所 商務印書館

G 一二五八上

國家圖書館



000432640



籍